

প্রকাশক :

ফার্মা কে, এল, মুখোপাধ্যায়  
২৫৭ বি, বিপিনবিহারী গান্ধী স্ট্রীট  
কলিকাতা-৭০০০১২

প্রথম প্রকাশ-১৯৪৪

মুদ্রাকর :

শ্রী অরুণচন্দ্র মজুমদার  
আভা প্রেস  
৬বি, গুড়িপাড়া রোড,  
কলিকাতা-১৫

## সূচীপত্র

	পৃষ্ঠা
১। কমল সদাইগরের পালা	১
২। আন্ধা বন্ধু	৭২
৩। ফিরোজ খাঁ দেওয়ান-সখিনা বিবির পালা	১২৫
৪। পরীবাহু বেগমের পালা	১৯৩
৫। স্ফুজাতনয়ার বিলাপ ( হাঁওলা )	২২৭
৬। ছুরত্ জামাল-অধুয়া স্তন্দরী পালা	২৪৭
৭। কবরের কান্না	৩৩১
৮। বারোতীর্থের গান বা রাজা ভগদত্তের পালা	৩৮৫



## কমল সদাইগরের পালা

### ভূমিকা

এই সম্পাদনায় 'কমল সদাইগর পালা'র ছত্র সংখ্যা ১০৮৪, ইহার মধ্যে ৮৬৪ ছত্র মাননীয় দীনেশ চন্দ্র সেন ডি, লিট মহাশয় তাঁহার সম্পাদিত 'পূর্ববঙ্গ গীতিকা' তৃতীয় খণ্ডে প্রকাশ করিয়াছেন। সেন মহাশয়ের সম্পাদনার সঙ্গে এই সম্পাদনার ১০২টি ছত্রে বা ছত্রাংশে তাৎপর্যে পার্থক্য ঘটায় তাঁহার পাঠ তৎতৎ স্থলে পাদটীকায় দেওয়া হইল, শব্দের অগ্রপশ্চাৎ ছত্রের স্থান বিপর্যয় ঘটিত পাঠান্তর এবং বানান ঘটিত পাঠান্তর উল্লেখ করা হইল না। যে ২২০টি ছত্র সেন মহাশয়ের সম্পাদনায় নাই, তাহা বুঝাইতে ঐ ছত্রগুলির শেষে '+' চিহ্ন দেওয়া হইয়াছে।

কমল সদাইগর পালার রচয়িতা কবির নাম-পরিচয় বোধহয় বহুকাল বিস্মৃতির গর্ভে বিলীন হইয়া গিয়াছে, অতএব উহার অনুসন্ধান বৃথা। এই পালা সম্পর্কে মাননীয় দীনেশ চন্দ্র সেন মহাশয় তাঁহার সম্পাদিত পালার ভূমিকায় লিখিয়াছেন,—‘যদিও এই পালার সংগ্রাহক আশুতোষ চৌধুরী মনে করেন যে, ইহার কোনোও না কোনোও ঐতিহাসিক ভিত্তি আছে, কিন্তু আমি বিশ্বাস করি তদ্রূপ অনুমান সর্বৈব অমূলক। বিমাতার চক্রান্তে শিশুদের হৃদশার কাহিনী রূপকথা সাহিত্যের এতটা যায়গা জুড়িয়া আছে যে ইহা সহজেই মনে হয় যে এই পালাটি সেই সব পালার অন্ততম। মোটামুটি বলিতে গেলে ‘শীত-বসন্ত’ নামক যে পালাটি আমরা শৈশবে শুনিয়াছি এবং অন্ধশতাব্দী পূর্বে যে কাহিনী বঙ্গের পিতামহীগণের হৃদান্ত শিশুগণের ভুলাইবার অমোঘ



অল্পস্বরূপ ছিল কমল সদাগর সেই শীত বসন্তেরই রূপান্তর। এই শীত বসন্ত নামক রূপকথাটিই কাজাল হরিনাথ ‘বিজয়-বসন্ত’ নাম দিয়া অর্দ্ধশতাব্দী পূর্বে প্রকাশিত করিয়াছিলেন। এই আখ্যায়িকার বহু সংস্করণ হইয়া গিয়াছে, তাহাতেই প্রমাণিত হয় যে পালাটি বঙ্গ দেশের কত প্রিয় ও আদরের জিনিষ। \* \* ‘শীত বসন্ত’ নামে মুদ্রিত পুস্তকও আমরা ছুই একখানা দেখিয়াছি। সকলেরই বর্ণনীয় বিষয় এই প্রাচীন রূপকথার প্রতিপাত্ত কাহিনী। \* \* আশুতোষ বাবু মনে করেন, চট্টগ্রামের দক্ষিণে বঙ্গোপসাগরের যে সব ক্ষুদ্র ক্ষুদ্র দ্বীপপুঞ্জের উল্লেখ ১১৬৫ খ্রীষ্টাব্দের দামোদর দেবের তাম্রসাশনে পাওয়া যায়, এই গীতিকাবর্ণিত বসন্তপুর তাহাদেরই অগ্ন্যতম। পালা রচকেরা তাহাদের নিজেদের বাসস্থানের পক্ষপাতী হইয়া কাহিনীগুলির ঘটনাস্থল নিজেদের পল্লী হইতে অনতি দূরবর্তী কল্পনা করিয়া থাকেন। তাই বলিয়া আমরা এই ভৌগলিক তত্ত্বকে কোনও ঐতিহাসিক ইঙ্গিত বলিয়া মনে করিতে পারি না। \* \* \*।’

এই পালার কবির নাম কেহ জানেন না। পালার বন্দনা গানটি কোনও গায়নের রচিত। পালা অনুসন্ধানকালে এই পালার বিভিন্ন বন্দনা গান আমি দেখিয়াছি। পালা রচনার ভাষা দৃষ্টে মনে হয় কবির বাসস্থান চট্টগ্রাম জেলায় কর্ণফুলি নদীর দক্ষিণ তীরবর্তী অঞ্চলে ছিল, তবে সমগ্র পালা—যাহা এখন আমরা পাইতেছি, তাহা মূল কবির রচনার ভাষা নহে। লক্ষ্য করিলে দেখা যাইবে এই ভাষায় খ্রীষ্টীয় পঞ্চদশ শতাব্দী হইতে আরম্ভ করিয়া ঊনবিংশ শতাব্দীর আঞ্চলিক ‘কন্ফুলী’ উচ্চারণ ও কথ্য ভাষার মিশ্রণ আছে। ইহার কারণ, কাহিনীটির জনপ্রিয়তা।

এই কাহিনীর যুলে কোনো সত্য ঘটনা আছে কি না তাহা নির্ণয় করা আমার পক্ষে সম্ভব হয় নাই! দেওয়ান ‘আলাল-ছুলালের’ পালার ঐতিহাসিক তথ্য নির্ণয়ের জন্ত মাননীয় সেন মহাশয় কলিকাতা বিশ্ববিদ্যালয়ে বসিয়া যেরূপ চেষ্টা করিয়াছিলেন কমল সদাগরের পালা সম্পর্কে সেরূপ কিছু না করিয়া সম্ভবত পালাটি পড়িয়াই রূপকথা শ্রেণীতে ফেলিয়া দিয়াছেন।

পূর্ব বঙ্গের পল্লী অঞ্চলে যে সমস্ত প্রাচীন রূপকথা পাওয়া যায়—যাহার কয়েকটি মাত্র মাননীয় সেন মহাশয় ও দক্ষিণা রঞ্জন মিত্র মজুমদার (ঠাকুরমার ঝুলি, ঠাকুরদাদার ঝুলি, ঠান্দিদির থলে প্রভৃতি গ্রন্থে) প্রকাশ করিয়াছেন, তাহার বর্ণনা ভঙ্গী ও কমল সদাগরের পালার বর্ণনাভঙ্গী এক নহে। বরং কমল সদাগরের পালার সঙ্গে অপরূপ সত্যঘটনামূলক পালার বর্ণনা ভঙ্গীর ছবছ মিল আছে। পূর্ববঙ্গের ঐতিহ্য অনুযায়ী কোনো গায়ের কোনো আসরে রূপকথা গান করেন না, রূপকথা সাক্ষ্য বিনোদনের উপকরণ। পক্ষান্তরে কমল সদাগরের পালা অজ্ঞাত সুদূর কাল হইতে গায়নেরা গৃহস্থগৃহে, বারোয়ারিতলায় দলবল লইয়া গান করিয়া আসিতেছেন। ইহা ছাড়া আর একটি লক্ষ্য করিবার বিষয়,—এই শ্রেণীর রূপকথার নামভূমিকায় দেখা যায় বিমাতার দ্বারা অত্যাচারিত বালক বালিকার নাম; যেমন—‘শীত বসন্ত’, ‘বিজয়-বসন্ত’, ‘লালু-ভুলু,’ ‘লালু-নীলু,’ ‘সাতভাই-চম্পা,’ ‘আলাল-ছুলাল’ ‘মণি-মাণিক’ প্রভৃতি। কিন্তু এ পালায় ‘চান্দমণি-সূর্যমণি’ নাম না দিয়া ‘কমল সদাইগর’ নামকরণ করা হইয়াছে। ইহাতে মনে হয় এই শ্রেণীর কাহিনীর মধ্যে এই কমল সদাইগর পালাটিই সর্বাপেক্ষা প্রাচীন, এবং এই পালার

জনপ্রিয়তা দেখিয়া পরবর্তীকালে, অপরগুলি রূপকথা আকারে রচিত ও প্রচলিত হইয়াছে।

পূর্ববঙ্গে প্রচলিত সত্যঘটনামূলক প্রাচীন গাথা ও রূপকথার মধ্যে প্রধান ও অতি স্থূল পার্থক্য,—একমাত্র মুসলমান কবি ছাড়া অমুসলমান কবিগণ তাঁহাদের রচনার মধ্যে কোনো অলৌকিক ঘটনা সন্নিবেশ করেন নাই, বা কোনো সাধুসন্ন্যাসী-দেবদেবীর মহিমা প্রচারের চেষ্টাও দেখা যায় না। রূপকথায় কিন্তু অলৌকিক ঘটনারই প্রাধান্য দেখা যায়। কমল সদাগরের পালার যে ‘খলা হাতির’ কথা আছে, উহা কাল্পনিক নহে। দক্ষিণ ভারতের ও এশিয়া মাইনরের ইতিহাস পর্যালোচনা করিলে দেখা যাইবে, প্রাচীনকালে ঐ সব অঞ্চলের ক্ষুদ্র ক্ষুদ্র স্বাধীন রাষ্ট্রে খেত হস্তী বা ‘রাজ হস্তী’ প্রতিপালিত হইত। কোনো রাজা বা রাষ্ট্রপতির দেহাবসানের পর সিংহাসনের অধিকার লইয়া সঙ্কট দেখা দিলে প্রজাসাধারণ ঐ হস্তীর দ্বারা রাজা বা রাষ্ট্রপতি নির্বাচন করিতেন। ১৯২৩ খ্রীষ্টাব্দের আগষ্ট মাস হইতে ১৯২৫-এর মার্চ মাস পর্যন্ত আমি যখন অবরুদ্ধ ছিলাম উত্তর বঙ্গে বক্সা বিপ্লবীবন্দী শিবিরে, তখন কুচবেহারের মহারাণীর নিকটে আবেদন করিয়া অনেকগুলি ইতিহাসের বই রাজপ্রসাদের গ্রন্থাগার হইতে আনাইয়া পড়িয়াছিলাম। সেই বইগুলির কয়েক খানার মধ্যে খেত হস্তীর দ্বারা রাজা ও রাষ্ট্রপতি নির্বাচনের কাহিনী পড়িয়াছি। কোন কোন বইতে পড়িয়াছি তাহা এখন আমার মনে নাই। এই বয়সে ও এই প্রকার ভগ্নস্বাস্থ্যে আমার পক্ষে নূতন করিয়া ঐ সব গ্রন্থের সন্ধান করা সম্ভব নহে। গত ২৮শে ফেব্রুয়ারী রাত্রে পশ্চিম বঙ্গের মুখ্য নির্বাচনী কমিশনার ব্রীভেক্ট রাঘবন বেতার বক্তৃতায় ঐ খেতহস্তী দ্বারা রাজা বা রাষ্ট্রপতি নির্বাচন

পদ্ধতি ঐতিহাসিক ঘটনা বলিয়া সমর্থন করায় সাহস পাইয়া এই ভূমিকার মধ্যে ব্যাপারটা সন্নিবেশ করিলাম। আমার জীবদ্দশায় যদি কোনো ঐতিহাসিক ঐ সব ইতিহাসের সন্ধান পান তবে জানাইলে বিশেষ অনুগৃহীত হইব এবং যদি এই গ্রন্থ পুণ্যুদ্ভব সম্ভব হয়, তবে তাহা ছাপাইবার ব্যবস্থা হইবে।— সম্পাদক কমল সদাইগর পালায় এই শ্বেতহস্তীর কথা ছাড়া বর্তমান যুগের দৃষ্টিতে আর কোনো আলৌকিক ঘটনা নাই।

ভারতে মুসলিম শাসন কালে বহু প্রসিদ্ধ স্থানের প্রাচীন নাম পরিবর্তন করা হইয়াছে, এবং কালক্রমে সেই প্রাচীন নামগুলি জনচিহ্ন ও ইতিহাস-ভূগোলের পৃষ্ঠা হইতে মুছিয়া গিয়াছে। ‘রাজদরিয়ার ঘাট’ ও ‘বাসন্তীনগর’ নাম দুইটিও সম্ভবত ঐ কারণেই অবলুপ্ত হইয়াছে। ঘটনা বর্ণনায় যাহা বুঝা যায় তাহাতে লামোদরদেবের তাম্রশাসনে উল্লিখিত চট্টগ্রামের দক্ষিণে দ্বীপপুঞ্জে বাসন্তীনগরের অবস্থিতি সম্ভব হয় না। কারণ, তাহা হইলে সেই সমুদ্রবেষ্টিত দ্বীপ হইতে দুইটি বালক লইয়া পলায়ন মইফুলার পক্ষে সম্ভব হইত না। বর্ণনায় বুঝা যায় বাসন্তী নগর হইতে পলাইয়া মইফুলা দুই তিন দিনের মধ্যেই পার্বত্য বনে প্রবেশ করিয়াছিল এবং সেখানে বেশ বড়ো ও গভীর পার্বত্য নদী ছিল। ইহা ছাড়া বর্ণনায় আরও দেখা যায় রাজদরিয়ার ঘাট হইতে বাসন্তী নগর যাইতে কমল সদাগরের ডিঙ্গা ‘কালাপানিতে’ পড়িয়াছিল। এইসব বর্ণনায় বাসন্তীনগর ছিল চট্টগ্রাম জেলার কর্ণফুলী নদীর তীরে, এবং রাজদরিয়ার ঘাট চট্টগ্রামের দক্ষিণে কোনো সমুদ্রগামী পার্বত্যনদীর মোহনায়।

এই পালায় বর্ণিত ঘটনার কাল সম্পর্কে কবির ভাষা বিচার করা নিরর্থক। কারণ, ইহার কবিলিখিত কোনো পাণ্ডুলিপি

প্রাচীন পূর্ববঙ্গ গীতিকা : ৫ম খণ্ড

পাওয়া যায় নাই। পালার ঘটনায় দেখা যাচ্ছে যে কমল সদাগর তাঁহার বানিজ্যপোত লইয়া সমুদ্র পথে বাণিজ্যে গিয়া বারো বৎসর সুদূর বিদেশে ছিলেন, এবং ‘ধলা হাতি’ বাঙ্গালী বালক চাঁদমণিকে অবাকালী পাহাড়ী রাজ্যের রাজসিংহাসনে বসাইলে রাজ্যের পাহাড়ী প্রজারা তাহা মানিয়া লইয়াছিল। খ্রীষ্টীয় চতুর্দশ শতাব্দীর মধ্যভাগে গোড়ের সুলতান সামসুদ্দিন ইলিয়াস ও তাঁহার সুষোণ্য পুত্র সুলতান সিকান্দার শাহের শাসনকালে বাঙ্গালী বণিক সদাগরদের সমুদ্র পারের বৈদেশিক বাণিজ্য সম্পূর্ণ রূপে লুপ্ত হয়, ইহার পর মুসলিম শাসনকালের মধ্যে বাঙ্গালী বণিকের ঐ সমুদ্রপারের বৈদেশিক বানিজ্য পুনরুজ্জীবিত হয় নাই। খ্রীষ্টীয় এয়োদশ শতাব্দীতে দক্ষিণ পূর্ববঙ্গে অনেকগুলি অলৌকিক শক্তিসম্পন্ন মুসলমান পীর, আউলীয়া, দরবেশ ও ফকিরের আবির্ভাব ঘটে। তাঁহারা তাঁহাদের অলৌকিক শক্তিমহিমায় মুগ্ধ করিয়া ঐ অঞ্চলের বহু অমুসলমানকে মুসলমান করিয়াছিলেন, কিন্তু তাঁহারা ঐ অঞ্চলের ও আসামের পার্বত্য জাতিগুলির মধ্যে বড় বেশী প্রভাব বিস্তার করিতে সমর্থ হন নাই; কারণ, অলৌকিক ক্ষমতাদ্বন্দের প্রতিক্রিয়ার পার্বত্য জাতিগুলির মনে সমতলবাসীদের প্রতি একটি স্বাভাবিক বিদ্বেষ ও অবিশ্বাস জন্মায়, যাহা এপর্যন্তও দূরীভূত হয় নাই। এক্ষণে ক্ষেত্রে কমল সদাগরের সমুদ্রপথে বৈদেশিক বাণিজ্য ও চাঁদমণির পার্বত্য রাজ্যের রাজসিংহাসন লাভ অন্তত খ্রীষ্টীয় চতুর্দশ শতাব্দীর পূর্ববর্তী ঘটনা বলিয়া অনুমান করিলে বোধ হয় অসঙ্গত হইবে না।

এই পালার শেষ ছত্র—“কমল সদাইগরের পালা করিলাম আদাই॥”—এই ‘আদাই’ শব্দটি বিশেষ তাৎপর্যপূর্ণ বলিয়া মনে হয়। বিশেষ চেষ্টা করিয়া হস্তগত করাকে পূর্ববঙ্গে

‘আদাই’ বলে। ইহাতে বুঝা যায় কব যখন এই পালা রচনা করেন, তখন ইহার কাহিনী পল্লী সমাজে প্রচলিত ছিল। যদি এই কাহিনী সত্য ঘটনা মূলক না হইয়া রূপকথা হইত, তবে বোধ হয় মাননীয় সেন মহাশয়ের ভূমিকায় লিখিত—‘এই পালায় কোনোরূপ বিশিষ্ট কবিত্বের পরিচয় নাই।’—আক্ষেপ কবি মিটাইতে পারিতেন। সে ক্ষমতা যে কবির ছিল, তাহা তাঁহার রচনা পড়িলেই বুঝা যায়। কিন্তু পূর্ববঙ্গের প্রাচীন পল্লীকবিগণের শ্রোতা ও সমজদার ছিলেন পল্লীর সরল মানুষের দল। এই শ্রোতা ও সমজদারেরা সমসাময়িক পশ্চিমবঙ্গে রাজাজমিদারদের অল্পগ্রহপুষ্ট কবিগণের কবিত্বপূর্ণ রচনা ‘মঙ্গলকাব্য’ অপেক্ষা এইসব পল্লীগাথার মধ্যে নিজেদের দৈনন্দিন জীবন যাত্রার সুখ হঃখের প্রতিচ্ছবি দেখিয়া মুগ্ধ হইতেন বলিয়া পল্লীকবিগণ তাঁহাদেরই চাহিদা পূরণ করিয়া গিয়াছেন।

আগমেখরীপাড়া রোড

নবদ্বীপ

১৯৪৪

শ্রীক্ষিতীশ চন্দ্র মৌলিক

## কমল সদাইগরের পালা

বন্দনা :—

আসই গো মাও সরস্বতী, তুমি রইলা কতদূর ।  
তোমার জাগা<sup>১</sup> মনি মাতা নইছা শাস্তিপুর ॥  
শাস্তিপুরের আসন মাও গো দিবারে ছাড়িয়া ।  
মুই অধমরে কর দয়া এইখানে আসিয়া ॥  
ধবল আসন ধবল বসন ধবল সিংহাসন ।  
হুধ কলা দিয়া মাতা তোমারে করিব পূজন ॥  
আইস মাও গো সরস্বতী মোরে দেও বর ।  
এই অধমের কণ্ঠে দেও মা,  
নবীন কোইলার<sup>২</sup> স্বর ॥  
আইসু মাতা সরস্বতী, আমি পূজি তোমার পাও ।  
আমার জিব্বার আগায় নেত্যা কর সরস্বতী মাও ॥

পালা আরম্ভ :—

( ১ )

কাঁইচ্যা<sup>৩</sup> নদীর পাড়ে জাইল ভাইরে, বাসন্তী নগর ।  
সেই জাগাতে বসত কইরত কমল সদাইগর ॥  
চক্‌মিলাইলা বাড়ী যে তার দোতালা দালান ।  
চাইর দিগে বাগবাগিচা ছাম্‌নে ফুল বাগান ॥  
সিঁকের ছয়ারে<sup>৪</sup> তাহার কত রকম ঠাট<sup>৫</sup> ।

১। জাগা=স্থান। ২। কোইলার=কোকিলের।

৩। কাঁইচ্যা=কর্ণফুলি নদীর স্থানীয় নাম। ৪। সিঁকের ছয়ারে=  
সিংহদ্বার। ৫। ঠাট=সজ্জা।

ঘাঁটার আগত<sup>১</sup> মস্ত দীঘি খাগ বান্ধান ঘাট ॥  
 পাহির<sup>২</sup> ভরা মাছ তাহার গোলা ভরা ধান ।  
 জাহাজ স্লুপ<sup>৩</sup> বড়ো মুকা<sup>৪</sup> আর আছে সাম্পান ॥  
 গোয়াইল ভরা কত তার আছে বিয়ান<sup>৫</sup> \* গাই ।  
 ছাগল মইষ ভেরা গরু লেখা জোখা নাই ॥  
 আড়ি<sup>৬</sup> মাপি ট্যাক গণে কমল সদাইগর ।  
 লক্ষ্মী মাতা আসি তার জুড়ি আছে ঘর ॥  
 ঘরে আছে লক্ষ্মী বউ সোনার পরতিমা<sup>৭</sup> ।  
 সুরঙ্গিনী নাম তার রূপের নাই সীমা ॥  
 ভাহার গুণের কথা বলিব আর কত ।  
 খাওয়ানে দেওয়ানে<sup>৮</sup> নারী অন্নপূর্ণার মত ॥  
 পাড়াপাশীর মা-জননী সুরঙ্গিনী নারী ।  
 গরীব দুইখা কত খায় সদাইগরের বাড়ী ॥  
 অতিথ আর বরাক্ষণ আইসে পরম যন্তনে ।  
 পঞ্চ নেয়ামতে<sup>৯</sup> ১ করায় তারারে ভোজনে ॥  
 শুদ্ধমতি সুরঙ্গিনী পূজা কত করে ।  
 ভাহার গুণেতে লক্ষ্মী বান্ধা আছে ঘরে ॥  
 বৈশাখ মাসে তুলসী বিরিক্ষে বান্ধি দেয় বরা । \*

১। ঘাঁটার আগত = পথের সম্মুখে। ২। পাহির = পুকুর। ৩। স্লুপ =  
 জাহাজ অপেক্ষা ছোট সমুদ্রগামী পোত। ৪। মুকা = নৌকা। ৫।  
 বিয়ান = সবৎসা। ৬। আড়ি = বেতের ছোট বুরি। ৭। পরতিমা = প্রতিমা।  
 ৮। দেওয়ানে = দানে। ৯। পঞ্চ নেয়ামতে = বসিবার আসন, চরণ ধুইবার  
 জল, মানের ব্যবস্থা, আহাৰ্য ও বিশ্রামের স্থান—এই পাঁচটি পঞ্চ নেয়ামত।

পাঠান্তর :— \* ‘—ধিয়ান—’।

পাঠান্তর :—\* বৈশাখ মাসে তুলসীয়ে দিয়া থাকে ঝাড়া।



জষ্টি মাসে ষষ্টি পূজা আর পূজে তারা ।  
 আষাঢ় মাসে পূজা করে মাতা বসুমতী ।  
 শাওনে মনসা পূজে আর পড়ে পুঁথি ॥  
 ভাদ্র মাসে ভদ্র কালীর কইরা থাকে পূজা ।  
 আশ্বিন মাসেতে পূজে দেবী দশভূজা ॥  
 কার্তিক মাসে আশ্বিনের পানি ভাত খায় । (ক)  
 অমাবস্তার রাইতে কত পরদীপ জ্বালায় ॥ +  
 শ্যামা পূজা কার্তিক পূজা, বর্তু উপাসে<sup>১০</sup> । +  
 আকাশ পরদীপ, দেয় কত্ত মনের হরষে ॥ +  
 আঘন মাসে নয়্যা ধানে নবান্ন করিয়া । +  
 দেশের লোকে ভোজন করায় পরাণ ভরিয়া ॥  
 আঘন মাস পূর্ণিমা মাস সর্বশান্তর কয় । +  
 এই মাসে থাকে নারী সন্ন্যাসী সেবায় ॥  
 পৌষ মাসে পূজা করে চন্দ্র হেন দেবা ।  
 মাঘ মাসে সূর্য্য পূজা দিয়া রক্ত জবা ॥

১০। বর্তু উপাসে—ব্রত উপবাসে ।

(ক)—চট্টগ্রাম, ত্রিপুরা প্রভৃতি কয়েকটা জেলায় ষষ্ঠাদেবর বাড়ীতে দুর্গোৎসব হইত তাঁহারি বিজয়ার দিন দলে ভিড়ানো বাসিভাত (পান্তভাত) দেবতার ভোগ দিয়া সেই প্রসাদ নিয়মিত রক্ষা করিয়া কার্তিক সংক্রান্তি পর্যন্ত প্রত্যেকে প্রতিদিন কিছু কিছু খাইতেন। ইহার ফলে কাহারও অকাল-মৃত্যু হয়না বলিয়া লোকের বিশ্বাস।—ইতি—সম্পাদক !

কাল্পন মাসে গোবিন্দরে দোলায় যে দোলে ।  
চৈতন্য মাসে শিব পূজে আর সন্ন্যাস গাছ<sup>১১</sup> তোলে ।

এই মতে সদাইগর পুজি বারো মাস ।  
তুই পুত্র পাইয়াছে পুরিয়াছে আশ ॥  
চান্দমণি সূর্যমণি তুই ত কুমার ।  
ঘরের ছলল তারা পরাণ বাপ-মা'র ॥  
সাত বছরের চান্দমণি সৌন্দর্য বদন ।  
বাপ মায়ের আদরের পুত্র কলিঙ্গার ধন ॥  
কপালেতে ভাগ্য রেখা চমকে বিজুলি ।  
কুষ্ঠির মাঝে লেখা আছে রাজ্য হইব বলি ॥  
পাঁচ বছরের সূর্যমণি সোনার পোতলা<sup>১২</sup> ।  
রাম আর লক্ষ্মণ যেমন সদাইগরের পালা<sup>১৩</sup> ॥  
দাসী বান্দী আছে কত কি বলিব আর ।  
সুরঙ্গিনীর গুণে হইছে সোনার সংসার ॥  
মইফুলা নামে আছিল দাসী একজন ।  
চান্দমণি সূর্যমণি তার জীবনের জীবন ॥+  
কূলে কাঞ্চে<sup>১৪</sup> কইরা মানুষ করে সেই দাসী ।+  
চান্দমণি সূর্যমণি ডাকে তারে মাসী ॥  
হাপুতা আটকুড়া সেই অল্প বসের রাঁড়ী ।  
নতুন যীবনের ডাকে তেল কাজলা<sup>১৫</sup> নারী ॥  
সুরঙ্গিনী দেখে তারে ভাইনের সোমান ।+

১১ । সন্ন্যাস গাছ = চড়ক গাছ ।      ১২ । পোতলা = পুতুল ।      ১৩ ।  
পোলা = পুত্র ।      ১৪ । কূলে কাঞ্চে = কোলে কাঁধে ।      ১৫ । হাপুতা = সন্তান  
আকাঙ্ক্ষিনী ।      তেল কাজলা = পূর্ণ অন্ন সৌষ্টব সম্পদ ।

বাড়ীত্ দাস-দাসীর মধ্যে মহিফুলা পরধান ॥+  
 বাহির মন্তলে<sup>১৬</sup> কাম করে কামিলা<sup>১৭</sup> কত শত ।+  
 ক্ষেত খলা বাণিজ্যির ডিঙা আছে তার যত ॥+  
 হাইল্যা<sup>১৮</sup> চাষা গাবুর<sup>১৯</sup> \* কত কে করে গণন ।  
 ডেহেরিতে<sup>২০</sup> কাম করে চাকরিয়া গণ  
 ছুয়ানী<sup>২১</sup> টেঙল<sup>২২</sup> আর খালাসী যে কত ।  
 মাসে মাসে মাহিনা নেয় টাক্যা শত শত ॥  
 জাহাজের কামাই<sup>২৩</sup> আইসে বচ্ছর বচ্ছর ।  
 খনে জনে পুন্ন তার দোমাহালা ঘর ॥  
 চানকপাইল্যা<sup>২৪</sup> সদাইগর কনো অভাব নাই ।  
 সুখে রইছে সোনার খালত<sup>২৫</sup> ছুখে ভাতে খাই  
 মুহুরী যে ছিল তার গোবর্ধন নাম ।  
 সদাইগর দেখে তাতে সোদরের<sup>২৬</sup> সমান ॥  
 লেখাতে পড়াতে সেইনা অতি বড়ো কাইত<sup>২৭</sup> ।  
 তিরিশ ট্যাকা মাইনা মাসে আরও খায় ভাত ॥

( ২ )

আবার মাসে বান হইল গঙ্গার মাঝে চল : !

পহির<sup>২</sup> বিল ভাসি গেলুগৈ<sup>৩</sup> হইল জলস্থল ॥

- ১৬। মন্তলে=মহলে। ১৭। কামিলা=দিনমজুর। ১৮। হাইল্যা=লাঙ্গল বাহক। ১৯। গাবুর=পাহাড়ীয়া শ্রমিক। ২০। ডেহেরি=কাছারিতে। ২১। ছুয়ানী=জাহাজের কর্ণধার। ২২। টেঙল=জাহাজের কর্মচারী। ২৩। কামাই=উপার্জন। ২৪। চান কপাইল্যা=ভাগ্যবান। ২৫। খালত=খালয়। ২৬। সোদরের=সহোদরের। ২৭। কাইত=কায়স্থের মন্ত দক্ষ। ১। চল=জলরুদ্ধি। ২। পহির=পুকুর। ৩। গেলুগৈ=গিয়াছিল।

পাঠান্তর :—\*—‘গাকুর—’।

চুলছিঁড়া হোঁতঃ পড়িল কাঁইচা ঘাসের পরে ।  
 আহাশঃ কালা করি আরে অঝরে বিষ্টি ঝরে ॥\*  
 আষাইচ্যা সইক্ষায় সেই সুরঙ্গিনী নারী ।  
 সোয়ামীরে নিকটে ডাকি† কইছে তড়াতড়ি ॥  
 “কালুকা‡ রাতুয়ার§ কালে আমার গায় আইল ছর ।  
 বুগর¶ মাঝে কি যে আমার করে গো ধড়ফড় ॥  
 মাথাত্‌ কামড়ি উট্টে‡ থির রইতে নাই সে পারি ।  
 আমারে লইতে আইছে যাইব যমের বাড়ী ॥  
 দোন্‌ যাহু‡⁰ রইল আমার দেখিবা তারারে ।  
 বুগর‡ⁱ কলিজা খসাই আমি দিলাম ‡ তোমারে ॥  
 সদাইগর উডি‡² বলে,—‘বকিও না আর ।  
 তুমি ন‡³ থাকিলে আমার সংসার আঁধার ॥  
 ভালা হইয়া যাইবা তুমি ভাব অকারণ ।  
 আভাবনা‡⁴ ন ভাবিও ভালা কর মন ॥  
 আরে, কিবা ছোড়‡⁵ কিবা বড়ো  
 যমে কি আর মানে ।  
 আয়ু শেষ হইলে ভাই রে  
 তারে রশি‡⁶ ধইরা টানে ॥

- ৪। হোঁত=শ্রোত । ৫। আহাশ=আকাশ । ৬। কালুকা=গতকল্য ।  
 ৭। রাতুয়া=রাত্রি । ৮। বুগর=বুকের । ৯। মাথাত্‌ কামড়ি উট্টে=  
 মাথার কামড় উঠিয়া । ১০। দোন্‌ যাহু=দুইটি আদরের বালক । ১১। বুগর=  
 বুকের । ১২। উডি=উঠিয়া । ১৩। ন=না । ১৪। আভাবনা=হুর্ভাবনা ।  
 ১৫। ছোড়=ছোটো । ১৬। রশি=দড়ি ।

\* ‘—যাইয়া —’ ॥

\* ‘—দিগেলুম—’ ॥

পাঠান্তর :— \* আহাশ কানা করিয়ারে অঝোরে ঝড় নরে ।

পিঞ্জিরায় শুয়া<sup>১৭</sup> পঙ্খী ঘুরে  
 মায়ার কল-কারখানা ।  
 একদিন ফুরাই যাইব  
 এ ইনা ভবের আনাযানা ॥  
 তিন দিনকার জ্বরে রে ভাই  
 কি বলিব আর ।  
 সুরঙ্গিনী মারি গেলগৈ\*  
 উডিল হাহাকার ॥  
 মরিবার আগে নারী কি কাম করিল ।  
 মইফুলার হাতত<sup>১৮</sup> ধরি কইতে লাগিল ॥  
 “দোনো যাছ রইল আমার দেখিবা তারারে ॥”<sup>১৯</sup>  
 মা বলিতে ন রইল কন<sup>২০</sup> তারার এ সংসারে ॥  
 ক্ষুধার কালে ভাত দিবি তিরিষাতে পানি ।  
 দুঃখের কালে মাগুর মতন বুগত্ লইবি টানি ॥”  
 তারপরে ত সদাইগরের মুখর মিক্যা<sup>২১</sup> চাই<sup>২২</sup> ।  
 কষ্টে ছিষ্টে কইল নারী,—‘এখন আমি যাই ॥’  
 সদাইগর বলে,—‘তুমি কেনে এমন হইলা’ ।  
 সুরঙ্গিনী শুনি চোগর জল ছাড়ি দিলা ॥  
 চোগর<sup>২৩</sup> জল ছাড়ি নারী হইল আমাত<sup>২৪</sup> ।  
 কমল সদাইগর তহন মাথাত্ দিল হাত ॥

- ১৭। শুয়া=গুক। ১৮। হাতত=হাতে ১৯। তারারে=তাহাদের ।  
 ২০। কন=কোনজন। ২১। মিক্যা=দিকে ২২। চাই=চাহিয়া ।  
 ২৩। চোগর=চোথের । ২৪। আমাতন=নিবাক ।

পাঠান্তর :— \* ‘—যারগৈ—

পরাণ মন্থরা<sup>২৫</sup> ( ক ) উড়ি গেলগৈ পড়ি রইল কায়া ।\*  
 ভোজের বাজি এ সংসার কেবল মিছা মায়া ॥  
 সুখর কালে দুঃখ আসি করি দেয় নৈরাশ ।  
 রঙের বাস্তি নিপাই<sup>২৬</sup> দিল আসি কাল বাতাস ॥  
 সুরঙ্গিনীর লাগি কান্দে কমল সদাইগর ।  
 চান্দমণি সূর্যমণি কান্দিল বিস্তর ॥  
 কান্দিয়া যে সদাইগর কইতে লাগিল ।  
 “চান্দ সূর্য্য দোনো যাছ তুমি কার হাতত দিলা ॥  
 তুমি ছাড়া কনে<sup>২৭</sup> লইব কোলে মায়া করি ।  
 মিছা আমার ধন দৌলত মিছা সদাইগরী ॥  
 মিছা আমার দোমাহালা এইনা বাড়ী ঘর ।’  
 মাথা কুড়ি<sup>২৮</sup> কুড়ি কান্দে কমল সদাইগর ॥  
 “শূন্য রইল ফুল বিছানা শূন্য হইল পুরী ।  
 লেব তোষক খাট পালং রইল শূন্য পড়ি ॥  
 কেবা আমার করি দিব ফুলের বিছান ।  
 আর কেবা আনি দিব বাড়ী ভরা পান ॥”

মইকুলা দাসী কান্দে হইয়া বেয়াকুল ।  
 ধুলায় পড়ি রইল নারী ন বাঞ্চিল চুল ॥

২৫ । মন্থরা = মন্থনা পাখী ।

২৬ । নিপাই = নিভাইয়া ।

২৭ । কনে = কোনজনে । ২৮ । কুড়ি = কুটিয়া ।

( ক ) সেন মহাশয় ‘মন্থরা’ শব্দের অর্থ করিয়াছেন—“মন্থরা = প্রাণ ;  
 কোন স্থলে ‘মন্থরায়’ প্রয়োগ দৃষ্ট হয়, অর্থ মানব—এখানে আস্রা ।”

পাঠান্তর :— \* মন্থরা উড়িয়া গেল পড়ি রইল কায়া ।

চান্দমণি সূর্যমণি মাওরে হারাইয়া ।+  
 মইফুলা দাসীরে ধরে মাসীমাও বলিয়া ॥+  
 চৌক্ষের জল মুছি মাসী দোনো ভাইরে করে কোলে ।+  
 দোনো ভাইয়ের চৌক্ষের জল মুছায় আইকলে ॥+  
 খিদায় ডাকিয়া খাবায়<sup>২৯</sup> তিয়াসে দেয় পানি ।+  
 দোনো পোলা লই থাকে দিবস রজনী ॥+  
 সতীনারীর মরণ কথা যখন রাষ্ট্র হইল ।  
 হু হু শব্দে পাড়াপশি কান্দি উডিল ॥  
 গরিব ছুইখ্যা লোকে কান্দে সুরঙ্গিনীর লাগি ।+  
 খিদায় অন্ন পাইত তারা মাও বলি ডাকি ॥  
 খাইল্যা<sup>৩০</sup> বুগে সদাইগর রইল খাইল্যা ঘরে ।  
 তাহার কান্দনে ভাইরে গাছের পাতা ঝরে ॥  
 নিবিল চিতার আগুন নিবিল রে হয় ।  
 তুষের আগুন শোক পরান দহি যায় ॥  
 সুরঙ্গিনী নারীর হইল চন্দ্রধেনু কর্ম<sup>৩১</sup> ।  
 আলোকরথে স্বর্গে গেল ধন্য নারী জন্ম ॥  
 বহুত পণ্ডিত আইল বাসন্তী নগরে ।  
 রূপার কলসী পাইল দক্ষিণা মোহবে ॥  
 বরাক্ষণ সজ্জন খাইল গরিব ছুইখ্যা কত ।  
 দেশে লোক খাইল আর রাউয়া<sup>৩২</sup> শত শত ॥

২৯। খাবায়=খাওয়ায়। ৩০। খাইল্যা=খালি, শূন্য। ৩১। কর্ম=শ্রদ্ধ কাজ। ৩২। রাউয়া=রবাহত।

( ৩ )

তারপর হইল কিবা শুন সভাজন ।  
বচ্চরের মধ্যে হইল বহুত অঘটন ॥  
আরে ভাইরে,—

কপাল যহন<sup>১</sup> ভাঙ্গে তহন  
ডাঙ্গায় কুমইরে<sup>২</sup> খায় । +  
ভরা গাঙ্গে চর পইড়া

সাদুর<sup>৩</sup> নাও তলায় ॥ +  
কাল পাইয়ায়<sup>৪</sup> মারা পইড়ল  
সদাইগরের জাহাজ একখান ।

সদাইগরী কারবারে ত  
পড়ি গেল লোকসান ॥  
ট্যাকা পইসা জাইয়া রে ভাই  
শীতর জুয়াইরা<sup>৫</sup> জল ।

থেনে আইসে খেনে যায়  
মানুষের ভাইগা একটা ছল \* ॥  
সুখর সময় সগলেই

সুখর সাদাং<sup>৬</sup> হয় । +  
ছুঃখর সময় জাইয়া<sup>৭</sup> ভাই রে  
কেউ কারও নয় ॥ +

- ১। যহন=যখন। ২। কুমইরে=কুমিরে। ৩। সাদুর=সদাগরের।  
৪। কালাপানায়=কালো জলে অর্থাৎ গভীর সমুদ্রে, বঙ্গোপসাগরের এক অংশ  
'কালাপানি' নামে খ্যাত। ৫। শীতর জুয়াইরা=শীত কালে জোয়ারের।  
৬। সুখর সাদাং=সুখের বন্ধু। ৭। জাইয়া=জানিও।

পাঠান্তর :—\*—কল ॥



কমল সদাইগরের আছিল  
 কামলা চাকরিয়া যত ।  
 বোচকা সিদ্ধি<sup>৮</sup> কইরল তারা  
 যে যাহার মত ॥  
 মরে বসি কান্দে কমল  
 চৌক্ষে দেখে নিশা । +  
 কি কইরলে কি হইব  
 নাই সে পায় দিশা ॥ +

একদিন মনে মনে চিন্তি গোবর্ধন ।  
 সদাইগরের ছামনে আসি দিল দরশন ॥  
 গোবর্ধন যায়্যা বলে সদাইগরের কাছে ।  
 “বিয়া ন করিলে বড়ে ছুখে হইব পাছে ॥”  
 সদাইগর বলে “তুমি কও কিবান্ কথা ।  
 চান্দমনি সূর্যমণির কে বুঝিব বেথা ॥  
 ভাহার ডুপিল<sup>৯</sup> আমার হইলাম লক্ষ্মীছাড়া ।  
 ওরে—ভান্ধা বুগ আর আমার ন লাগি জোড়া ॥

গোবর্ধন বলে,—“আমি কি বলিব আর ।  
 ছারখার হই গেল সোনারই সংসার ॥  
 লাখর<sup>১০</sup> সদাইগরী যায় সাইগরে ভাসিয়া ।  
 আনরা হগ্লে<sup>১১</sup> বলি করন<sup>১২</sup> আর এক বিয়া ॥

৮। বোচকাসিদ্ধি=গোপনে অর্থ অগ্ৰহণ করিয়া নিজের তহবিল।

৯। ডুপিল=ডুবিল।

১০। লাখর=লক্ষ লক্ষ টাকা লাভের।

১১। হগ্লে=সকলে। ১২। করন=করুন।

ঘরর লক্ষ্মী আনি আবার থির করন মন ।  
 আজ্ঞা দেওন<sup>১৩</sup> বিয়ার লাগি করি আয়োজন ॥  
 এইরূপে পাড়াপশী বুঝাইতে লাগিল ।  
 বিয়ার কথায় সদাইগর ভাবিত হইল ॥  
 মানুষের মনরে জাইল কচুপাতায় জল ।  
 লড়াচড়া খাইলে ভাই রে, করে টলমল ॥  
 তারপরে ত সদাইগর ভাবিয়া চিন্তিয়া ।  
 মনের ভাব জানাইল করিব রে বিয়া ॥  
 কমল সদাইগর যহন বিয়ায় রাজি হইল ।  
 চাইর দিগে বিয়ার খবর হইতে লাগিল ॥

ধরমপুর গেরামে আছিল বাণিয়া এক ঘর । +  
 গাঁওয়াল করি<sup>১৪</sup> জুটাইত ভাত আর কাপড় ॥ +  
 একদিন গাঁওয়াল ল করিলে থাকিত উবাসে<sup>১৫</sup> । +  
 বিষ্টি লামি ঘরর মাইকা উচ্ছিল জলে<sup>১৬</sup> ভাসে ॥ +  
 যুবাবতী<sup>১৭</sup> কইল ঘরে কেমনে দিব বিয়া । +  
 খাণ্ডনের ভাত নাই সে জুটে পি<sup>১৮</sup>ধনে<sup>১৮</sup> কাপড় দিয়া ॥ +  
 গোবর্ধন ধরমপুর গেরামে ত গিয়া ।  
 বিয়ার ঠিক করি আইল ধর্মমণির মাইয়া ॥  
 মাইয়ার নাম সোনাই কইল্য রূপে চমৎকার ॥  
 বিয়া সাদী হই গেলগৈ কি কইব আর ॥  
 কি কইব আর ভাই রে, বিধির লিখন ।  
 কমল সদাইগর ন পাইল সোনাই কইল্যার মন ॥

১৩। দেওন=দিন। ১৪। গাঁওয়াল করি=গ্রামে গ্রামে পণ্য বিক্রি  
 করিয়া। ১৫। উবাসে=উপবাসে। ১৬। উচ্ছিল জলে=ভাঙ্গা খেঁচে  
 ঢালার জলে। ১৭। যুবাবতী=যৌবনপ্রাপ্ত। ১৮। পিধনে=পরনের।

শোকে কাতর সদাইগর তার নাই রঙ্গ রস ।  
 উড়ন্ত বসের<sup>১২</sup> সোনাই তার পরাণ অবশ ॥  
 চোখের দিষ্টি ঝিলিমিলি মুখে রসের হাসি ।  
 রসের সাইগরে সোনাই যাইতে চাহে ভাসি ॥ } \*

যইবন জোয়ারে মন বহি যায় উজান ।  
 রঙ্গ রস লাগি সোনাইর নাচে রে পরাণ ॥ } \*

এইরূপে কয় মাস গত হইয়া গেল ।  
 কমল সদাইগর অতি দুঃখে ত পড়িল ॥  
 ঢাকা পইসা সব তার হইল রে ছারখার ।  
 লক্ষ্মী দেবী ছাড়ি গেল্গৈ দেখি অনাচার ॥  
 দশখানি শুলুপ তার ধানর বোঝাই লইয়া ।  
 বাঘ্যার তুফানে পড়ি গেল যে ডুপিয়া ॥  
 ধন গেল জন গেল ইজ্জৎ আবরু ।  
 শীতলায় মরি গেল গোয়াইলের গরু ॥  
 গোলার ধান চোরে নিল ক্ষেতের ধান বানে ।  
 কমল সদাইগর হায় রে পড়ি গেল ভাটার টানে ॥

( ৪ )

তারপর কি হইল কহিয়া জানাই ।  
 সোনাই উতলা হইল গোবর্ধনের লাই<sup>১৩</sup> ॥

১২। উড়ন্ত বসের = কামনায় বাসনায় উড়িয়া বেড়াইবার মত চঞ্চল বসের :

১৩। লাই = লাগিয়া ।

পাঠান্তর : \* { চোখে তার ঝিলিমিলি মুখে প্রেম হাসি ।  
 \* { প্রেম দরিয়ার মাঝে চলিয়াছে ভাসি ॥  
 \* { প্রেমের কাণ্ডারী তার বহিছে উজান ।  
 \* { যৌবন জোয়ারে সোনাইর নাচিছে পরাণ ॥

দেখিতে সোন্দর যুবা মাঝিলা<sup>২</sup> বয়েস ।  
 হাসি খুশী ভাব তার মুখে আছে রস ॥\*  
 নতুন যইবনের জ্বালা বিচার ন করে ।  
 যারে দেখি মজে রে মন তারে সোঁপি দে'রে<sup>৩</sup> ॥ } \*  
 একদিন সোনাই বউ কি কাম করিল ।  
 গোবর্ধনের নিরালায় ডাকি ত আনিল ॥  
 বলিল সোনাই বউ গোবর্ধনের কাছে ।  
 “তোমার নিকটে আমার কথা এক আছে ॥  
 বাপের বাড়িতে আমি আছিলাম বড় শ্রুখে ।  
 এখানে আনিয়া তুমি ফালাইলা ছুখে ॥  
 কেঁডার<sup>৪</sup> উপরে কেঁডা আমি কেমনে বা সই ।  
 মনের আগুন মাঝে আমি দিন রাইত রই ॥\*\*  
 আগুনের কুণ্ডে তুমি ফালাইলা আমারে ।  
 আমার যাতনা তুমি দেইখা দেখ নারে ॥  
 একেত ফাল্গুন মাস বুগে আগুন জলে ।+  
 ঘরে রইছে বিদ্ধা সোয়ামী কথা নাই সে বলে ॥+  
 আমার বলিতে কেহ এই দেশেত x নাই ।  
 কেমন করি বল আমি বুগর আগুন নিবাই ॥’’\*  
 কথা না বলিতে দোনাইর ছুই চোখ লড়ে<sup>৫</sup> ।  
 চৌখের ঠমকে হায় রে পরাণ কাড়ি নে'রে<sup>৬</sup> ॥

২। মাঝিলা = মাঝারি, মধ্যম । ৩। দে'র = দেয় রে ।

৪। কেঁডা = কাঁটা । ৫। লড়ে = নড়ে । ৬। নে'রে = নেয় রে ।

পাঠান্তর :— \* হাসিখুসি মুখ তার গায়ে আছে রস ॥

\* { নতুন প্রেমের জ্বালা বিচার না করে ।  
 \* { যার সনে মজে রে মন তারে সপি দে'রে ॥

\*\* মনের আগুনে আমি দিন রাইত দহি ।

সোনাইর ভাব দেখি গোবর্ধন হইল অবাক ।  
 বুঝিতে পারিল সেই সোনাই কন্টার ভাব ॥  
 বুঝিতে পারিল সেই সোনাই কন্টার মন ।  
 কিছু ন বলি তখন চলি গেল গোবর্ধন ॥  
 তারপরে কন্ কাম করিল সোনাই ।  
 গোবর্ধনের কাছে পত্র দিল রে পাঠাই ॥  
 পরথমে লিখিছে পত্র প্রাণ নাথ বুলি ।  
 তারপর মনের কথা লিখিয়াছে খুলি ॥  
 লিখিছে সোনাই কন্টা,—‘আরে শুন গোবর্ধন \* +  
 তোমার লাগিরে আমার মন উচাটন ॥  
 দয়া করি তুমি একবার চাইবা আমার পানে ।  
 তোমারে বান্ধিয়া নিব আমার পরাণে ॥  
 সদাইগর শুকা-কাঠ মাদারের লাকড়ি° ।  
 রসের অভাবে \* \* আমি শুকাইয়া মরি ॥  
 আমার যা আছে সগ্গল তোমারে কইরলাম দান ।  
 তুমি আমার ধরম করম তুমি আমার পরাণ ॥  
 দিন রাইত জইলা মরি থিব নয় রে মন ।  
 জল দিয়া কর তুমি মনের অগ্নি নির্বাপণ ॥  
 চাতক ফুকারে যেমুন নবীন মেঘ বিনে ।  
 তোমার লাগি তেমুন কান্দি আমি রাইত দিনে ॥

৭। মাদার = অসার সিমুল।

পাঠান্তর :—\* লিখিছে সোনাই কৈন্ত—“শুন দিয়া মন ।

\* \* রসের আনটনে—’।

জল বিনে মচ্ছ যেমুন ছট্ফট্ করে ।  
 তেমুন করিবে আমি ঘরে তোমার তরে ॥ \*  
 কোইলা<sup>৮</sup> পক্ষীর মত সদাই কুহরি ।  
 তোমার কাছে উর্কা<sup>৯</sup> দিতে ছট্ফড্ করি ॥”  
 নিরালায় বাসি পত্র পড়িল গোবর্ধন ।  
 অধীর হইল তার পাগল হইল মন ॥  
 তেতুল লাড়িলে কেহ মুখর কাছে আনি ।  
 কেমনে সম্বর হায় রে রাখি জিব্বার পানি ॥  
 গোবর্ধন ভুলি গেল্গৈ নিমকের গুণ ।  
 ভিতরে গুজরি<sup>১০</sup> তার উড়িল আগুন ॥  
 ভাল-মন্দ ধর্ম-অধর্ম বিচারনে কইরে ।  
 গোবর্ধন ডুপিল<sup>১১</sup> যাই সোনাই সাইগরে ॥\*

( ৫ )

গোবর্ধনের সঙ্গে সোনাই আছিল ভালায় ভালা ।+  
 সদাইগর হইল সোনাইর আর এক জ্বালা ॥+  
 ভাবি চিন্তি সোনাই বউ থির কইরল মন ।+  
 সদাইগরর দিব পাঠাই বাগিজ্যি কারণ ॥+  
 একদিন না সইক্ষ্যাকালে সদাইগরর ডাকি ।  
 কাঁদি কাঁদি কইল সোনাই ছলছল অঁখি ॥  
 “কি আর কইব আমি শুন পরাণ পতি ।+  
 কইতে সেই কথা মোর ফাড়ে<sup>১২</sup> বুগর ছাতি ।+

৮ । কোইলা = কোকিল । ৯ । উর্কা = উড়িতে । ১০ । গুজরি =  
 গর্জন করিয়া । ১১ । ডুপিল = ডুবিল । ১২ । ফাড়ে = ফাটে ।

\* তেমনি পড়িয়া থাকি আমি তোমার তরে ॥

লাখর<sup>১৩</sup> সদাইগরী যায় সাইগরে ভাসিয়া ।  
 দিন রাইত ভাবনা করি ঘরত বসিয়া ॥  
 গোবর্ধন আসি জানায় সগগল সমাচার ।+  
 সোনার বাণিজ্য আমার হইল ছারখার ॥+  
 ট্যাকা পইসা লুডি<sup>১৪</sup> খায় চাকুরিয়া গণ ।  
 দোনো যাছ কি খাইব ভাবি সবক্ষণ ॥  
 ধন মান বিত্তি বেসাত কিছুন রইলে ।  
 কেমনে খাইব মোরা চলিব শেষ কালে ॥  
 তোমারে বৈদেশে দিতে বুগ ফাডি যায় ।+  
 ছই কুল কেমনে রাখি ন দেখি উপায় ॥+  
 আহা রে পরাণের পতি কি কইব আর ।  
 তুমি পতি বৈদেশে গেলে আমার ছুনিয়া আইক্কার ।+  
 কি আর করিব বল বাইন্টার<sup>১৫</sup> কইন্তা আমি ।+  
 সইতে হইব বিরয়ের<sup>১৬</sup> জ্বালা বাণিজ্যে গেলে তুমি ॥+  
 সোনাই বউয়ের কথা শুনি কমল সদাইগর ।  
 মাথাত্ হাত দি<sup>১৭</sup> বসি হায় রে ভাবিল বিস্তর ॥+  
 মনত্<sup>১৮</sup> বুঝিল কমল বউ চাহে বৈদেশের কামাই<sup>১৯</sup> ।+  
 দেশের বাণিজ্য লাভে মন ভরে নাই ॥+  
 ভাবি চিন্তি সদাইগর বাইরে আইল ।  
 গোবর্ধনরে ডাকি আরে কইতে লাগিল ॥

- ১৩। লাখর=লক্ষ টাকা লাভের ।      ১৪। লুডি=লুট্ করিয়া ।  
 ১৫। বাইন্টার=বাণিজ্যের ।      ১৬। বিরয়ের=বিরহের ।      ১৭। দি=দিয়া ।  
 ১৮। মনত্=মনেতে ।      ১৯। বৈদেশের কামাই=বিদেশের উপাঙ্গন ।

“শুন শুন গোবর্ধন, বলি যে তোমারে ।  
বৈদেশে যাইয়ম রে আমি বাণিজ্যি কামাইবারে ॥\*  
ডিঙ্গা সাজাইতে কালুকা<sup>২০</sup> কর আয়োজন ।  
ছুয়ানি টেণ্ডল মালুম ডাক সর্বজন ॥”

যাইবার কালে কান্দি আরে বলে সদাইগর ।  
“বাড়ীঘর দিলাম ভাই রে তোমার উপর ॥”  
দোনো যাহু রইল আমার দেইখ্য তারারে ।  
মাও নাই আজি বাপ ছাড়া হইল সংসারে ॥”

তারপর সদাইগর কি কাম করিল ।  
মইফুলা দাসীয়ে ছামনে ডাকি যে আনিল ॥  
মইফুলা দাসী আইসা হইল হাজির ।  
সদাইগর বলে,—‘হইলাম ঘরের বাইর ॥  
আমি ত চলি যাঠি বাণিজ্যি কামাইবারে ।  
দোনো যাহু রইল আমার দেখিবা তারারে ॥

পাড়াপশু যত আছে মাজিয়া বিদায় ।  
কমল সদাইগর যাই উডিল \* ডিঙ্গায় ॥

২০ । কালুকা = আগামীকাল ।

পাঠান্তর :—\*কালুকা হকালে যাইয়ম বাণিজ্য কামাইবারে

\* ‘—সোনার হইল—’ ॥



মালাম মাঝি যত আছে ছুয়ানি টেণ্ডল । \*  
 বদর<sup>২১</sup> সুমরি<sup>২২</sup> তুলে জাহাজের লঙ্গর ॥  
 বাও বাও বলি যখন নাগেরায় দিল বাড়ি ।  
 ছুয়ানিয়ে ধইরল ছুয়ান<sup>২৩</sup> বাইছা<sup>২৪</sup> দিল ছাড়ি ॥\* \*  
 এক বাঁক ছই বাঁক তিন বাঁক বাইল ।  
 চারি বাঁকর মাথাত্ \*\*\* ডিঙ্গা কাল পাগ্গাত্ পইড়ল

(৬)

সদাইগর চলি গৈলগৈ বাণিজ্যি কামাইবারে ।  
 গোবর্ধন ডুপি গেলগৈ সোনাই সাইগরে ॥+  
 শুন শুন সভাজন পরে কি কাম হইল ।  
 চান্দমনি সূর্যমনির বহুত ছুঃখ হইল ॥  
 কেমন করি কইব ভাই রে, সে কথা জানাই ।  
 বড়ো ছুঃখ ছিল তারারে<sup>১</sup> দারুনী সতাই ॥  
 কি কইয়ম্<sup>২</sup> রে ছুথের কথা সতাইয়ের জালা ।

২১। বদর=পীরবদর, পূর্ববঙ্গে পীরবদরকে মুসলমান ও হিন্দু মাঝিমাঝা  
 জলের দেবতা বলিয়া মানে এবং জাহাজ নৌকা ছাড়িবার সময় তাঁহার  
 নামে ধ্বনি দিয়া থাকে। ২২। সুমরি=স্বরণ করিয়া ২৩। ছুয়ান=হাইল।  
 ২৪। বাইছা=ডিঙ্গার কথ্যক্। ১। তারারে=তাহাদিগকে। ২।  
 কইয়ম্=কহিব।

পাঠান্তর :—\* পাইক মাঝি যত আছে ছুয়ানী বলাবল।

\* \* কাণ্ডারীয়ে ধেল কাণ্ডার বাইশা দিল ছাড়ি।

\*\*\* চারি বাঁকর মধ্যে—’।

● গোবর্ধন পাড়ি দিল সোনাইর প্রেম সাগরে ॥

মা বলি ডাকিলে সতাই মুখখান করে কালা ।।  
 খিধার কালে ভাত চাইলে কি বলিব ভাই ।  
 চোখ মুখ ঘুরাই বকে দারুণী সতাই  
 দোনো যাহুর ছুঃখ ওরে কি করি বর্ণন ।  
 পোড়া ভাত বাসি বেহুন করায় ভোজন ॥  
 শুকাই গেল দোনো যাহুর সোনা মুখ খানি ।  
 তারার কান্দনে পাষণ গইলা হয় পানি ॥ \*  
 কোথায় তারার মা-জননী কোথায় বাপধন ।  
 দিন রাইত যায় রে যাহুর করিয়া রোদন ॥ \*\*  
 মাছে চিনে গভীন<sup>৩</sup> পানি, নাইয়া \*\*\* চিনে ধার ।  
 মায়ে জানে পুতের বেদন জন্ম গর্ভে যাব \*\*\*\* ॥  
 কাষ্ঠ বধ হইল যাহু অন্ন ন পাইয়া ।  
 দেখো ভাই কান্দে সদাই খিদায় জলিয়া । .  
 চান্দমণি কয় একদিন, “সূর্যমণি ভাই ।  
 খিদার জ্বালা সহ্য ন যায় মরি যাইতাম্<sup>৪</sup> চাই ॥”

সূর্যমণি বলে, “ভাই রে, জানিও নিচ্ছয় ।  
 তুমি আগে মরি যাইলে জামি বাঁচতাম নয়<sup>৫</sup> ॥ \*\*\*\*\*

৩। গভীন=যে স্থানে মাছে ডমি ছাড়ে সেই স্থানকে গভীন বলে ।

৪। মরি যাইতাম=মরিয়া যাইতে । ৫। বাঁচতাম নয়=বাঁচিব না ।

পাঠান্তর :—\* তারার কান্দনে পাষাণ টৈয়ো যায় পানি ॥

\*\* দিন রাইত দোন যাহু করয়ে রোদন ।

\*\*\*—পানিয়ে—’ । \*\*\*\*—যার গর্ভে যাব ॥

\*\*\*\*\* তুমি আগে মরি গেলে মনে বৃইবত নয় ।

চান্দমণি বলে, “শুন সূর্যমণি ভাই ।  
 পশারীর দোকানে যাঁইয়া হরিণা বিষ খাই ॥  
 কেহর লাগি কেহ আর ন করিব রোদন ।  
 একসাথে দোনো ভাইয়ের হইলে মরণ ॥”

দোনো ভাইয়ের ছুঁখু দেখি কান্দে মইফুলা ।+  
 কি করিব উপায় ন পায় দারুনী সতাইর জ্বালা ॥+  
 দোনো ভাই কান্দে যখন মাও মাও করি ।+  
 টানি লয় মইফুল মাসী বুগর ভিতারি ॥+  
 অঁইচলে মুছায় হায় বে খিদায় চৌথের জল ।+  
 খাওয়ানের কি দিব মাসী নাই রে সম্বল ॥+

( ৭ )

একদিন হইল কিবা শুন সভাজন ।  
 কাজলকোটর ঘরে সোনাই করিছে শয়ন ॥  
 রাইতর নিশাকালে সোনাই স্বপন দেখিল ।  
 স্বপন দেখি উড়ি সোনাই ভাবিত হইল ॥  
 স্বপন দেখিল সোনাই বড়ো ভয়ান্কার ।\*  
 রাজা হই গেছে সতীনর ছুইডা কুমার ॥  
 গোবধন'র গলাত্ দেখে লাগি গেল ফাঁসি ।  
 ছাড়াই দিল গলার দড়ি সুরঙ্গিনী আসি ॥  
 সাইগরে পড়ি সোনাই হাপুড়ু খায় ।+  
 সুন্য জ্বলে পেড ফুলি দমন ন বাইরায় ॥+

---

পাঠান্তর :- \* স্বপন দেখিল সোনাই বড় চমৎকার ।

এইনা স্বপন দেখি সোনাই ভয়ে কাঁপি উঠিল ।+ \*  
 গোবর্ধন<sup>১</sup> রে ডাকি আরে কইতে লাগিল ॥  
 ‘শুন শুন পরাণের বঁধু, কই যে তোমারে ।  
 পরাণে মারিতে হইব ছুইডা কুমারে ॥  
 চাঁদমণি সূর্যমণি যুদি পরাণে বাইচ্যা রয় ।  
 সুখ ন হইব আমার জানিবা নিচ'য় ॥  
 এই ছুরি লই তুমি হুশ্মনের ঘরে যাও ।+  
 হুশ্মনের কাড়ি<sup>২</sup> আসি আমারে বাঁচাও ॥’+  
 এইনা কথা শুনি গোবর্ধন চমকি উঠিল ।+  
 সোনাইর হাতের ছুরি তখন লইতে ন পারিল ॥+  
 মনত পড়িল হায় রে সদাইগবের কথা ।+  
 আর ত মনত পইড়ল সুরঙ্গিনী মাতা ।+  
 সোনাই আর গোবর্ধন কি করিল হায় ।  
 দোনো যাতুর পরাণ লইতে চিস্তিল উপায় ॥  
 পরভাতে উডি আরে মইফুলারে ডাকি । } \*  
 সোনাই কইল কথা জল্জলা<sup>৩</sup> করি আঁখি ॥ } \*  
 পেড পাখালি<sup>৪</sup> সব কথা মাইফুলারে বলি  
 গলার হার মইফুলার হাতত, দিল তুলি ॥  
 অগ্নিপাটের শাড়ী দিল দেখিতে সোন্দর ।  
 শাড়ীর গিরায় বান্ধি দিল ছুইডা মোহর ॥  
 তারপরে কইল সোনাই,—‘শুন লো মইফুলা ।

কাড়ি = কাটিয়া ।

২ । জল জলা = ছল ছল ।

পেড পাখালি = পেট ধুইয়া অন্তরে যা কিছু ছিল ।

পাঠান্তর :—\*স্বপন দেখিয়া সোনাই কি কাম করিল ।

\* { উপায় চিস্তিয়া সোনাই মইফুলারে ডাকি ।  
 \* { কইল মনের কথা জল জলা আঁখি ॥

আজি হইতে তুমি আমার সখী ত হইল ॥  
দাসী বান্দী পাইবা তুমি হইবা ঠাকুরাণী \*  
করমাইস যুগাইব তোমার মনমত আমি ॥

ভারপরে ত মইকুলার গালত্<sup>৪</sup> হাত দিয়া ।  
আদর করি কইল সোনাই,—

“দিয়ম<sup>৫</sup> তর<sup>৬</sup> আর এক বিয়া ॥ \*\*

নতুন যইবন তর যেমন মধু ভরা ফুল ।  
খাইতে ফুলর মধু হইব ভমরা<sup>৭</sup> আকুল ॥  
কেঁড়া<sup>৮</sup> দূর করি সুখী করিবা আমারে ।  
তোমার ঘর বান্ধি দিয়ম  
আমি দীঘির দহিন<sup>৯</sup> পাড়ে ॥

মনের মতন নাগর তোমার  
জোটাই দিয়ম লো আমি ।  
দাসীপনা ছাড়ি এখন হইবা রাজার রাণী ॥  
চান্দমণি সূর্যমণি ছুইডা কুমার ।  
সতিনর পুতুর শত্রুর আমার ॥  
বাঁচিয়া থাকিলে শত্রুর আমার সুখ নাই ।’  
এহা বলি কত ক্ষেদ করিল সোনাই ॥

- ৪। গালত্ = গণ্ডে । ৫। দিয়ম = দিব । ৬। তর = তোর ।  
৭। ভমরা = ভ্রমর । ৮। কেঁড়া = কাঁটা । ৯। দহিণ = দক্ষিণ ।

পাঠান্তর :— \* দাসী বান্দী রৈল তোমার তুমি ঠাকুরাণী ॥

\* ‘—আনি ।

\*\* সোনাই বলে “দিয়ম আমি তোমার আর এক বিয়া

তারপরে ত মইফুলার কানে কানে কয় ।  
কেঁড়া দূর ভূমি আমার করিবা নিচয় ॥

সোনাই বউয়ের শেষ কথা যখন শুনিল ।  
চোখের জল মইফুলা আইঞ্চলে মুছিল ॥  
দেখিয়া ত সোনাই বউ করিল কেমন ।  
বুঝিয়া ত লইল সোনাই মইফুলার মন ॥\*  
মইফুলার মন বুঝি ভয় পাই গেল ।+  
যে কথা কইয়াছিল ঘুরাই লইল ॥+  
“শুন শুন মইফুলা, বলি যে তোমারে ।  
ঝড়ো ভালেবাসি আমি ছইডা কুমারে ।  
সদাইগর দিয়া গেল তোমার উপর ভার ।+  
পরখ করি দেখিলাম যোগাতা তোমার ॥+  
আমার পেডত্ ন হইলও আমার পুতুর তারা ।  
সংসারে মোর কন<sup>১০</sup> আছে দোনো বাছু ছাড়া ॥  
তারা যুদি বাঁচি থাকে পাইব হাতর পানি<sup>১১</sup> ।  
তোমার মন পরখাই<sup>১২</sup> করি দেখিলাম লো আমি ॥  
ভালা করি চাইবা<sup>১৩</sup> তুমি দোনো বাছুর পানে ।  
ছুখুঃ যেন ন পায় তারা খাওনে পিঙ্কনে \*\* ॥

- ১০। কন=কেবা । ১১। হাতর পানি=প্রাক্তে হাতের জল ও পিণ্ড ।  
১২। পরখাই=পরীক্ষা । ১৩। চাইবা = চাহিবে, দেখাওনা করিবে ।

পাঠান্তর :- \* পরখ করিয়া দেখে মইফুলার মন ।

\*\*\*—থায়নে পিয়নে ॥

সংসারের যত বালাই<sup>১৪</sup> আমার মাথাৎ দিয়া ।  
 সদাইগর বৈদেশে বাগিছিয়া গেল্গৈ চলিয়া ॥ \*  
 ‘অপসর’<sup>১৫</sup> ন আছে আমার দেখিতে যাহুরে ।  
 দোনো যাহু মনে মনে কি ভাবে আমারে ॥  
 থিল্ হুই পরে<sup>১৬</sup> বসি যখন ভাতের গরাস<sup>১৭</sup> খাই ।  
 মনে ভাবি দোনো যাহুর মা-জননী নাই ॥  
 নৌচের মিক্যা<sup>১৮</sup> ন যায় গরাস পরাণ কেমন করে ।  
 দোনো যাহুর চান্দ মুখ তখন আমার মনে পড়ে ॥”

এইরূপ নানা কথা বলি সোনাই দিতে চাইল ফাঁকি ।  
 মইফুলা ত বুঝি লইল সোনাইয়ের চালাকি ॥  
 কিছু ন বলিল দাসী হাসি চলি যায় ।+  
 সোনাই বউ ভাবে বসি কি হইব উপায় ॥

( ৮ )

মানিক নামে ত এক লুচ্চার সদ্দার ।  
 সেহি ত গেরামে আছিল বড়ো ছুরাচার ॥  
 বেঁকা টেড়ি কাড়িয়ারে ঘুরিত সদাই ।  
 শুন শুন সভাজন তার কথা জানাই ॥  
 বড়শি বাহিত বেটা দিনের হুইপত্তরে ।  
 পহিরে<sup>১</sup> পহিরে বেটা বেড়ায় ত ঘুরে ॥

১৪। বালাই = ঝড়ঝাট । ১৫। অপসর = অবসর । ১৬। থিল্ হুই পরে  
 ঠিক দুপুরে । ১৭। গরাস = গ্রাস । ১৮। মিক্যা = দিকে ।  
 ১। পহিরে = পুকুরে ।

\* সদাগর বিদেশে মাঝে গেইয়ে যে চলিয়া ॥

জল ভরিতে আইসে যখন কুলর<sup>২</sup> বধুগণ ।  
মানিক লুচা শিস্ দিয়া বৃষ্টি লইত মন ॥  
মাছর খোঁড়ে<sup>৩</sup> কানা দাইরস্যা চুনাপুড়ি সার ।  
কত পরাণ নষ্ট হয় রে আসল খোঁড়ে তার ॥

একদিন গোবর্ধন কি কাম করিল ।  
মানিকরে ডাকি সদাইগরের বাড়ীত আনিল ॥  
ভালামতে সোনার সাথে যুক্তি পরামিশ<sup>৪</sup> করি ।  
মানিক লুচ্চারে দিল দারোয়ানের চাকুরি ॥  
তুই সিঙ্ক্যা<sup>৫</sup> খাইব বেটা সদাইগরের বাড়ী ।  
সাপের মত বশ তারে কইরল সোনার নারী ॥  
কাছে বসি খাওয়ায় তারে রোউ মাছর<sup>৬</sup> মুড়া । +  
তুই বেলা খাওয়ায় ঘন তুঙ্ক কলা চিড়া ॥ +  
মাথাৎ দেয় ফুলর তৈল<sup>৭</sup> গায়ে আতর মাখে । +  
সোনার বউয়ের ফাইফরমাস্ তড়াতাড়ি রাখে ॥ +  
মইফুলার ঘরর কাছে বাসা দিল তার ।  
আকাশের চান্দ হাতত পইড়ল মানিক লুচ্চার ॥  
তেলকাজলা<sup>৮</sup> মইকুলা যইবনে ভরপুর ।  
তারে দেখি মানিকর মন ন মানে সবুর<sup>৯</sup> ॥

এক নিশাকালে মানিক কি কাম করিল ।  
দরজা ভাঙ্গি মইফুলার ঘরত ঢুকিল ॥

২। কুলর = কুলের, গৃহস্থের । ৩। মাছর খোঁড়ে = মাছ ধরিরবার ছিপের টানে । ৪। পরামিশ = পরামর্শ । ৫। সিঙ্ক্যা = সন্ধ্যা, বেলা । ৬। রোউ = কুই । ৭। ফুলর তৈল = সুগন্ধি তৈল । ৮। তেলকাজলা = উজ্জল । ৯। সবুর = ধৈর্য ।



চান্দমণি সূর্যমণি ছইডা কুমাররে ।  
 বুগে করি মইফুলা ঘুমায় অঘোরে ॥  
 ঘরে ত ঢুকিয়া মানিক বাস্তি জ্বালাইল ।  
 তড়াতড়ি মইফুলা উড়িয়া বসিল ॥  
 কাঁচা ঘুম ভাঙ্গি গেইয়ে আনচান্ মন ।  
 মানিক যাই তার হাত ধরিল তখন ॥  
 সাপের লেজ্জেতে যদি কেউ হোড়া<sup>১০</sup> মারে ।  
 ফোঁস করি ফণা ধরি যায় ডংশিবারে ॥  
 তেমন করি মইফুলা গর্জিয়া উঠিল ।  
 ভয় পাই মানিক তার হাত ছাড়ি দিল ॥\*  
 আপ্তন লাগিলে যেমুন জলি উড়ে তুলা ।  
 তেমন করি জলি উডিল দাসী মইফুলা ॥  
 তারপরে ত মানিকলুচ্চা করিল কেমন ।  
 মইফুলার পায়ত্ পড়ি করিল রোদন ॥  
 চোগর মাঝে পানি লুচ্চার মণর মাঝে বিষ ।\*\*  
 তারে দেখি মইফুলার গায়ত্ উডিল রিশ্<sup>১১</sup> ॥  
 গর্জি কইল মইফুলা,—‘অরে গুন লুচ্চা বদ্‌মাস । +  
 আমারে দেখি তর মনে হইছে বড়ো আশ ॥ +  
 ঝাঁডার বাড়ি মারি তর আতর মাখা মুখে । +  
 তুই মোর হাত ধরলি মরি যাই ছুখে ॥  
 একাদশী পালি আমি এক সিদ্ধা খাই ।  
 মাথার চুল ফালাইছি আমি গঙ্গার সিনানে যাই ॥+\*\*\*

১০। হোড়া = পদাঘাত । ১১। রিশ = রোষ, ক্রোধ ।

পাঠান্তর :—\* মানিক বেটা বাইয়া তাহার পায়েতে পড়িল ॥

\*\* চোগর মাঝে পানি তাহার মুখের মাঝে বিষ ।

\*\*\* মাথার চুল ফালাইয়াছি গঙ্গার সিনানে বাই ॥

শোর<sup>১২</sup> করি আমি এখন ভাঙ্গি আনিব পাড়া ।  
মা ভৈন<sup>১৩</sup> কি নাই তর অরে লক্ষ্মীছাড়া ॥”

বলিতে বলিতে দাসী কাঁপে থরথর ।  
মানিক বলিল কথা সাহসে করি ভর ॥\*  
“তোমার যে সগল কথা আমি ভাল জানি  
ঠাট রাখি দেও রে তুমি সতী ঠাকুরাণী ॥  
তোমার মনিব আর তুমি এক দিল । +  
রসের সাইগবে হই রইছু দাখিল ॥” +

মানিকের কথা শুনি মইফুলা তখন ।  
“দূর হই যা নিমক হারাম”—বলি করিল গর্জন ॥  
জাগিত উডিল লোক পোষাইল রজনী ।  
লাল হইয়ে পুগর<sup>১৪</sup> আকাশ জাগে চাঁদমণি ॥

( ৯ )

এইরূপে কতবার মানিক ছুর্জন ।  
বাগাইতে<sup>১</sup> চাইল আরে মইফুলার মন ॥  
এক দিন মইফুলা সোনাইর কাছে গিয়া ।  
মানিকর লুচামির কথা দিল ত বলিয়া ॥  
গুয়ামারি<sup>২</sup> হাসিয়ারে সোনাই আড় চোখে চায় ।  
ঝাঁডার বাড়ি পইড়ল যেমুন মইফুলার গায় ॥

- ১২ । শোর = চিৎকার । ১৩ । ভৈন = ভগ্নী । ১৪ । পুগর = পূর্বের ।  
১ । বাগাইতে = বশীভূত করিতে । ২ । গুয়ামারি = ছুটামীর ।

পাঠান্তর :—\* মানিক বলিল কথা মনে নাহি ডর ॥ \* মুচকি—’ ।

মইফুলা বলে তখন, “বিদায় দেও মোরে ।  
 আর ন থাকিব আমি এমুন্তর ঘরে ॥\*  
 বাড়া-বানি<sup>৩</sup> খাইব আমি পানিপাস্তা পালুনি<sup>৪</sup> ।  
 আইজ তোমার হাতে রাখি যাই চান্দ সূর্যমণি ॥”  
 এইনা কথা বলি দাসী বাইর হইল পথে ।  
 চান্দমণি সূর্যমণি হায় রে লাগিল কান্দিতে ॥

পথে আসি ভাবে দাসী—“আবার ফিরি যাই ।  
 ধড়ফড় করে রে পরাণ দোনো যাছুর লাই<sup>৫</sup> ॥  
 মরিবার আগে তারার মা-জননী মোরে ।  
 হাতত তুলি দিয়াছিল ছুইডা কুমারে ॥  
 আইজ কেমনে চলি যাই রে আমি হইয়া পাবাণী ।  
 খিদার কালে কে তারারে দিব ভাত পানি ।  
 ছই-দানা<sup>৬</sup> ভাঙ্গি আরে কনে খাওয়াইব ।—(ক)  
 ঘুমের থুন<sup>৭</sup> উড়ি তায়া কার মিক্যা চাইব ॥”  
 এই রূপ নানা কথা ভাবিয়া ভাবিয়া ।  
 কান্দিতে কান্দিতে দাসী গেল যে চলিয়া ॥

৩। বাড়াবানি=গৃহস্থের বাড়ীতে ধান ভানিয়া ৪। পালুনি=পাস্ত  
 ভাতের জল, ভাতের ফেন। ৫। লাই=লাগিধা। ৬। ছই দানা=মটর  
 ছোলা প্রভৃতির গুঁটির দানা। ৭। থুন=হুইতে।

(ক)—সেন মহাশয় ছই দানার অর্থ করিয়াছেন—‘শিমের বেঁচি’।  
 পূর্ববঙ্গে ‘ছই’ বলাতে গুঁটি জাতীয় ফল বুঝায়। বরবটি, মটর, খেসারি, ছোলা,  
 মীম প্রভৃতির ফলকে ‘ছই’ বলে। এই ছইটির তাৎপর্যার্থ—বিমাতার দুর্ঘাবহারে  
 বালক দুইটি ক্ষুধায় কাতর হইয়া যখন কান্দিত, তখন নিরুপায় মইফুলা মাঠ হইতে  
 ‘ছই’ তুলিয়া আনিয়া তাহার দানা খাওয়াইত। মধ্যমধ্যে ছইকে ‘ছেই’ ও  
 পশ্চিম বঙ্গে ‘গুঁটি’ বলা হয়।—ইতি সম্পাদক।

পাঠান্তর :—\*—এরকম—’ ॥ \*বাড়াবাঁধি খাইব আমি পানি আর পালনী ॥

( ১০ )

সেইদিন রাইতের কালে কি কাম হইল ।  
মানিকরে সোনাই বউ গোপনে ডাকিল ॥  
“শুন শুন মানিক অরে, তুমি আমার ধর্মভাই ।  
আমি সোন্দর মাইয়া যোগাড় করি

তোমার বিয়ার লাই ॥

ভাইয়ে ভইনে এক বাড়ীতে থাকিয়ম্ মুখে ।”  
এইনা বলি পানর খিখি দিল ভাইয়ের মুখে ॥  
গায়ে পিড়ে হাত বুলাই বলিল সোনাই ।  
“আমার একডা কাজ আজি কর তুমি ভাই ॥”

দুশ্শমন মানিক তখন কত কি ভাবিল ।  
হাত জোড় করি আরে কহিতে লাগিল ॥  
“আমার অসাধ্য এমন কন কাম নাই ।  
জুকুম পাইলে এখন কবিব আদাই<sup>৮</sup> ॥”

সোনাই কইল, “ভাই, শুন মন দিয়া ।  
আমার কাম হইলে তোমার কাইল হইব বিয়া ॥  
চান্দমণি সূর্যমণি দুইডা কুমার ।  
সতীনর পুতুর তারা শতুর আমার ॥  
বাঁচি থাকিলে তারা আমার সুখ নাই ।  
দুই কেঁডা আমার তুমি দূর কর ভাই ।”

এই না কথা বলি সোনাই কি কাম করিল ।  
মাণিকর হাতে একখান তলোয়ার আনি দিল ॥

৮ । আদাই = সিদ্ধ, সম্পূর্ণ ।

“ন থিয়াইও” ভাই আমার, ন কইও কথা ।

চট্‌করি কাডি আন দোনো যাহুর মাথা ॥”

সোনাইর হুকুম পাই মানিক ছুডিল তখন ।

যেই ঘরে দোনো যাহু ঘুমে অচেতন \* ॥

সেই ঘরে ধীরে ধীরে পরবেশী<sup>১০</sup> মানিক ।

তলোয়ার খানা হাতত লই ভাবিল খানিক ॥

মানুষ কাড়া কাম আর লোচ্চামি এক কাম ।+

দোনো কাম ন হইব একই সোমান ॥+

দোনো যাহু বিছানায় ঘোমে অচেতন ।

পালঙ্কর কাছে দাণ্ডাইল মানিক দুশমন ॥

একবার দোনো যাহুর মুখর দিরি<sup>১১</sup> চায় ।+

আরবার দরজার দিরি দিষ্টি ঘুরায় ॥+

ভাবি চিন্তি শেষ কাডালে<sup>১২</sup> মাণিক দুশ্‌মন ।+

মাথা কাডি লইব বলি থির কইরুল মন ॥

অকরুয়াং কি বলিব বিজলীর মত ।

মইফুলা আসি ধইর ল মাণিকর হাত ॥

বুগত কাপড় নাই মাথাত্ কেশ আউলা ঝালা ।

অঝুঝরে নয়ান ঝরে চোগ জল্‌জলা<sup>১৩</sup> ॥

মাণিক দুশ্‌মন তখন জ্বালাইল বাতি ।

তলোয়ারের মুখত্ নারী রইল বুগ পাতি ॥

৯। ন থিয়াইও = বিবাহ হইয়া ভাবিও ন । ১০। পরবেশী = প্রবেশ করিয়া

১১। দিরি = দিকে । ১২। কাডালে = কালে । ১৩। জল্‌জলা = ভীত দৃষ্টি ।

মাণিক লুচা তখন কি কাম করিল ।  
 ধীরে ধীরে মইফুলারে কইতে লাগিল ।  
 “তুমি কেনে এই কামে বাধা দিলা মোরে ।”<sup>\*</sup>  
 মইফুলা বলে,—“আগে মারহ আমারে ॥  
 আমারে পাইতে তোমার বড়ো ছিল আশা ।  
 বুগর রক্ত দিয়া আমি দিব ভালোবাসা ॥  
 বুগ কাড়ি লও রে তুমি কলিজা আমার ।  
 আইজ বাপ হইয়া রইক্ষা কর ছুইডা কুমার ॥”  
 এইনা কথা বলি দাসী কি কাম করিল ।  
 মাণিকর পায়ে মাথা কুড়িতে<sup>১৪</sup> লাগিল ॥

চান্দমণি সূর্যমণি উডিল জাগিয়া ।  
 মাণিক লুচার মন গেল রে ফিরিয়া ॥  
 মাণিক বলিল,—“অরে শুন মইফুলা ।  
 কাইল বিয়ানে<sup>১৫</sup> সোনাই বউ কাড়িব মোর গলা ॥  
 তুমি ত ন জানো তারে আমি ভাল চিনি ।+  
 আমারে শিখাই দিছে এই করিতে হুশ্‌মণি ॥+  
 দয়া মায়া ন আছে তার ন শুনিব কথা ।+  
 কাইল দিনে কাড়া যাইব আমার কাঁচা মাথা ॥”+  
 দোনো জনে তারপরে যুক্তি করি সার ।  
 ভালামতে করিল এক উপায় তাহার ॥  
 মইফুলা আনিল এক শন সূতার রশি<sup>১৬</sup> ।  
 মাণিকর হাত-পাও চাইরখান বাঁধিল যে কষি ॥

১৪ । কুড়িতে = কুটিতে । ১৫ । বিয়ানে = হুভাতে । ১৬ । রশি = দড়ি ।

পাঠান্তর :—\* তুমি কেন এষ্টধানে বাধা দেও মোরে ।

চিৎ করি মাণিকরে ভূমিত্ শুয়াইল ।  
আটাই-মণি পাথর একথান বৃগত তুলি দিল ॥

( ১১ )

তারপরে মইফুলা বাইর হইল পথে ।  
চান্দমণি সূর্যমণি চলিল তার সাথে ॥  
খাল বিল নালা নদী কত পার হই গেল ।  
রাইত দিন হাঁডি, হাঁডি পায়ত্, যেথা হইল ॥  
রাইত পোষায়<sup>১</sup> একদিন ডাকে পাইথ্ পহলে<sup>২</sup> ।  
মুড়ার গুড়িত্<sup>৩</sup> তিনজন গেল হেন কালে ॥  
আকাশ ছুইয়াছে সেই পুগের<sup>৪</sup> পাহাড় ।  
দেখিয়ারে দোনো যাছু করে হাহাকার ॥  
চান্দমণি সূর্যমণির হাতত্, হাত ধইরে ।  
জঙ্গলার মাঝে নারী পশিলরে ধীরে ॥

ছনর গেজে<sup>৫</sup> কাড়া গেল দোনো যাছুর পা ।  
চৌখ বুজি আইল তারার অবশ হইল গা ॥  
চলিতে ন পারে তারা দাসী করে হায় হায় ।  
চৌখের জলে মইফুলার বৃগ ভাসি যায় ॥  
তারপরে ত দোনো যাছু করিল কেমন ।  
গর্জন গাছের তলাত্, যাই করিল শয়ন ॥

১। পোষায়=পোহায় । ২। পাইথ্ পহলে=পক্ষীকুল । ৩। মুড়ার  
গুড়িত=পাহাড়ের গোড়ায় । ৪। পুগের=পুণ্ডের । ৫। ছনর গেজে=  
খড়ো গৌলার ।

মাথাত্ উড়ে মাথাকঁয়ড়ি<sup>৬</sup> গায়ত্ উড়ে জ্বর ।  
 গাছর তলাত্ পড়ি তারা করে রে ধড়ফড় ॥  
 কে দিব ওষুদ্ আর কোথায় ভাত পানি ।  
 পিঙ্কনে আছিল কেবল ছিড়া দুইখান কানি ॥

মইফুলা দাসী ভাবি থির কইরাছে মনে ।  
 ভিক্ষা মাগি খাওয়াইব দোনো যাছ ধনে ॥  
 এতেক ভাবিয়া দাসী কি কাম করিল ।  
 দোনো যাতুর কাছে যাই হাজির হইল ॥  
 জ্বরর জ্বালায় দোনো যাতু বেহৌস হইয়া ।+  
 গাছর তলাত্ রইছে শয়ান করিয়া ॥+  
 ডাকিলে ন কথা কয় নাহি মেলে আঁখি ।+  
 দেখিয়ারে মইফুলা হইল বড়ো দুখী ॥+

মইফুলা তখন তারার মাথাত্ হাত দিয়া ।  
 জ্বরের তাপ দেখি দেখি আরে উডিল চমকিয়া ॥  
 ভাবিতে লাগিল নারী,—কইর লাম কিবা কাম ।  
 অঘোর জ্বজ্বলায় আনি দোনো যাতুরে হারাইলাম ॥  
 আমি যদি ন আনিতাম তারারে এখানে ।  
 এত দুঃখ ন পাইত হয় রে বাঁচিত পরাণে ॥  
 কোথায় তারার মা-জননী কোথায় বাপধন ।  
 দেখি যাও তোমার যাতু আইজ হারায় যে জীবন ॥\*  
 হয় রে ঘরের ছলল তারা এক দিন ছিল ।

৬। মাথা কঁয়ড়ি—মাথাব্যথা ।

পাঠান্তর :—\* দেখে যাও দোন যাতু করেয়ে বোদন ।



মা মরণে দোনো যাছুর এত দুঃখ হইল ॥  
 মরিবার আগে তারার মা-জননী মোরে ।  
 হাতে হাতে দিয়াছিল \* বড়ো আশা কইরে ॥  
 সতাইর অধিক আইজ্ঞ শত্রুর হইলাম মুই ।  
 আমার দোষে মারা পইড়ল সোনার পোতলা<sup>৭</sup> ছুই ॥  
 সদাইগর আসি যখন শুনিব সব কথা ।  
 সগলের আগে সেই ভাঙ্গিব রে মাথা ॥  
 জঙ্গলার বাঘ ভাল্লুক আমি ন ডরাই ।\*\*  
 দোনো যাছু বাঁচি থাউক এই আমি চাই ॥”\*\*\*

এইরূপে মইফুলা কাঁদিয়া কাড়িয়া ।  
 ভাবিতে লাগিল চোখ আইঞ্চলে মুছিয়া ॥  
 “অঘোর জঙ্গলায় কত বাঘ ভাল্লুক আছে ।  
 বেয়রাম্য দোনো যাছু রাখি কার কাছে ॥  
 খিদায় কাতর যাছু ভাত জল চায় ।+  
 সঙ্কটে পড়িলাম রে আমি কি করি উপায় ॥  
 কেমনে যাইব রে আমি ভিক্ষা মাগিবার লাগি ।  
 কার কাছে রাখি যাইব দোনো যাছু রুগী ॥”+

এইরূপ ভাবি নারী কি কাম করিল ।  
 চোগর জলে দোনো যাছুর বুগ ভাসাইল ॥

৭। পোতলা = পুতুল ।

\* আমার হাতে দিয়াছিল—’ ।

\*\* মরণেরে আমি নাহি ডরাই কখন ।

\*\*\* দোনো যাছু বাঁচি থাকি আমার হোক মরণ ॥

( ১২ )

তার পরে কি হইল শুন বিবরণ ।  
গাছ কাডার শব্দ নারী শুনিল তখন ॥  
ধীরে ধীরে উডি নারী শব্দ লইক্ষ্য করি ।  
বনর মাঝে চলিগেলগৈ দোনো যাছু ছাড়ি ।  
যাইতে যাইতে নারী ফিরি ফিরি চায় ।  
বুগ কাঁপে দরু দরু পরাণ ফাডি যায় ॥

যাইতে যাইতে নারী ছড়া<sup>১</sup> এক পাইল ।  
এক ন। কাটাইল্যারে<sup>২</sup> তার কিনারে দেখিল ॥  
মইফুলা ডাকি বলে,—গাছ কাডইয়া ভাই ।  
তোমার কাছত, আজি আমি এক ভিক্ষা চাই ॥  
আমার দোনো যাছু রইছে

তাগর<sup>৩</sup> গায়ত, উটে জ্বর ।

গর্জন গাছর তলাত, পড়ি করে রে ধড়ফড় ॥  
দোনো পুত লই আমি আশ্রা<sup>৪</sup> তোমার চাই ।  
ধর্ম সাক্ষী করি বলি তুমি আমার ভাই ॥”

কথা শুনি গাছ কাডইয়া চিন্তে মনে ।  
দেখিল নারীর হৃক্ষু \* সোন্দর বদনে ॥  
সাত পাঁচ ভাবি কাডাইয়া বলিল তাহারে ।\*\*  
“দোনো যাছু লই তুমি চল আমার ঘরে ॥”

১। ছড়া=পাহাড়ী নদী। ২। কাটাইল্যা=কাঠুরিয়া। ৩। তাগর=  
তাঁহাদের। ৪। আশ্রা=আশ্রয়

পাঠান্তর :—\* ‘—বড়—’।

\*\* মনে মনে খুশী হৈয়া বলিল তাহারে ।

হাত জোড় করি তখন মইফুলা বলে ।

“তুমি আমার এক যাহু লইবারে কোলে ॥”

এইনা কথা বলি মইফুলা কাটকাড়িয়া লই ।+

চলিল গর্জন তলাত, বনর জঙ্গলা বিচ্‌ড়াই<sup>৫</sup> ॥+

ওরে গর্জন গাছের তলাত, তারা উপস্থিত হইল ।

চান্দমণি সূর্যমণির খুজি ন পাইল ॥

মইফুলার মাথাত পইড়ল বৈশাগ্যা ঠাড়ার<sup>৬</sup> ।

ভূমিত, পড়ি মইফুলা নারী করে হাহাকার ॥

মইফুলার জিহ্বারে<sup>৭</sup> পাহাড় পর্বত কঁাপিল ।

গাছ কাডইয়া দেখি তারে অবাক হইল ॥

বনে পলায় বনের পশু অজাগর সাপ ।

বাঘ ভাল্লুক পলাইল শুনি নারীর ডাক ॥

বুগর মাঝে মারে কিল চুল ফালায় ছিড়ি ।

অচেতন হইল শেষে মইফুলা নারী ॥

তারপরে কি হইল বলিব কেমনে ।

বিদরে হৃদয় হয় রে সে কথা বর্ণনে ॥

সন্ধ্যা ঘনাই আইল সূর্য্য ডুবি যায় ।

অচেতন হই নারী ভূমিত, লুটাই ।

চেতন পাই ছুড়ে হয় রে সেইনা গইন বনে । +

বনের কেড<sup>৮</sup> কাড়ি লইল পিঁধনর বসনে ॥ +

রাইতর আন্ধার ন মানিল হই দিশা হারা ।+

মইফুলার কান্দনে কান্দে আশ্‌মানর তারা ॥ +

৫। বিচ্‌ড়াই=খুজিতে খুজিতে। ৬। বৈশাগ্যা ঠাড়ার=কাল  
বৈশাখীর বজ্রঘাত। ৭। জিহ্বারে=গর্জনে; আর্তনাদে।

পরভাত হইল নিশি ন পাইল যাহু ধনে । +  
 পাগল হইল নারী পরর পুত্রর কারণে ॥ +  
 গাছ কাড়ইয়া ভাই তখন কি কাম করিল ।  
 ধর্ম ভইনরে ধরি লই \* ঘরে ত ছুডিল ॥

( ১৩ )

এদিকে করিল কিবা সোন্দরী সোনাই ।  
 ঘরর মাঝত্ বসি রইয়ে মানিকর লাই ॥  
 বড়ো আশা দেখিব কাড়া সতীনপুত্রর মাথা । \*\*  
 খবর ন পাই সোনাইর বৃগত, উড়িল ব্যথা ॥  
 গোবর্ধনরে ডাকি আনি কইল সোনাই ।  
 “মানিকর খবর তুমি আনো শীঘ্র যাই ॥  
 রাইত পোষাই<sup>১</sup> আইল কাম শেষ ন হইল ।  
 তরোয়াল লই মানিক রাইতে কোথায় গেল ॥”

সোনাইর কথা শুনি দুশ্‌মন গোবর্ধন । +  
 দোনে যাহুর ঘরর মিকে<sup>২</sup> করিল গমন ॥ +  
 মানিকর হাত পাও চাইরগান<sup>৩</sup> বান্ধা দেখিল ॥  
 তারপর দেখিল মানিকর বুগের উপর ।  
 তুলি দিছে আড়াইমনি মস্ত এক পাথর ॥

১। পোষাই = প্রভাত হইয়া । ২। মিকে = দিকে । ৩। চাইরগান =  
 চাবিখানা ।

পাঠান্তর :— \* মহিফুলারে কাঁধত করি—’ ।

\*\* কোথায় মানিক আর দোনে যাহুর মাথা ।

বাঁন্<sup>৪</sup> খুলি মানিকর গোবর্ধন করিল খালাস । \*  
 মাণিক কইল কান্দি সোনাই কইন্যার পাশ ॥  
 “ঘরে যখন গেলাম রে আমি লই তলোয়ার ।  
 হাতর মাঝত্ লাড়ির বাড়ি পইড়ল যে আমার  
 মাথার মাঝত্ পইড়ল বাড়ি ঠাড়ারের<sup>৫</sup> মতন ।  
 পড়ি গেলাম ভূমিত্ আমি হইলাম অচেতন ॥  
 চেতন পাই দেখিলাম রে মস্ত এক জোয়ান ।  
 ধরিল আমার গলা হইয়া আগুয়ান ॥  
 হাত পাও বাক্সিল রে আমার জোরে কষি কষি ।  
 বুগত্ দিল পাথর তুলি আর এক জোয়ান আসি ॥ \*\*  
 পরাণ আমার যায় যায় বাইর হয় দম ।  
 আইজ রাইতে দেইখাছি আমি সাক্ষাৎ কাল যম \*\*\*  
 সোনাই সোন্দরী যখন এই কথা শুনিল ।  
 রাগে করি গর-গর কইতে লাগিল ॥  
 “শুন শুন মানিক লুচা কই যে তোমারে । +  
 অচরিত<sup>৬</sup> কথা বলি না ভাড়াও আমারে ॥ +  
 পুরীর মাঝে পরবেশিবে ন আছে হেন জন ।  
 দ্বারোয়ান তুমি হইলা কইবা কারণ ॥ +  
 মইফুলার পিরিতর লাগি তোমার এই কাম । +  
 কালুকা বিয়ানে তুমি দেখিবা কাল যম ॥” +

৪ । বাঁন্ = বন্ধন । ৫ । ঠাড়ারের = বজ্রের । ৬ । অচরিত = অসম্ভব ।

পাঠান্তর :— \* গোবর্ধনের বাঁন খুলি করিল খালাস ।  
 \*\* আড়াইমণি পাথর দিল বুগতে তুলিয়া ॥  
 \*\*\* কালুকা রাতুয়া আমি চোখে দেখি যম ।

এইনা কথা শুনি মানিক ছুট্যা পালাইল । +  
 ‘ধর ধর’—করি গোবর্ধন পাছুতে ধাইল ॥ +  
 না পাইল মানিকর পাছুতে ধাইয়া । +  
 চলি গেলগৈ মানিক লুচা সেই দেশ ছাড়িয়া । +  
 ভাবি চিন্তি গোবর্ধনরে সোনাই কথা বলে । +  
 “দোনো যাছ উধাও হইল রাইতর নিশাকালে ॥ +  
 অচরিত কথা শুন কাত্‌<sup>১</sup> গোবর্ধন ।  
 মইফুলার তোয়াইতে<sup>৮</sup> করহ গমন ॥” }  
 সোনাইর হুকুম মানি হুশমন গোবর্ধন । +  
 ভরে ডরে চলিল রে কি হইব কখন ॥ +  
 অসতী নারীর বৃগে দয়া মায়া নাই । +  
 পিরিতি মুখর কথা কাম হাসিলর লাই ॥ +  
 হাসিল ন হইলে কাম হাতে মাথা কাড়ে । +  
 কাম হাসিল করি দিলে হাসি মুখে ফুড়ে ॥ +  
 চাইরদিগে পাঠাইল যত আছে চর ।  
 কন কেহ ন পাইল মইফুলার খবর ॥  
 সোনাই সোন্দরী আর নাগর গোবর্ধন । +  
 পিরিত শুকাই আইল কাহিল<sup>৯</sup> হইল মন ॥ +

( ১৪ )

এইদিগে হইল কিবা শুন মোর বাণী ।

চান্দমণি সূর্যমণির দুষ্কের কাইনী ॥

১। কাত্‌ = বুদ্ধিমান কারস্থা ।

৮। তোয়াইতে = খুঁজিতে ।

৯। কাহিল = দুর্বল ।

পাঠান্তর :— { অচরিত কথা শুনি কাত্‌ গোবর্ধন ।  
 \* { মইফুলারে তোয়াইতে করিল গমন ॥

যখন নাকি চলিগেলগৈ মইফুলা নারী ।  
 দোনো যাহু জাগি উডি কান্দি গড়াগড়ি ॥  
 চান্দমণি ডাকি বলে,—“সূর্যমণি ভাই ।  
 পরান নিকলি' যায় রে জল খাইতাম্<sup>২</sup> চাই ॥”

তারপর দোনো ভাই কি কাম করিল ।  
 জঙ্গলার মাঝে পানি খুঁজিতে লাগিল ॥  
 একডা ছড়া<sup>৩</sup>বনে পাই তারা দোনো ভাই ।  
 পেড<sup>৪</sup>ভরাইয়া লইল ছড়ার ঘোলা পানি খাই ॥  
 কি কইব আমি আরে পাহাড়ী ছড়ার গুণ । +  
 ছড়ার পানি নিবাই দিল জ্বরর আগুন ॥ +  
 ঘর্ম দিয়া জর ছাড়িল পেড়ে লাগিল খিদা । +  
 কোথায় পাইব খিদার অন্ন কাদন কাডি ছদা<sup>৫</sup> ॥ +  
 দিশকাউলে<sup>৬</sup> পড়ি তারা পথ হারাইল ।  
 ছড়ার কূলত, বসি আরে কান্দিতে লাগিল ॥  
 সইক্যা ঘনাই আইল সূর্য ডুপি যায় ।  
 কঁড়ে<sup>৭</sup>যাইব দোনো যাহু ন দেখে উপায় ॥  
 কান্দিতে লাগিল হায় রে মরা-মা'রে ডাকি ।  
 দোনো ভাইয়ের কান্দনে কান্দে বনর পশুপাখি ॥  
 মইফুলা মাসীরে কত ডাকে দোনো ভাই । +  
 কে দিব রে সাড়া মাসী সেই তল্লাটে<sup>৮</sup> নাই ॥

১। নিকলি=বহির। ২। খাইতাম=খাইতে। ৩। একডা ছড়া  
 =একটি পার্বত্য নদী। ৪। পেড=পেট। ৫। ছদা=গুদা, কেবল  
 অকারণ। ৬। দিশকাউলে=দিগ্ভ্রমে। ৭। কঁড়ে=কোথায়। ৮।  
 তল্লাটে=অঞ্চলে।

সেইত ছড়ার কূলে গাছর তলায় ।  
 কান্দি কান্দি দোনো ভাই পড়িল নিদ্রায় ॥  
 বনে চরে ভাল্লুক রাইতে ছড়ায় ছল খায় । +  
 দোনো যাছুরে তারা কিছু ন বোলায়<sup>১</sup> ॥  
 রাইতর নিশি ভোর হইল আশমানে নিবে তারা +  
 গাছর তলাত্ নিদ্রা যায় মাও বাপ হারা ॥ +

( ১৫ )

তাহার পর কি হইল শুন বিবরণ । +  
 আচানক<sup>২</sup> কথা সেই বিধাতার লিখন ॥ +  
 চান্দমণির জন্ম কালে গণকে গণিয়া । +  
 কইয়াছিল রাজা হইব বড়ো ছুফু পাইয়া ॥ +  
 বাইতর নিশি কাড়ি গেলগৈ  
 বাতুর ছুফু লই সাথে । +  
 পূব আকাশে রাঙ্গা সূর্যজ  
 উডিল আলোক রথে । +  
 গাছর তলাত্ দোনো ভাই নিদ্রায় অচেতন । +  
 রাঙ্গা সূর্যজ ঢালি দিল গায়ত্ সোনার কিরণ ॥ +  
 এন কালে অকরুমাং কি কাম হইল । +  
 একডা মত্ত ধলা হাতি<sup>৩</sup> জঙ্গলা ভাঙ্গি আইল ॥ +  
 চান্দমণিরে তুলি লইল পিডর সিঙ্গাসনে<sup>৪</sup> । +  
 ছুডি<sup>৫</sup> চলি গেল হাতি সেইত গইন<sup>৬</sup> বনে ॥ +

১ । বোলায় = অনিষ্ট করে ।

২ । আচানক = অশ্চর্য । ৩ । ধলা হাতি = স্তম্ভ ৬ষ্ঠী । ৪ । সিঙ্গাসনে = সিংহাসনে । ৫ । ছুডি = ছুটিয়া । ৬ । গইন = গমন ।



এহার বির্তান্ত কথ্য শুন দিয়া মন । +  
 কইব সগল কথ্য ধলা হান্তির বিবরণ ॥ +  
 দক্ষিণ দেশে পাহাড়ী এক মুল্লক আছিল ।  
 সেইত মুল্লকের রাজার মরণ হইল ॥  
 পুত্র কইন্য ন আছিল পাহাড়ী রাজার । }  
 রাজার মরণে রাজ্যে উঠিল হাহাকার ॥ }  
 রাজা ন থাকিলে রাইজ্যে হয় ত চলি ভিলি<sup>৬</sup> ।  
 রাজা হইবার লাগি আরে হইল কিলাকিলি<sup>৭</sup> ॥  
 বুড়া উজির আসি তখন কন্ কাম করিল ।  
 কিলাকিলি থামাই দিয়া বুঝাইতে লাগিল ॥  
 “আরে শুন শুন মুল্লকের লোক  
 আনি বলি যে তোমরারে” ।\*

কেবা রাজা হইব রাইজ্যে

ভাবি দেখ এইবারে ॥ \*\*

রাজা ত মরি গেলগৈ পুত্র কইন্য নাই । +  
 দাবিদার অনেক হইল সিঙ্গাসনের লাই ॥ +  
 রাজার দোষে রাইজ্য নষ্ট পরজা কষ্ট পায় । +  
 কে হইব রাইজ্যর রাজা ভাবি দেখহ উপায় ॥  
 সোনা রূপা নষ্ট জাইন্য<sup>৮</sup> তামা আর পিতলে ।  
 রাজা নষ্ট অবিচারে মধু নষ্ট জলে ॥

৬। চলিভিলি = বিশৃঙ্খলা ।

৭। কিলাকিলি = মারামারি

৮। তোমরারে = তোমাদিগকে ।

৯। জাইন্য = জানিও ।

পাঠান্তর :— { বেটা কন্যা নাতি ছিল পাহাড়ী রাজার ।  
 { তাহার মরণে দেশে উঠিল হাহাকার ॥

পাঠান্তর :—\* শুন শুন মুল্লকের যত লোক জন ।

\*\* কেবা রাজা হইব রাজ্যে চিস্তয় এখন ॥

পকির কাড়ি<sup>১০</sup> কি হইব ন উড়িলে পানি ।+\*  
 ঘর বান্ধি কি হইব ন দিলে তার ছানি<sup>১১</sup> ॥  
 সেইমত জাইন্য রাইজ্যে ভালা রাজা ন থাকিলে ।\*\*  
 পড়ি যাইব সগলে নোরা বিষম গোলমালে ॥  
 ক'নে<sup>১২</sup> বিচার করিব রাইজ্যের রাজা কোথায় পাই ।  
 উপায় করিব চল পীল খান্নত<sup>১৩</sup> যাই ॥"  
 উজিরব কথায় সবে যুক্তি করি সার ।  
 সগলই চলি গেল পীলখানার মাঝার ॥  
 তিন পুরুষ আইয়মর<sup>১৪</sup> ধলা হাতি  
 পীলখানাত্ আছিল ।\*\*\*  
 ধলা হাতির কাছারে<sup>১৫</sup> সবে হাজির হইল ॥  
 এইনা ধলা হাতি হয় রে রাইজ্যের একডা পীর ।  
 চাইল কলা খাবায়<sup>১৬</sup> লোকে আর খাবায় ক্ষীর ॥  
 সগলর কাছে উজির বলিল তখন ।  
 “ধলা হাতি ঠিক করিব রাজা হইব কন<sup>১৭</sup> ॥” (ক)

১০। পকির কাড়ি = পুকুর কাটিয়া । ১১। ছানি = ছাউনি । ১২।  
 কনে = কোন জনে । ১৩। পীল খানি = হস্তাশালা । ১৪। আইয়মর = রাজার  
 তিনপুরুষ যাবৎ জীবিত । ১৫। কাছারে = কাছে, সম্মুখে । ১৬। খাবায় =  
 খাওয়ায় । ১৭। কন = কে ।

পাঠান্তর :—\* পুকুর দিয়া কি হইবে ন থাকিলে পানি ।

\*\* সেইমত রাজ্যের মধ্যে রাজা না থাকিলে ।

পড়িব সকলে আমরা বড় গণ্ডগোলে ॥

\*\*\* কনে বিচার করিব যে রাজা এখন নাই ।

তিন পুরুষের আইয়মের ধলা হাতী ছিল ।

হাতীর নিঃটে সবে উপনীত হইল ॥

দুধকলা খাবার সদা আর খাবায় ক্ষীর ॥

(ক) পানার ভূমিকা দ্রষ্টব্য ।

পুষ্প-চন্মন দিয়া তারা হান্তি সাজাইল ।  
 হান্তির পিডত<sup>১৮</sup> রাজসিঙ্গাসন দিল ॥ +  
 তারপর সগল লোক পরনাম<sup>১৯</sup> করিয়া । +  
 হান্তি ছাড়ি দিল রাজ্য তোয়াইবার লাগিয়া ॥ +  
 উপর দিগে শুঁড় তুলি হান্তি চলি গেল ।  
 রাইজ্যের লোক রাজার আশায় বসি ত রহিল ॥ +

পাহাড় পর্বত জঙ্গলা অনেক ভরমণা<sup>২০</sup> করিয়া ।  
 উত্তর মিকে<sup>২১</sup> ধলা হান্তি চলিল ধাইয়া ॥ \*  
 যাইতে যাইতে হান্তি ছড়া এক পাইল । +  
 ছড়ার উজান ধরি আরে আগাই চলিল ॥ +  
 যেই খানে ত দোনে যাহু ঘুমে অচেতন ।  
 সেই খানে ত হান্তি আসি দিল দরশন ॥  
 চান্দমণির দিগে হান্তি ঠাহর<sup>২২</sup> করি চায় ।  
 কপালে সেই রাজ তিলক দেখিবারে পায় ॥ \*\*  
 দেখিয়ারে ধলা হান্তি কি কাম করিল ।  
 আস্তে বেস্তে চান্দমণিরে সিঙ্গাসনে তুলি লইল ॥ \*  
 পিডত লই সিঙ্গাসন হান্তি চলিল ধাইয়া ॥ \*\*  
 কান্দন করে চান্দমণি চেতন পাইয়া ॥

১৮ । পিডত = পিঠে । ১৯ । পরনাম = প্রণাম । ২০ । ভরমণা =  
 ভ্রমণ । ২১ । মিকে = দিকে । ২২ । ঠাহর = লক্ষ্য ।

পাঠান্তর :--- \* উত্তরমিকায় সেই হান্তি গেল যে চলিয়া ॥

\*\* কোপালেতে রাজদণ্ড দেখিবারে পায় ॥

\* চান্দ মণিরে ধীরে ধীরে পিডত তুলি লৈল ॥

\*\* পিডত তুলি লৈয়ারে হান্তি চলিল ধাইয়া ॥

রাইজ্যের মাঝারে খলা হাতি উপনীত হইল ।  
 পরজাগণ চান্দমণিরে রাজা যে করিল ॥  
 কান্দিতে লাগিল চান্দ পরবোধ<sup>২৩</sup> ন মানি ।  
 “কোথায় আমার সোনার পোতল ভাই সূর্যমণি ॥”  
 বুড়া উজির আসি বলে নয়্য রাজার ঠাই ।  
 লোক লঙ্কর গিয়াছে তানে তোয়াইবার লাই ॥  
 একদিন দুই দিন তিন দিন গেল । +  
 সূর্যমণি ভাইয়ের খবর চান্দমণি ন পাইল ॥ +

( ১৬ )

এদিগে হইল এক মহা অঘটন ।  
 চান্দমণি চইলা গেলে সূর্যমণি হইল চেতন ॥  
 কান্দিতে লাগিল বাছু ভাইয়েবে ন দেখি ।  
 বিপদাতা কপালে তার দিছে দুঃখ লিখি ॥  
 কান্দিতে কান্দিতে সূর্য অধীর হইল ।  
 চৌফের জলে ছড়াব জল বাড়িতে লাগিল ॥  
 খানিক পাবে সূর্যমণি পাইল দেখিতে ।  
 বাঁশের চালি আঠিসে এক খান ভাসিতে ভাসিতে ॥  
 চালির উপর বাঁশ-বেপারী আদে কয়জন ।  
 বহুত বাঁশ লই তারা দেশে করিছে গমন ॥  
 সোন্দর কুমারের দেখি তারার দয়া হইল ।  
 সূর্যমণিরে তারা চালিত, তুলি লইল ॥

চলিল বাঁশের চালি ছড়ায় ভাসিয়া ।  
 রাজদরবার ঘাটে চালি পৌছিল আসিয়া ॥

রাজদরিয়ার ঘাট সেই না বড়ো চমৎকার ।  
 জাহাজ আর শুলুপ বাঁকা থাকে অনিবার ॥  
 সেই ঘাটের মালিক সেই দেশের রাজা । \*  
 কুত্‌ঘাট<sup>১</sup> ন দিলে \* সেই পায় বিষম সাজা ॥  
 সেই না ঘাটে বাঁশর চালি আসিত লাগিল ॥ \*\*  
 পানি ভাত<sup>২</sup> স্নগলে মিলি খাইয়া লাইল ॥ \*\*  
 বাইর দারিয়ার পারে চরে ত উড়িয়া ।  
 সদাইগর চৌদ্দ ডিঙ্গা আছিল বাঝিয়া<sup>৩</sup> ॥ \*\*\*  
 রাইতর কালে সদাইগর দেখিল স্বপন ।  
 দরিয়ার দেবতা চায় মানুষ এক জন ॥  
 অচরিত স্বপন দেখি সেই সদাইগর ।  
 চলি আইল রাজ দরিয়ার ঘাটের উপর ॥  
 হাজার টাকার তোড়া হাতে লই সদাইগর ।  
 বসি আছিল রাজ দরিয়ার ঘাটের উপর ॥ \*  
 দেবতার ভোগের লাগি মানুষ একডা চাই । +  
 কেনে<sup>৪</sup> বেচিব মানুষ হাজার টাকার লাই ॥ +  
 বাঁশ বেপাবী এই কথা যখনে শুনিল ।  
 সূর্যমণি রে বেচিবারে পরামিশ<sup>৫</sup> করিল ॥

১। কুত্‌ঘাট = পথের খাজনা । ২। পানিভাত = পাস্তভাত । ৩।  
 বাঝিয়া = বাধিয়া ৪। কেনে = কোন জনে । ৫। পরামিশ = পরামর্শ ।

পাঠান্তর :— \* সে ঘাটের মালিক হন দেশের রাজা ।

\*\* কর নাহি দিলে — ' ॥

\* ভাত পানি কুমারের তাগারা খাওয়াইল ॥ '

\*\* একজন সদাগরের বাইজ্যে চৌদ্দ ডিঙ্গা ॥

\* বসি বৈয়ে ঘাটের উপর চিহ্ন যুক্ত হৈয়া ।

সূর্যমণি রে বেচিল তারা হাজ্জার ট্যাকা লই ।  
 সদাইগর ডিঙ্গাত্ গেল বহুত খুশী হই ॥  
 নানান মতে সদাইগর যাহুরে সাজায় ।  
 সাজাইয়া মাজাইয়া বহুত খাবায়<sup>৬</sup> ॥  
 মরণর আগে যাহু করে রে ধড়ফড় ।  
 কেহ ত দয়াল নাই সগলেই পর ॥ +  
 ভায়েরে ডাকি যাহু কান্দি ভাসাইল । +  
 হাত পাও বান্দি তারে মাঝ দরিয়াত্ নিল ॥ +  
 তারপরে ত কোন কাম করে সদাইগর ।  
 মাঝি মাল্লা তুলিল যাহুরে মুকার<sup>৭</sup> মাস্তলর উপর ॥ +  
 পরাণ কচালি<sup>৮</sup> উড়ে রে কেমনে জানাই ।  
 ধাক্কা মারি যাহু ধনে দিল রে ফেলাই ॥ \*  
 উথলি উডিল জল চর ডুপি গেল ।  
 চৌদ্দ ডিঙ্গা সদাইগরর সাইগরে ভাসিল । \*\*  
 পাল উড়াইয়া ডিঙ্গা দেশে চলি যায় । +  
 ঢেউয়র মুখত্ পড়ি যাহুর কি হইল উপায় ॥

( ১৭ )

অমাবস্তার তিথি আছিল দরিয়া উথাল ।  
 সুনাপানিত্ পড়ি যাহুর কি হইল হাল ॥

৬। খাবায়=খাওয়ায়। ৭। মুকার=নোকার। ৮। কচালি=বেননায়  
 শিচরিয়া। ( সেন মহাশয়ের মতে কচালি=ধড়ফড় )

পাঠান্তর :— \* ‘—পেলাই ।

\*\* চৌদ্দ ডিঙ্গা মুক্ত হৈয়া সাগরে ভাসিল ॥

এক ঢেউ তুলে যাতুরে আশমান বরাবর ।  
 আর ঢেউ তুলি দিল ঠাড়া<sup>১</sup> বালুর চর ॥  
 তার পরে ত হইল কিবা শুন সভাজন ।  
 রাইত পোষাই ফরসা হইল দিনর আগমন ॥ +  
 চরের কাছে আছিল এক মাছ-বেচনীর<sup>২</sup> ঘর ।  
 পরভাতে আইল নারী সেইনা বালুর চর ॥ +  
 মাছ বেচনী সেই দিন ঘুরিতে ফিরিতে ।  
 বালুর চরে সোন্দর পোলা<sup>৩</sup> পাইল দেখিতে ॥

হাত পাও লাড়ি<sup>৪</sup> যাতুরে দেখিল সেই নারী ।  
 নুনা জল খাই যাতুর পেড হইছে ভারি ।  
 তখনও পরাণ রইছে বুদ্ধিতে পারিল ।  
 কোলে তুলি যাতুরে নারী আপন ঘরে গেল ॥ +  
 মাড়ির<sup>৫</sup> কলস একটা আনি উপর করি ।\*  
 তার উপরে যাতুধনের শোয়াইল চিত করি ।  
 হাত পাও লাড়িয়া তার চিকিৎসা করিল ।  
 পেডের জল ধীরে ধীরে বাইর হইল ॥ +  
 বাঁচিয়া উড়িল যাতু মাছ বেচনীর ঘরে । +  
 খাই দাই রইল বে সেই বালুর চরে ॥ +  
 কি আর বলিব ভাই রে বিধাতার লিখন ।  
 সাইগরে ত পড়ি যাতু পাইল জীবন ॥  
 এই সূর্যমণি সুরঙ্গিনীর আদরের পুত ।  
 মাছ বেচনীর ঘরে আইল শুনিতে অন্তত ॥

১। ঠাড়া=ধু ধু, শুকনা । ২। মাছ বেচনী=মৎস্য বিক্রয়িনী । ৩।

পোলা=ছেলে । ৪। নাড়ি=নাড়িয়া । ৫। মাড়ির=মাটির ।

পাঠান্তর :— \* মাটির কলস একটা আনিয়া সে নারী ।

বিধির লিখন ভাই রে বুঝন বড়ো দায় । +  
 কার কাপালত্ কিবা আছে কালে কি ঘটায় ॥ +  
 এদিগে হইল কিবা कहিয়া জানাই ।  
 চান্দমণি কান্দে সদা করি ভাই ভাই ॥  
 খবর লই আইল রাজার লোক লঙ্করগণ । \*  
 সূর্যমণিরে কেন্দু বাধে<sup>৬</sup> কইরাছে ভোজন ॥  
 এইনা খবর শুনি আরে রাজা চান্দমণি ।  
 ভূমিতে পড়িয়া মূচ্ছা হইল অমনি ॥  
 তিন দিন পড়ি রইল অন্ন ন খাইল ।  
 রাইত দিন কুহরি<sup>৭</sup> রাজা কান্দিতে লাগিল ॥ \*.  
 উজির বুঝায় নাজির বুঝায় বুঝত ন মানৈ । +  
 ভাইয়ের লাগি ভাই কান্দে বান্ধা যে পরাণে ॥ +  
 বাজ রাজহির সুখের কথা আমরা যত শুনি । +  
 যত শুনি তত ন হয় মনে অনুমানি ॥ +  
 স্তখ ন থাকিলে মনে রাইজ্য কিবা ছার ।  
 পরমান্ন কি ভাল লাগে পেডর অসুখ যাব ॥

( ১৮ )

ঐদিগে হইল কিবা শুন সভাজন ।  
 কমল সদাইগরের কথা কইব এখন ॥ +

৬। কেন্দুবাধ=গুলু বাধ, ইহার গারে গোল গোল কান্দো দাগ আছে  
 ও গানের বর্ণ ধসর । ( সেন মহাশয়ের মতে নেকড়ে বাধ ) ৭। কুহরি=  
 অহুচ্চ কণ্ঠে ।

পাঠান্তর :—\* খবর লইয়া আইল বহু সৈন্তগণ ।

\*\* রাইত দিন কুহরে রাজা ভাইয়ের লাগিয়া ॥



বারো বছর নানান বন্দর ভরমণা করিয়া ।  
কমল সদাইগরর ডিঙ্গা আইয়ে<sup>১</sup> রে চলিয়া ॥  
আইল রে সদাইগরর ডিঙ্গা \* রাজ দরিয়ার ঘাটে ।  
এই ঘাটে কুত, দিতে ছই চাইর দিন কাটে ॥

কমল সদাইগর একদিন বেড়ায় নালর পারে<sup>২</sup> ।  
সোনার বরণ পোলা<sup>৩</sup> দেখে \*\* মাছ বেচনীর ঘরে ॥  
মনে মনে সদাইগর ভাবিতে লাগিল ।  
আমার যাহুর মতন পোলা কেমনে পাইল ॥\*  
মাছ বেচনীর পেডর<sup>৪</sup> পোলা এই ন হইব । +  
এহি যাহুর সাচ্চা<sup>৫</sup> খবর কেমনে পাইব । ” +  
দোমনা হইয়া ভাবে কমল সদাইগর ।  
বারো বছর ন জানে সেই বাড়ীর খবর ॥ \*\*  
দোনো যাহুর কথা ভাবি মন হইল উতলা ।  
এমন কালে ঘাটোয়াল<sup>৬</sup> আসি দরশন দিল ॥

বলিল যে ঘাটোয়াল,—“শুন সদাইগর ।  
তোমার ডিঙ্গা ছাড়ি দিতে হুকুম নাই রাজার ॥”

- ১। আইয়ে=আসিল।      ২। খালর পারে=খাল পার হইয়া ।  
৩। পোলা=ছেলে, পুত্র।      ৪। পেডর=পেটের, গর্তজাত ।  
৫। সাচ্চা=সঠিক।      ৬। বাটোয়াল=বাঁটির খাজনা আদায় কারী ।

পাঠান্তর :— \* ধীরে ধীরে ভিড়ে ডিঙ্গা—’ ।  
\*\* সোনার পোতল দেখিল যে—’ ॥  
\* আমার যাহু কেমন কৈরে এখানে আসিল ॥  
\*\* হায় যে না জানে সেই বাড়ীর খবর ॥

সদাইগর উড়ি বলে,—“ঘাটোয়াল ভাই ।  
 হাজার ট্যাকা দিয়ম্<sup>১</sup> তরে দেও মোরে ছাড়াই ॥”  
 ঘাটোয়াল কইল,—“আরে শুন সদাইগর । +  
 ট্যাকা ন হইব বড়ো ধর্মের উপর ॥ +  
 এই দেশের নয়া রাজা ধর্মমন্ত ধীর । +  
 অবিচার ন আছে রাইজ্যে পরজাগণ সুস্থির ॥ +  
 ডিঙ্গাত, বসি থাকো রে তুমি ন করিবা ডর<sup>২</sup> । +  
 নয়া রাজা করিব রে উচিত বিচার ॥” +

এই রূপে এক দুই তিন দিন যায় ।  
 নয়া রাজা ঘাটত আসি চড়িল ডিঙ্গায় ॥  
 রাজারে দেখি সদাইগর চকমইক্যা<sup>৩</sup> হইল । \*  
 সপ্ননর<sup>৪</sup> মতন সেই কিছু ন বুঝিল ॥  
 নয়া রাজা ঘাই পড়ে সদাইগরের পায় ।  
 ‘বাবা, বাবা’—বলি ডাকি আরে পরাণ জুড়ায় ॥  
 তারপরে বাপের বৃগত, রাখিয়ারে মাথা ।  
 চান্দমনি বলিল রে সগল ছুঙ্কের কথা ॥\*\*

কান্দিয়া রে সদাইগর বলিল তখন ।  
 “সূর্যমণি বাঁচি রইছে আনিব এখন ॥”  
 এইনা কথা বলি আরে কমল সদাইগর ।  
 ঘাট পার হই গেল মাছ বেচনীর ঘর ॥

। দিয়ম্ = দিব । ৮ । ডর = ভয় । ২ । চকমইক্যা = সম্ভ্রান্ত ।  
 ১০ । সপ্ননর = স্বপ্নের ।

পাঠান্তর :—\* সদাইগর দেখিয়া রে চকমইক্যা হইল ॥

\*\* ‘—আত্মপাক্ত কথা ॥

জিগাইল<sup>১১</sup> সদাইগর মাছ বেচনীরে ।

“এই যাছু কঁড়ে<sup>১২</sup> পাইলা বলি বা আমারে ॥

মাছ বেচনীর কাছে শুনি সগল কাইনী<sup>১৩</sup> । \*

সদাইগর ছাড়ি দিল রে ছুই চোগর<sup>১৪</sup> পানি ॥

সূর্যমণি বাপর দিগে<sup>১৫</sup> ঠাহর করি চাহি ।

কান্দিয়া বলিল,—“বাবা, কোথায় আমার ভাই ॥

কোথায় গেল মইফুলা মাসী কি হইল বাড়ীঘর ।

বড়ো ছুকে পড়ি দাদার গায়ত্ উডিল জ্বর ॥

ছড়ার ঘোল পাণি খাই দাদা ঘুমে অচেতন । +

পর ভাতে উড়ি তার ন পাই সন্ধান ॥ +

মস্ত মস্ত হান্তির পাড়া ভূমিত, পড়িছিল । +

হায় রে ছুকের কপাল দাদারে হান্তিত, মারিল ॥”+

সদাইগর বলে,—“যাছু, ন কান্দিও তুমি । +

বাঁচি রইছে তোমার ভাই রাজা চান্দমনি ॥ +

এই কথা বলি তখন কি কাম করিল ।

যাচুর মুখে চুমা দিয়া কোলে তুলি লইল ॥

হাজার টাকার তোড়া দিল মাছ বেচনীর হাতে । +

পুত্র লই সদাইগর বাহির হইল পথে ॥ +

দোনো জনে চলি গেল রাজ্যের রাজবাড়ী । +

খবর শুনি চান্দমণি আইল তড়াতড়ি ॥ +

১১। জিগাইল = জিজ্ঞাসা করিল । ১২। কঁড়ে = কোথায় । ১৩। কাইনী = কাহিনী । ১৪। চোগর = চোখের । ১৫। বাপর দিগে = বাপের দিকে

পাঠান্তর :—\* মাছ বেচনীর কাছে শুনি অচরিত বাণী ।

কোলা কোলি গলাগলি করিল দোনো ভাই ।  
পরামিশ করে তিনে দেশে যাইবার লাই<sup>১৬</sup> ॥ +

( ১২ )

দুই যাত্ৰ লই সাথে সদাইগর দেশে ত চলিল । +  
ষ টে আসি তিনো জনে ডিঙ্গায় ত চড়িল ॥  
সদাইগর বলে তখন—“শুন মাঝা মাঝি ।  
ডিঙ্গা ছাড়ি দেও রে এখন বাড়ীত্‌ যাইয়ম<sup>১</sup> আজি ॥  
রাজদরিয়ার রাজা হইল আমার যাহু ধন । \*  
লঙ্গর তুলি তোমরা ডিঙ্গা ছাড়হ এখন ॥”  
‘বাও, বাও’—বলি যখন নাগেরায়<sup>২</sup> দিল বাড়ি ।  
কাণ্ডারীয়ে ধইরুল কাণ্ডার<sup>৩</sup> বাইশা<sup>৪</sup> দিল ছাড়ি ॥  
হেলিতে চেলিতে ডিঙ্গা চলে মনোহর ।  
তিন দিনে গেল তারা বাসন্তী নগর ॥

বাসন্তী নগরে আসি ছাড়িল কামান ।  
সোনাই আর গোবর্ধন<sup>৫</sup>র কাঁপি উঠিল পরান ॥  
কাহাবে ন কিছু বলি ন দিল খবর ।  
একেবারে আন্দরে<sup>৬</sup> গেলে কমল সদাইগর ॥

১৬। লাই=লাগিয়া ।

১। যাইয়ম=বাহব । ২। নাগেরা=উচ্চ শব্দকরী বাগ যন্ত্র বিশেষ ।

৩। কাণ্ডার=হাইল । ৪। বাইশা=জাহাঙ্গীর পরিচালক । ৫। আন্দরে  
=বাড়ীর অন্তর মহলে ।

পটাস্তর :—\* রাজদরিয়ার মালিক—॥

গোবর্ধনরে সামনে পাই তারে জিগাইল ।  
“কঁড়ে আমার দোনো যাছু কি সম্বাদ বল ॥”

গোবর্ধন বলে,—আমি কি বলিব আর ।  
একসঙ্গে দোনো যাছু ছাড়িল সংসার ॥  
মইফুলা দাসী হায়রে বেইমানি করিল ।+  
দোনো যাছুরে সঙ্গে লই পলাইয়া গেল ॥+  
দেশে দেশে তোয়াইয়া ন পাইলাম আর ।+  
আর কি কইব এই দুস্কের সমাচার ॥”+

সদাইগর উড়ি যাই ধরিল তার কান ।  
“কঁড়ে তর দোনাই রাণী তারে ধরি আন ॥”  
ভয়ানক ডাক ছাড়ে কমল সদাইগর ।  
তাহার জিঙ্কারে ৬ কঁাপে দোমহলা বর ॥  
রাগে করে গরুগর তামার মতন অঁাখি ।  
পাইক মাঝি সকলরে আনিল যে ডাকি ॥  
ছকুম করিল তখন কমল সদাইগর ।  
“এই বেটা দুশমনরে আগে বন্ধন কর ॥”

গোবর্ধন কোনো কথা ন কইল আর ।  
দুইজন যাই তখন যেণ্ডিত্ ৭ ধইরল তার ॥  
হাতত দিল হাতকয়ড়া পায়ত্ দিল বেড়ী ।  
ধাক্কাই ধাক্কাই উডাই লইল গর্দনাতে ধরি ॥\*

৬ । জিঙ্কারে = গর্জনে ।

৭ । যেণ্ডিত্ = ঝাড়ের পিছনে ।

পাঠান্তর :—\* ধকাই ধকাই লইয়া গেল গর্দনেতে ধরি

তখন যে সোনাই বউ কি কাম করিল ।  
 গোবর্ধন<sup>৮</sup>র দশা দেখি কঁাপিতে লাগিল ॥  
 মানিকরে ধরি আনি খাড়া<sup>৯</sup>ত করিয়া ।+  
 সোনাই বউয়ের কাণ্ড কথা শুনিল জিগাইয়া ॥+  
 যখন মানিক কইল, “বউ তলোয়ার দিল হাতে ।”+  
 সদাইগর উড়ি সোনাইর লাথি মাইরল মাথে<sup>১০</sup> ॥+  
 হুকুম করিল তখন কমল সদাইগর ।  
 “উড়ানের মাঝে ছুইডা বড়ো গাথা কোড়” ॥  
 পাগলা কুকুর আন<sup>১১</sup> এখন তোয়াই ।  
 ছুইজনর পিরিতর জ্বালা বুঝাই দিতাম্ চাই ॥

এইনা কথা বলি সদাইগর সোনাইর চুলত ধরিল ।  
 এমন সময় দোনো যাছ আসি উপনীত হইল ॥  
 দোনো যাছ আসিয়াবে সতাইর মুখর দিগে চায় ।  
 কালামুখ<sup>১০</sup> কালি করি সতাই চোখ যে নামায় ॥+  
 কোন কথা সতাই মাওরে তারা ন কইল  
 দোনো ভাই যাইয়ারে বাপের হাতত ধরিল ॥+  
 বাপের হাত ধরি \* তখন বলে দোনো ভাই ।  
 “ক্ষেমা করণ<sup>১১</sup> সতাই মাওরে এই ভিক্ষা চাই ॥”

কমল সদাইগর তখন কিছু ন বলিল ।  
 সতানীরে কেবল একবার নিকটে ডাকিল ॥  
 গোবর্ধন<sup>৮</sup>র দিগে একবার ফিরাইল নয়ান ।

৮। মাথে=মাথায়। ৯। গাথা কোড়=গর্ত খনন কর। ১০।  
 কালামুখ=কলঙ্কিতমুখ। ১১। ক্ষেমাকরণ=ক্ষমা করন।

\* বাপের দিকে চাহি—’।

থরথর কঁাপে দোয়ে \* উড়িল পরান ॥  
 চান্দমণি বলে,—‘বাবা, থির করন মন ।  
 মইফুলা মাসীর তালাইশ<sup>১</sup> করণ এখন ।’ ॥  
 হাটে বাজারে ঢোল দিল মইফুলার তরে ।  
 সগলে জানাইল দাসী মইফুলা গেছে মইরে ॥

( ২০ )

তারপরে ত চান্দমণি কি কাম করিল ।  
 আপনার রাইজ্যে ঘাইতে বিদায় মাগিল ॥  
 চৌদ্দ ডিঙ্গা সাজাইয়া চলিল সগলে ।  
 চান্দমণি সূর্যমণি হাসি হাসি চলে ॥  
 সোনাই বউরে সঙ্গে লইল কমল সদাইগর ।  
 ছুই নয়ানের পানি তার বারে বর বর্ ॥

কাল পান্ঠায়<sup>২</sup> ডিঙ্গা যখন উপনীত হইল ।  
 সদাইগর সোনাই বউরে নিকটে আনিল ॥  
 আনিয়া কইল তারে,—“শুন বে সোনাই ।  
 কইল্জা পুড়ি রে আমাব হই গেছে ছাই ॥  
 বড়ো আশা করি তরে আনিয়ছিলাম ঘরে ।  
 স্তরঙ্গিনীর সঙ্গে কেনে ন গেলাম রে মইরে ॥  
 বুড়াকালে তুই আমারে করলি এমন খুন ।  
 গুজরি গুজরি<sup>৩</sup> বুগে জলে রে আগুন ॥

১২ । তালাইশ = অহুসন্ধান । ১ । কালাপন্থায় = সাগরের কালাপানি  
 স্থানে । ২ । গুজরি = গর্জন করিয়া ।

ছোডো করি দিলি তুই রে আমার সোনা যাহুর মুখ । } \*  
বাঁচি থাকিলে তুই আরও দিবি হুখ ॥

এইনা কথা বলি সদাইগর কি কাম করিল ।  
চুলত ধরি সোনাইরে এক ঘুরানপাক্ দিল ॥  
ঘুরান পাক দিয়া তারে কি কাম করিল । +  
তুফান সাইগরের মাঝে ফেলাই ত দিল ॥ +  
অতল সাইগরের জলে ডুপিল<sup>৩</sup> সোনাই ।  
বাপেরে ধরিল তখন আসি দোনো ভাই ॥  
বাঁপ দিতে সদাইগর চাহে বারে বার ॥  
চান্দমণি সূর্যমণি করে হাহাকার ॥  
রাজ দরিয়ার ঘাটে ডিঙ্গা হাজির হইল ।  
বাপেরে লই তারা রাইজ্যেতে চলিল ॥

( ২১ )

নয়া রাজা রাজত্ব করে বসি রাজতক্তের<sup>২</sup> পরে ।  
তার ওরে বাঘে মৈষে একই মাঠে চরে ॥  
একদিন কি হইল সবে শুন সমাচার ।  
পাগলী আইল এক রাইজ্যের মাঝার ॥  
সতাইয়ের বারোমাসি গায় পাগলিনী ।  
শুনিলে পাষণ গলি হইয়া যায় রে পানি ॥  
একদিন পাগলিনী রাজার আন্দরে আসি ।  
কান্দিতে কান্দিতে গাইল সতাইর বারোমাসি ॥

৩। ডুপিল = ডুবিল ।

পাঠাস্তর :—\* { বাঁচিয়া থাকিলে তুই আমার নাই হুখ ।  
ছোড যে করিলি তুই দোন বাহুর মুখ ॥



সূর্যমণি যাই তখন তারে বেড়াই ধরে ।  
নয়া রাজার চোগর জল টলমল করে ॥  
‘মইফুলা মাসী’—বলি যখন দিল ডাক ।  
আন্দরের সগল মানুষ হইল অবাক ॥  
নয়া রাজা যাই তখন কি কাম করিল ।  
মাসীমারে আদর করি বাড়ীর ভিতর নিল ॥  
কিছু ন খাইল নারী ন কইল কথা ।  
দোনো হাত দিয়া কেবল কুড়ে<sup>১</sup> আপন মাথা ॥  
পাগলী ন রইল ঘরে ন শুনিল বাণী ।  
বারোমাসী গাইয়া বেড়ায় চৌখে লই পানি ॥  
চৌখের পানি বিনা তার আর ত কিছু নাই ।  
কমল সদাইগর পালা করিলাম আদাই<sup>৩</sup> ॥

১। রাজত্বের পরে = রাজসিংহাসনে । ২। কুড়ে = কোটে, আশ্রিত  
করে । ৩। আদাই = বর্ণনা সমাপ্ত বা উদ্ধার ।

সমাপ্ত

## আন্ধা বন্ধুর বাঁশি পালার

### ভূমিকা

মাননীয় দীনেশচন্দ্র সেন মহাশয় সম্পাদিত ‘পূর্ববঙ্গ গীতিকা’ চতুর্থ খণ্ডে প্রকাশিত ‘আন্ধা বন্ধু’ পালার ছত্র সংখ্যা ৪৭০। এই সম্পাদনায় ছত্র সংখ্যা ৫৯০। সেন মহাশয়ের ৪৭০ ছত্রের ৪৬৮ ছত্র বা তদনুরূপ ছত্র এই সম্পাদনায় পাওয়া যাইবে। যে ছত্রগুলি সেন মহাশয়ের সম্পাদনায় আদৌ নাই সেইগুলি বৃদ্ধাইতে ছত্রের শেষে ‘+’ চিহ্ন দেওয়া হইল। এই সম্পাদনার ২৯টি ছত্রের সঙ্গে সেন মহাশয়ের ছত্রে তাৎপর্যে পার্থক্য ঘটায় সেন মহাশয়ের পাঠ পাদটীকায় প্রদত্ত হইয়াছে।

‘আন্ধাবন্ধুর বাঁশি’ পালা বোধ হয় পূর্ববঙ্গের প্রাচীন গাথা সাহিত্যে সর্বাপেক্ষা পুরাতন পালা; যদিও এখানে পালাটি যে ভাষায় প্রকাশিত হইল তাহাতে সেরূপ বুঝা যায় না। এমন কি সেন মহাশয় প্রকাশিত পালার ভাষা এবং এই প্রকাশনা মিলাইলে মনে হইবে, এই উভয় সংগ্রহের ভাষা অন্তত এক শতাব্দী পূর্বাপর।

এই পালার আখ্যান ভাগ গল্পে ও গানে সারা বাংলা দেশে পঞ্চাশ বছর আগেও সুপ্রচলিত ছিল। ১৯১৮ খ্রীষ্টাব্দে কলিকাতা শ্রামবাজারে এক দালান বাড়ীর ছাদ পিটাইতে এক গায়কের (বয়্যাতী ?) মুখে এই পালা আমি শুনিয়াছিলাম। আসামে গোয়ালপাড়া, কামরূপ, নগাঁও, ত্রিহট প্রভৃতি জেলায়ও এ গান আমি শুনিয়াছি। বাংলা ও আসামে এক কালে দালান বাড়ীর ছাদ পিটানোর সময় বাড়ীর মহিলারা রাজমিস্ত্রীকে অনুরোধ করিতেন,—যে গায়ক বা বয়্যাতী আন্ধা বন্ধুর বাঁশি’ জানে তাহাকে আনিতে হইবে।

এখনও বাংলা ও আসামে বহু হিন্দু-মুসলমান বৃদ্ধ ও বৃদ্ধা ‘আন্ধা বন্ধুর কাহিনী’ জ্ঞানেন, অবশ্য তাঁহারা সকলেই আমার মত সাধারণ গৃহস্থ ঘরের মানুষ। তাঁহাদের প্রত্যেকের ধারণা, ঘটনা সত্য, কিন্তু কোথায় এই ঘটনা ঘটিয়াছিল, তাহা কেহই সঠিক বলিতে পারেন না। ‘বেহুলা’ পালার মত অনেকে তাঁহাদের অঞ্চলের ঘটনা বলিয়া দাবি করেন। এমন কি উত্তরবঙ্গের একটি প্রাচীন জমিদার বংশ দাবি করেন, আন্ধা বন্ধু তাঁহাদের বংশেই জন্ম গ্রহণ করিয়াছিলেন কারণ আন্ধা বন্ধুর প্রথম জীবনের, অর্থাৎ শিশুকালের ঘটনার সঙ্গে তাঁহাদের বংশের একটি ঘটনার মিল আছে। এই জমিদারের অমুমান যদি সত্য হয়, তবে ঘটনাটি প্রায় চারি শত বৎসরের পুরাতন।

কাহিনীটি সর্বত্র একই প্রকার শুনা যায়।—এক রাজা অধিক বয়স পর্যন্ত ছিলেন নিঃসন্তান। তাঁহার কনিষ্ঠ ভ্রাতা আশা করিয়াছিলেন, দাদার মৃত্যুর পর তিনি রাজা হইবেন। কিন্তু শেষ পর্যন্ত রাজার একটি পুত্র সন্তান জন্ম গ্রহণ করিলে রাজভ্রাতা হতাশ হইয়া পড়িলেন।

রাজকুমারের বয়স যখন ছুই বৎসর তখন একদিন অপরাহ্নে খাত্রী ও ভূত্যেরা রাজকুমারকে নিয়া নদী তীরে ভ্রমণে গেলে একদল দস্যু কুমারকে অপহরণ করে। রাজা পুত্র-উদ্ধারের জন্ত তাঁহার সমস্ত সৈন্যবাহিনী নিযুক্ত করিলেন। ফলে দস্যুদল পলাইয়া বহু দূরে চলিয়া গেল। তাহাতেও নিরাপদ মনে করিতে না পারিয়া, শেষে এক প্রকার ঔষধের সাহায্যে শিশুটির দৃষ্টি শক্তি চিরতরে বিনষ্ট করিয়া তাহাকে এক বনভূমিতে রাখিয়া দেশান্তরে চলিয়া গেল।

এক ব্যাধ বনে আসিয়াছিল শিকার করিতে। গভীর বনে শিশুর কান্না শুনিয়া সেই ব্যাধ শিশুটিকে তাহার গৃহে লইয়া গেল। ইহার অল্প কিছুদিন পরেই ব্যাধ জানিতে পারিল, দেশের রাজকুমারকে

দস্যুরা অপহরণ করিয়াছে, এবং অনুমানে বুঝিল, তাহার গৃহের এই শিশুটিই অপহৃত রাজকুমার। রাজার হাতে রাজকুমারকে সমর্পণ করিতে ব্যাধ সাহস পাইল না। কারণ, রাজা যদি রাজকুমারের চক্ষু নষ্ট হওয়ার জন্য ব্যাধকে দায়ী করেন তবে বিপদ হইবে, এই ভয়ে সেও কুমারকে লইয়া দেশান্তরে চলিয়া গেল। ইহার পর রাজকুমারের বয়স যখন বারো বৎসর তখন একদিন ব্যাধ বনে শিকার করিতে গিয়া আর ফিরিয়া আসিল না। ব্যাধিনী স্বামীর খোঁজে বনে গিয়া নিখোঁজ হইল। রাজকুমার এবার সম্পূর্ণ অসহায় হইলেন। ইহার পরবর্তী ঘটনার কিয়দংশ লইয়া এই গাথা রচিত হইয়াছে।

মাননীয় সেন মহাশয় তাঁহার সম্পাদিত ‘আন্ধা বন্ধু’ পালার ভূমিকায় পালা রচনার কাল সম্পর্কে লিখিতেছেন, ‘চতুর্দশ শতাব্দীর শেষ ভাগে কিংবা পঞ্চদশ শতাব্দীর প্রথমে এই পালাটি বিরচিত হইয়াছিল বলিয়া আমাদের বিশ্বাস।’

পালাটি যে খুবই পুরাতন এবং এক শতাব্দী পূর্বে অত্যন্ত জনপ্রিয় ছিল তাহার প্রমাণ, সারা বাংলাদেশ ও আসামে ইহার প্রচার। একমাত্র ‘চাঁদসদাগর বেহুলা’র কাহিনী ছাড়া অপর কোনো গাথা এপ্রকার প্রচারলাভ করে নাই। ইহার দুইটি ধূয়া—

(১) ‘ওরে মন পবনের নাও।

কোন দেশতনে আইছরে তুমি

কোন দেশে বান্ যাও ॥’

(২) ‘মোর মন-ঘমুনা, কোন দেশে যাও বইয়া।

সাইগরে না পাইলা তুমি

শুকনা বালুতে লুকাইয়া ॥’

প্রাচীন পূর্ববঙ্গ গীতিকা : ৫ম খণ্ড

এ কাল পর্যন্ত বহু বাংলা ও অসমীয়া গানের ভাব ও সুর যোগাইতেছে। ইচ্ছা আছে, যদি আমার সংগ্রহের শেষখণ্ড ছাপানো পর্যন্ত বাঁচিয়া থাকি, তবে ‘বাংলা ও অসমীয়া প্রাচীন পল্লী সঙ্গীত’ একখণ্ড প্রকাশ করিতে চেষ্টা করিব।

পূর্ববঙ্গের প্রাচীন পল্লী গাথাগুলির রচনামূল্য লক্ষ্য করিলে দেখা যাইবে, যে পালাগুলি আসরে গায়নদের গাহিবার উপযুক্ত করিয়া রচিত, তাহার মধ্যে কিছু অংশ পাঁচালীর সুরে গাহিবার মত রচনা আছে। অবশ্য এই রচনাগুলির সুরও পশ্চিমবঙ্গের পাঁচালীর সুর নহে, পূর্ববঙ্গের ভাটিয়ালী সুরেরও কোনো ধাঁচে পড়ে না; উহার নিজস্ব বৈশিষ্ট্য আছে। ‘আন্ধার বাঁশি’ পালা কিন্তু প্রথম হইতে শেষ পর্যন্ত ভাটিয়ালী সুরের ‘বিচ্ছেদ’ ও ‘সারি’ লহরে রচিত। খ্রীষ্টীয় পঞ্চদশ শতাব্দী হইতে অষ্টাদশ শতাব্দীর মধ্যে পূর্ববঙ্গে রচিত যতগুলি পল্লীগাথা পাওয়া গিয়াছে তাহার মধ্যে ‘হাঁওলা’ গান ছাড়া আসরে গায়নদের গাহিবার মত কোনো পালা এই পদ্ধতিতে রচিত না হওয়ায় মনে হয়, এই পালাটি খ্রীষ্টীয় পঞ্চদশ শতাব্দীর পূর্বের রচনা। বর্তমানে যে ভাষায় এই পালাটি পাওয়া যায়, তাহাতে খ্রীষ্টীয় উনবিংশ শতাব্দীর ভাষার ছাপ থাকার কারণ, জনপ্রিয় পালায় প্রসারে অঞ্চল ভেদে পল্লীকথা ভাষার উচ্চারণ ভেদ। এই গাথাগুলি কোনোটাই বোধ হয় বিংশ শতাব্দীর পূর্বে কোনো শিক্ষিত সাহিত্যানুরাগী ব্যক্তি প্রেসে ছাপাইয়া প্রকাশ করেন নাই। পালাগুলি গায়ন ও বয়াতীরা হাতে লিখিয়া লইতেন। ফলে যে গায়ন বা বয়াতী যে অঞ্চলের বাসিন্দা, তিনি তাঁহার গাহিবার মত ভাষায় পালা লিখিয়া লইয়াছেন। ইহার জন্ম রংপুর জেলায় বামন ডাঙ্গার জমিদার মহাশয়ের নিকটে রক্ষিত ‘আন্ধার বাঁশি’ আসাম-খুবড়ীর পর্বতস্থায়ার জমিদারের ম্যানেজার ত্রীযুক্ত হেমেন্দ্রচন্দ্র দাসগুপ্ত

আন্ধা বন্ধুর বাঁশি পালা

মহাশয়ের সংগ্রহ ‘বন্ধুর বাঁশি’ ও মৈমনসিংহ-ঢাকা জেলার গায়েন-বয়াতীদের খাতায় লেখা পালার বর্ণনা এক হইলেও ছত্রের শব্দসজ্জা ও উচ্চারণ ভেদে শব্দের বানানে বেশ কিছু পার্থক্য দেখিয়াছি।

‘আন্ধা বন্ধুর বাঁশি’ পালাটিতে ভাটিয়ালী-সারি-লহরের প্রাধান্য থাকায় পূর্ববঙ্গের বয়াতীদের এটি অতি প্রিয় পালা। লক্ষ্য করিয়া দেখিয়াছি হিন্দু অপেক্ষা মুসলমান বয়াতীদের কণ্ঠেই ভাটিয়ালী গানের সারি ও ঝাঁপ্‌লহর ভালো উঠায়।

আমপুলাপাড়া  
নবদ্বীপ

ত্রিঙ্কিতীশ চন্দ্র মৌলিক

## আন্ধা বন্ধু

( ১ )

প্রভাতে নগরের পথে চলেছে এক অপরিচিত আগন্তুক অন্ধ ভিখারী। ভিখারী বয়সে যুবক, রূপে পরম সুন্দর, হাতে তার একটি বাঁশের বাঁশি। তার নাম-পরিচয় কোথাও কেউ জানে না, জিজ্ঞাসা করলে উত্তর দেয় না ; লোকে তার নাম রেখেছে ‘আন্ধা বন্ধু’।

ভিখারী আন্ধা বন্ধু প্রভাতে বাঁশি বাজিয়ে চলেছে অপরিচিত নগরের রাজপথে।

ভোর গগনে খইরা মেঘ<sup>১</sup> রে,

তার সিন্দূর মাখা গায়।

রাজপথে কোন বা জনে

এমন বাঁশিটি বাজায় রে—

এমন বাঁশিটি বাজায় ॥

গাঙ্গের কূলে খাড়া আছিল

আরে ভালা লীলুয়ারী বয়ার<sup>২</sup>।

শুইয়া সেই বাঁশির গান

বয়ারের লাইগ্ল চমৎকার ॥

কোন বা দেশের ভাইট্যাল নদী রে

আরে নদী বহিল উজানি।

পাড় ভাঙ্গাইয়া<sup>৩</sup> নদীর কূলে

ঢেউ কইচ্ছে কানাকানি রে

নদী বহিল উজানি ॥

১ খইরা মেঘ = খয়েরী রঙের মেঘ। ২। লীলুয়ারী বয়ার = লীলা চঞ্চল হাওয়া। ৩। পাড় ভাঙ্গাইয়া = পাড় ভাঙিতে সক্ষম।

আন্ধা বন্ধুর মনের দুঃখ অন্তরের ব্যথা জানিয়ে বাঁশি বেজে  
চলেছে,—

‘ভোরবিয়ানে<sup>৪</sup> ডালুম<sup>৫</sup> কলি রে  
আরে কলি, ফুটলে ডালে ভরা  
কেমনে জান্‌বাম্ আশ্‌মান জমিন  
কেমন চাঁদ আর তারা ॥  
কেমনে নাচে নদীর ঢেউ রে  
গাছের ডালে পাখি ।+  
তুই আঙিথ অন্ধ আমার  
আমি কিছুই নাই ত দেখি রে—+  
অন্ধ আমার আঁখি ॥ +  
ছনিয়ায় কেউ নাই রে আমার  
আমি একলা পশ্বে ফিরি ।  
বাড়ী নাই রে ঘর নাই রে  
গাছের তলার বসত্ করি ॥  
যেইনা বিরিকের তলায় যাই রে  
আমি ছায়া পাওনের আশায় ।  
সেইনা বিরিক আঁগুনি বর্ষে  
আমার অন্তর পুইড়া যায় রে—  
আমার সগ্‌গল পুইড়া যায় ॥ +  
তিয়াস<sup>৬</sup> লাইগ্যা গাঙ্গে গেলে রে  
ঘাটে পানি নাই ত থাকে ।\*

৪। ভোর বিয়ানে = অতি প্রভাতে । ৫। ডালুম ডালিম ।

৬। তিয়াস = তৃষ্ণা ।

ঠান্ডর :—\* গাঙ্গের ঘাটে গেলে গাঙ্গের পানি যে শুকায় ॥



শুকনা বালুর চর পইড়া যায়  
গহীন নদীর বাঁকে বাঁকে রে— +  
ঘাটে পানি নাই ত থাকে ॥ +  
কোন বিধাতা সির্জিল মোরে  
কইরা এমন কপাল পোড়া ।  
ভিক্ষা দেওগো নগরিয়া লোক  
আইজা আক্কা ছুয়ারে খাড়া ॥”

আক্কা বন্ধুর সেই বাঁশির অপূর্ব করুণ গান শুনে অনেকে ঘর  
ছেড়ে রাজপথে এল বাঁশিওয়ালাকে দেখতে । দেখে তারা বিস্মিত  
হয়ে বলাবলি করছে,—

‘কেমুন জানি সোনার দেশ সেই  
দেশে সোনার মানুষ আছে ।  
এমুন কাঞ্চন পুরুষ কেনে ভিক্ষা লইতে আইছে ॥  
মাও নাই কি বাপ নাই কি  
বহিন নাই কি ঘরে । +  
এমুন কাঞ্চন পুরুষ কেনে ভিক্ষা করে ॥  
কাঞ্চা সোনার অঙ্গ গো এয়ার’  
আর যেমুন গোরোচনা ।  
না দেইখ্যাছি এমুন রূপ গো কি দিব তুলনা ॥  
দেখিতে সুন্দর রূপ রে  
যেমুন শ্যাম-সুখ পাষি ।  
কোন্ পামর বিধাতা করল  
এয়ার অঙ্গ ছুটি আঁখি রে—  
এয়ার অঙ্গ ছুটি আঁখি ॥”

ভোরের রাজপথে ভিখারী আন্ধা বন্ধু বাঁশি বাজিয়ে গান গেয়ে  
চলেছে। তাকে দেখে চমৎকৃত নগরবাসী ভিক্ষা দিতে ভুলে গেল।  
পথ চলতে চলতে শেষে—

খাড়া হইল আন্ধা বন্ধু রাজার রাজ-দুয়ারে।

হস্তের বাঁশি বাইজা উঠে সেইনা মোহন সুরে ॥ +

রাজকন্যা ঘুমিয়ে আছেন পালঙ্কে সুখ শয্যায়। রাজকন্যার  
ধাত্রী আন্ধা বন্ধুর বাঁশি শুনে এসে রাজকন্যাকে জাগিয়ে বলল,—

“শুন শুন রাজার কন্যা, বলি যে তোমারে।

কাঞ্চন পুরুষ এক আইছে তোমার দুয়ারে ॥

কান্ধে তার ভিক্ষার বুলি অঙ্গে সোনার বরণ।

আম্বি দুইটি অন্ধ তার হইল বিধাতা দুশ্মন ॥

দেখিতে যদি চাও লো কন্যা, চল শীঘ্র করি।

ঐ শুন! যায় অন্ধের বাঁশি বাজে সুর ধরি ॥ +

ভিক্ষা যদি দিতে চাও কন্যা, লইয়া চল সাথে।\*

কিবান্ ভিক্ষা দিবালো কন্যা, এমুন সোনার আন্ধার  
হাতে ॥ +

কাঞ্চা সোনা গোরোচনা রূপ না যায় পাসরা।

চান্দ মুখ হাসে তার অন্ধ নয়ানে বয় ধারা ॥\*

কন্যা, দেখবে চল তরা ॥”

পাঠান্তর :—\* কিবা ভিক্ষা দিবে তারে সঙ্গে লহ করি ”

পাঠান্তর :—\* এক নয়নে ঝরে হাসি আর নয়ানে ধারা লো।

রাজকন্য়ার কানে তখন বাঁশির সুর প্রবেশ করেছে। তিনি ব্যাকুল হয়ে ছুটে গেলেন বাঁশিওয়ালাকে দেখতে, দেখে মোহিত হয়ে গেলেন। রাজদ্বারে আত্মা বন্ধুর বাঁশি থামলে রাজকন্য়া ঘরে এসে ভাবছেন,—

ওরে মন-পবনের নাও ।  
 কোন দেশতনে<sup>৮</sup> “আইছরে তুমি  
 কোন দেশে বান্ যাও ।  
 ওরে মন-পবনের নাও ॥—দিশা ।  
 উজান গাঙ্গে, বাজে রে বাঁশি  
 পানি ভাইট্যাং যায় বাইয়া । \*  
 উদাস হাওয়া কানের কাছে  
 আইজ কিবান্<sup>৯</sup> “যায় রে কইয়া ॥  
 ওরে মন-পবনের নাও—॥  
 সেই ত সোনার নদীর পাড়ে  
 কোন বা সোনার দেশে ।  
 রসইয়া<sup>১০</sup> সোনার মামুষ বুঝি  
 সেই না দেশ বইসে ॥”<sup>১১</sup>  
 বাজাও বাজাও বাজাও রে বাঁশি  
 ও বাঁশি আমারে শুনাইয়া ।”\*\*

৮। দেশতনে = দেশ হইতে । ৯। কিবান্ = কি যেন । ১০। রসইয়া = রসিক । ১১। বইসে = বাস করে ।

\* উজান সুরে বাজেবে বাঁশী ভাইট্যাং যায় রে বাইয়া ।

\*\*—আর বাই শুনিয়া ।

ঘুমের মানুষ টাইগ্ৰা তুইলা

পর্য লইলা কাইড়া ॥\*

ওরে মন পবনের নাও । +

কোন বা দেশে ছিলা রে তুমি

আইজ কোথায় ভাইগ্ৰা যাও ॥ +

রাজকন্ঠার এই ভাবান্তর লক্ষ্য কোরে সখীতুল্য ধাত্রী জিজ্ঞাসা  
করল,—

“কি হইল কি হইল কন্ঠা,

আইজ এ আন্ধার বাঁশি শুনি । +

চাঁদ মুখ মইলান হইল

কন্ঠা, তর চউক্ষে ঝরে পানি লো, +

কি হইল কণনা শুনি ॥ +

ধাত্রীর প্রশ্নের উত্তরে রাজকন্ঠা ব্যাকুল হয়ে বললেন,—

শুন শুন শুধাই লো,

আমি কইয়া বুঝাই তরে । +

আইজ আন্ধার বাঁশি শুইনা আমার

পর্য কেমন করে লো— +

আমার মন পবনের নাও, +

কোন দেশে আছিল তুমি

আইজ কোন বা দেশে যাও ॥ +

না জানি অন্ধের বাঁশি

ও বাঁশি কি বান্ যাছ জানে ।

---

\*—জাগিয়া ঘুমায় বাঁশী শুনিয়া ।

ঘরে বান্ধা বেড়ার মন”-২

আমার বাইরা টাইয়া আনে ॥

কি দিবাম্ দান তারে আমি

বাই লো, কহত আমারে ।

মধু ভরা বাঁশের বাঁশি

আইজ পাগল কইরল মোরে ॥

সোনার কবাথ রূপার খিল লো

আমার বাপের ভাগুর ।

বাপের আগে কইয়া লো খাই,

খুইলা দেও দুয়ার ॥

ধূলা মানিক একই কথা লো,

তাতে লাভ কিবান্ তার আছে ।\*

আগে জাইয়া আইস কিবান দিলে

আন্ধার ছুঃখ ঘোচে লো,

আমার মন পবনের নাও, +

এই দেশ ছাইড়া আইজ রে তুমি

কোন্বা দেশে যাও ॥’ +

রাজকন্য়ার এই ব্যাকুল অনুরোধের উত্তরে ধাত্রী বলল,—

‘শুন শুন রাজার কইয়া,

আলো কথা আমার কথা ধর ।

১২ । বেড়ার মন = বেঠেনী দিয়া ঘেরা মন ।

পাঠান্তর :— \*—তাতে কিবান্ আছে

কি কইরা অন্ধের দুঃখ  
 তুমি ঘুচাইতে পারো ॥  
 রাজার পুত্র যেমন লো কন্ঠা,  
 মন কয় যে আমারে ।  
 বড়ো দুঃখে অন্ধ হইয়া  
 আইজ ছয়ারে ছয়ারে ঘুরে ॥  
 দিবা নাই রে রাইত নাইরে  
 অন্ধের সগলই সমান ।  
 এয়ার<sup>১৩</sup> দুঃখ ঘুচে যদি কেউ  
 নয়ান করে দান লো—  
 কন্ঠা, শুন শুন ॥’

খাত্রীর কথা শুনে রাজকন্ঠা হতাশ হয়ে বললেন,—

‘এমন ধন নাই লো খাই  
 এই না রাজার ভাণ্ডারে ।  
 সেই ধন মিলিব কোথায়  
 খাই, কইয়া দেও আমারে ॥  
 দেহে কত সয় লো খাই,  
 এয়ার দেহে কত সয় ।  
 কিবান্ ধন দিলে বল  
 এই অন্ধ খালাস হয়<sup>১৪</sup> ॥

শুন শুন ও-লো ধাই,  
আমি কহি যে তোমারে ।  
আমার দুইটি নয়ান তুইল্যা  
দিয়া আইস তাহারে লো—  
ওরে ও মন-পবনের নাও । +  
কোন দেশেরতন্ আইছ তুমি  
কোন দেশে বান্ যাও ॥” +  
চম্পার বরণ মইলান হইল  
ভূমে পড়ে ফুল মালা ।  
ঝরঝরিয়া নয়ানের জলে  
আইজ কান্দে রাজার বালা ॥  
রসিক জনে কয় লো কণ্ঠা,  
দিলে কি হইব নয়ান ।  
অন্ধের হুঃখ ঘুচে লো কণ্ঠা,  
যদি দিতে পারো তোমার মন ॥

( ৩ )

প্রভাতে রাজদ্বারে বাজছে অপরিচিত আক্কা বন্ধুর বাঁশের বাঁশি ।  
রাজা ছিলেন রাজ অন্তঃপুরে ঘুমিয়ে ।—

কে বাজায় রে বাঁশি ।  
দেইখ্যা আইস নগর-পন্থে  
এ কোন দেশের উদাসী রে—  
কে বাজায় এই বাঁশি ॥—ধুয়া

ঘুমতনে জাগিল রাজা বাঁশির গান শুনি ।  
 মধুভরা এমুন বাঁশি কে বাজায় না জানি ॥  
 ভোরের বাতাস পাগল হইল  
 রাজার ঘরে থাকন্ দায় ।  
 এমুন কইরা কেমন জনে  
 ভোরে বাঁশরী বাজায় ॥  
 “খবরিয়া,<sup>২</sup> জাইয়া আইস আগে ।  
 কোন জনা বাজায় রে বাঁশি  
 এমুন নবীন অমুরাগে রে—  
 খবরিয়া, জাইয়া আইস আগে ॥”  
 খবইরা অঁসি কইল ‘রাজা,  
 শুন দিয়া মন ।  
 সোনার মানুষ বাজায় বাঁশি  
 পাগল কইরা মন ॥’  
 রাজা কয়, ‘লইয়া আইস তারে’ ।  
 যে জনা বাজায় বাঁশি  
 এমুন উদাস কইল মোরে । +  
 খবইরা, লইয়া আইস তারে ॥’ +  
 বাঁশি হাতে আইল রে অন্ধ খাড়া হইল থলে<sup>৩</sup> ।  
 ভিখারী অন্ধের অঙ্গে কাঞ্চা সোনা জলে ॥

১। থাকন = থাকা ।    ২। খবরিয়া = সংবাদ সংগ্রাহক ।    ৩। থলে :  
 নির্দিষ্ট স্থানে



রাজা কয়, “এ কি চমৎকার ।  
 দেহের রূপে পশু আলো  
 চোখ দুইটি আন্ধার,  
 দেখি এ কি চমৎকার ॥  
 স্নানর পশ্চের মানুষ কহি যে তোমারে ।  
 কোন বা দুঃখে বেড়াও রে তুমি  
 এমুন পশ্চ পশ্চ ঘুরে,  
 আমি জিগাই যে তোমারে ॥  
 তোমার কেনে এই দুঃগতি । +  
 কোন্ বা দেশে বাড়ী ঘর  
 তোমার কোথায় বান্ বসতি ।  
 তোমার কেনে এই দুঃগতি ॥  
 অন্ধ, সত্য কইবা মোরে । +  
 কেবা তোমার পিতামাতা  
 তারা কোথায় বসতি করে । \*  
 অন্ধ, সত্য কইবা মোরে ॥ +  
 কেন কান্দ দিবারাতি । +  
 নাই কি তোমার সোদর ভাই  
 নাই কি তোমার সাথী । +  
 কেন কান্দ দিবারাতি ॥” +  
 “রাজা, কহি যে তোমারে ।  
 আমার বাপ নাই রে মাও নাইরে  
 নাই মায়ের পেটের ভাই ।

পাঠান্তর :—\* কেবা তোমার মাতা পিতা কেবা পথের লাক্ষীয়ে ॥

ভীর্ষের কাউয়াঃ হইছি

দেশে দেশে উইড়া বেড়াই—\*\*

গো রাজা, কহি যে তোমারে ॥

ভবে আপন কইতে কেউ নাই ।

বিধাতা পাষণ হইয়া

মোরে দিল গো এতেক দুখ্ ।

জন্মিয়া না দেখিলাম গো রাজা,

আমি মাও বাপের মুখ ।

আমার আপন কইতে কেউ নাই ॥ +

রাজা, শুন আমার দুঃখের কথা । +

বিধাতারে না দোষী আমি

কপাল দোষ আমার ।

দিবস রজনী আমার

রাজা, সমান অইন্ধকার—

গো রাজা শুন দুঃখের কথা ॥ +

রাজা, শুন আমার মনের ব্যথা । +

জন্মিয়া না দেখিলাম রে আমি

চাঁদ সুরজের মুখ ।

মানুষ দেইখ্যা মানুষের মনে

কেমনে হয় রে সুখ— +

গো রাজা, শুন মনের ব্যথা ॥ +

৪ । কাউয়া = কাকপাখি ।

\*\*ভীর্ষের না কাউয়া যেমন উইড়া না বেড়াই ॥

রাজা, কি দিব ঠিকানা । +  
পন্থে পন্থে ঘুইয়া ফিরি  
লইয়া হুঃখের বেসাতি<sup>৫</sup> ।  
মনে কাইন্দ্যা বনে ঘুমাই  
আমার গাছতলায় বসতি—  
গো রাজা, কি দিব ঠিকানা ॥ +  
ভবে দরদী কেউ মোর নাই । +  
কোকিলায় দিয়াছে জনম  
মোরে কাকে ত পুষিল ।  
শিশুকালে নিদয়া কাকে  
মোর চক্ষু কাইড়্যা নিল ॥ +  
কোন বা দেশে ছিলাম রে আমি  
কোন বা দেশে যাই । +  
অভাগ্যা বলিয়া সবে  
দিল রে খেদাই—  
গো রাজা, মোর দরদী কেউ নাই ॥’ +

‘শুন শুন নবীন পান্থ,  
আরে কহি যে তোমারে ।  
আইজ হইতে বসতি কর  
তুমি আমার রাজ্যপুরে ॥  
ভিক্ষার ঝুলি ছাইড়্যা তুমি  
আমার ঘরে বইস্তা খাও ।

---

৫ । বেসাতি = পশরা ।

আইজ হইতে হইলাম আমি  
 তোমার বাপ আর মাও ॥  
 ভরা ভাণ্ডারের ধনের ছুয়ার  
 তোমার থাইকুব খোলা ।  
 গলায় পরিবা তুমি  
 মণি-মাণিক্যের মালা ॥  
 অঙ্গেতে পরিবা তুমি  
 রাজার রাজ-ভূষণ ।  
 সর্বান্নে গান্ধিয়া দিবা  
 রত্নাদি কাঞ্চন ॥  
 মন্দিরে থাকিবা তুমি  
 রাজার উত্তম বিছানে ।  
 ঘুমতনে ৬ জাগিব আমি  
 তোমার বাঁশি শুনে ॥  
 এক কইন্যা আছে মোর  
 পরাণের পরাণ ।  
 তাহারে শিখাইবা তুমি  
 তোমার বাঁশির গান ॥  
 এই দুই কার্য তোমার  
 আর কিছু না জান ।  
 সকল সুখ পাইবা তুমি  
 কেবল নাই দুই নয়নি—  
 পান্থ, থাকো আমার ঘরে ।’

আন্ধা বন্ধুর বাঁশি শুনে ও তাঁকে দেখে রাজকন্যা উতলা হয়ে উঠেছিলেন। শিক্ষকরূপে তাঁকে পেয়ে হলেন শান্ত। আন্ধা বন্ধুর কাছে রাজকন্যা বাঁশি শেখেন। একদিন আন্ধা বন্ধু তাঁর মনের দুঃখ জানানেন।—

‘ধর লো কন্যা বাঁশি ধর।—দিশা  
কিবা শিক্ষা দিবাম্ লো আমি  
আমার ছনিয়া অইন্ধকার ॥  
না দেখিলাম আলোর মুখ  
আমি জ্ঞানমানে<sup>১</sup> অন্ধি খুলি।  
নয়ানের দিগ্টিরে বিধি  
মেইল্যা মাইর্ল ধুলি ॥  
কোন দেশের নদী লো কন্যা,  
এই অইন্ধকারে বয়।  
আশমানেতে চান্দ সুরুজ্  
কেমুন কইরা বয় ॥  
আলো জানি কেমন লো কন্যা,  
কোন গগনে উঠে।  
নিরল বায়ে<sup>২</sup> ফুলের কলি  
কেমুন কইরা ফুটে ॥

১। জ্ঞানমানে = জ্ঞান হইয়া।

২। নিরল বায়ে = নির্জন বাতাসে।

শব্দে শুনি তরুলতা  
 আমি না দেখি নয়ানে ।  
 বিধাতা কইরাছে অঙ্ক  
 এই জন্ম-স্থলী জনে ॥  
 মানুষ যেন কেমন লো কহা,  
 তার মুখের হাসি কথা ।  
 শব্দে শুনি নাই সে দেখি  
 আমার মনে রইল ব্যথা ॥  
 সোনা মুখে চান্দ্রের হাসি  
 আমি না দেখি নয়ানে ।  
 হিয়ার পরশ নাই সে পাই  
 কেবল বুঝি যে ধিয়ানে° ॥  
 কত তরুলতা পুষ্পরে আমার  
 সামনে রইছে খাড়া ।  
 মাথার উপর ফুইট্যা রইছে  
 চান্দ সুরজ্জ্ আর তারা ॥  
 সবার উপর রইছ লো তুমি  
 আমার অন্তরে সে পাই ।  
 ধিয়ানেতে রইছ লো কহা  
 আমার চোক্ষের দৃষ্টি নাই ॥\*

৩। ধিয়ানে = ধ্যানে ।

পাঠান্তর :— \* ধিয়ানেতে আছ কহা অন্তরেতে পাই ।

আত্মা বন্ধুর কথা শুনে রাজকন্যা আর নিজের মনোভাব গোপন রাখতে পারলেন না, প্রকাশ কোরে বললেন,—

‘আত্মা বন্ধু রে—  
জানি তোমার মনের ব্যথা ।  
মনে কত দুঃখ রে তোমার  
অন্তরে কত কথা ॥

শুনরে বৈদেশী বন্ধু,  
আইজ্জ কহি যে তোমারে ।

পরিচয় কথা তোমার  
আইজ্জ কহিবা আমারে ॥

কোন দেশে জনম হইল  
তোমার কেবা বাপ মাও ।

কোন জনা পালিল এমুন  
সোনা কোকিলার ছাও<sup>৪</sup> ॥

যে দেশে জনম তোমার  
সেইনা দেশের লোকে ।

কি নাম রাখিল তোমার  
কি বলি তোমারে ডাকে ॥

‘নাম নাই কন্যা লো আমার  
ধান নাই রে সংসারে ।

৪ । ছাও = বাচ্চা, শিশু ।

\*\* { বিদেশেতে বাত্মা তোমার মনে কত দুঃখ ।  
মনে কত দুঃখ রে তোমার মনে কত দুঃখ ॥—দিশা

শিশু কালে মায়ের কোলের খুন  
 আইগাছে চুরি কোরে ॥ +  
 ছশ্মনে কইরাছে লো কণ্ঠা  
 আমার অঙ্ক দুইটি আঙ্খি । +  
 উইড়া ঘুইরা বেড়াই লো আমি  
 যেমুন বনের পশু পঙ্খী ॥ +  
 পাগল বলিয়া লো কণ্ঠা,  
 লোকে উপখুসী<sup>৫</sup> করে ।  
 কে রাখিব নাম লো কণ্ঠা,  
 আমার কেউ নাই সংসারে ॥ +  
 কেহ দেয় অঙ্গেতে ধূলা  
 মোরে কেহ বা সম্ভাষে<sup>৬</sup> ।  
 পাভের অন্ন দিয়া কেহ বা  
 পাগলেরে সম্ভাষে<sup>৭</sup> ॥  
 কেহ খোদায় দূর দূর কইরা  
 কেহ ডাকে, 'আইস ঘরে' ।  
 ছই নয়ানের জলে ভাইগা  
 আমি দাঁড়াই তার ছয়ায়ে ॥  
 কেউ হয় বাপ মাও লো আমার  
 কেউ হয় রে ছশ্মন ।

৫। উপখুসী = উপহাস। ৬। সম্ভাষে = আদর করে। ৭। সম্ভাষে = খুসী করে।



কাউরে নাইত ছুঁই আমি  
আমার কপালের বিড়ম্বন ॥\*  
পাগল আমার ডাক নাম  
পাগল আমার এই বাঁশি ।  
আউলা পছে<sup>৮</sup> গাই গান  
আমি হইয়া উদাসী—  
লো কণ্ঠা, আমার কইবার কিছু নাই ॥’ +

‘আঁকা বন্ধু রে—  
তোমার ছুঁথে পাষণ গইলা যায় । +  
আমার যে নারীর পরাণ  
বল কেমন কইরা সয়— +  
রে বন্ধু, ছুঁথে পাষণ গইলা যায় ॥ +  
তোমার বাঁশি শুইয়া রে বন্ধু,  
বুঝি মানুষ পাগল হয়—  
রে বন্ধু, মানুষ পাগল হয় ।  
নগরিয়া লোকে রে বন্ধু,  
তোমায় তেই<sup>৯</sup> সে করে ভয়—  
রে বন্ধু, মানুষ পাগল হয় ॥

৮। আউলা পছে = খোলা রাজপথে । ( সেন মহাশয়ের মতে—অজানা পথে ) ।

৯। তেই = সেই জন্ত ।

পাঠান্তর—\* —পাগল আমার মন ॥

তোমার মুখের বাঁশি বুকে রে বন্ধু,  
 চিকন দাগ কাঁটে ।  
 সেই বাঁশি ভুলিতে গেলে  
 হিয়াখানি ফাটে—  
 রে বন্ধু, হিয়াখানি ফাটে ॥  
 বাঁশি বাজাও তুমি রে বন্ধু,  
 আমারে শিখাও গান ।  
 যেই দিন শুইয়াছি বাঁশি  
 কাইড়্যা লইছ পরাণ—  
 রে বন্ধু, শিখাও মোরে গান ॥\*  
 আইজ হইতে তোমারে বন্ধু,  
 আমি ছাইড়্যা নাইত দিব ।  
 নয়ানের কাজল কইরা  
 আমি নয়ানে রাখিব  
 বন্ধু, ছাইড়্যা নাই সে দিব ॥  
 সেই কাজল দেখিয়া লোকে  
 যদি মোরে করে দোষী ।  
 হিয়ায় লুকায়া শুন্বাম্  
 বন্ধু, তোমার মোহন বাঁশি ॥  
 হিয়ায় লুকাইলে রে বন্ধু,  
 যদি লোকে জানে ।

পাঠান্তর :—আজি হইতে পিয়া বন্ধু আমার পরাণ ।

প্রাচীন পূর্ববঙ্গ গীতিকা : ৫ম খণ্ড

পর্যণ কটরায়<sup>১০</sup> ভইরা  
আমি রাখ্‌বাম রে যতনে ॥  
বসন কইরা অঙ্গে পরবাম্  
বন্ধু, মালা কইরা গলে ।  
সিন্দুরে মিশায়া রে বন্ধু,  
আমি পরিবাম্ কপালে ॥  
চন্দনে মিশায়া পইরা  
আমি দেহ করবাম্ শীতল ।  
সুখে দুঃখে করবাম্ তোমারে  
আমার ছই নয়ানের কাজল ॥  
বলুক মোরে লোকে মন্দ  
আমি কানে না তুলিব ।  
ছই অঙ্গ ঘুচায়া মোরা  
বন্ধু, এক অঙ্গ হইব ॥  
আমার ছই নয়ানে রে বন্ধু,  
তুমি দেখিবা সংসার ।  
এমুন হইলে ঘুচ'ব তোমার  
ছই আঞ্জির আঁধার ॥  
তোমার বুক লয়া রে বন্ধু ।  
আমি শুনবাম্ তোমার বাঁশি  
আমারে জানিও বন্ধু,  
তোমার চরণের দাসী ॥'

১০। কটরায় = কোটায় ।

‘বুদ্ধি নাই লো রাজকন্যা, তুমি বুইঝা কথ্য কও ।  
 হুঃখে ভরা ডালা কন্যা, কেনে মাথায় তুইলা লও ॥  
 চির স্নেহে আছে লো কন্যা, হুঃখ নাই সে জানো ।  
 সরল পশু ছাইড়া কেন যাও সে কাঁটার বন ॥  
 অমিরত ছাইড়া কেনে বিবে কইবা ভালা ।  
 বুঝিতে না পারো এই না গরল বিষের জালা ॥  
 হিয়ারে না কাটো কন্যা, আপন হাতের লউখে ।  
 দুর্জনিন্যা ১১ চিন্তারে স্থান নাই সে দেও বুকে ॥  
 বিদায় দেও লো কন্যা, মোরে আমি আপন পশ্বে যাই ।  
 রাজ রাজত্বির স্নেহে আমার কোনো কার্য নাই ॥’

‘বন্ধু, কেনে শুনাইলা বাঁশি ।  
 তোমার বাঁশির সুরে পরাণ গইলা ।  
 মন কইরুল উদাসী রে ।  
 কেনে শুনাইলা বাঁশি ॥ +  
 বন্ধু রে—,  
 আরে বন্ধু, যেদিন শুইয়াছি বাঁশি  
 ঐ না মোহন সুরে ।  
 কুল গেল মান গেল রে বন্ধু,  
 আমি পরাণ দিলাম তরে— \*  
 রে বন্ধু, কি বুঝাইবা মোরে ॥ +

১১। দুর্জনিন্যা = অনিষ্টকর ।

পাঠান্তর :—\* ‘—— হইলাম তোমার দাসী ।

অন্তরালে কইয়া বুঝাই  
 ও সে বুঝ নাই ত মানে ।  
 আমার মন-যমুনা উজ্জান বইল  
 ঐ না বাঁশির গানে ॥  
 তিল দণ্ড না হেরিলে রে বন্ধু,  
 আমি হই যে দেওয়ানা ।<sup>১২</sup>  
 বাঁশি বাজাইতে রে বন্ধু,  
 আমার মাও কইরাছে মানা ॥  
 মানায় ত না মানে রে মন  
 আরে মন দ্বিগুণ উথলে ।  
 তোষের <sup>১৩</sup>আগুন যেমুন রে  
 ঘুইয়া ঘুইয়া জ্বলে ॥  
 কিসের রাজত্ব কিসের সুখ  
 বন্ধু, তাহাতে কি হইব ।  
 মনের ফরমাইস রে বন্ধু,  
 বল কেবান্ যোগাইব ॥  
 কাঞ্চা না বাঁশেতে বন্ধু,  
 আইজ ধইরা গেছে ঘুণ ।  
 আমার অন্তরায় লাইগ্যাছে আগুন ।  
 চউক্ষে নাই রে ঘুম ॥  
 আমি আগুনের শেজ<sup>১৪</sup> পাইত্যা  
 বন্ধু, বিছাইলাম আইঞ্চল ।

অমিয়াতে ১৫ মিশায়া বিষ রে  
 আমি খাইলাম সকল ॥  
 তোমারে ছাইড়া রে বন্ধু,  
 আমি সুখ নাই সেচাই ।  
 যোগিনী সাজিয়া রে বন্ধু,  
 চল কাননেতে যাই ॥  
 চন্দন মাখায়া কেশে  
 আমি বানাইবাম্ রে জটা ।  
 সংসারের সুখের পথে  
 দিয়া যাইবাম্ রে কাঁটা ।  
 বাপ রইল মাও রইল  
 আমি সগল ছাইড়া যাই ।  
 বনে ত বসতি করবাম্  
 বনের ফল খাই ॥  
 বনের না পুষ্প তুইল্যা  
 আমি গাঁথবাম্ তোমার মালা ।  
 ফুলের মধু আইন্যা তোমারে  
 খাওয়াবাম্ তিনো বেলা ॥  
 পাতার শয্যায় রে বন্ধু,  
 আমি পাইত্যা দিবাম্ বুক ।  
 না জানি এতেকে বন্ধু,  
 তুমি পাইবা কিনা সুখ ॥

পরান থাকিতে রে বন্ধু,  
তোমাতে ছাইড়া নাই সে দিব ।  
মাথার কেশে যোগল চরণ  
আমি বাইক্ষ্যা সে রাখিব ॥  
এতেকে<sup>১৬</sup> ছাইড়া রে বন্ধু,  
যদি চইলা যাও ।  
আগে ত অবুলার পরান  
বধের ভাগী হও ॥  
আমি যে মরিব রে বন্ধু  
তোমার কিবান্ দায় ।  
অবুলার বধ রে বন্ধু  
না লাগিব তোমার পায়—  
রে বন্ধু, ছাইড়া নাই সে দিব ॥” +

‘শাস্ত কর শাস্ত কর, লো কহা,  
তুমি শাস্ত কর মন ।  
বাঁশির গান শিক্ষা তোমার  
আইজ হইল সমাপন—  
লো কহা, শাস্ত কর মন ॥ +  
তোমার অন্তরায় দাগ লো কহা,  
আইজ মুছিয়া ফেলাও ।  
বৈদেশী আঁকার জন্তে  
তুমি কেন রে দুঃখ পাও—  
লো কহা, দাগ মুছিয়া ফেলাও ॥ +

সোনার পিঞ্জিরায় তুমি  
 সোনার হীরা মন সারী ।  
 রাজ্জ্ রাজ্যার ঘরে কণ্ঠা,  
 তুমি হইবা পাটেশ্বরী ॥  
 শতেক দাস-দাসী তোমারে  
 করিব সেবা যতন ।  
 অঙ্গেতে পরিবা কণ্ঠা,  
 কত রত্ন আভরণ ॥  
 সাধ কইয়া কেন লো কণ্ঠা,  
 তুমি পরবা দুঃখের মালা ।  
 না বুইঝাছ তুমি লো কণ্ঠা  
 পিরিতের কেমন জ্বালা ॥  
 পায়ে পায়ে দুঃখ তার  
 জীবন যায় রে দুঃখে ।  
 চরণে বিকিলে কাঁটা  
 বাহিরাবে গিয়া বইকে ॥  
 ভরার সহিতে লো কণ্ঠা  
 বনে ফুলে পিরিত করে ।\*  
 মধু হীন হইয়া রে ফুল  
 শেষে অকালে ঝইয়া পড়ে ॥\*\*  
 পিরিতি মধু পিরীতি মধু  
 ফল শুনিতে চমৎকার ।

পাঠান্তর :—\*ফুলের সহিত দেখ ভরার পিরীত করে ।

\*\*মধুহীন শুকাইয়া অকালেতে ঝরে ।



প্রাচীন পূর্ববঙ্গ শ্রীতিকা : ৫ম খণ্ড

মাকাল যেমুন বাইরে লালিমঃ<sup>১</sup>  
দেখো ভিতরেতে আঙ্গার”

( ৫ )

রাজকন্টার অবস্থা বুঝে আন্ধা বন্ধু তাঁকে প্রবোধ দিতে যথেষ্ট চেষ্টা কোরলেন, কিন্তু কোনো ফল হোল না। তখন ভবিষ্যৎ চিন্তা কোরে আন্ধা বন্ধু এ দেশ ত্যাগ করাই স্থির কোরলেন। রাজার সম্মুখে গিয়ে তিনি বললেন,—

“বিদায় দেও গো রাজ্যের রাজা,  
আইজ বিদায় দেও আমারে।  
এই না রাইজ্য ছাইড়্যা আমি  
আইজ যাইব দেশান্তরে—  
গো রাজা, বিদায় দেও আমারে ॥” +

‘আরে পাগল পান্থ,  
তুমি কেনে যাইবা ছাড়িয়া +  
কি দোষ পাইলে হেথায়  
কোন বা দুঃখে পড়িয়া ॥ +  
পান্থ, কেনে যাইবা ছাড়িয়া ॥ +  
শুন শুন পাগল পান্থ,  
আমি কহি যে তোমারে।

১৭। লালিম = মনোহর লালবর্ণ

রাজ্ভাগারে ধন আছে  
 তোমার সুখের না রইব সীমা ।  
 বাপ মাও আমরা হইলাম  
 তোমারে কেহ কর্ব না মানা ॥\*  
 বেটা পুত্র নাই রে আমার  
 এক কণ্ঠা মোর সারা ১ । +  
 বিয়া হইলে চইল্যা যাইব  
 আমার গির<sup>২</sup> হইব পড়া ৩ ॥ +  
 সুন্দর দেইখ্যা কইয়া আইয়া  
 তোমারে বিয়া করাইব  
 তোমার লাইগ্যা ভালা বাড়ী  
 আমি বানাইরা দিব ॥  
 শতেক দাস-দাসী তোমার  
 রইব সামনে খাড়া হইয়া ।  
 সুখেতে রাজত্ব কর  
 তুমি এইখানে থাকিয়া ॥  
 এক দুঃখ অন্ধ নয়ান  
 তোমার দিতে না পারিব ।  
 রাজত্বের সুখ যত না আছে  
 আমি সব তোমারে দিব—  
 রে পান্থ, কেন যাইবা ছাড়িয়া ॥”

১। সারা = মাত্র । ২। গির = গৃহ । ৩। পড়া = শূণ্য, ফাঁকা ।

পাঠান্তর :— \* বাইরে আছে বাপ-সুহৃদ ঘরে আছে মা ॥

আরে থাকন্ নাইতে যায় । +

বনেলা পঙ্খীরে ছিকল

কে পরাইব পায় ॥ +

“শুন শুন আগো রাজা,

আমি কহি যে তোমারে ।

তোমার মত বান্ধব আমার

নাই ভব সংসারে ॥

তোমার কাছে থাইক্যা রাজা গো,

আমি পাইলাম বড়ো সুখ ।

কেবল না দেখিলাম রাজা গো,

তোমার হাসি ভরা মুখ ॥

আর জন্মে বাপ ছিল গো রাজা,

মাও ছিল মোর রাণী ।

শুণের যতেক কথা আর

কি কইব বাখানি ॥

কারে বা করিব দোষী গো

আমার কপাল হইল দোষী ।

কপালের দোষে গো আমি

জন্মিয়া হইলাম বনবাসী ॥

কি করিব রাজ-রাজহি

আর ঐ ভাণ্ডার ভরা ধনে ।

ছিকল কাইট্যা বনের পঙ্খী

ফিইরা যাইব বনে ॥

ঘরে না থাকিতে দেয় রে  
 আমার ঐ পাগল করা বাঁশি ।  
 ঘর থাইক্যা বাইর্যা আইনা  
 করে পন্থের উদাসী ॥  
 আমার হাতের বাঁশি গো রাজা,  
 আইজ্ঞ আমার হইল বৈরী ।  
 কি করিব হাতের বাঁশি গো  
 আমি ফেইলা দিলেও মরি ॥  
 বাঁশি আমার জীবন মরণ  
 বাঁশি আমার পরাণ ।  
 জীওন মরণ ধরম করম  
 আমার এই না বাঁশির গান ॥  
 আমি বান্ কি করিব রাজা,  
 তুমি বা কি করিবা ।  
 কপালে সুখ না থাকিলে  
 সুখ কেমনে তুমি দিবা ॥  
 চন্দন নয় ত সুখ গো রাজা,  
 তুমি দিবা মোর কপালে ।  
 অজ্ঞের বসন নয় ত সুখ  
 তুমি জইড়া<sup>৫</sup> দিবা শালে ॥  
 যার কপালে সুখ নাই গো রাজা,  
 সে কোথায় বান্ সুখ পায় ।

মূল ঘরে যার পালা<sup>৬</sup> নাই রে  
তার কি কইরব ঠেকায়<sup>৭</sup> ॥ (ক)  
রাজা, বিদায় দেও আমারে ॥”

রাজা বুঝলেন, এ ভাবের পাগলকে আর ঘরে ধরে রাখা যাবে না। তিনি দুঃখিত চিন্তে আত্মা বন্ধুকে বিদায় দিলেন।

হায় রে—ঘর ছাড়িল বান্ধব ছাড়িল  
যায় সগল ছাড়িয়া।

বেবান<sup>৮</sup> বনের পশ্বে  
বাঁশি উঠিল বাজিয়া রে—  
যায় সগল ছাড়িয়া ॥

আইজ হইতে রাজার বাইজ্য  
হায় রে—হইল অইন্ধকার।

আইজ হইতে পাগল বাঁশি  
রাইজ্যে না বাজিব আর ॥

বনে কান্দে পশু রে পঙ্খী  
আইজ বাঁশি ত শুনিয়া।

৬। পালা = খুঁটি ৭। ঠেকা = বড় ঠেকাইবার জন্য ঘরের বাহিরের  
“ঠেকা” খুঁটি। ৮। বেবান = অসাম, গভীর।

(ক) পূর্ববঙ্গে বড়ো বড়ের সম্ভাবনা দেখিলে ঘরের বাহির হইতে হেলাইয়া খুঁটি লাগানো হয়। এই খুঁটিকে ‘ঠেকা’ বা ‘প্যালা’ বলে। ঘরের ভিতরের খুঁটি যদি মজবুত না হয়, তবে ঠেকা খুঁটি লাগাইয়া ঘর রক্ষা করা যায় না।

কোন অভাগীর ভাবের পাগল  
 আইজ দিয়াছে ছাড়িয়া ॥  
 বাজিতে বাজিতে বাঁশি  
 রাইজ্য ছাইড়া গেল ।  
 কোন বা দেশে আন্ধার বাঁশি  
 বাজিয়া উঠিল রে—  
 বাঁশি রাইজ্য ছাইড়া গেল ॥

(৬)

রাজকন্যাকে না জানিয়ে আত্মা বন্ধু রাজ্য ছেড়ে চলে গেছেন ।  
 তাঁকে হারিয়ে রাজকন্যা ভেঙ্গে পড়লেন, মনের কথা বলার মত কেউ  
 তাঁর নেই ।

মোর মন যমুনা, কোন দেশে যাও বইয়া । +  
 সাইগরে না পাইলা তুমি  
 শুকনা বালুতে লুকাইয়া— +  
 রে, কোন দেশে যাও বইয়া ॥ +

খেলার ঘর ভাইজ্যা দিল রে  
 মালা হইল রে বাসি ।  
 এক দিনে ফুরায়া গেল  
 এমুন চাম্পা ফুলের হাসি ॥  
 ফাল্গুনের ফুলের কলি  
 চৈতে না উইটল রে ফুটি ।

দিনে দিনে শুকনা গাজে  
ধইর্যা গেল ভাটি ॥  
মধু মাস চইলা গেল রে  
গ্রীষ্মের মাস আইসে ।  
বিরিক্কের যত শুকনা পাতা  
আন্তে যায় রে ধইসে ॥  
কুইলায় আর না গায় গান  
নাই সে বাজে বাঁশি ।  
দারুণ বৈশাখী হাওয়ায় রে  
পরাণ করে উদাসী ॥  
নতুন বছর আইল বনে  
লতায় নয়া যইবন ফুটে ।  
সাওর মস্তনের বিষ  
কস্তার বুক ভইরা উঠে ॥  
পুষ্প কাননে ভস্মরা  
দেখে করে আনাগোনা ।  
কুল বনে ঘাইতে কস্তার  
বাপে কইরাছে মানা ॥  
ঘরে বইসা থাকে রে কস্তা  
দূর বনের পানে চাইয়া । +  
ঐ বনে আইবনি বন্ধু  
তার সেই বাঁশি বাজাইয়া ॥ +

আজ্ঞা বহু চলে যাওয়ার পর রাজকন্তার হাব-ভাব দেখে রাজা ও রাণী চিন্তিত হয়ে পড়লেন। রাজা দেশে দেশে ঘটক পাঠালেন রাজকন্তার উপযুক্ত বরের সন্ধানে।

বৈশাখ মাসেতে দেখো  
গাছে নয়া পাতা।  
ঘটক আইল রাজার রাইজো  
লইয়া নতুন কথা ॥  
টোল বাজে ডগর বাজে  
নাচে ডগরিয়া ॥  
কোন দেশের রাজার পুত্র  
রাজকন্তারে যায় নিয়া ॥

(৭)

বিয়ে হয়ে রাজকন্তা খামীর ঘরে গেলেন। অবস্থাগতিকে সেখানে তিনি এক প্রকার মানিয়েও নিয়েছিলেন। কিন্তু—

গ্রীষ্মের শুকনা নদীরে। +  
বার্ষিকালে বিষ্টি পাইলে  
কেন বা উঠ ফুইল্যা রে ॥ —\*ধূয়া।  
আর এক রাজার মুল্লুকের কথা  
শুন দিয়া মন।

---

পাঠান্তর :—\* দিশা—কুঞ্জ সাজিবারে

আজি কুঞ্জে বাধা কাহ্নর মিলন রে।



রাজ্যবাসী যতেক লোক  
আছিল ঘুমে অচেতন ॥  
পাতায় ঘুমায় পুষ্পের কলি রে  
ঘুমায় পুষ্পেতে ভমরা ।  
রাজার বৃকে শুইয়া রাণী  
এক গাছি ফুলের ছড়া ॥  
পাহাড় ঘুমায় পর্বত্ ঘুমায়  
কেবল জাগে রে নদী ।  
আর জাগে বিরহিনী নারী  
ঘরে চৌক্কে নাই রে নিদ্রা ১ ॥  
হায় রে, হেনকালে অন্ধের বাঁশি  
পন্থে উঠিল বাজিয়া ।  
বনের পশু পক্ষী সবাই  
শুইয়া উঠিল জাগিয়া ॥  
আজি মেইল্যা চায় পুষ্পের কলি  
ভমরা জাগিল ।  
বৈদেশী অন্ধের বাঁশি  
আইজ কোন সুরে বাজিল ॥

কালে মেঘে কাম সিন্দূর রে  
আইজ কেবান্ দিল মাখি ।  
কোন জনা মেলিল সুন্দর  
পর ভাতে পদ্ম আখি ॥

নগরিয়া লোক জাইগা উটে  
 পথের পাগ্‌লা বাঁশি শুন।  
 মন্দিরে পশিল রাজার  
 ঐ না বাঁশির শ্বনি ॥

রাজার রাণী ছিলেন ঘুমিয়ে। বাঁশির শ্বনি তাঁকে জাগিয়ে  
 দিল। জেগে কান পেতে শুনলেন বাঁশির গান। বাঁশি যেন  
 গাইছে,—

‘জাগো জাগো চন্দ্র-মুখী কন্যা  
 আলো কন্যা, কত নিদ্রা যাও।  
 ভোরের কলি ফুটল কন্যা,  
 আঙ্খি মেইলা চাও ॥  
 গলার বাসি ফুলের মালা  
 কন্যা, ফেলাও লো ছিড়িয়া।  
 তোমার আন্ধা বন্ধুর বাঁশি পথে  
 উঠিয়াছে বাজিয়া ॥ +

নীরব রইল সুন্দর কন্যা  
 কন্যার দুই আঙ্খি ঝরে।  
 অনেক দিনের ভুলা বাঁশি  
 আইজ ডাকিছে ত্রাহারে ॥  
 ছোটো কাইল্যা শুনা বাঁশি রে  
 আইজ বড়ো কালে বাজিল।  
 ছোটো কালের যতেক কথা  
 ফিঁহিয়া মনে জাগাইল।

প্রাচীন পূর্ববঙ্গ কাহিনী : ৫ম খণ্ড

ফুলের বনে বইয়া রে বন্ধু  
মোহন বাঁশি শুনাইত ।  
গাছের পাখি নীরব থাইক্যা  
বন্ধুর বাঁশি যে শুনিত ॥ +  
বনের বাঁশি নয় রে ঈশা  
কন্ঠার মনের বাঁশি হয় ।  
এই বাঁশি শুনিয়া কন্ঠা  
কেমনে ঘরে রয় ॥ +

রাণীর ভাবান্তর লক্ষ্য কোরে রাজা ব্যস্ত হোয়ে বললেন,

“পরতিদিন<sup>১</sup> জাগো লো রাণী ;  
ভোরে হাসি-মুখ লইয়া । +  
আইজ কেনে মইলান<sup>২</sup> দেখি  
পশ্চের বাঁশি ত শুনিয়া ॥ +  
ধির<sup>৩</sup> হইল নয়ানের তারা  
তোমার চোক্ষে ঝরে পানি । +  
পশ্চের বাঁশি শুইয়া হইল  
তোমার অকুল পরাণ ॥ +  
রাণী, কইবা সত্য বাণী ॥” +

“শুন শুন আগো রাজা,  
আমি কহি যে তোমায়ে ।

১। পরতিদিন = প্রতিদিন । ২। মইলান = মলিন । ৩। ধির = স্থির ।

মনের মাঝে বাজ্‌ল বাঁশি  
 আমার পরাণ যে আকুল করে ॥ +  
 শুন শুন এমুন বাঁশি  
 কেমুন জনে বাজায় । +  
 জাইন্টা আইস কোন জনা সে  
 পন্তে এমুন গান গায় ॥  
 বাঁশী আমার জীবন মরণ  
 বাঁশি আমার পরাণ  
 কোন জনা বাজায়া বাঁশি  
 হইরা<sup>৪</sup> নিল মোর মন ॥”

রাজপথে বাজতে বাজতে বাঁশি দূরে চলে গেল। রাজা  
 বাঁশিওয়ালার খোঁজে দূতী পাঠিয়ে রাজকার্যে চলে গেলেন। একলা  
 ঘরে বসে রাণীর মনে নানা কথা জাগতে লাগল।—

“কোথারতনে আইলা রে বন্ধু,  
 এই রাইজ্যের নগরে । +  
 কেনে বা বাজাইলা বাঁশি  
 তোমার ঐ না মোহন সুরে ॥ +  
 ভুইল্যা ত না গেছি রে বন্ধু,  
 আমি এমুনি অভাগা ।

৪ । হইরা = হরণ করিয়া ।

পাঠান্তর :—\* বাঁশী শুনিয়া রাজার কন্টার হইল স্তম্ভ ।

প্রাচীন পূর্ববঙ্গ কাহিনী : ৫ম খণ্ড

তোমার বাঁশি দিল রে বন্ধু,  
আমার বইক্ষে বড়ো দাগা ॥  
এই বাঁশি শুনিয়া ফুইটত  
ভোরে কুসুমের কলি ।  
বন্ধু মোরে শিখাইলো  
বাঁশির মিঠা মিঠা বুলি ॥  
বাঁশি ছিল মোর জীবন যইবন রে  
বাঁশি ছিল মোর প্রাণ ।  
বাঁশির সুরে মন-যমুনা  
বইত রে উজান ॥  
কি করিব রাইজ্য ধনে  
কি হইব কুল মানে ।  
সরম ভরম ছাইড়া গেল  
আইজ তোমার বাঁশির গানে ॥  
ভুলি নাই ভুলি নাই রে বন্ধু,  
সেইনা তোমার চান্দ মুখ ।  
বনে গিয়া দেখাইতাম  
ছিঁড়িয়া আমার বুক ॥  
ভুলি নাই ভুলি নাই রে বন্ধু,  
তোমার বাঁশির ধ্বনি ।  
পরতে পরতে বইক্ষে  
আইক্যা ৫ রইছ তুমি ॥

৫ । আইক্যা = অক্ষি ৩ হইয়া ।

কি করিব রাইজ্য ভোগে  
 এইনা সুখ সুবিস্তরে ।  
 বনের পাখি ভইরা রাইখ্ছে  
 এইনা সোনার পিঞ্জরে ॥  
 উড়ি উড়ি কইরা রে বন্ধু,  
 আমি ছিলাম এতকাল ।  
 আইজ তোমার বাঁশি শুইনা বন্ধু,  
 আমার মন হইল উতাল<sup>৬</sup> ॥\*  
 আর ত না রইবাম রে আমি  
 এই না সোনার রাজপুরে । +  
 বনের পঙ্খী বনে যাইবাম্  
 ঐনা সোনার সঙ্গে উড়ে ॥” +

(৮)

রাজকাৰ্য সমাধা কোরে রাজা অন্তঃপুরে এসে দেখলেন, রাণীর  
 পূর্বাবস্থার কোনো পরিবর্তন হয় নি। রাজা বিশেষ চিন্তিত হয়ে  
 জিজ্ঞাসা করলেন,

“শুন শুন সুন্দর কণ্ঠা, কেনে না দেও উত্তর ।  
 উঠিতে নাই সে পার যদি আমার অঙ্গে কর ভর ॥  
 চান্দ মুখ মইলান হইল তোমার চোক্ষে জল ধরে । +  
 কি হুঃখ পাইলা তুমি কি বেথা অন্তরে ॥” +

৬ । উতাল = উত্তাল, হৃদমনীয় ।

পাঠান্তর :—\* বিষ নাই যে খাই বন্ধু তোমায় কিইয়া পাইব বইল্যা

“শুন শুন আগো রাজা কহি যে তোমারে ।” +

ভোরবিয়ানে<sup>১</sup> বাজাইল বাঁশি আইয়া দেও তারে । +

বাঁশিওয়ালার খোঁজে রাজা যে দূতীকে পাঠিয়ে ছিলেন, তাকে  
ডেকে এনে জিজ্ঞাসা কোরলে সে বলল,

“শুন শুন শুন গো রাজা, কর অবধান ।

রাজ পন্থে অন্ধের বাঁশি শুনাইল গান ॥

এমুন বাঁশির গান গো রাজা জন্মে না শুনি । ,

বাঁশি শুইয়া নগরিয়া লোক হইল উন্মাদিনী ॥

গাছের পক্ষী উইড়া চলে পশু ছুটে পিছে । \*

নদীর পানি উজান বয় ঢেউ চলে নাইচে ।\*\*

ঐ বাশি খামিলে বুঝি চল্ল সূর্য খসে ।

আন্ধাইর আশমানের তারা আর বুঝি না হাসে ।

তুই আশ্বি অন্ধ তার ভিক্ষার বুলি কাঙ্ছে । +

তারে দেইখ্যা নগরিয়া লোক চোক্ষু মুইছা কান্দে ॥” +

দূতীর কথা শুনে, রাজা রাগীকে জিজ্ঞাসা করলেন,

“শুন শুন সুন্দর কন্যা, আমি জিগাই<sup>৮</sup> যে তোমারে ।

ভিক্ষুকরে কি দিবা দান কইয়া দেও আমারে ॥”

তুই নয়ানে ঝরে ধার!

। কন্যা ধাবে কথা কয় ।

“দাসীরে জিজ্ঞাসা করা

রাজা, তোমার উচিত নাই ত হয় ॥

১। ভোর বিয়ানে = রাত্রি প্রভাতে । ৮। জিগাই = জিজ্ঞাসা করি

পাঠান্তর :—\* পক্ষী যত ছিল উড়ে পশু ছুড়ে বনে ।

\*\* নদীনালা উজান বয় শুনি বাঁশির গানে ॥

তুমি ত রাইজ্যের রাজা গো  
 রাইজ্য দিতে পারো ।  
 যাহা ইচ্ছা দিবা গো তুমি  
 আমারে কেনবা ধর ॥”

“শুন শুন সুন্দর কহা,  
 আমি কহি যে তোমারে ।  
 যাহা কইবা দিবাম্ তাহা  
 আমার কথা নাই সে ফিরে০ ॥”

কইনা বলে “দাসী আমি  
 কথায় কিবান্ হয় ।  
 তোমার ইচ্ছায় হইব দান  
 অথ নাই সে হয় ॥”  
 রাজা কয়, “শুন কহা,  
 তুমি এই রাইজ্যের রাণী । +  
 তোমার কথা সত্য হইব  
 লইবাম্ আমি মানি ॥ +

কহা কয় “যদি বলি  
 রাজত্ব দিবা তারে ।  
 রাজা কয়, “দিবাম্ আমি  
 তিন সত্য কইরে০ ॥

২। ফিরে = অন্তথা হয় না । ১০। তিন সত্য কইরে = তিনবার প্রতিজ্ঞা করিয়া ।



কহা কয় “যদি বলি দিবে যত ধন ।  
 নগরেতে আছে যত রত্নাদি কাঞ্চন ॥”  
 রাজা কয়, “খুইলা দিবাম্ রাইজ্যের ভাণ্ডারা ।  
 সত্য করিলাম কহা, তুমি আমার নয়ান তারা ॥”  
 কহা কয়, “ধার্মিক রাজা,  
 তুমি শুন মন দিয়া । +  
 তিন সত্য করিবা তুমি  
 তোমার ধর্মেরে চাহিয়া ॥” +  
 রাজা কয় “শুন কহা  
 তিন সত্য করি আমি ।  
 যাহা চাইবা তাহা পাইবা  
 সাক্ষী ধর্ম আর তুমি ॥” +  
 নয়ান মুছিয়া কহা  
 কয়, “যদি না হয় আন<sup>১১</sup> ।  
 ধর্ম সাক্ষী কইরা রাজা,  
 তুমি আমারে কর দান—  
 গো রাজা, আমারে কর দান ॥”

(৯)

ধার্মিক রাজা তাঁর শপথ বাক্য রক্ষা কোরে রাণীকে বিদায় দিয়েছেন। রাণী চলেছেন তাঁর আশ্রয় বন্ধুর সন্ধানে। আশ্রয় বন্ধু

জানেন না যে, তাঁর ছাত্রী রাজকন্যা এই রাজ্যের রাণী । তিনি আপন মনে চলেছেন বাঁশি বাজিয়ে ।

বাঁশি ধীরে রইয়া<sup>১</sup> বাজে ।

মন-যমুনা ভাইট্যাল বইয়া

কোথায় কারেবান্ খোঁজে রে— +

বাঁশি আইজ ধীরে রইয়া বাজে ॥ +

বনের নদী উজান বয়রে

ও তার তীরে চম্পা ফুল ।

বাইজ্যা চলে আফার বাঁশি

আইজ সেই না নদীর কুল ।

কুল বধু না দেয় রে মন

তার আপন গির<sup>২</sup> কাজে ।

বাঁশি আইজ রইয়া রইয়া বাজে ॥

খোপাতে গান্ধা রতনের ভমর

কন্যা উড়িয়া ফালাইল ।<sup>৩</sup>

বনের না এক পঙ্খী

আইজ উইড়া পলাইল ।

বেণী ভাঙ্গা কেশ রে কন্যার

চরণে লুটিছে ।

বাঁশি আইজ ধীরে বাজিছে ॥

১। রইয়া = থামিয়া থামিয়া । ২। গির = গৃহ । ৩। উড়িয়া ফালাইল = ছুঁড়িয়া ফেলিল ।

আঁকা বন্ধু চলেছিলেন নদীর কূলে কূলে নির্জন বনপথে থেমে  
থেমে বাঁশি বাজিয়ে। হঠাৎ তাঁর কানে এল,—

চরণের ছুপূর বাজে রুম্বু বুঝু ধ্বনি।  
বহুদিনের দাগা শব্দঃ এত দিনে শুনি ॥  
দাশুইল আঁকা বন্ধু বাশি হাতে লইয়া।  
“এই নেপূরের শব্দ মোরে কিবান যাইব কইয়া ॥  
এই নেপূরের স্বপন-ধ্বনি  
আইজ কার চরণে বাজে।  
অনেক দিনের ভোলা কথা  
আইজ মনে আবার সাজেঃ ॥  
পুষ্প বনে সুন্দর কণ্ঠা  
শুইন্ত বাঁশির গান।  
স্বপ্নের মত এই সে নেপূর  
বাইজুত তার চরণ ॥  
সেই কন্যা যদি লো তুমি  
কইবা সত্য কথা।  
কেনে বা জাইগ্যা উঠে মনে  
সেই ভোলা দিনের বেথা ॥”

“শুন শুন পরাণের বন্ধু,  
আরে কহি যে তোমারে।  
পাগল কইরাছে তোমার  
ঐ না বাঁশির সুরে ॥

ঘর ছাড়লাম বাড়ী ছাড়লাম

ছাড়লাম জাতি কুল মান ।

আরবার বাজাও রে বন্ধু

শুন্বাম্ তোমার বাঁশির গান ॥”

চমকিয়া মুখের বাঁশি অন্ধ হাতে ত লইল ।

অন্নবুদ্ধি কণ্ঠা আইজ কি কাম করিল ॥

“কণ্ঠা, ঘরে ফিইয়া যাও ।

রাজ্-রাজ্ছির ঘর লো তোমার

আইজ কেনে বা ভাঙ্গাও—

লো কণ্ঠা, ঘরে ফিইয়া যাও ॥

সোনার থালে খাইবা অন্ন

তুমি পিঙ্কবাও পাটের শাড়ী ।

আমি হইলাম বনেলা পঙ্খী

তুমি রাজার নারী—

লো কণ্ঠা, ঘরে ফিইয়া যাও ॥

কত রত্নাদি কাঞ্চন অঙ্গে

তুমি যতনে পরিবা ।

বনের বাকলা পিঙ্ক্যা

কেমনে বনেতে থাকিবা—

লো কণ্ঠা, ঘরে ফিইয়া যাও ॥

তুমিত রাজার কণ্ঠা লো

কোনো রাইজের পাটরাণী

তোমার বাপে দিবরে গালি

এইনা কথা শুনি—

লো কণ্ঠা, ঘরে ফিইর্যা যাও ॥

একে ত অন্ধ আচ্ছি মোর

তাতে লোক বলে পাগল ।

সঙ্গে ত না আছে মোর

কানা কড়ার সম্বল—

লো কণ্ঠা, ঘরে ফিইর্যা যাও ॥”

“বন্ধু, পাগল করিল তোমার বাঁশি । +

আমি ত অবুলা নারী, পশু পঙ্খী হয় উদাসী— +

শুইনা ঐ পাগল করা বাঁশি ॥ +

যেদিন শুইন্যাছি রে বন্ধু,

তোমার ঐ না মোহন বাঁশি ।

রাইজ্য ধনের আশা ছাইড়া

হইছি তোমার চরণ দাসী—

রে বন্ধু পাগল করিল ঐ না বাঁশি ॥ +

বনের সারী না চায় রে বন্ধু,

ঐনা সোনার গিঞ্জরা<sup>৭</sup> ।

ভোগে কি করিব আমার

আমি হইলাম জ্ঞান হারা—

রে বন্ধু, পাগল করিল ঐ না বাঁশি ॥ +

আমার তুমি আছ আর বাঁশি আছে

আমি রাজ্য নাই ত চাই ।

তোমার সঙ্গে থাইক্যা আমি  
 যত সুখ পাই—  
 রে বন্ধু, পাগল করিল ঐ না বাঁশি ॥+  
 হাত বান্ধিবে পাও বান্ধিবে  
 যত নাগরিয়া লোকে ।  
 মন কি বান্ধিবে তারা  
 কাগনার বাকে<sup>৮</sup>—(ক)  
 রে বন্ধু, পাগল করিল ঐ না বাঁশি ॥+  
 বনে থাইক্যা বনের ফল  
 আমি সুখে ত ভুঞ্জিব<sup>৯</sup> ।  
 গাছের বাকল অঙ্গে  
 আমি টাইছা পিঙ্কিব ॥  
 রজনীতে বিরিক্ত তলায়  
 তোমারে বৃকে লইয়া ।  
 সুখে ত ঘুমাইব আমি  
 মোহন বাঁশি শুনিয়া—  
 রে বন্ধু, পাগল করিল ঐ না বাঁশি ॥+

৮। কাগনার বাকে = কাগনা নামক গাছের বাকল দিয়া প্রস্তুত মজবুত দড়ি  
 দিয়া । ৯। ভুঞ্জিব = ভোগ করিব, ভোজন করিব ।

(ক) ‘মন কি বান্ধিবে তারা দিয়া কাগনার বাকে’—এই ছত্রের  
 তাৎপর্য, কেহ ইচ্ছা করিলে কোনো দুর্বল ব্যক্তির হাত পা বাঁধিয়া নিশ্চেষ্ট  
 করিয়া রাখিতে পারে, কিন্তু তাহার মনের চিন্তায় বাধা কেহ দিতে পারে  
 না। ‘কাগনার বাকল’ দিয়া প্রস্তুত শক্ত দড়ি দিয়া ও মন কেহ বাঁধিতে  
 পারে না ।

রাইজ্য সুখ দেহের সুখ  
সে সুখ মন নাই ত চায় ।  
দেহ মন ভিন্ন হইলে  
বন্ধু, পরাণ<sup>১০</sup> রাখন্ দায় ॥  
কিসের রাইজ্য কিসের সুখ  
আমার মন হইল উদাসী ।  
তোমার লাইগ্যা কান্দে মন  
আর ঐ না মোহন বাঁশি—  
রে বন্ধু পাগল করিল ঐ বাঁশি ॥” +

“শুন শুন অল্প বুদ্ধি কহ্ম,  
তুমি নিজেই ভাড়াও<sup>১১</sup> ।  
সোনার থালের অল্প থইয়া<sup>১২</sup>  
বনের ফল নাই সে খাও ॥  
সুবর্ণ পালঙ্ক লো কন্যা,  
তোমার ফুলের বিছানা ।  
বনের কুশ-কণ্টকে দিব  
তোমার দেহে হানা<sup>১৩</sup> ॥  
বনের কটু তিতা ফলে কন্যা,  
তুমি সুখ না পাইবা ।  
দুরন্ত আশায় পইড়া  
শেষে কন্দিয়া মরিবা ॥

১০। রাখন = রক্ষা করা । ১১। ভাড়াও = বঞ্চনা করিতেছে । ১২।

থইয়া, ত্যাগ করিয়া । ১৩। হানা = আঘাত ।

বাইছ্যা সোনার ঘর লো কন্যা,  
শেষে আগুনে না পোড়াও ।  
মনেরে সম্বরি কন্যা,  
তুমি ঘরে ফিইয়া যাও—

লো কন্যা, ঘরে ফিইয়া যাও ॥”  
“বন্ধু পাগল কইর্যাছে তোমার বাঁশি । +  
সত্য কথা পরাণের বন্ধু,  
আমি কহি যে তোমারে ।  
তোমার দারুণ বাঁশি  
আমায় রইতে না দিল ঘরে ॥  
বাঁশি হইল গরল জালা  
বাঁশি হইল কাল ।  
এই বাঁশি শুনিলে আমার  
সকল হয় রে ভুল—  
রে বন্ধু, পাগল কইর্যাছে তোমার বাঁশি ॥”

“শুন শুন রাজার কন্যা,  
আমি কহি যে তোমারে ।  
আইজ বিসর্জন দিলাম লো বাঁশি  
তুমি ফিইয়া যাও লো ঘরে ॥  
আর না বাজিব বাঁশি  
তোমার কানে লো ডংশিয়া ।<sup>১৪</sup>



চাহিয়া দেখো ঐ বুঝি যায়  
বাঁশি নদীতে ভাসিয়া—\*  
লো কহা, ঘরে ফিইর্যা যাও ॥” +  
“বন্ধু, যত সে বুঝাও ।  
আমার মনেনে বুঝানো হইল বড়ো দায়<sup>১৫</sup> ॥  
বাঁশি নাই তুমি আছরে বন্ধু,  
আমার হৃদয়ের রতন ।  
আমারে না লইলা সঙ্গে  
লইলা আমার মন ॥  
তিল ডগু তোমারে ছাইড়া  
আমি না রইবাম আর ।  
মনের আগুনে পুইড়া  
আমি হইলাম রে ছারখার ॥ \*  
বন্ধু, যত সে বুঝাও । +  
যেই খানে যাইবা তুমি মোরে সঙ্গে লও ॥” +  
“শুন শুন রাজার কহা,  
তুমি ফিইর্যা যাও ঘরে ।  
আইজ হইতে আঁকা তোমার  
না রইব সংসারে ॥\*\*

পাঠান্তর :— \* ঐ দেখা যায় বাঁশী ঢেউয়ে ত ভাসিয়া ॥

১৫ । দায় = দুঃসাধ্য ।

পাঠান্তর :— \* তোমার আগুনে বন্ধু রৈয়া রৈয়া পুড়ি ।

\*\* আইজ হতে আমি নাহি থাকিব সংসারে ।

এইখানে দাণ্ডায়া দেখো  
 নদীতে কত পানি ।  
 নিজের চোঁক্কে দেইখ্যা নিবাও  
 তোমার মনের আগুনি ॥”

এই না কথা বইলা রে অন্ধ  
 ঝাইপ্যাঃ<sup>১৬</sup> জলে পড়ে ।  
 রাজার কইচা কইন্দ্যা কইল †  
 ‘বন্ধু,লয়া যাও আমারে ’ ॥  
 ঝাপ দিয়া পড়িল কন্যা  
 নদীর অথই পানি । +  
 স্নতের টানে ভাইস্যা চলে  
 কষ্টার স্নন্দর মুখখানি ॥ +  
 আশমানের চান্দ ঢেউয়ের বুকে  
 যেমুন কইর্যা হাসে । \*  
 জোয়ারিয়া গাজের জলে  
 সাপ্লা ফুল ভাসে ॥  
 আগে চলে রে মোহন বাঁশি  
 পাছে চলে ছুই জন । +  
 কোন সাইগরে গেল তারা  
 কে কইব সন্ধান ॥ +

১৬। ঝাইপ্যা = ক্ষত গতিতে ঝাঁপ দিয়া ।

† কইন্দ্যা বলে: “পর্যগ—” ॥

পাঠান্তর :— \* আশমান হইতে জলে তারা যেন থসে ।

প্রাচীন পূর্ববঙ্গ গীতিকা : ৫ম খণ্ড

বাঁশি গেল বন্ধু রে গেল  
গেল রাজ কন্যা আর ।\*\*  
কাল গরলের বাঁশি হায় রে  
না বাজিব আর—  
বাঁশি না বাজিব আর ॥

---

\*\* ভাসিতে ভাসিতে তারা গেল সমুদ্রার ।

## ফিরোজ খাঁ দেওয়ান-সাথিনা বিবির পালা

### ভূমিকা

মাননীয় দীনেশচন্দ্র সেন ডিঃ লিট্ মহাশয় সম্পাদিত ‘পূর্ববঙ্গ-গীতিকা’ দ্বিতীয় খণ্ডে ‘ফিরোজখাঁ দেওয়ান’ পালা প্রকাশিত হইয়াছে। সেই পালার ছত্র সংখ্যা ৯১৬। ইহার ৮৪৪টি ছত্র এই সম্পাদনায় পাওয়া যাইবে। অবশিষ্ট ৭২ ছত্র ঘটনা বর্ণনায় সামঞ্জস্যহীন ও অর্থ-তাৎপর্যে পৃথক হওয়ায় তৎতৎ স্থলেই পাদটীকায় প্রদত্ত হইয়াছে। ইহা ছাড়া ৫২টি ছত্রে সেন মহাশয়ের সম্পাদনার সঙ্গে এই সম্পাদনার অর্থ-তাৎপর্যে পার্থক্য ঘটায় সেন মহাশয়ের পাঠ্য সেই স্থানেই পাদটীকায় দেওয়া হইল। শব্দের বানান, শব্দ ও ছত্রের অগ্রপশ্চাৎ ঘটিত পাঠান্তর উল্লেখ করা হইল না। যে ছত্রগুলি সেন মহাশয়ের সম্পাদনায় নাই, তাহা বুঝাইতে ‘+’ চিহ্ন দেওয়া হইয়াছে।

‘ফিরোজখাঁ দেওয়ান-সাথিনা বিবি’ পালা আমি রূপকথা পালা গান হিসাবে বাল্যকাল হইতে শুনিয়াছি। ১৯৩৩ খ্রীষ্টাব্দে পালাগান সংগ্রহে ত্রুতী হইয়া ১৯৬২ খ্রীষ্টাব্দের মধ্যে পূর্ববঙ্গে বহুস্থানে বিভিন্ন গায়নের খাতায় এই পালাটি দেখিয়াছি। সর্বত্র মূল ঘটনার বর্ণনা একপ্রকার হইলেও আবহুসঙ্গিক বর্ণনা বহু খাতায় এক প্রকার নহে। মাননীয় দীনেশ চন্দ্র সেন মহাশয় পালাটি যে প্রকারে প্রকাশ করিয়াছেন তাহার সঙ্গে যে সব গায়নের খাতায় লেখা বর্ণনা ও ভাবার বহুলাংশে মিল আছে তাহাই আমি গ্রহণ করিয়াছি।

পূর্ববঙ্গের পল্লী অঞ্চলে হিন্দু-মুসলমান সাধারণ জনসমাজ ও অসাধারণ মহিলাসমাজে এই পালাটি অতিশয় প্রিয়। ইহার হেতু

বোধ হয়, মুসলমানী আইনে বিবাহ বিচ্ছেদের অধিকার স্বামীর, স্ত্রীর কোনো অধিকার নাই, এমন কি স্ত্রীর মতামতের অপেক্ষাও নাই। তাহারই মর্মান্তিক প্রতিবাদ বীরাজনা সুন্দরী সাখিনার মৃত্যু। কঠোর পর্দানবীন প্রথা থাকায় সম্ভ্রান্ত মুসলমান পরিবারে জেনানামহলের কথা বাহিরে প্রকাশ পায় না। সাখিনা পুরুষবেশে যুদ্ধ ক্ষেত্রে যুদ্ধ করিতে করিতে তালাকনামা পাইয়া প্রাণত্যাগ করিয়াছিলেন বলিয়া সম্ভ্রান্ত ঘরের এই ঘটনাটি জনসমাজে প্রকাশ পায়। দরদী পল্লীকবি গানের পালা রচনা করিয়া ঘটনাটি একাল পর্যন্ত জন-সমাজের শ্রুতিগোচর করিয়া রাখিয়াছেন। ‘আয়না বিবির পালা’ ও ‘আলাল-ছুলাল-মদিনা বিবি’ পালায় আমরা এইপ্রকার ঘটনাই দেখিতে পাই। এই দুইটি কিন্তু সাধারণ গৃহস্থ কৃষক কথা।

আয়না বিবির পালার নায়ক উজ্জ্বাল মামুদের বাড়ী ছিল ত্রিপুরা জেলার ব্রহ্মানী নদীর তীরে চান্দেবড়িটা গ্রামে। যুবক উজ্জ্বাল মামুদ সওদাগরী ব্যবসা উপলক্ষ্যে দূরবর্তী এক গ্রামে গিয়া অতিদরিদ্র এক বৃদ্ধ কৃষকের গৃহে কিশোরী আয়নাকে দেখিতে পায়। কিছুকাল পরে মামুদ অনুসন্ধান করিয়া অনাথা আয়নাকে স্বগৃহে আনিয়া বিবাহ করে। বিবাহের পরে আয়নার রূপে-গুণে-ব্যবহারে মামুদ ও তাহার মা, বোন, সকলেই পরম সুখী। কয়েক বছর পরে মামুদ সওদাগরী ব্যবসা করিতে বিদেশে গিয়া নোকাছুনি ঘটিয়া নিখোঁজ হইল। সংবাদ বাড়াইতে পৌঁছিলে আয়না বিশ্বাস করিতে পারিলনা যে, তাহার স্বামীর মৃত্যু হইয়াছে, সে নিজে বাহির হইল স্বামীর খোঁজে। বহু দুঃখকষ্ট ভোগ করিয়া শেষে এক দয়ালু ধনী সদাগরের সাহায্যে রুগ্ন স্বামীকে উদ্ধার করিয়া গৃহে ফিরিল। আয়নার এই স্বামী অশেষগুণে গৃহত্যাগ সমাজ সহ্য করিল না, তালাক দিতে মামুদ বাধ্য হইল। কিন্তু তালাকের পর আয়না যাইবে কোথায়? তাহার তো

এ জগতে আপন বলিতে আর কেহ নাই। সেজন্ত মামুদ তালাকের কথা আয়নাকে না জানাইয়া ভিন্ন গ্রামে দোস্তের বাড়ীতে নিমন্ত্রণ রক্ষার ছলে বহু দূরবর্তী নির্জন বনভূমির মধ্যে সন্ধ্যাকালে বসাইয়া রাখিয়া জল আনিবার ছলে পালাইয়া আসিল। সেই হিংশ স্বাপদ সঙ্কুল বনভূমিতে রাত্রিকালে স্বামীর বিপদাশঙ্কায় আয়না পাংগলের মত সারারাত্রি ঘুরিয়া ভোরে নদীর তীরে আশ্রয় পাইল ‘কুরুঞ্জিয়া’ নারীদের নোকায়। কুরুঞ্জিয়ারা আজীবন নোকাবাসী যাযাবর ব্যবসায়ী জাতি। সে জন্ত আয়নার পক্ষে চান্দর ভিটাগ্রাম ও উজ্জ্যাল মামুদের সন্ধান করার সুযোগ হইল। ইহার পর আয়নার চান্দরভিটা অন্বেষণ, চান্দর ভিটাগ্রামে সন্ধ্যাকালে নদীর ঘাটে নোকা বাঁধিয়া পল্লীবধূদের মুখে তালাকের সংবাদ শ্রবণ, পরদিন জীবনে শেষবারের মত তাহার প্রিয় স্বামী, স্বামীগৃহ, স্বামীভী, ননদ, সতীন পুত্র,—এমন কি তাহার স্বহস্তে রোপিত ‘মেন্দী’ গাছটি দেখিয়া তাহার মনোভাব এই পালায় দরদী মুসলমান কবি যে ভাবে কাব্যে রূপ দিয়াছেন, তাহাতে পালাগানের শ্রোতা ও কাব্যের পাঠক-পাঠিকা অনেকেই অশ্রু সম্বরণ করিতে পারিবেন না। শেষ পর্যন্ত তালাকের কথা শুনিয়া একবার মাত্র ‘সোয়ামীর চান্দমুখ’ ও তার ‘সাধের গিরখানি দেখিয়া’ অভাগিনী আয়না নদীর তীরে শ্রোতে জীবন বিসর্জন দিল।

আলাল-তুলাল-মদিনা বিবির পালায়ও আমরা এই ব্যাপারই দেখিতে পাই। সম্ভ্রান্ত ধনী দেওয়ান বংশের দুই পুত্র আলাল ও তুলাল বিমাতার চক্রান্তে ও জহ্লাদের দয়ায় নির্বাসিত হইয়া ঘটনাচক্রে বিচ্ছিন্ন হইয়া পড়িল। আলাল আশ্রয় পাইল এক দেওয়ান গৃহে, তুলাল আশ্রয় পাইল এক দরিদ্র কৃষক গৃহে। কৃষকের শিশু কন্যা মদিনা তুলালকে দেখিয়াই তাহার প্রতি আকৃষ্ট হইয়া

পড়িল। সে আকর্ষণ কালে গভীর প্রেমে পরিণত হইয়া উভয়ের বিবাহ হইল। মদিনার পিতা ও গ্রামের ধনী মহাজন দিলেন কয়েক বিঘা জমি। ছলল ও মদিনা সেই জমিতে স্বহস্তে চাষ ও গ্রামের মধ্যে পৃথক গৃহ নির্মান করিয়া সুখের সংসার পাতিল। কালক্রমে তাহাদের এক পুত্র জন্মিলে তাহার নাম রাখিল সুরুষজামাল। ধনীর চক্ষে তাহার দরিদ্র কৃষক হইলেও সেই ছোটো সংসারে মদিনা নিজ অন্তরের প্রেমৈশ্বর্য ও নিজের ঘর-সংসারে স্বাধীনতার ঐশ্বর্যে পরম সুখী ছিল।

আলাল ধনী দেওয়ানের গৃহে আশ্রয় পাইয়া কালক্রমে তাহার আশ্রয়দাতার সামরিক শক্তির সাহায্যে পিতৃসম্পত্তি দেওয়ানী দখল করিলেন। আশ্রয়দাতা দেওয়ানের দুই সুন্দরী কন্যা ছিল। সেই দুই কন্যার সঙ্গে বিবাহের প্রস্তাব করিলে আলাল জানাইল, ছলল নামে তাহার আর এক ভাই আছে, তাহাকে খুঁজিয়া আনিয়া দুই ভাই দুই কন্যাকে বিবাহ করিবে।

ছলল-ভাইকে খুঁজিবার জন্ত আলাল নিজে বাহির হইয়া একদিন সন্ধ্যায় উপস্থিত হইল ছললের গৃহে। রাত্রে দুই ভাই পরামর্শ করিল, দেওয়ানের ঘরে জন্ম গ্রহণ করিয়া কৃষক-কন্যা বিবাহ ও কৃষিকার্য করিয়া জীবিকা নির্বাহ করা লজ্জার বিষয়। অতএব পরের দিন মদিনার অজ্ঞাতসারে তাহাকে তালুক দিয়া ছলল চলিয়া গেল। মদিনার ভাই তালুক নামা হাতে ম্লান মুখে আসিয়া ঘটনাটা বলিলে মদিনা তাহা আদৌ বিশ্বাস না করিয়া হাসিয়া উড়াইয়া দিয়া অনুপস্থিত স্বামীর সমস্ত কর্মের দায়িত্ব নিজে গ্রহণ করিয়া সুন্দর রূপে সংসার চালাইতে লাগিল। কিন্তু এক বৎসর অতিবাহিত হইলেও স্বামী যখন ফিরিল না বা কোনো সংবাদ দিল না তখন মদিনা চিন্তিত হইয়া ভাইয়ের সঙ্গে পাঠাইল বালক পুত্র সুরুষজামালকে ছললের কাছে।

তাহারা সুদীর্ঘ পথ অতিক্রম করিয়া দেওয়ানের সহরে পৌঁছাইয়া দেওয়ানবাড়ীতে দেওয়ান ছুলালের সঙ্গে কথা বলিবার সুযোগ পাইল না। কয়েক দিন পরে বিলাসভবন 'বাব বাংলা'র পথে দেখা হইলে আতঙ্কিত ছুলাল তাহাদের শীত্র ঐ সহর ত্যাগ কবিত্তে, এবং দেওয়ান ছুলাল যে এককালে কৃষক কত্থা বিবাহ করিয়া কৃষিকার্য করিত, তাহা প্রকাশ করিতে নিবেধ করিলেন। কারণ, উহা সেখানকাব জনসমাজে প্রকাশ হইলে ছুলাল দেওয়ানের জাতি নাশ হইবে।

কাঁদিতে কাঁদিতে ফিরিয়া গেল সরল বালক সুকুমারমাল মায়ের কাছে। এইবার মদিনা তালকের কথা বিশ্বাস করিয়া কয়েক দিনের মধ্যেই পাগল হইয়া গেল। তাহার পর ঘোর উন্মাদ অবস্থায় অসহ্যারে শুকাইয়া মৃত্যু বরণ করিল। মদিনার একনিষ্ঠ পতিশ্রেম, তাহার 'সোনার সংসার'এব কথা, ছুলাল চলিয়া যাইবার পর এক বৎসর তাহার কাজকর্ম ব্যবহার ও মনের কথা, এবং ছুলাল দেওয়ান কর্তৃক পুত্র সুকুমারমালকে প্রত্যাখ্যানের পর উন্মাদ হইয়া প্রাণত্যাগের ঘটনা মরমী পল্লীকবি পার্শ্বাঙ্গানে যে রূপ দিয়াছেন করুণ রসাত্মক কাষো তাহা অনবদ্য।

এই তিনটি পালায় তিনটি প্রেমরূপী সাধবী দারীর প্রাণত্যাগের হেতু, বিবাহ বিচ্ছেদে একমাত্র দারীর নিরঙ্কুশ অধিকার। ইহার কোনো প্রতিকার নাই। কারণ, ধর্ম ও সমাজ সম্পর্কে ইসলামী আইন অপরিবর্তনীয়। মুসলমানী বিবাহে 'দৈন মোহর চুক্তি' বলিয়া একটা কথা আছে, কিন্তু একনিষ্ঠ প্রেম ও সতীতাবীর নিকটে উহা মূল্যহীন।

দেখা যায় জাতিভেদ প্রথা কেহিয়া না কোনো আকারে পৃথিবীর অসত্য, অর্ধসত্য, সত্য, সুসত্য,—সব সমাজেই আছে। হিন্দু



প্রাচীন পূর্ববঙ্গ গীতিকা : ৫ম খণ্ড

সমাজের প্রাচীন জাতিভেদ প্রথা—যাহা এখন লোপ করিয়া নূতন জাতিভেদ প্রথা প্রবর্তনের প্রচেষ্টা চলিতেছে, সেই পুরাতন জাতি ভেদের একটা নির্দিষ্ট সীমা ছিল। সেই সীমার মধ্যে বৈবাহিক আদানপ্রদান, সামাজিক মর্যাদা, ধর্মীয় অনুষ্ঠান, প্রভৃতিতে সকলেই সমান অধিকারী। হিন্দুর এই পুরাতন জাতিভেদ প্রথা অসভ্যদের জাতিভেদ প্রথা ছাড়া পৃথিবীর আর কোনো জাতিভেদের সুনির্দিষ্ট সীমারেখা নাই। জাতিভেদের সীমা নির্দিষ্ট না থাকিলে বিভিন্ন জাতীয়-অভিমান কোনো কারণে সংঘাত প্রাপ্ত হইলে যে, কিপ্রকার সর্বনাশা মর্মান্তিক পরিণাম ঘটাইতে পারে তাহারই একটি নিদর্শন এই ‘ফিরোজখাঁ দেওয়ান-সখিনা বিবির পালা।’

ফিরোজখাঁ দেওয়ানের পূর্বপুরুষ ‘কালীয়া গজদানী আছিল কাফেরের পরধান।’ খ্রীষ্টীয় ষোড়শ শতাব্দীর শেষ ভাগে ইতিহাস প্রসিদ্ধ বাঙ্গালী হিন্দু জমিদার কালিদাস গজদাস গজদানী ‘সুন্দরী আওরতের লোভে’ পড়িয়াই হউক, আর সুন্দরী আওরতের পিতা গোড়ের শাসনকর্তা হুসেন শাহের চক্রান্ত চাপে পড়িয়াই হউক ইসলাম ধর্ম কবুল করিয়া হুসেন শাহের সুন্দরী কন্যাকে বিবাহ করেন। সেই ‘কাফেরের বংশে বেটা’ ‘ফিরোজখাঁ’ পয়দা যে হইয়া বৈদিক যুগের ‘ব্রহ্মাবর্ত’ পৌরাণিক যুগের ‘গান্ধার কেকয়’ মুসলিম যুগের আফগানিস্থানের অধিবাসীদের একটি শাখা পাঠান উমর খাঁ দেওয়ানের দরবারে ‘উজির পাঠাইল সেই না’ উমর খাঁর ‘কন্যার লাগিয়া’। অপমানিত দেওয়ান দরবারে বলিলেন,—

‘গোস্তাকি দেখিয়া আমি লাজে মইরা যাই।

মনে হয় মাটি ফুঁইড়া পাতালে সামাই ॥

শাহান শাহের দোস্ত আমি জাতিতে পাঠান।

কাফেরের গুপ্তি হয় জঙ্গলবাড়ীর দেওয়ান ॥

বেইজ্জত করিল মোরে সেইত কাকেরে ।

অতএব—‘গর্জিয়া ডাকিল মিয়া জহ্লাদ নফরে ।’ নফর আসিলে তাহাকে হুকুম দিলেন,—‘এহিনা বেয়াদপের তোমরা গর্দানায় ধরিয়া ।

সিতাবি খেদাড়িয়া দেও সওরের বাহির করিয়া ॥

‘হুকুম পাইয়া জহ্লাদ’ জঙ্গল বাড়ীর দেওয়ানের উজিরকে ‘গর্দানায় ধরিয়া সওরের বাইর কইরা দিল ।’ উমর খাঁর এই অবাস্তব সীমাহীন জাত্যাভিমানের ফলে ক্রুদ্ধ ফিরোজ খাঁ সসৈন্যে কেল্লা তাজপুর আক্রমণ ও দখল করিয়া পাঠান উমর খাঁর ‘ঘেঁটিতে ধরিয়া মিয়া দেওয়ানরে খেদাড়িল ।’

এই পালার ঐতিহাসিক ইতিবৃত্ত মাননীয় দীনেশ চন্দ্র সেন মহাশয় তাঁহার সম্পাদিত পালার ভূমিকায় যাহা লিখিয়াছেন তদতিরিক্ত কোনো তথ্য আমি সংগ্রহ করিতে পারি নাই । এখানে তাঁহার ভূমিকার প্রয়োজনীয় অংশ উদ্ধৃত করিতেছি ।—

‘দেওয়ানদিগের যে বংশলতা পাওয়া গিয়াছে তাহাতে ফিরোজ খাঁর নাম নাই । পালাগানোক্ত অনেক স্থলেই যখন এইরূপ নাম বিপর্যয়ের উদাহরণ পাইতেছি, তখনই এই ধারণা আমাদের বন্ধ-মূল হইয়াছে যে, মুসলমান দেওয়ানেরা শাসন কর্তৃত্ব গ্রহণ করার পর পূর্বের নাম পরিবর্তন করিয়া অধিকতর মর্যাদাজ্ঞাপক নাম ও উপাধি ধারণ করিতেন । এপ্রথা সর্বত্রই ইতিহাসে দৃষ্ট হইয়া থাকে । কিন্তু তাহা সত্ত্বেও পালাগানে এই সকল দেওয়ান ও রাজগণের লোক প্রচলিত সহজ নামগুলিই ব্যবহৃত হইত । জঙ্গলবাড়ীর দেওয়ানদিগের সম্বন্ধীয় অগ্ৰাণ্য পালাগানের ন্যায় এটিরও যে যথেষ্ট ঐতিহাসিক মূল্য আছে একথা অস্বীকার করা যায় না ।—

‘ফিরোজ খাঁ বোধহয় দেওয়ান ইশারখাঁর বহুদূরবর্তী বংশধর

নহেন। তিনি ইশাখাঁর পৌত্রদের একজন হইবেন। বংশলতা ও দেওয়ান সরকারের কাগজপত্র হইতে জানা যায় যে, দেওয়ান পরিবার পরে বহুধা বিভক্ত হইয়া বৃত্তিভোগী জমিদার গোষ্ঠীর সৃষ্টি করিয়াছিল। দেওয়ান পরিবারস্থ এই ভূম্যধিকারিগণের কেহই পরবর্তীকালে দিল্লীর বাদসাহের সহিত বিবোধ করিয়া স্বাধীনতা অর্জনের চেষ্টা করিবার মত ক্ষমতাশালী ছিলেন না। কিন্তু পালা-গানটিতে দেখা যায়, ফিরোজ খাঁ স্বীয় পূর্বপুরুষদিগের গৌরবে গৌরবান্বিত একজন সাহসী বীরপুরুষ ছিলেন। তিনি ইশাখাঁর বংশধর এবং ইশাখাঁর মতই স্বাধীন যশস্বী দেশনায়ক হইবেন পূর্ব হইতেই এই আশা মনে মনে পোষন করিয়াছিলেন। “তিনি ইশাখাঁর বংশে জন্ম গ্রহণ করেন” একথা স্পষ্টই উক্ত হইয়াছে; সুতরাং ইশাখাঁর পুত্র হইলে তাঁহার সম্বন্ধে এরূপ উল্লেখ হইত না। অথচ যিনি দিল্লীশ্বরের সঙ্গে বিরোধ করিতে ইচ্ছুক, তিনি কখনই ইশাখাঁর দূরবর্তী বংশধর নহেন।

ইশাখাঁর দুই পুত্র ছিল, মুশা খাঁ ও মহম্মদ খাঁ। মুশা খাঁর পুত্র মাহুম খাঁ এবং মহম্মদের পুত্র এনোয়াজ মহম্মদ। আমরা পূর্বেই বলিয়াছি ফিরোজখাঁকে আমরা দেওয়ান পরিবারের বংশ তালিকায় এই শেষোক্ত নাম দুইটির অধঃস্থন বলিয়া স্বীকার করিতে পারি না। দেওয়ানদিগের যে বংশ তালিকা আমরা পাইয়াছি তাহা অসম্পূর্ণ, এবং সবজায়গায় বিশ্বাসযোগ্যও নহে। আমরা একটা বংশাবলীতে ইশাখাঁর পুত্র শুধু আবদুল খাঁর নামই পাই নাই আদম ও বিরাম নামক শ্রীপুররাজ কণ্ঠার গর্ভজাত তাঁহার অপর দুই পুত্র ছিল, তাহারও উল্লেখ পাইয়াছি। ভিন্ন এক গোষ্ঠী দেওয়ানের আবাস ছিল কেল্লা তাজপুরে, এই দেওয়ানেরা বোধহয় উত্তর পশ্চিম অঞ্চল হইতে আগত।”

ফিরোজ খাঁ দেওয়ান-সখিনা বিবির কাহিনী অবলম্বনে পূর্ব-বঙ্গে এককালে বহু কবি পালাগান রচনা করিয়াছিলেন। কিন্তু কোথাও কোনো কবির নাম পাওয়া যায় না। মাননীয় সেন মহাশয় যে পালা প্রকাশ করিয়াছেন এবং যাহাকে ভিত্তি করিয়া আমি এই পালা সংগ্রহ ও সম্পাদন করিলাম, আমার বিশ্বাস ইহা একাধিক কবির রচনার সংমিশ্রণ। এই সংমিশ্রণ সম্ভবত গায়েনদেব রুতিহ। ইহা সত্ত্বেও পালাগুলির রচয়িতা কবি সকলেই যে মুসলমান, তাহাতে কোনো সন্দেহ নাই। সাধারণত মুসলমান জনসমাজ বিশেষত মুসলমান মোলবিগণ তাঁহাদের ধর্ম ও সমাজ বাবস্থা সম্পর্কে নিছক প্রশংসা ছাড়া কোনো বিরুদ্ধ সমালোচনা যে সহ্য করিতে পারেন না, ইহা সুবিদিত ঘটনা। তৎসত্ত্বেও খ্রীষ্টীয় পঞ্চদশ হইতে সপ্তদশ শতাব্দীর মধ্যে রচিত আয়না বিবির পালা, ফিরোজ খাঁ-সখিনা বিবির পালা ও আলাল-তুলাল-মদিনা বিবির পালা রচিত হইয়া মুসলমান গায়েনগণ এই তিন চারিশত বৎসর সর্বসাধারণের সমক্ষে গান করিয়া আসিতেছেন। ইহাতে বুঝা যায়, এই পালা তিনটির বিষয়বস্তুর পক্ষে প্রচণ্ড জনসমর্থন আছে।

এই পালার আর একটি রহস্য-পূর্ণ ব্যাপার—সখিনা বিবির যুদ্ধ। এ সম্পর্কে মাননীয় সেন মহাশয় তাঁহার ভূমিকায় কোনো আলোক সম্পাত করেন নাই, ঘটনাটির ঐতিহাসিকতা সম্পর্কে কোনো সন্দেহ প্রকাশ বা কোনো প্রশ্নও তোলেন নাই। মৈমন-সিংহ জেলায় কিশোরগঞ্জ মহকুমায় জঙ্গলবাড়ী আর কেলা তাজপুর নেত্রকোনা মহকুমার দক্ষিণ অঞ্চলে পাতয়াড়া বা ‘পাতুড়ী’ নদীর তীরে অবস্থিত। ১৯৩৭ সালে আমি সাইকেলে ঐ অঞ্চলের বহু গ্রামে ঘুরিয়াছিলাম। তাহার পর ১৯৪১ সালে ও ১৯৪৭ সালের জামুয়ারী মাসে ঐ অঞ্চলে ঘুরিয়া বহু ব্যক্তির মুখে শুনিয়াছি স্বামী উদ্ধারের

জন্ম সখিনার যুদ্ধ সত্য ঘটনা। কেবল তাজপুরের নিকটে যে মাঠে সখিনার সঙ্গে উমর খাঁর পরিচালনাধীন বাদশাহী ফৌজের যুদ্ধ হইয়াছিল তাহাও দেখিয়াছি। তাজপুরের অনেকে সখিনার মৃত্যু স্থানটিও দেখাইয়াছিলেন। এইসব কারণে ঘটনাটি কবিকল্পিত বলিয়া উড়াইয়া দিতে পারিনা, আবার এদিকে পারিপাশ্বিক অবস্থা বিচারে কাহিনিটি সত্য বলিয়া স্বীকার করাও কঠিন।

মুসলমানী সামাজিক আইন অনুসারে কত্কা বয়ঃপ্রাপ্ত হইলে স্বামী ছাড়া অথ পুরুষের সম্মুখে বাহির হইতে বোরখা পরা বাধ্যতা মূলক। নানা কারণে বাঙ্গালী মুসলমান দরিদ্র কৃষক ও শ্রমজীবী পরিবারে এই নিয়ম মানিতে না পারিলেও সম্ভ্রান্ত মুসলমান—বিশেষ করিয়া যাঁহাদের পূর্বপুরুষ বিদেশ হইতে ভারতে আসিয়াছেন বলিয়া অভিমান আছে, তাঁহাদের পরিবারে এই বিংশ শতাব্দীর প্রথম পাদ পর্যন্ত কঠোর ভাবে বোরখা ও পরদা প্রথা মানা হইত। এরূপ অবস্থায় পাঠান উমর খাঁর জেনানা মহলে সখিনার ঘোড়ায় চড়িয়া যুদ্ধ শিক্ষা অসম্ভব বলিয়া মনে হয়। তাহা ছাড়া এই পালায় বর্ণিত রুগ্ন উমর খাঁর শয্যাগৃহে ফকিরের ছদ্মবেশে যুবক ফিরোজ ও যুবতী সখিনার প্রথম দর্শন, দীঘির ঘাটে স্নানার্থিনী সখিনার সঙ্গে ফিরোজের অসঙ্কোচ কথোপকথন, যুদ্ধে পরাজিত উমর খাঁকে ‘ঘেঁটি ধইরা, বাহির কইরা দেবার পর’ বিনা প্রতিবাদে ফিরোজ খাঁর বন্দিনী হইয়া জঙ্গলবাড়ী গিয়া সাদী কবুল, তারপর—‘সাদী করিয়া দোয়ে সুখী হইল মনে—একসাথে থাকে দোয়ে উঠনে বৈসনে।’—ভাব, পরবর্তী কালে যুদ্ধে উমর খাঁ ফিরোজকে বন্দী করিয়াছে শুনিয়া—

‘রক্ত বরণ আজি দুইভা কইতার শরীল হইল কালা।

আজির দিগ্ধিতে কইতার বন-আগুনের জ্বালা

কইতা উইঠা হইল খাড়া ॥

সখিনা উঠিয়া দাঁড়াইয়া দরিয়া বাঁদীকে ছকুম,

‘শীঘ্র কইরা রণের ঘোড়া তুমি আইনা খাড়া কর ॥

আমার স্বামীরে বন্দী করে দেখ্‌বাম্‌ হুশমনের কত জোর ।

সাজাও দেখি রণের ঘোড়া হুশমন আইল কত দূর ॥’

এই ব্যাপারগুলি সম্ভ্রান্ত পাঠান উমর খাঁর জেনানা মহলে  
অন্তত বিশ-বাইশ বৎসর বয়স পর্যন্ত প্রতিপালিতা কন্যার পক্ষে  
সম্ভবপর কিনা তাহা চিন্তনীয় ।

এবিষয়ে অনুসন্ধান করিয়া সিদ্ধান্তে পৌঁছিতে হইলে আমার  
মনে হয় নিম্নলিখিত ঐতিহাসিক তথ্যগুলির প্রতি লক্ষ্য রাখা  
প্রয়োজন ।

১। সুপ্রাচীন কাল হইতে ভারতে রাজপরিবারে ও সম্ভ্রান্ত  
উচ্চবংশে কন্যাদের সামরিক শিক্ষা প্রদান করা হইত । মুসলিম  
যুগে ইহা বৃদ্ধি পায় । ‘টুডের রাজস্থান’ প্রভৃতি গ্রন্থে ইহার যথেষ্ট  
প্রমাণ আছে । ভারতে সম্ভ্রান্ত মুসলমান পরিবারে এইপ্রকার  
শিক্ষার কথা শোনা যায় না ।

২। ভারতের ইতিহাসে যে কয়েকটি মুসলমান মহিলা যুদ্ধ ক্ষেত্রে  
সামরিক বেশে অবতীর্ণ হইয়াছিলেন, তাঁহাদের প্রায় সবক’টিই  
হিন্দু পিতামাতার সন্তান, প্রথম বয়সে পিতৃগৃহেই লালিতাপালিতা ।  
দাক্ষিণাত্য বিজাপুরের চাঁদবিবির জন্ম সম্পর্কে ঐতিহাসিক সন্দেহ  
আছে ।

৩। প্রাচীনকালে যুদ্ধে পরাজিত রাজ পরিবারের ও নগরের  
সম্ভ্রান্ত পরিবারের সুন্দরী মহিলাদের বন্দি করিয়া বিজয়ী রাজগৃহে  
প্রেরণ করা হইত । খলিফা আবুবকরের সেনাপতি খালিদ পারশ্য  
জয় করিয়া সাতশত সুন্দরী কন্যা খলিফাকে উপঢৌকন দিয়াছিলেন ।  
মহম্মদ বিন্‌কাশিম সিদ্ধু জয় করিয়া খালিফাকে যে উপঢৌকন পাঠা-

ইয়াছিলেন তাহার মধ্যে সিদ্ধুরাজ দাহিরের দুইটি যুবতী কন্যাও ছিল। ইত্যাদি।

৪। সুন্দরীমাতা সকল্য বন্দিনী হইয়াও চালান যাইতেন। মালিক কাফুর দেবগিরি জয় করিয়া সকল্য রাজমহিষী দেবলাদেবীকে সম্রাট আলাউদ্দিন খিলজির হারেমে পাঠাইয়াছিলেন। বর্ধমানের শাসনকর্তা শের আফগান নিহত হইতে তদীয় পত্নী মেহেরুমিছা কন্যা সহ বন্দিনী হইয়া সম্রাট জাহাঙ্গীরের হারেমে প্রেরিত হইয়াছিলেন। ইত্যাদি—।

৫। মুসলমান সুলতান, বাদশাহ, নবাব সুবাদার, প্রভৃতি পরিবারে সুশ্রী সচ্চরিত্র ক্রীতদাস-ক্রীতদাসী পুত্র-কন্যার মত প্রতিপালিত হইত। যুদ্ধবন্দিনীদের অনেক বেগম হইয়াছেন।

এই সঙ্গে আর তিনটি বিষয় অনুসন্ধান করা প্রয়োজন।

১। উমর খাঁ দিল্লীর বাদশাহের দোস্ত ছিলেন, কেলা তাজপুরের দেওয়ানী তাহার বংশে তিনিই প্রথম পাইয়াছিলেন কি না।

২। কেলা তাজপুরের দেওয়ানী উমর খাঁ যদি বাদশাহের দান রূপে পাইয়া থাকেন, তবে তিনি কোনো যুদ্ধে কৃতিত্ব দেখাইয়া এই দান পাইয়াছিলেন কি না ?

৩। উমর খাঁর আরও পুত্র-কন্যা ছিল কিনা ?

আমি ঐতিহাসিক নহি। উদরান্ন সংস্থান-প্রচেষ্টার কঁাকে কঁাকে প্রাচীন গাথাগুলিই সংগ্রহ করিতে চেষ্টা করিয়াছি, উহার ইতিহাস অনুসন্ধান করার সুযোগ, যোগ্যতা ও সময় আমার ছিল না। তথাপি ঐ অঞ্চল ঘুরিয়া লোকমুখে যাহা শুনিয়াছি ও পালার কাহিনী বর্ণনায় যাহা দেখিতে পাই, তাহাতে সখিনার জন্ম, শিক্ষা, চালচলন বিষয়ে মনে সন্দেহ জাগিয়াছে। যদি সখিনা উমর খাঁর ঔরস জাত কন্যা হয়, তবে বুঝিতে হইবে পাঠান খাঁ

সাহেব কয়েক পুরুষ বাংলাদেশে সপরিবারে বাস করিয়া বাঙ্গালী হইয়া গিয়াছিলেন। বঙ্গজননীৰ পুত্র-কন্যা চিরকালই দুৰ্দ্ধম দামাল। সুযোগ পাইলেই তাহারা অনায়েৰ বিৰুদ্ধে বেপরোয়া বিদ্রোহ করে। বৰ্তমানে স্বাধীনতা প্রাপ্তির পর বাঙ্গালী বোনেৰাই রংপুর ও টাঙ্গাইলের রাস্তায় প্রথম বোরখা ও পরদার বহুংসব কবিয়াছিল। কালে তাহাৰাই সখিনা-মদিনা-আয়নার মৰ্মাস্তিক মৃত্যুর হেতু দূর করিবে।

নবদ্বীপ

ত্রিাঙ্কিতীশ চন্দ্র মৌলিক



## ফিরোজ খাঁ দেওয়ান-সখিনা বিবির পালা

(১)

পরথমে আল্লাজীর নাম করিয়া সুরণ<sup>১</sup> ।  
জঙ্গলবাড়ীর কথা সবে শুন দিয়া মন ।  
শুষ্টির পরধান<sup>২</sup> আছিল কালিয়া গজদানী<sup>৩</sup> ।  
যানার ভয়ে বাঘ ভইষে এক ঘাটে খাইত পানিরে ॥  
আরে ভাইরে—  
পরথমে আছলাইন<sup>৪</sup> তানি আল্লার পরজন<sup>৫</sup> ।  
আগিয়ার<sup>৬</sup> কথা তাই শুন্থাইন<sup>৭</sup> দিয়া মন ।  
যতেক ফকির আর পীর পেগাম্বর ।  
বরাক্ষণ পণ্ডিত আছিল  
তানার<sup>৮</sup> সভার ভিতর রে ॥  
সোনা দিয়া বাক্সায়া<sup>৯</sup> হাতি বরাক্ষণে কইরত দান ।  
এয়ার লাইগ্যা<sup>১০</sup> হইল রে তানার গজদানী নাম ।  
আল্লা-নিরঞ্জন<sup>১১</sup> লয়া তানার সভার ভিতরে ।  
পীর আর বরাক্ষণে দেখায় যুক্তি সুবিস্তরে ॥  
কুবুদ্ধি আছিল দেওয়ানের সুবুদ্ধি হইল ।  
কাফেব আছিল দেওয়ান মোছলমান হইল ॥  
দেশের বাদশা<sup>১২</sup> সেইনা খোস খবর<sup>১৩</sup> শুনিয়া ।+  
দেওয়ানের সাথে দিলাইন এক কইচার বিয়ারে ॥+

- ১। সুরণ=সুরণ। ২। পরধান=প্রধান। ৩। কালিয়া গজদানী=কালিদাস গজদানী। ৪। আছলাইন=আছিলেন। ৫। পরজন=অনাস্থায়ী। ৬। আগিয়ার=আংগেকার। ৭। শুন্থাইন=শ্রবণ করন। ৮। তানার=তাহার। ৯। বাক্সায়া=বাধাইয়া, সাজাইয়া। ১০। এয়ার লাইগ্যা=ইহার লাগিয়া। ১১। আল্লা নিরঞ্জন=ঈশ্বর নিরাকার। ১২। দেশের বাদশা=গৌরের সুবাদার। ১৩। খোস খবর=সুসংবাদ।

রূপের মুরতি পাঠান রে—

পাঠান মায়ের গর্ভে জন্ম পরম সোন্দরী ।+

দেওয়ানের ঘরে আইল বেহেশ্তের ছরপরী ।+

ছুই পুত্র হইল তানার গুন দিয়া মন ।

ঈশা খাঁর কথা সবে কইব এখন রে ॥

আরে ভাই রে —

দিল্লীর বাদশার সঙ্গে জঙ্গ<sup>১৪</sup> যে করিয়া ।

রাজহি করিল দেওয়ান দিলখুশী হইয়া ।

দিল্লীথিক্যা ফোজ আইল কানান ভারি ভারি\* ।

লড়াই হইল বড়ো দেশে চমৎকারী রে ।

বাদশার ফোজের লগে<sup>১৫</sup> জঙ্গে কেবান্ আটে<sup>১৬</sup> ।

জঙ্গে হাইরলাইন্ ঈশাখাঁ দোরাডের ঘাটে ।

জইন্ত্যার পাহাড়ে \*\* দেওয়ান পলাইয়া যায় ।

শের মাকিক<sup>১৭</sup> বাদশার ফোজ পাছে পাছে ধায় রে ॥

আরে ভাই রে—

জঙ্গলায় পলাইল দেওয়ান লাগ<sup>১৮</sup> নাহি পায় ।

জঙ্গলায় থাকিয়া ভাবে কি কইরব উপায় ।

আপন ফোজ লয়া দেওয়ান উজান পানি বাইয়া ।

জঙ্গল বাড়ীর ঘাটে আইসা দাখিল হইল<sup>১৯</sup> গিয়া রে ॥

আরে ভাই রে—

১৪। জঙ্গ = যুদ্ধ। ১৪। লগে = সঙ্গে। :৫। আটে = সমকক্ষতা করে।

১৭। শের মাকিক = বাঘের মত। ১৮। লাগ = ধরিতে, নাগাল।

১৯। দাখিল হইল = উপস্থিত হইল।

পাঠান্তর :—\*—আইল ভাবে ভাবে ।

পাঠান্তর :—\*\*'—পাড়েতে—' ।

রাম লক্ষ্মণ দুই ভাই জঙ্গলবাড়ী সরে<sup>২০</sup> ।  
 জঙ্গলার পুরেতে তারা রাজ-রাজ্যস্থি করে ।  
 ভাটি গাঙ, বাইয়া দেওয়ান আইসা নিশাকালে ।  
 পুরীখানি ঘেরিল তানার ফৌজের জাঙ্গালে<sup>২১</sup> রে ॥  
 রাম লক্ষ্মণ দুই ভাই গেল পলাইয়া ।  
 দুই ভাইয়ের রাজ্যস্থি দেওয়ান লইল কাড়িয়া ।  
 সেইখানে রাজ্যস্থি করে যত দেওয়ানগণ ।  
 পরে ত হইল কিবা শুন বিবরণ রে ॥  
 আরে ভাই রে—  
 কিঞ্চিৎ কইব আমি জঙ্গলবাড়ীর কথা ।  
 বড়ো বড়ো পালোয়ান যারে নোয়ায় মাথা ।  
 চল্লিশ পুরা<sup>২২</sup> জামিন রে ভাই জঙ্গল কাটিয়া ।  
 বাড়ীখানা বান্ধিল দেওয়ান যতন করিয়া রে ॥  
 বড়ো বড়ো দীঘি কাটায় তার শানে বান্ধা ঘাট ।  
 বার বাংলার ঘরে<sup>২৩</sup> লাগায় সোনার কবাট ।  
 ছোটো বড়ো খেড়কী<sup>২৪</sup> রে ভাই, তার করে ঝিলিমিলি  
 আয়না লাগায়্যা করে সোন্দর খুরলী<sup>২৫</sup> রে ॥  
 ফুলের বাগান তথায় হইল সারি সারি ।  
 পরীর মুল্লুক জিনি হইল জঙ্গল বাড়ী ।

২০। সরে=সহয়ে। ২১। জাঙ্গালে=উচ্চ রাস্তার মত সারি দিয়া।

২২। পুরা=জমির মাপ বিশেষ।

২৩। বার বাংলা ঘর=প্রাচীন

বাংলার বাঁশ খড় ও বেতে নির্মিত বিখ্যাত বিলাস ভবন। ২৪।

খেড়কী=জানালা। ২৫। খুরলী=কুদ্র জানালা (ইহা অন্তর মহলে করা হয়)।

ফটিকের খাস্বা<sup>২৬</sup> দিয়া কইরাছে যত ঘর ।  
 সোনা দিয়া বেইড়া দিল জঙ্গল বাড়ীর সর ।  
 পাহাড়ীয়া মুলুকে যার যত ধন ছিল ।+  
 জঙ্গলবাড়ীর সরে আইনা জড়ো<sup>২৭</sup> সে করিল রে ॥+  
 আবে ভাই রে,—

টুইয়ের<sup>২৮</sup> উপরে উড়ে সোনার নিশান ।  
 পাথরে বান্ধাইয়া দিল দীঘল পৈঠান<sup>২৯</sup> ।  
 জঙ্গলীয়া লোক সব পলাইয়া গেল ।+  
 সোনার ফসল ক্ষেত পইড়া রইল রে ॥+  
 চান্দের সমান পুরী আবেতে রাঙ্গিয়া<sup>৩০</sup> ।  
 দেওয়ানগিরি করে সবে তথায় বসিয়া ॥  
 এক তঙ্কায় দেশে মিলে বিশ মন ধান ।  
 মাথায় মোট খাইটা খায় পরজা পরধান রে ॥

আরে ভাই রে,—  
 সেহিত বংশের বেটা ফিরোজ খাঁ দেওয়ান ।  
 ছুনিয়া জুড়িয়া হইল যানার খুশ্-নাম<sup>৩১</sup> ।  
 সভা কইরা বইছুন<sup>৩২</sup> ভাইরে, যত মমিন্‌গণ<sup>৩৩</sup>  
 তানার কথা কইবাম্ আমি শুন্থাইন<sup>৩৪</sup> দিয়া মন রে ॥  
 আরে ভাই রে,—

২৬। ফটিকের খাস্বা = ফটিক স্তম্ভ । ২৭। জড়ো = একত্রিত, মজুত ।  
 ২৮। টুইয়ের = সর্বোচ্চ চিলেকোঠার । ২৯। দীঘল পৈঠান = দীর্ঘ  
 সোপান । ৩০। আবেতে রাঙ্গিয়া = অপ্রতিষ্ঠিত করিয়া । ৩১। খুশ্-নাম =  
 সুনাম । ৩২। বইছুন = বসিয়াছেন । ৩৩। মামিন = দেশের বিদ্বান ।  
 ৩৪। শুন্থাইন = শ্রবণ করন ।

বইসা আছে ফিরোজ খাঁ দেওয়ান  
 বার বাংলার ঘরে ।  
 উজির নাজির সব বইসাছে  
 দেওয়ানী সভা কইরে ।  
 উজির নাজিরে দেওয়ান কইতে লাগিল ।  
 পূর্বের বির্তান্ত কথা সুরণ<sup>৩৫</sup> হইল রে ॥  
 “বড়ো বংশের বেটা আমি শুন সাহেবগণ ।  
 দিল্লীর বাদশার সঙ্গে যান্‌রা কইরাছিলাইন<sup>৩৬</sup> রণ ।  
 বংশের পরধান দেখো ইশা খাঁ দেওয়ান ।  
 যানার কাছে বাদশার ফোজ পাইল অপমান রে ॥  
 এমন বংশেতে আমি লয়াছি জনম ।+  
 এখন উচিত মোর শুনখাইন্‌ দিয়া মন ।+  
 আল্লাহতালা পয়দা করলাইন্‌ এই ছুনিয়া ভিতরে ।  
 মরজি কইরা পাঠাইলাইন্‌ এই জঙ্গলবাড়ীর সরে ॥  
 যতেক থিরাজ<sup>৩৭</sup> পাই তার আধা-আধি ।  
 দিল্লীতে পাঠায়া আমি রাইখাছি এই গদি ॥  
 হাজা শুখা নাই সে মানে লাটের<sup>৩৮</sup> তস্কা চাই ।  
 পর্জার সুখ ছুঙ্কের কথা কানে তুলবার নাই ॥  
 রোজ রোজ তস্কার তাগিদ বচ্ছর বচ্ছর বাড়ে ।  
 আবওয়াব<sup>৩৯</sup> নজরাণা খুশিমত ধরে ।  
 কত আর দিবাম বল বাদশার সওরে ॥

৩৫। সুরণ = স্মরণ । ৩৬। কইরাছিলাইন = করিয়াছিলেন ।

৩৭। থিরাজ = খাজনা এবং অস্ত্রান্ত আদায় একত্রে থিরাজ ।

৩৮। লাটের = সরকারে জমা দিবার । ৩৯। আবওয়াব = প্রজাদের  
 নির্দিষ্ট খাজনার অতিরিক্ত ও অনির্দিষ্ট আদায়ী অর্থ ।

এমুন গদিতে আমার নাহি প্রয়োজন ।+  
 আমার মনের কথা শুন সাহেবগণ ॥+  
 আর না পাঠাইবাম খিরাজ দিল্লীর সওরে ।  
 আর না যাইবাম আমি বাদশার দরবারে ॥  
 একপাল ছরি<sup>৪০</sup> আর মণ্ডর<sup>৪১</sup> তোড়া তোড়া ।  
 বিশ গোটা হাতি আর একশত ঘোড়া ॥  
 হুজুরে হাজির কইরা বান্দার<sup>৪২</sup> মতন ।+  
 দরবারে দাণ্ডাইয়া না থাকবাম কন দিন ॥+  
 যা করে বাদশার ফোজ করুক আমারে ।+  
 লড়াই কইরা মরবাম আমি খোদাব কুন্তরে<sup>৪৩</sup> ॥+  
 যা থাকে নসিবে আমার শুন মিয়াগণ ।  
 খিরাজ বাকিয়া<sup>৪৪</sup> আমি করিবাম্ রণ ॥\*”

এমুন সময় শুন ভাইরে কোন কাম হইল ।  
 আন্দর<sup>৪৫</sup> হইতে বান্দী এক দরবারে আইল ॥  
 “হাউলির<sup>৪৬</sup> খবর শুন সাহেব বলি যে তোমারে ।  
 মা জননীর হুকুম হইল যাইতে আন্দরে ॥”  
 সেলাম জানায়া বান্দী এই কথা কইল ।+  
 উজির নাজিররে দেওয়ান কইতে লাগিল ॥+

৪০। ছরি = অগ্ৰসরী ; হুন্দরী সুবতী ।

৪১। মণ্ডর = মোহর ।

৪২। বান্দা = ক্রোতদাস । ৪৩। কুন্তরে = দয়া পাইবার জন্ত । ৪৪। বাকিয়া = বন্ধ করিয়া । ৪৫। আন্দর = ভিতর বাড়ী । ৪৬। হাউলি = হাভেলি, মুসলমান মহিলাদের বাসের জন্ত বিশেষ ধরণে প্রস্তুত গৃহ ।

\* \* — রইল কই লাগাৎ ।

\*\* দেখিয়া মজগ্‌গ্‌ল হইল মায়ের অন্তরে ॥

“শুন শুন মিয়াগণ কই যে তোমরারে ।  
 মায়ে ত পাঠাইল বান্দী যাইতে আন্দরে ॥  
 আইজের দরবার কাইল লাগাত্<sup>৪৭</sup> হইয়া ।  
 কালুকা করবাম্ ঠিক তোমাসবারে লইয়া ॥”

(২)

ফিরোজ খাঁ দেওয়ান সাহেব উইঠা মেলা করে<sup>১</sup> ।  
 সিতাবি দাখিল হইল<sup>২</sup> মায়ের গোচরে ॥  
 মায়ের হুকুম পায়্যা যত বান্দিগণ ।  
 সরবত্ আইনা দাখিল কইরুল তখন ॥  
 ঠাণ্ডা হয়্যা বইসুল সায়েব পালঙ্ক উপরে ।  
 আবের পাংখা<sup>৩</sup> লয়্যা বান্দী হাওয়া তান্বে করে ॥  
 চান্দের মতন ছুরত<sup>৪</sup> মিয়া<sup>৫</sup>র ঝলমল করে ।\*  
 দেইখ্যা মায়ের দিলে আনন্দ না ধরে ॥\*\*  
 সেলাম জানায়্যা সাহেব কয়েন মায়ের কাছে ।  
 “কিবান্ মরজি<sup>৬</sup>” কইবা মাও গো,  
 ডাকলাইন্ মোবে কাছে ॥

৪৭। কাইল লাগাত্ = আগামীকাল পর্যন্ত । ১। মেলা করে = গমন  
 করে । ২। সিতাবি দাখিল হইল = নীচ গতিতে উপস্থিত হইল । ৩। আবের  
 পাংখা = তালিখচিত পাখা । ৪। ছুরত = রূপ । ৫। মরজি = ইচ্ছা, মৎসব ।

পাঠান্তর : —\* —আমি ডাকাইবাম মরণ ।

\*\* চান্দ ছুরত রূপ ঝলমল করে ।

মাও কয়,—‘পুত্রধন, শুন আমার কথা ।  
 আর না আবাসী মায়ের মনে দেও রে বেথা ॥  
 পরাণে দরদ লাগে দেইখ্যা তর মুখ ।  
 বুড়া মায়ের মনে পুত্র, আর না দিবা ছুখ ॥\*  
 এমুন বয়েসে পুত্র, তুমি না কইরলা বিয়া ।  
 না রাইখ্‌লা মায়ের কথা দিন যায় রে বইয়া ॥  
 কয়বরে শুতিবাম্<sup>৬</sup> রে আমি আর ত বেশী বাকি নাই ।  
 বউয়ের মুখ দেইখ্যা যাইলে বড়ো সুখ পাই ॥”

এই না কথা শুইনা দেওয়ান কোন কাম করিল ।  
 মনের যতেক কথা মায়েরে কহিল ॥  
 “শুন শুন মা জননী, আরজ্জ<sup>৭</sup> আমার ।  
 আমার বংশের কথা কইতে চমৎকার ॥  
 গোষ্ঠীর পরধান বেটা ইশাখ<sup>৮</sup> দেওয়ান ।  
 যার হাতে দিল্লীর ফৌজ হইল হতমান ॥  
 বাদশা পাঠাইল ফৌজ ধইরতে ইশায় ।  
 ইশাখ<sup>৮</sup>’র পরতাপে<sup>৯</sup> ফৌজ পলাইয়া যায় ॥  
 বাদশার দূতরে ইশাখ<sup>৮</sup> রাইখ্যাছে পরাণে ।  
 খিরাজ না দিল তারে কইরা অপমানে ॥  
 হয়রাণ হইয়া বাদশা শেষে কইরাছে খাতির<sup>১০</sup> ।  
 আমার বংশে জন্মিল কত বড়ো বড়ো বীর ॥

৬। শুতিবাম্ = শয়ন করিব ।

৭। আরজ্জ = নিবেদন ।

৮। পরতাপে = প্রতাপে । ৯। খাতির = সন্মান ।

\* বুড়া বয়সে বড় পাইতেছি ছুখ ।



পরতিজ্ঞা কইরাছি মাও গো, মনেতে ভাবিয়া ।  
 এহি জনমেতে আর না করবাম্ বিয়া ॥  
 সাদী না করবাম্ মাও গো, আমি থাকবাম্ অবিয়াত ।  
 রাইজ্যের যতক চিন্তা আমি করবাম্ অবিরত ॥  
 আর না পাঠাইবাম্ খিরাজ দিল্লীর সওরে ।  
 আর না যাইবাম্ আমি বাদশার দরবারে ॥  
 বাদশার ফোজ আইসা যদি জঙ্গ<sup>১০</sup> কইরতে চায় ।+  
 জঙ্গ হইব তার আমি কি করবাম্ উপায় ॥+  
 ইশাখ<sup>১১</sup>র বংশে জইন্ম্যা আমি না করবাম্ বান্দাগিরি ।+  
 দেওয়ানী থাকুক না থাকুক জঙ্গে যাইবাম্ মরি ॥+  
 সাদী কইরলে জেনানা যাইব চালান<sup>১২</sup> বাদশার সেরে ।+  
 এহি সে কারণে মাওগো, সাদী না করাউবা মোরে ॥”+  
 এহি কথা না শুইনা মাও দিলে দুক্ষু<sup>১৩</sup> পাইল ।  
 মিল্লতি করিয়া পুত্রে কিছু কইবারে গেল\* ॥  
 হেনকালে শুন ভাইরে হইল কি বান্ কাম ।  
 এক তস্‌বিরওয়ালী<sup>১৪</sup> আইসা আন্দরে হইল অধিষ্ঠান ॥ক

১০। জঙ্গ = যুদ্ধ। ১১। চালান = বন্দী অবস্থায় প্রেরণ। ১২। দিলে  
 দুক্ষু = মনে দুঃখ। ১৩। তস্‌বিরওয়ালী = মহিলা চিত্রাশিল্পী ও বিক্রয় কারিণী।

ক :—সম্রাট মুসলমান পরিবারের মেয়ে নয় বৎসর বয়স হইলে আর  
 কোনো পুরুষের সম্বন্ধে বাহির হন না, বাহিরে যাইতে হইলে বোরখা  
 পরা বাধ্যতামূলক। একপ অবস্থায় বিবাহে পাত্রপক্ষ বিবাহের পূর্বে পাত্রী  
 দেখিতে পারেন না। এই অশুবিধার জন্য মুসলিম যুগে মহিলা চিত্রশিল্পী  
 পাত্র ও পাত্রীর চিত্র প্রস্তুত করিয়া দেশে দেশে সম্রাট পরিবারের  
 হারেম বা জেনানা মহলে বিক্রয় ও ঘটকালি করিতেন। ‘টড্’ কৃত ‘রাজ  
 দ্বান’ গ্রন্থে এই সব তস্‌বির ওয়ালীর কৃতিত্বের কাহিনী আছে।

পাঠান্তর :—\* ‘—পুত্রে কহিতে লাগিল যে ॥

মায়ে পুতে যুক্তি করে ঘরেতে বসিয়া ।  
হেনকালে তসবিরওয়ালী দাখিল হইল গিয়া ॥

আরে ভাই রে,—

সেই না তসবিরওয়ালী ঘরে আইতে না আইতে ।  
এক বান্দী খাট একখান দিল আইনা বসিতে ।  
খাটে বইস। তসবিরওয়ালী তসবির খুলিল যখন ।  
তাহারে ঘেরিয়া বইল যত বান্দিগণ ॥  
তসবির-ওয়ালী তসবির দেখায় ধরে ধরে ।  
হেনকালে মা জননী কহেন ফিরোজেরে ॥  
'শুন শুন ওরে পুত্র, বাছিয়া গুছিয়া ।  
একখানি তসবির রাখো তুমি দিলখুলী'<sup>১৪</sup> হইয়া ।  
আমিত দিবাম তসবিরের কিস্মত'<sup>১৫</sup> যত লাগে ।  
বাছিয়া তসবির একখান রাখো তুমি আগে ।'

এতেকনা শুইনা মিয়া বাছিয়া গুছিয়া ।  
মনের মতন তসবির একখান লইল তুলিয়া ॥  
হাতে লয়্যা তসবির মিয়া কয় তসবিরওয়ালীরে ।  
'কোন বা পরীর তসবির এই কও ত আমারে ॥  
লালপরী নীলপরী যত পরিগণে ।  
সগল তসবির আমি দেইখাছি নয়ানে ॥  
কও কও তসবিরওয়ালী, কও আমার কাছে ।  
এহিত পরীর কও কিবান্ নাম আছে ॥

এহিত পরীর কইবা কোন দেশে ঘর ।  
কার লগে<sup>১৬</sup> খেলা করে কও সুবিস্তর ॥

শুনিয়া তসবিরওয়ালী কয় মিয়ার আগে ।  
‘সগল কথা কই গো মিয়া, মনে যাহা জাগে ॥  
শুন শুন সাহেব তুমি, নহে পরী এই জন ।  
এহিত সোন্দর কণ্ঠা শুন দিয়া মন ॥  
দেওয়ানগিরি করে উমর খাঁ কেলা তাজপুর সরে ।  
এহি কণ্ঠা পয়দা<sup>১৭</sup> হইছে উমর খাঁর ঘরে ॥  
বয়েস হইছে কণ্ঠার না হইল সাদী  
বাপ মাও ত দিব বিয়া ভালা ছুলা<sup>১৮</sup> পায় যদি ॥’\*  
পছন্দ করিয়া মিয়া কয় মায়ের কাছে ।  
এহিত তসবির আমার ভালা লাইগাছে ॥+  
এই তসবির রাখবাম্ আমি কইরাছি মনে ।  
কিন্মত যা দিবার হয় দেও তোমার তনে<sup>১৯</sup> ॥”+  
তসবিওয়ালী যখন কিন্মত চাইল ।  
দিলখুসী মাও তারে গলার হার দিল ॥  
ভালা কিন্মত পায়্যা তসবিরওয়ালী মনে খুশী হইয়া ।\*\*  
পানগুয়া খায়্যা গেল বিদায় লইয়া ॥

১৬। লগে = সঙ্গে । ১৭। পয়দা = ভগ্ন । ১৮। ছুলা = পাত্র, ভায়াই  
১৯। তোমার তনে = তোমার নিকট হইতে ।

পাঠান্তর :—\* করত বিয়া মনের খসম পায় যদি ।

\*\* কিন্মত গলার হার হস্তেতে তুলিয়া ।

( ৩ )

প্রেমের নদী উজ্জান বইয়া যায় ।+  
ও তার ভাইট্যাঁলে কি পইড়া থাকে  
ফিইরা নাইত চায় ॥+  
প্রেমের নদী উজ্জান বইয়া যায় ॥—দিশা +

তসবির রাইখ্যা কিরোজ সায়েব  
মায়ের গোচরে ।  
তরাতরি<sup>১</sup> চইলা গেল  
আপন বিরাম খানা<sup>২</sup> ঘরে ॥  
কোথায় রইল দরবারের কথা  
দিল্লীর বাদশার সঙ্গে জঙ্গ ।+  
কোন্ বা পরী চাইল্যা দিল  
মিয়ার চৌখের সামনে রঙ ॥+  
পালঙ্কে শুইয়া কিরোজ  
আইজ ভাবে মনে মনে ।  
“এমুন হুলিকার<sup>৩</sup> তসবির  
আমি দেখি নাই জীবনে ॥  
আদমের হুনিয়ার<sup>৪</sup> এইরূপ  
কেহ না দেখে হইতে ।\*

- ১। তরাতরি = তাড়াতাড়ি । ২। বিরামখানা = বিশ্রাম গৃহ ।  
৩। হুলিকার = সুন্দর মূর্তি । ৪। আদমের হুনিয়ার = মানব জগতে ।

আদমের এইরূপ না দেখি হইতে ।

প্রাচীন পূর্ববঙ্গ গীতিকা : ৫ম খণ্ড

- আল্লাতালা পয়দা করছুইন্  
 বইসা নিরালাতে ॥  
 হেন ছুরত<sup>৫</sup> পয়দা করছুইন্  
 আল্লা ছরী-পরী জিনিয়া ।  
 কিবান্ মরজি কইরা আল্লা  
 তসবির দিলাইন পাঠাইয়া ॥  
 হাত পাও গইড়াছে কইছার  
 যেমুন বেলইনে বেলিয়া ।  
 চিক্চিকা কালো মাথার কেশ  
 পইড়াছে কইছার হাটু ভারাইয়া<sup>৬</sup> ॥  
 শরীলের বন্ন<sup>৭</sup> কইছার  
 যেমুন পাকনা<sup>৮</sup> সব্ রি কলা  
 তার উপরে জেহরপাতি<sup>৯</sup>  
 শরীল কইরাছে আলা<sup>১০</sup> ॥  
 পরথম যইবন কইছার  
 যেমুন অঙ্গে লাইয়াছে ঢল<sup>১১</sup> । \*  
 বয়ান শোভিছে কইছার  
 যেমুন ফুটা পউয়ের<sup>১২</sup> ফুল ॥  
 তসবিরে যে বইসা রইছে  
 যেমুন পুন্নু মাসীর চান্দ ।

৫ । ছুরত = রূপ ।

৬ । হাটু ভাড়াইয়া = হাঁটু ছাড়াইয়া ।

৭ । বন্ন = বর্ণ । ৮ । পাকনা = পাকা । ৯ । জেহর পাতি = গহনাপাতি ।

১০ । আলা = আলোকিত ।

১১ । লাইয়াছে ঢল = কোর বস্ত্রের মত

নামিয়াছে । ১২ । পউয়ের = পদ্মের ।

পাঠান্তর :—\* পরথম যইবন কস্তা অজ ঢল ঢল ।

একবার দেখিলে কইয়া  
 নাই সে জুড়ায় নয়ান ॥  
 তসবির নকল জিনিস  
 দেইখ্যা ভুলে মন।\*  
 আসল কইয়ার ছুরত  
 দেখিতে বা কেমন ॥  
 এমুন ছুরতের মেলা<sup>১৩</sup>  
 আইজ দেইখ্যাছি নয়ানে।  
 পাগল কইরাছে মন  
 পরবোধ না মানে ॥  
 যাহার তসবির কইরাছে  
 এমুন ছুনিয়া উজলা।  
 না জানি নসিবে কারবান  
 লিইখ্যাছে খোদাতালা ॥”  
 তবে ত কিরোজ দেওয়ান ভাবুইন্ মনে মনে।  
 দেওয়ানী না করুইন্ সাহেব রহিল গোপনে \*\* ॥  
 যত সব উজির নাজির ভাবে মনে মন।  
 এমুন হইল সাহেব কিসের কারণ ॥  
 গোছল<sup>১৪</sup> না করে সাহেব নাই সে খায় খানা।  
 পাগল হইল সাহেব মনে জহর<sup>১৫</sup> ভাবনা ॥  
 খিরাজ পড়িল বাকি বাদশার দরবারে।  
 এই কথা উজীর যায়্যা জানাইল দেওয়ানেরে।

১৩। মেলা=হাট। ১৪। গোছল=খান। ১৫। জহর=বিষের মত।

পাঠান্তর :—\* তসবীর নকল জিনি বত পরীগণ।

\*\* দেওয়ানি না করুইন্ সাহেব রহিন গুয়ানে ॥

পাহাড়ীয়া পরজা পরধান<sup>১৬</sup> খিরাজ না দেয় । +  
 চোর ডাকাইতে দেশ ছাইয়া ফালায় ॥ +  
 কথা নাই ত কয় সে দেওয়ান মুখের দিগে চাইয়া । +  
 আপন মনে থাকে ঘরে আশ্রমানে তাকাইয়া ॥ +  
 মায়ে জিগায়<sup>১৭</sup> ভইনে<sup>১৮</sup> জিগায় না কয় কোনো কথা । +  
 কেমনে বুঝিব মাণ্ড পুত্রের দিলের ব্যথা ॥ +  
 এহিমতে যায় রে দিন মাস চইলা যায় । +  
 কেলা তাজপুরে কইছার লাগাল<sup>১৯</sup> নাই সে পায় ॥ +  
 কেলা তাজপুরের দেওয়ান জাতিতে পাঠান । +  
 জঙ্গলবাড়ী দেওয়ান বংশে কছা না করিব দান ॥ +  
 বহুত ভাবিল ফিরোজ ঘরেতে বসিয়া । +  
 ভাইব্যা চিন্ত্যা দরবারে হাজির হইল গিয়া ॥  
 দরবারে বইস্যা দেওয়ান জানাইল উজিরে । +  
 ‘শুন শুন উজির সাহেব আমি বলি যে তোমারে ॥  
 দেওয়ানী করিতে আমার মন নাহি চায় ।  
 বাদশার বান্দাগিরি আমার শোভা নাইত পায় ॥ +  
 ভাইব্যা দেইখাছি মনে আমার ক্ষেমতা নাই । +  
 দিল্লীর ফৌজের সঙ্গে করিব লড়াই ॥ +  
 ফুরসুত<sup>২০</sup> লয়া থাকবাম্ আমি বৈদেশে কতকদিন ।  
 দেওয়ানগিরি কর তুমি না হইবা বেদিন<sup>২১</sup> ॥

- ১৬। পরজা পরধান = প্রজাপ্রধান ।      ১৭। জিগায় = জিজ্ঞাসা করে  
 ১৮। ভইনে = বহিনে ।      ১৯। লাগাল = লাগাল, কথা তুলিবার উপায় ।  
 ২০। ফুরসুত = অবকাশ ।      ২১। বেদিন = অকৃতজ্ঞ । ( সেন মহাশয়ের  
 মত = ‘নির্দেশ’ । )

আমার মায়ের সঙ্গে তুমি পরামিশ<sup>২২</sup> করিয়া । +  
 দেওয়ানী চালাইবা সামিনা<sup>২৩</sup> হইয়া ॥ +  
 লোক-লঙ্কর যত আছে পাইল<sup>২৪</sup> দিয়া মন ।  
 শিগারেতে<sup>২৫</sup> যাইবাম আমি এই শীতর দিন<sup>২৬</sup> ॥”\*

তবে ত ফিরোজ খাঁ দেওয়ান কোন কাম করিল ।  
 বিদায় লইতে দেওয়ান মায়ের কাছে গেল ॥  
 ‘শুন শুন মা-জননী আগো, শুন দিয়া মন ।  
 শিগারে যাইবাম আমি সুনাই কান্দার বন ॥  
 সুনাই কান্দার বন মাও-গো, বাঘ ভাল্লুকে ভরা ।  
 বচ্ছর বচ্ছর মানুষ গরু বহুত যাইছে মারা ॥  
 রাইজ্যের যতেক পরজা ডরে ত পলায় ।  
 জংলী ভইষ<sup>২৭</sup> বাঘে মানুষ মাইরা ফালায় ॥  
 বড়ো দুখে আছে পরজা মাও, কই যে তোমারে ।  
 বিদায় দেও মা-জননী, শিগারে যাইবারে\*\* ॥”

এই না কথা শুইনা মাও তন্মনা<sup>২৮</sup> হইল । +  
 পুত্রের ছাড়িতে মাও মনে দুক্ষু পাইল ॥ +  
 ‘শিগারে যাইবা যদি,’—কয় মা-জননী ।  
 ‘তোমারে ছাড়িয়া যাছ, কেমনে রহিব পরাণি ॥

২২। পরামিশ = পরামর্শ । ২৩। সামিনা = সাবধান । ২৪। পাইল =  
 পালন করিও । ২৫। শিগারেতে = শিকার করিতে । ২৬। শীতর  
 দিনে = শীত কালে । ২৭। ভইষ = মহিষ । ২৮। তন্মনা = চঞ্চল ।

পাঠান্তর :—\* শিগারেতে যাইতাম আমি মায়েরে কহিয়া ।

\*\* বিদায় দেও মা জননী বিদায় দেও গো ঘোরে



পাঁচ নয় দশ নয় তুমি এক বংশের বাতি ।+  
 তোমারে শিগারে দিয়া কেমনে কাইটব রাতি ।+  
 তুমি আমার আঙিখর তারা ছুখিনীর ধন ।  
 সেই ধন শিগারে দিয়া ভেদিব<sup>২৯</sup> পরাণ ॥+  
 তুমি পুত্র শিগারে গেলে আমার ছুনিয়া অইক্কার ।”  
 এত বইলা মুছে মাও ছুই নয়ানের ধার ॥  
 পঞ্চ বেঙ্গুন<sup>৩০</sup> ভাত রাঙ্কিল যে মায় ।\*  
 খেজ্‌মত<sup>৩১</sup> করিয়া মাও পুত্ররে খাওয়ায় ॥

(৪)

তবে ত ফিরোজ খাঁ দেওয়ান কোন কাম করে ।  
 লোক লঙ্কর সঙ্গে লয়া পশ্ছে মেলা করে ॥  
 পশ্ছে মেলা করে দেওয়ান উড়ে পশ্ছের ধূলা ।  
 শিগারের লাইগা ফোজ হইল পাগেলা ॥  
 ছাউনী করিল দেওয়ান ভাইটাল নদীর ধারে ।  
 তাধু গাড়িয়া সবে রহিল সুস্থিরে ॥  
 কিসের শিগার কিসের ফিগার<sup>১</sup>

ফিরোজ ভাবে মনে মনে ।\*  
 কেল্লা তাজপুর সরে<sup>২</sup> মিয়া যাইব কেমনে ॥\*\*\*

২৯। ভেদিব = ভেদ হইবে । ৩০। বেঙ্গুন = ব্যঞ্জন । ৩১। খেজ্‌মত = বহু ।

১। ফিগার = নিব্বর্থক শব্দ যেমন খাওয়া দাওয়া । ২। সরে = শহরে ।

পাঠান্তর :— \* পঞ্চ না বেঙ্গুন ভাত রাঙ্কিলেক মায় ।

\*\* কিসের সিগার মিয়া ভাবে মনে মনে ।

\*\*\* কোন পথে যাইবে মিয়া কোল্লা তাজপুর স্থানে ॥

কোন বা পন্থে যাইলে সেই না  
 কোল্লা ভাজপুর পায় ।+  
 কেমন কইরা সুন্দর কইণ্ডার  
 সঙ্গে দেখা হয় ॥+  
 তস্বিরে হরিয়া নিছে মন আর পরাণ ।+  
 কেমনে করিব সেই কইণ্ডার সন্ধান ॥+  
 ফৌজদাররে ডাইকা নিয়া কইল গোপন কথা ।  
 ‘শুন শুন ফৌজদার আমার একডা কথা ॥  
 বহুত দিন না জানি আমি  
 এই না দেশের হালচাল ।+  
 পর্জা পর্ধান কেমনে রইছে  
 কিবান্ তাগোর হাল° ॥+  
 গোপ্ত হয়্যা° ককির সাইজ।  
 আমি ঘুরবাম কিছুকাল ।+  
 হেথাকে° রইবা তুমি হইয়া সামাল° ॥+  
 একমাস সময়\* তুমি আমারে না পাও ।  
 ফৌজ লয়্যা হেথাকে তুমি নিরালা গুয়াও ॥  
 এক মাস পরে আমি আইব ফিরিয়া ।+  
 দেশে ত যাইব মোরা শিগার করিয়া ॥’’+  
 এই না কথা বইলা ফিরোজ কোন কাম করে ।  
 আল্লার নাম লয়্যা ফিরোজ ফকিরের সাজ ধরে ॥

৩। হাল=অবস্থা । ৪। গোপ্ত হয়্যা=ছদ্মবেশে । ৫। হেথাকে=হেথায়,  
 এইখানে । ৬। সামাল=সতর্ক ।

\* এক রাত্রি এক দিন—’ ।

আলখিল্লা পইরা মিয়া মাথায় দিল টুপি । +  
রাইতছপরে তাম্বু ছাইড়া যায় চুপি চুপি ॥ +  
ফকিরের সাজ সাহেব দশা পাঞ্জা<sup>১</sup> \* হাতে ।  
কেল্লা তাজপুরের পন্থে চলে

ফিরোজ তসবি জপিতে জপিতে \*\*\*

একদিনের পথ সাহেব চলে এক পওরে ।  
এহি মতে দাখিল হইল কেল্লা তাজপুর সরে ॥

কেল্লা তাজপুর সরে সাহেব কোন কাম করিল ।  
গাছের তলা আলা কইরা<sup>৮</sup> বাসা যে করিল ॥  
পন্থে চলিতে মাছুষ\*\*\* ফকির দেখিয়া ।  
গাছের তলাত, আইসা বইসে ফকিরেরে ঘিরিয়া ॥  
কেউ চায় দাওয়াই পানি<sup>৯</sup> কেহ দেখায় হাত ।  
নসিবে কিবান লেইখাছে আল্লা কেমন বরাত্ ॥  
কেহ চায় পুত্র কণা সওয়া কাওন<sup>১০</sup> সিম্নি মানিয়া ।  
গালাগালি করে কেউ পাক্সা ঠগ<sup>১১</sup> বলিয়া ॥  
কেউবান্ আইসে দেখিবারে এই না নবীন ফকির ।

৭। দশা পাঞ্জা = ফকিরদের হাতে মঙ্গপুত পাঠির নাম—‘দশা’ হিন্দু  
সন্ন্যাসীর সন্ন্যাস দণ্ডের মত ঐ দশার মাথায় ফকিরের সাম্প্রদায়িক  
পরিচয় জ্ঞাপক ধাতুনির্মিত পাত বিশেষ ‘পাঞ্জা’। ৮। আলা কইরা =  
আলোকিত করিয়া বা পরিস্কার করিয়া। ৯। দাওয়াই পানি = যোগ নিরাসনের  
জন্ত মঙ্গপুত জল। ১০। সওয়া কাওন = এক কাহন চারিপণ কড়ি  
১১। পাক্সা ঠগ = সুচতুর প্রতারক।

পাঠান্তর :—\* ‘—দশপাঞ্জা—’।

\*\* পন্থে চলিল তসবী জপিতে জপিতে ।

\*\*\* পন্থের পথিক বস—’।

কোন্ বা খেজালতে<sup>১২</sup> পইড়া হইল  
এমুন চেংড়া<sup>১৩</sup> বয়েসে পীর ॥

উমর খাঁ বসতি করে কেল্লা তাজপুর সরে ।  
উজির নাজির লয়্যা মিয়া দেওয়ানগিরি করে ॥  
তানার যে কইন্টার নাম সখিনা সুন্দরী ।  
যেই না কইন্টার রূপে পসর<sup>১৪</sup> দেওয়ানের পুরী ॥\*  
এই না কইন্টার লাইগ্যা কত বাদশার পুত্রগণ ।  
পাগেলা হইয়া আইসে সাদীর কারণ ॥  
না পছন্দ করে তাগোর<sup>১৫</sup> সুন্দরী সাখিনা ।  
দিলে দুঃখ পায়্যা ফিরে মিছা আনাগনা ॥  
যেই না কন্টার তস্বির দেইখ্যা পাগল হইয়া ।  
ফকির সাজিল ফিরোজ\*\* দেওয়ানী ছাড়িয়া ॥

তারপর মমিন ভাই, সবে শুন দিয়া মন ।  
পইড়াছে কঠিন বেমারে<sup>১৬</sup> উমর খাঁ দেওয়ান ॥  
হেকিম কবিরাজ ওঝা কত দেখিছে তাহারে ।\*\*\*  
বেমারে কইরাছে কাবিল<sup>১৭</sup> আরাম কইরতে নারে ॥

১২। খেজালতে = বিড়ম্বনায় ।

১৩। চেংড়া = বালক ।

১৪। পসর = উজ্জ্বল । ১৫। তাগোর = তাহাদের । ১৬। বেমারে = বেগে ।

১৭। কাবিল = কাহিল, দুর্বল ।

পাঠান্তর :—\* বাহার রূপেতে পসর কোল্লা তাজপুর পুরী ।

\*\* ফকির কিরোজ আইল—’ ।

\*\*\* হাকিম ফকীর কত দেখিয়া তাহারে ।

গাছ তলাত্ এক ফকির আইছে দেওয়ান শুনিয়া ।\*  
 ফকিরের আনিতে লোক দিল পাঠাইয়া ॥  
 এহি ত খবর যখন ফিরোজ শুনিল ।  
 দেওয়ানের আন্দরে যাইতে উছিন্না<sup>১৮</sup> পাইল ॥\*\*  
 ফকির দরবেশ<sup>১৯</sup> লোক নাইসে জানা শুনা ।  
 বাদশার আন্দরে যাইতে নাই তানার মানা<sup>২০</sup> ॥

উমর খাঁর ডাক পায়্যা ফিরোজ কোন কাম করিল ।\*\*\*  
 ভালা ফকির সাইজা দেওয়ানের পুরীতে চলিল ॥\*\*\*\*  
 কালা আলখিল্লা পইরা গলাত্ নানান জাতি মালা ।+  
 দশা পাঞ্জা হাতে লয়্যা মাথাত্ সাদা পাগুরি বান্ধিল ॥+  
 হাতে লয়্যা ইছিমের তসবি<sup>২১</sup> ইছিম জপে দিয়া মন ।+  
 কথা নাইত বলে ফকির কণ্ঠারে ভাবে সারাক্ষণ ॥

দেওয়ান বাড়ীত্ যাইয়া ফিরোজ কোন কাম করে ।  
 একোবারে চইলা গেল দেওয়ানের ঘরে ॥  
 দেওয়ানের কাছে বইসা সখিনা সুন্দরী ।+  
 খেজমত<sup>২২</sup> করিতাছিল খানাপিনা করি ॥+

১৮। উছিন্না = স্রযোগের হেতু । ১৯। দরবেশ = সংসার ত্যাগী মুসলমান সাধু । ২০। তানার মানা = তাঁহার উপরে নিষেধাজ্ঞা । ২১। ইছিমের তসবি = ইষ্ট মন্ত্র জপের জন্য ক্ষুদ্র ফটিক মালা । ২২। খেজমত = সেবাশ্রয় ।

পাঠান্তর— \* ফিরোজ ফকীরের কথা দেওয়ান শুনিয়া ।

\*\* আন্দরে যাইতে দেওয়ান উছিন্না পাইল ।

\*\*\* খবর পাইয়া ফকির দেওয়ান কোন কাম করিল ।

\*\*\*\* উমর খাঁ দেওয়ানের আন্দরেতে চলিল ॥

## ফিরোজ খাঁ দেওয়ান-সখিনা বিবির পালা

অপরূপ ফকির এই না দেখিয়া নয়ানে ।

খির হয়্যা গেল কইছা কি ভাবিল মনে ॥+

কইছারে দেইখ্যা ফিরোজ চিনিতে পারিল ।

তসবির আর মানুষে ফারাক<sup>২৩</sup>

আশ্‌মান জমিন্ লাগিল ॥\*

তসবিরে এমুন ছুরত্ আঙ্কা<sup>২৪</sup> নাইত যায় ।

অজের জৌলুষ যার ঘর ভইরা রয় ॥\*\*

একবার দেইখ্যা ফিরোজ আঙ্খি ফিরাইল ॥+

কি জানি কোন হুশ্‌মনে কোথায় কিবান ভাবিল ॥+

মন হইল উতালি ফিরোজের পরাণ করে ধড়ফড় ।+

কি কইরা কি হইব দারুণ দেওয়ানেব ঘর ॥+

দেওয়ানরে জিগাইব ফকির বাক্য নাইত সরে ।+

কি কইতে কি কয় কেউ বুইঝতে নাই সে পারে ॥+

দেওয়ান ভাবে বড়ো পীর আইল বাচাইতে ।+

পীরের দয়ায় বাইচ্যা যাইব সন্দে<sup>২৫</sup> নাই আর তাতে ॥+

দেওয়ানেরে ভাবিজ্জ দিল কিবান্ দিল আর ।

তেনালার<sup>২৬</sup> পানি দিয়া ফকির দিল যে উতার<sup>২৭</sup> ॥

ভাবিজ্জ উতার দিয়া ফকির পন্তে দিল মেলা ।

সঙ্গে কেউ নাইত আর চলিল একেলা ॥\*\*\*

২৩। ফারাক = তফাক । ২৪। ছুরত্ আঙ্কা = সৌন্দর্য্য অঙ্কনকরা ।

২৫। সন্দে = সন্দেহ । ২৬। তেনালা = নদী ত্রিমোহনা । ২৭। উতার =  
মদ্র পড়িয়া ঝাড়াছুক ।

পাঠান্তর :—\* তসবীর আর মানুষে আশ্‌মান পাতাল লাগিল ।

\*\* অজের লাভনি যার মাটি বইয়া যায় ॥

\*\*\* লোকলঙ্কর লইয়া বাড়ীতে ফিরিল রে ॥

(৫)

এয়ার পর হইল কিবা শুন মোমিন্ গণ ।+  
 খোদার মর্জি হইলে হয় অঘটে ঘটন ॥  
 দেওয়ান বাড়ীর পিছে আছিল বড়ো দীঘির ঘাট ।+  
 পাচিল দিয়া ঘিরা দীঘি শালের কবাত ॥+  
 এক পাও দুই পাও কইরা ফিরোজ দিঘীর দিগে যায় ।+  
 পাচিলের দোয়ার খুলা আছে দেখিবারে পায় ॥+  
 দীঘির পারে আম গাছ শাণে বান্ধানো তলা ।+  
 গাছের তলাত বইল<sup>১</sup> ফকির হাতে তস্বি বোলা ॥+

হেনকালে সাখিনা আইল একেলা চলিয়া ।\*  
 দীঘির পাড়ে আইল কত্যা কিসের লাগিয়া ॥  
 তারপরে বইসে কইত্যা শানে বান্ধা ঘাটে ।  
 পায়ে মেন্দী<sup>২</sup> মাইঞ্জা<sup>৩</sup> তুলে জলের যে ঘাটে ॥  
 জলের যে ঘাট তাতে হইল পসর ।

চান্দে যেমুন ঝিল্মিল করে পানির ভিতর ॥  
 গাছের তলা ছাইড়া ফিরোজ উঠিয়া খাড়াইল ।+  
 এক পাও দুই পাও কইরা ঘাটের উপরে আইল ॥+

আইল ফিরোজ যখন সেই না ঘাটের ধারে ।  
 নয়ান ফিরায়া কইত্যা দেখিল তাহারে ॥  
 দেইত্যা ফিরোজের কইত্যা পলক নাইত মারে<sup>৪</sup> ।

১। বইল = বসিল । ২। মেন্দী = মেন্দী বা মেদি নামক একপ্রকার গাছের পাতার লাল রস দিয়া প্রাচীন কালে বাঙ্গালী মেয়েরা আলতা পরিতেন ।  
 ৩। মাইঞ্জা = মাজিয়া, ঘষিয়া ।

পাঠান্তর —\* সাখিনা সুলতানী দেখ এমন সময় ।

হায়রে কঠিন আল্লা ফালাইলা ফেরে ॥  
 এমুন সুন্দর কুমার এমুন নবীন বয়সে ।  
 কিসের লাইগা ফকির হয়্যা ফিরে দেশে দেশে ॥  
 এই কথা না ভাইব্যা কইন্না নিকটে আসিয়া ।  
 জিজ্ঞাসা করিল ফকিরের সামনে খাড়া হইয়া ॥

“সেলাম জানাইয়া ফকির, তোমার চরণে ।  
 মনের কথা জিজ্ঞাস করি আমার যা লয় মনে ॥  
 কইবা<sup>৫</sup> তোমার পরিচয় মোরে কিরূপা ত করিয়া ।  
 কোন খেজালতে পইড়া তুমি ফকির হইয়া ।  
 দেশে দেশে ঘুরিরা ফির কিসের লাগিয়া ॥+  
 মাও কি তোমার নাই ঘরে বাপ কি তোমার নাই ।+  
 ঘরে কি নাই ছোটো ভইন<sup>৬</sup> গর্ভসোদর<sup>৭</sup> ভাই ॥+  
 এমুন চেংড়া বয়সে কও কেবা ফকিরী লয় ।  
 তোমারে দেখিলে আমার দিলে দরদ<sup>৮</sup> হয় ॥  
 কোন পরাণে ছাইড়্যা দিছে তোমার বাপ মাও ।  
 না আইল পাছে পাছে কেনে হইয়া উধাও ॥  
 কিসের লাইগা আইলা তুমি আন্দর ভিতরে ।  
 সগল কথা খুইলা মোরে কইবা সুবিস্তরে ॥  
 দাওয়াই তাবিজ না জান তুমি না জান উতার ।+  
 আমার চৌক্কে ধূলা দিবা ক্ষেমতা নাই তোমার ॥”+  
 এই কথা না শুইনা ফিরোজ মনে খুশী হইল ।+  
 কইন্নার সামনে বড়ো সরমে পড়িল ॥+

৫। কইবা = কহিবো । ৬। ভইন = বহিন । ৭। গর্ভসোদর = সহোদর ।  
 দিলে দরদ = অন্তরে ব্যথা ।



ভাইবা চিন্ত্য কয় ফিরোজ কইন্টার গোচরে ।\*  
 “তোমার বাপজান পইড়্যাছে কঠিন বেমায়ে ॥  
 জানি বা না জানি দাওয়াই, সেই সে কারণে ।\*\*  
 তোমার বাপ ডাইক্যা আইনাছে তাহার সদনে ॥  
 নসিবে লেখা কেউ করে বাদশাগিরি ।  
 আল্লায় বানাইছে ফকির দেশে দেশে ফিরি ॥”

এই কথা বলিয়া ফিরোজ কোন কাম করিল ।+  
 দশা পাঞ্জা হাতে লয়্যা বাগিচার বাইর হইল ॥+  
 আর না রইল ফকির কেলা তাজপুর সরে ।+  
 একেবারে চইলা গেল শিগারের বহরে<sup>১</sup> ॥+  
 দুই পাঁচ রোজ<sup>২</sup> জঙ্গলায় শিগার করিয়া ।+  
 লোক লঙ্কর লয়্যা ফিরোজ আইল বাড়ীতে ফিরিয়া

(৬)

বাড়ীতে ফিরিয়া মিয়া বসিয়া নিরালা ।  
 সখিনা সুন্দরীর কথা ভাবয়ে একেলা ॥  
 দরবারে দেওয়ান-গিরিতে নাহি দেয় মন ।  
 সখিনা বিবির লাইগা মন উচাটন ॥  
 বিরামখানা ঘরে বইসা কোন কাম করে ।  
 ডাইক্যা আনিল তথায় দরিয়া বান্দীরে ॥

৯। বহরে=ছাউনিতে । ১০। রোজ=দিন ।

পাঠান্তর :—\* এত গুনি ফিরোজ কয় কন্টার গোচরে ।

\*\* আমাদের ডাকিল দেওয়ান সেই সে কারণে ।

আইল দরিয়া বান্দী হাসিখুশী মন ।  
 নবীন বয়েস তার নবীন যইবন ॥  
 পায়ে দিছে বেকখাড়ু গলায় হামুলি ।  
 চইলতে মাজা ভাইব্যা পড়ে হাসে খলখলি ॥  
 কিবা বিমার হইল বান্দী জিগায় দেওয়ানে ।  
 “এমুন কাঞ্চা বাঁশে হায়রে, কেমনে ধরল ঘুণে ॥  
 মনের মতন ছলাইন<sup>১১</sup> সাহেব সাদী কর তুমি ।\*  
 সংসার খুইজা ভাল ছলাইন আইনা দিবাম্ আমি ॥  
 ভমরা হইলা তুমি ভাল ফুল চাও ।\*\*  
 যইবন জোয়ারে পইড়া\*\*\* কেনে মনেরে ভাড়াও<sup>১২</sup> ॥”

মনের মতন কথা বান্দী যখনে কইল ।  
 তবেত ফিরোজ দেওয়ান কইতে লাগিল ॥  
 “শুন শুন দরিয়া ববি, আরে কই যে তোমারে ।  
 তোমার মতন দরদী আমার নাই এ সংসারে ॥  
 ছোটোবেলা হইতে তরে<sup>১৩</sup> বাসি বড়ো ভাল ।  
 এখন সাদীর কথা ভাইব্যা আমার যইবন হইছে কালা ॥  
 গোপন কথা কইবাম্ আইজ

দরিয়া, তর কাছে ।

কাম হাসিল হইলে দরিয়া,  
 বকসিস্ দিবাম্ পাছে ॥

১১ । ছলাইন = বিবাহের পাত্ৰী । ১২ । ভাড়াও = ফাঁকি দেও ।  
 ১৩ । তরে = ভোরে, তোমাকে ।

পাঠান্তর :—\* মনের মতন জনে সাদী কর তুমি ।

\*\* ভমরা হইয়া তুমি ফুলের মধু খাও ।

\*\*\* যৈবনে পড়িয়া কেনে—’ ॥

ভালা খসম<sup>১৪</sup> দেইখ্যা তরে  
দিয়াদিবাম্ সাদী ।  
ধন দৌলত সঙ্গে দিবাম্,  
আর দিবাম্ পাঁচ বাঁদী\* ॥  
তোমারে কইবাম্, আইজ  
যেইনা গোপন কথা ।+  
কাজ হাসিল না কইরা তাহা  
না জানাইবা যথাতথা ॥+  
কেল্লা তাজপুরে বসত করে  
উমর খাঁ দেওয়ান ।+  
তানার কইয়া সখিনারে দেইখ্যা  
আমি দেওয়ানা হইলাম ॥+  
সেহি কইয়া আইনা যদি  
দেও ভালা মতে ।  
সাদী ত করবাম রে আমি  
তারে সরা মতে<sup>১৫</sup> ॥+  
সেহি কইয়া ছাইড়া আমার  
আর ছুলাইন নাই ।+  
কেমনে আমি পাইবাম্ তারে  
কইবা তুমি তাই ॥’’+  
“শুন শুন পাগেলা সাহেব  
আমি কই যে তোমারে ।+  
১৪ । খসম = স্বামী । ১৫ । সরা মতে = শাস্ত্রবিধান মতে ;

\* সঙ্গে কইরা দিবাম্ তোমার আর পাঁচ বান্দী ॥

তোমার বাপের দুশ্মন দেওয়ান  
 কেল্লা তাজপুর সরে ॥+  
 দুশ্মনের কইত্তার লাইগ্যা  
 কেমনে কথা কই ।+  
 কোন বা উছিলা<sup>১৬</sup> ধইরা আমি  
 কেল্লা তাজপুর যাই ॥'+

“শুন শুন দরিয়া বিবি,  
 আমি কই যে তোমারে ।+  
 তোমার মতন চালাক মাইয়া  
 না দেখি সংসারে ॥+  
 ফিরিওয়ালীর\* বেশে তুমি  
 মেলা<sup>১৭</sup> তসবির লইয়া ।  
 কেল্লা তাজপুর সওয়ার মধ্যে  
 দাখিল হইবা গিয়া ॥  
 কোন কাম করিবা তথায়  
 কই তোমার কাছে ।  
 তসবির লয়্যা যাইবা তুমি  
 সখিনা বিবির কাছে ॥\*\*  
 উমর খাঁ দেওয়ানের কইত্তা সখিনা সুন্দরী ।  
 তাহারে দেখাইবা তসবির অতি যতন করি ॥

১৬। উছিলা = হেতু, উপলক্ষ্য । ১৭। মেলা = বহ ।

পাঠান্তর :—\* ফিরওয়ালীর—' ।

\*\* সখিনা নামেতে কত্না সেই সরে আছে

পরথমে দেখাইবা তসবির আর যত আছে ।+  
আমারে দেখাইবা তুমি সগ্গলের পাছে ॥’’+

এতবলি বহুত তসবির সাহেব বাহির করিল ।+  
বাইছা গুইছা নবাব বাদশার তসবির তারে দিল ॥+  
শেষকাডালে<sup>১৮</sup> দুই তসবির হাতেতে লইয়া ।+  
বান্দীরে কইল ফিরোজ মিল্লতি করিয়া ॥+  
‘উমর খ’<sup>১৯</sup> দেওয়ানের বাড়ী কেলা তাজপুর সরে ।  
তসবির লইয়া তুমি যাইবা আন্দরে ॥  
সব তসবির দেখাইয়া এই দুই তসবির দেখাও ।\*  
ফকিরের তসবির দেখায়া সেলাম জানাও<sup>২০</sup> ॥  
লখিয়া<sup>২০</sup> দেখিবা কইনা করে কিবা কাম ।+  
জিগাইলে কইবা তুমি ফকিরের নাম ॥’’+

এত বলি ফিরোজ তসবির দিল বান্দীর হাতে ।\*\*  
ভালা এক পেটেরা দিল তসবির রাখিতে ॥+  
তার মধ্যে যতন কইরা তসবির রাখিল ।  
সাইজা গুইজা বেতের পেটেরা বান্দী কঁখেতে লইল ॥  
বিদায় হইতে দরিয়া সেলাম জানায় ।  
হেনকালে দেওয়ান আবার কয় দরিয়ায় ॥

১৮। শেষকাডালে=অবশেষে। ১৯। সেলাম জানাও=অর্থাৎ  
বিদায় হইতে চাহিবে। ২০। লখিয়া=লক্ষ্য করিয়া।

পাঠান্তর :—\* এক দুই করি যত তসবীর দেখাও ।

\*\* এত বলি ফিরোজ খ’<sup>১৯</sup> যে করিলা হাতিব ।

‘এক কথা বারে বারে কইয়া দেই তরে ।  
 ফিরিওয়ালী হইয়া যখন যাইবা অন্তরে ॥  
 যখন থাকিব সেই কইয়া একেশ্বরী<sup>২১</sup> ।  
 পালঙ্কে বসিয়া থাকিব সখিনা সুন্দরী ॥  
 সেইকালে তুমি আমার ছুই তসবির দেখাইও ।\*  
 পরিচয় কথা সব বুঝিয়া কহিও ॥  
 দরবেশ ফকিরের তসবির ধইরা দিও কাছে ।  
 এই তসবির দেখায়া কইয়ার মন দেখিও পাছে ॥  
 এই তসবির দেইখ্যা কইয়া যদি কিছু কয় ।  
 তবে ত তাহারে তুমি কইবা পরিচয় ॥’’

(৭)

তসবিরওয়ালী সাজিল দরিয়া ফিরোজের লাগিয়া\*\* ।  
 কেলা তাজপুর সওরে যায় তসবির লইয়া ॥  
 কেলা তাজপুর সওর দেখে তিন দিনের পাথে ।  
 একেলা চইল্যাছে দরিয়া কেউ নাই সাথে ॥\*\*\*  
 পন্থে যাইতে বান্দীর ছুই আশ্চি বারে ।+  
 কেউ না জানিল তার কি আছে অন্তরে ॥+  
 মন পরাণে করে দরিয়া ফিরোজের কাম ।+  
 কিবান্ ছিল অন্তরে বান্দীর কে কইরব সন্ধান ॥-

২১ । একেশ্বরী = একাকিনী ।

পাঠান্তর :—\* সেইকালে খুইলা তুমি তসবির দেখাইও ।

\*\* ফিরলী সাজিল দরিয়া এতেক তনিয়া ।

\*\*\* একেলা চলিল দরিয়া চিনিয়া যে পথ ।

তিন দিনে গেল দরিয়া কেব্লা তাজপুর ।  
 সবুজ গুল্ম বড়ো দেখিতে মনোহর ॥  
 সোনা দিয়া বাইক্যাছে গুল্ম আর বাড়ীর চূড়া ।  
 বড়ো বড়ো বাড়ী ঘর পাচিল দিয়া ঘেরা ॥  
 দেড়পুড়া জমিন লয়া দেওয়ান বাড়ীর পত্তন<sup>১</sup> ।\*  
 এমুন সুন্দর সওর না দেখি কখন ॥  
 হাতি ঘোড়া চলে কত মাহতে চালায় ।  
 এই সগল দেইখ্যা দরিয়া পশ্বে চইলা যায় ॥

সওরে উঠিয়া দরিয়া দেওয়ানের আন্দরে সামাইল<sup>২</sup> ।  
 একেবারে সখিনা কইন্নার ঘরে দাখিল হইল ॥  
 বইসা আছিল কইন্না পালঙ্কের উপর ।  
 চান্দেরে জিনিয়া রূপ দেখিতে সুন্দর ॥  
 মেঘ ভাঙ্গা চুল কইন্নার পালঙ্কে লুটায় ।  
 সেই রূপ দেইখ্যা দরিয়া করে হায় হায় ॥  
 পুরুষ হইয়া দেওয়ান রূপেতে মজিল ।  
 নারী হয়্যা দেইখ্যা মন পাগেলা হইল ॥  
 এমুন সুন্দর রূপ না দেখি কখন ।  
 চান্দেরে জিনিয়া কইন্নার চান্দ বয়ান ॥  
 ছরীর মুল্লকে শুনি আছে কত পরী ।  
 তা হইতে সখিনা বিবি বহুত সুন্দরী ॥  
 মেন্দী দিয়াছে কইন্না বাঁটিয়া চরণে ।  
 সুর্মা দিয়া আঁকিয়াছে ছুইটি নয়ানে ॥

১। পত্তন = প্রস্তুতের সীমানা । ২। সামাইল = প্রবেশ করিল ।

\* দেড় পুড়া জমীম লইয়া সহস্র পত্তন ।

সেই ত নয়ানে কইত্তা যার পানে চায় ।  
 আদম<sup>৩</sup> পুরুষ নারী পাগল হয়্যা যায় ॥  
 সেলাম জানাইল দরিয়া সখিনার কাছে ।  
 তসবির খুলিয়া তবে দেখাইল পাছে ॥  
 আগে ত দেখাইল দরিয়া যতক তসবির ।  
 দেওয়ান নবাব বাদশা মাল<sup>৪</sup> মস্ত বীর ॥  
 তবে ত দেখায় দরিয়া নবাব-বেগমে ।  
 সগল দেখাইল দরিয়া বইসা সেইখানে ॥  
 ফিরোজের তসবির দরিয়া ঝাড়িয়া পুছিয়া ।  
 পালঙ্কের উপরে রাইখল যতন করিয়া ॥  
 মেন্দিতে রাঙ্গিয়া কইত্তা রাইখ্যাছে চরণ ।  
 তার কাছে রাখে তসবির করিয়া যতন ॥  
 তারপর লইল হাতে ফকিরের তসবির ।  
 দেইখ্যাত সুন্দর কইত্তা হইয়া গেল থির ॥  
 স্বপনে সোনার ধুন্দুল<sup>৫</sup> পাইল রে হাতে ।  
 আংকা<sup>৬</sup> দরদী দোস্ত দেখা পাইল পথে ॥  
 সেইমত সখিনা বিবি চমুকি উঠিল ।  
 ফিরিওয়ালীর কাছে কইত্তা কইতে লাগিল ॥  
 “শুন শুন তসবিরওয়ালী, জিগাই তোমার স্থানে ।  
 এই ছুই তসবির তুমি পাইলা কোনখানে ॥

৩। আদম = মুসলমানী শাস্ত্র মতে মাহুষের আদি পুরুষের নাম—‘আদম’, এখানে অর্থ হইবে—আদমের বংশধর । ৪। মাল = মল্লধোজা । ৫। সোনার ধুন্দুল = ধুন্দুল—তরকারি বিশেষ । পূর্ববলে পন্নী অধিবাসীদের মধ্যে প্রচলিত আছে স্বপ্নে সোনার ধুন্দুল দেখিলে রাজা হয় । ৬। আংকা = অপ্রত্যাশিত ভাবে ।



দেশে বিদেশে তুমি ঘুইরা বেড়াও ।  
এই ছুই তসবির তুমি কোন দেশেতে পাও ॥”

“শুন শুন সুন্দর কইয়া কই তোমার ঠাই । +  
দেশে বিদেশে আমি ঘুইরা বেড়াই ॥ +  
আগ্রা দিল্লীর পথে করি আনাগনা ।  
কত দেশে যাই আমি তার নাই জানা ॥  
হাটে বাজারে ঘুরি আমি সওরে সওরে । +  
ভাল তসবির পাইলে কিনি বেচিবার তরে ॥ +  
ঘুরিতে ফিরিতে আইলাম জঙ্গল বাড়ী সরে ।  
এই তসবির বেইচাছে মোরে এক সদাগরে ॥  
একই জনার ছুই তসবির বির্তাস্ত<sup>১</sup> শুনিয়া । +  
কিনিলাম এই তসবির আমি উৎযোগী হইয়া ॥”

“শুন শুন ফিরি-আউলী কই যে তোমারে । +  
বিতাস্ত যা শুইনাছ সগলে কইবা আমারে ॥ +  
কোনজন আঁইকাছে তসবির কাহারে দেখিয়া ।  
আমারে দেখাইতে কেনে আইনাছ কিনিয়া ॥ \*  
সাচ্চা কথা ফির-আউলী কইবাত আমারে ।  
আগে যেন দেইখ্যাছি আমি এইত ফকিরে ॥”

শুনরা ফিরিওয়ালী তবে সাত সেলাম জানাইল  
সখিনার কাছে কথা কইতে লাগিল ॥

১। বির্তাস্ত = বৃত্তাস্ত, ঘটনা ।

পাঠান্তর :—\* কোন দেশে পাইয়া তসবীর আনিলে কিনিয়া ।

“শুন শুন সুন্দর কইনা শুন দিয়া মন ।

আসল তসবির এই শুন বিবরণ ॥

জঙ্গলবাড়ী সওরে আছে কিরোজ খাঁ দেওয়ান ।

তাহার তসবির এই শুন বিবিজান ॥

তসবিরওয়ালী আইসা একনা তসবির দেখাইল । +

সেইনা তসবির দেইখ্যা কিরোজ পাগল হইল ॥ +

না কইরাছে সাদী দেওয়ান না করিল ঘর<sup>৮</sup> । +

ফকির হইয়া ঘুরে দেশ দেশান্তর ॥” +

এই কথা শুনিয়া কইন্যা চমকি উঠিল । +

‘সেই কইন্যার কিবা নাম’-দরিয়ারে জিগাইল ॥ +

“কোথায় জনম কোথায় বাড়ী কেবা বাপ মাও ।

সাক্ষা কইবা তুমি আমারে না ভাড়াও ॥

তোমার কথা শুইনা আমার দিলে দরদ লাগে ।\*

সগল কথা খুইলা কইবা আইজ আমার আগে ॥

শুন শুন ফিরিওয়ানী কই যে তোমারে ।

কোথাও নি দেইখ্যাছ তুমি এইত ফকিরে ॥

কিসের লাইগা ফকির হইল এই মহাজন<sup>৯</sup> ।

আদিগুড়ি<sup>১০</sup> কথা তুমি কও বিবরণ ॥

গলার হার দিয়া আমি কিনলাম তসবির ।

শুনিয়া তোমার কথা আমার মন না হয় থির ॥”

এতেক না শুইনা দরিয়া কয় কইনার কাছে ।

“বলিব সগল কথা আমার যাহা জানা আছে ॥

৮। ঘর = সংসার । ৯। মহাজন = সম্মানীয় ব্যক্তি । ১০। আদিগুড়ি =

আগাগোড়া ।

পাঠান্তর :—\* ভিনদেশী কিরুলীর কথার দিলে দরদ লাগে ।

তসবির দেইখ্যা মনে সন্দেহ<sup>১১</sup> করিয়া ।  
 সদাগরের কাছে বার্তা জানিলাম পুছিয়া ॥  
 সখিনা নামেতে কইন্যা কোন বা দেশে আছে । \*  
 তার তসবির দেইখ্যা ফিরোজ দেওয়ানা<sup>১২</sup> হইয়াছে ॥ \*\*  
 দেশে দেশে ফিরে ফিরোজ ফকির হইয়া ।  
 নবীন বয়েসে সোনার দেওয়ানী ছাড়িয়া ॥  
 সোনার জঙ্গলবাড়ী হইছে ছারখার ।  
 কান্দিয়া সগল লোক হইল জারজার ॥  
 অরাজক হয়্যাছে দেশ চোর ডাকাইতে ভরা ।  
 মিছিল গুছিল দেশের হইছে নড়বড়া<sup>১৩</sup> ॥ \*\*\*  
 উজীর কান্দে নাজীর কান্দে এই সে কারণে ।  
 বেওয়া-বিধুবা<sup>১৪</sup> কান্দে কান্দে পরজাগণে ॥”  
 এইনা বইলা দরিয়া বান্দী কত্মারে ভাড়ায়<sup>১৫</sup> । \*\*\*  
 সাত সেলাম আর একবার তাহারে জানায় ॥

এই কথানা শুইনা তবে সুন্দরী সখিনা ।  
 ফকিরের কথা ভাইব্যা হইল আনমনা ॥\*\*\*\*\*

- ১১। সন্দেহ = সন্দেহ । ১২। দেওয়ান = সংসায়ে উদাসী । ১৩। নড়, বড়া = শিথিল, বিশৃঙ্খল । ১৪। বেওয়া বিধুবা = অনাথা ও বিধবানারী । ১৫। ভাড়ায়—ফাঁকি দেয় ।

\* এই দেশে আছে নাকি সখিনা সুন্দরী ।  
 \*\* উমর খাঁর কত্মা সেয়ে কেল্লাতাজপুর বাড়ী ।  
 \*\*\* মিছিল গুছিল সব হইছে অন্ধকার ॥  
 \*\*\*\* ফিরোজের কথা বলি কত্মারে ভাড়ায় ।  
 \*\*\*\*\* ফকিরের লাগি কত্মা হইল দেওয়ানা ॥

আইঞ্চল ধরিয়া কইয়া মুছে চোক্ষের পানি ।  
 পীরিতে মইজাছে মন এখন কাতরা পরাণি ॥  
 হাজ্জার ট্যাকা কিস্মত<sup>১৬</sup> যে গলার হাঁসুলি ।  
 তাহা দিয়া বিদায় কইয়া কইরল তসবিরওয়ালী ॥

তসবির লইয়া কইয়া ক্ষেণে বইক্ষে ধরে ।  
 ক্ষেণে দেখে তসবির রাইখ্যা কুলের<sup>১৭</sup> উপরে ॥\*  
 গোছল, খানা, পইরন<sup>১৮</sup> হাসি, সগল ছাড়িল ।  
 পুম্মু মাসীর রাইত যেমুন আন্ধাইরে ঘিরিল ॥\*\*  
 হাসে না সখিনা আর নাই সে গায় গান ।  
 সোনার পালক্ষে নাই রে সেই ফুলের বিছান ॥  
 তাঁবেদার বান্দী যত ভয় পাইল মনে ।  
 কিসের লাইগ্যা সুন্দর কইয়া হইল এমনে ॥

(৮)

তারপরে কি হইল কথা শুন সভাজন ।+  
 দৌহে দৌহার পীরিতে মইজা ভাবেতে মগন ॥+  
 দেওয়ানা<sup>১</sup> ভাব দেইখ্যা পুত্রের ফিরোজা সুন্দরী ।  
 ভাইবা চিন্ত্যা পুত্রে ডাইকা কয় মিলতি করি ॥\*\*\*

১৬। কিস্মত=মূল্য। ১৭। কুলের=কোলের। ১৮। পইরণ=  
 পরিধান, বেশভূষা। ১। দেওয়ান=উদাসী।

পাঠান্তর :—\* পছের ফকীর কত্না মনেতে ধরিল ।

\*\* আন্ধাইয় হইল যেমন আন্ধার মহল ।

\*\*\* ফিরোজে ডাকিয়া কাছে আনে তড়িঘড়ি ॥

“শুন শুন পুত্র, আরে কই যে তোমার ।  
 সাদী করাইতাম তোমারে মনে ত আমার ॥  
 সাদী না করিলে দেখ বংশ না থাকিব ।  
 তোমার যে পরে ভিটায় বাতি না জ্বলিব ॥  
 এমুন সোনার দেওয়ানী যাইব ছারে খারে ।  
 না ডুবাইবা সোনার সংসার অকূল সায়রে ॥  
 যেমুন খুশি তোমার দিলে তেমুন কর সাদী ।  
 তোমার ইচ্ছায় কেহ না হইব বাদী ॥  
 শুন শুন পুত্র মোর রাখো মায়ের কথা ।  
 বুড়া মায়ের পরাণে আর না দিও রে ব্যথা ॥”  
 সাদীর কথায় ফিরোজ আইজ কথা না কইল ।  
 মনোযোগ দিয়া মায়ের কথা ত শুনিল ॥  
 মায়ের কথা শুইনা সায়েব দিলে খুশী হইয়া ।  
 বিরামখানা<sup>২</sup> ঘরে গেল উজিররে লইয়া ॥  
 উজিররে ডাকিয়া কয়, “শুন উজির ভাই ।  
 আমার যে মনের কথা আইজ তোমারে কই ॥  
 অল্পরাগী<sup>৩</sup> হইলাইন্<sup>৪</sup> মাও আমার সাদীর কারণে ।  
 তানারে জানাও আমার এহি নিবেদনে ॥  
 সাদী না করবাম্ আমি এহি ছিল মন ।  
 পরতিজ্ঞা<sup>৫</sup> ভাঙ্গিলাম আইজ মায়ের কারণ ॥  
 কইও তুমি এই কথা আমার মায়ের গোচরে ।  
 উমর খাঁ দেওয়ান হইল কেল্লা তাজপুর সরে ॥

১ । বিরামখানা = বিশ্রামের জন্ত নির্জন । ৩ । অল্পরাগী = আত্মহী ।

২ । হইলাইন্ = হইলেন । ৪ । পরতিজ্ঞা = প্রতিজ্ঞা ।

তানার<sup>৬</sup> আছে যে কইচা নাম সখিনা সুন্দরী ;  
 সেই কইচা আইনা দিলে আমি সাদী করি ॥  
 আনইলে<sup>৭</sup> আল্লাজী সাদী না লেখ ছুইন<sup>৮</sup> কপালে ।  
 দিলের কথা আমার\* থাইকা যাইব দিলে ॥”

এইনা কথা শুইনা উজির চলিল আন্দরে ।  
 কইতে সগল কথা দেওয়ানের মায়ের গোচরে ॥  
 আন্দরের ভিতরে বিবি উজিরের দেখিয়া ।  
 জিগায় উজিরের আইলা কিসের লাগিয়া ॥  
 সেলাম জানায়া উজির কয় বিবির কাছে ।  
 “শুন্খাইন<sup>৯</sup> সাহেবানী, শুন্খাইন দিয়া মন ।  
 দেওয়ান কইছে কিবান্ তানার সাদীর কারণ ॥  
 উমর খাঁ দেওয়ান আছে কেল্লাতাজপুর সরে ।  
 সখিনা সুন্দরী কইচা রইছে তানার ঘরে ॥  
 সেই কইচা আইনা দিলে সাদী সে করিব ।  
 আনইলে হায়াত<sup>১০</sup>\* থাইকতে সাদী নাইত হইব ॥”

এইনা কথা শুইনা বিবি উজিরের কইল ।  
 ‘শুনরে উজির, মোরে আল্লা ফেরে<sup>১১</sup> ফালাইল ॥\*\*\*  
 তাজপুরের দেওয়ান যত জঙ্গলবাড়ীর বৈরী ।  
 তাহার কন্নার সাদীর কথা কেমনে আলাপ করি ॥

৬। তানার=তাহার ।

৭। আনইলে=তাহা না হইলে ।

৮। লেখ ছুইন=লিখিয়াছেন । ৯। শুন্খাইন=শ্রবণ করুন । ১০। হায়াত  
 =পরমায়ু । ১১। ফেরে=গোলমালে বিপদে ।

পাঠান্তর :—\* দিলের যে দুঃখ কথা—” ॥

\*\* ‘—আয়াৎ—’ ।

\*\*\* শুনরে উজির আমি পড়িলাম ফেরে ॥

পাঠান উমর দেওয়ান কহা না দিব আমার ঘরে ।  
 ছোটো জাতি বইলা তারা মোরে হেনস্তা<sup>১২</sup> করে ॥  
 পুত্রে সাদী কেমনে করাই দুশ্মন কইয়ায় ।  
 এইনা কথা বইলা তুমি ফিরোজেরে বুঝাও ॥  
 সখিনা কইয়ার থাক্যা<sup>১৩</sup> সুন্দর কইয়া খুজিয়া ।  
 সেই কইয়া আইনা আমি পুত্রে দিবাম বিয়া ॥  
 এই বিয়া করাইতে মোর নাইত লয় দিলে ।  
 জঙ্গ<sup>১৪</sup> সে বাইজা<sup>১৫</sup> যাইব এই পরস্তাব করিলে ॥+  
 আথেরে<sup>১৬</sup> না হইব ভাল মনে আমার কয় ।\*  
 এহি কইয়ার লাইগ্যা হইব খেজালত নিচয় ॥+  
 দারুণ পাঠান জাতি গুমর তাগোর<sup>১৭</sup> ভারি ।+  
 ভিন্ ঘরে কইয়ার সাদী না ইব স্বীকুরি<sup>১৮</sup> ॥+  
 লোক পাঠাইলে তারা বেইজ্জত করিব ।+  
 অপমানী হইলে জঙ্গ বাজিয়া যাইব ॥+  
 বাদশার পেয়ারের বান্দা<sup>১৯</sup> উমর খাঁ দেওয়ান ।  
 জঙ্গ বাধিলে দিল্লীর ফৌজ হইব আগুয়ান ॥  
 কেল্লা তাজপুর জঙ্গলবাড়ী হইব ছারথার ।  
 কইয়ারে ধইরা লয়্যা যাইব বাদশার আন্দর ॥  
 এহি কাম করিতে তুমি ফিরোজেরে কর মানা ।+  
 এহি কইয়ার লাইগা পুত্র না হয় দেওয়ানা ॥+

১২। হেনস্তা = তুচ্ছ তাচ্ছিল্য, ঘৃণা। ১৩। থাক্যা = হইতে, অপেক্ষা।

১৪। জঙ্গ = যুদ্ধ। ১৫। বাইজা = বাধিয়া। ১৬। আথেরে = পরিশ্রমে।

১৭। তাগোর গুমর = তাহাদের মনে গর্ব। ১৮। স্বীকুরি = স্বীকৃত।

১৯। পেয়ারের বান্দা = প্রীতির ক্রান্তদাস।

পাঠান্তর :—\* খয়ের না হইব জান্ত এই বিয়া করাইলে ॥—(সেন  
 মহাশয় ‘খয়ের’ শব্দের অর্থ করিয়াছেন—‘মদল’।)

জঙ্গল বাড়ীর অপমান আমি হইতে নাই সে দিব । +  
 এই বিয়া করাইতে গেলে লড়াই বাজিব ॥ +  
 সিতাবি<sup>২০</sup> যাওরে উজির জিগাও কুমারে ।  
 এই কইন্টার আশা ছাইড়া সে নি অন্ম বিয়া করে ॥”

তারপর চলিল উজির কুমার যথায় আছে ।  
 কুমারের দেখিয়া পরে কয় তার কাছে ॥  
 মায়ের সগল কথা পুত্রের জানায় ।  
 এই সাদী নি ছাইড়া মিয়া অন্ম সাদী চায় ॥  
 এই ত দুশ মনের কইন্টা পরস্তাব<sup>২১</sup> করিলে । } \*  
 জঙ্গলবাড়ীর মান ইজ্জত যাইব রসাতলে ॥

এতক শুনিয়া ফিরোজ উজিরের কহিল ।  
 ‘তবে নাই সে করবাম্ বিয়া মায়েরে বলিও ॥  
 এই সাদী ছাইড়া আমার মনে নাই ত লাগে ।  
 তসবিরে দেইখ্যাছি কইন্টা সদাই মনে জাগে ॥\*\*  
 দরিয়ারে পাঠায়া আমি লয়াছি খবর । +  
 কইন্টার যে মন আছে আমার উপর ॥ +  
 দরিয়ার কাছে মাও সগল শুনিয়া । +  
 এহি কইন্টার সঙ্গে মাও দিউন আমার বিয়া ॥ +

২০ । সিতাবি = জরুরী মনে করিয়া অতি দীঘল ।

২১ । পরস্তাব = প্রস্তাব ।

পাঠান্তর :—\* { ভাজপুরের দেওয়ান যত আমার যে বৈরী ।  
 { তাহার কন্ডায় সাদীর কেমনে আলাপ করি ॥

\*\* সখিনায় চান্দ মুখ সদাই মনে জাগে ।



আ-নইলে আমি ফিরোজ ছাড়বাম্ দেওয়ানগিরি ।\*  
 তারে ছাইড়া অজ্ঞ কইনা কেমনে সাদী করি ॥  
 সেই কইন্যা হইছে আমার নয়ানের মণি ।  
 সেই কইন্যা হইল আমার পিয়াসের<sup>২২</sup> পানি ॥  
 সেই কইন্যা হইছে আমার গলার মণি মালা ।  
 তারে সাদী কইরলে হইব আন্ধাইর মন উজলা ॥  
 জঙ্গ যদি বাজে বাজুক তাইতে না করি ভয় ।+  
 আমি ত না ডরাইবাম্ দিল্লীর বাদশায় ॥+  
 কইবা উজির সগল কথা মায়ের গোচর ।  
 এই সাদী না হইলে আমি ছাড়বাম্ বাড়ী ঘর ॥”

এইনা কথা শুইনা উজির মায়ের কাছে গিয়া ।  
 ফিরোজের সগল কথা আইল বলিয়া ॥  
 দরিয়ারে ডাইকা বিবি কথা জিগাইল ।+  
 সগল কথা বইলা দরিয়া গলার হাসুলি দেখাইল ॥+  
 পুত্রের দিলের ছুখুঃ বুঝিয়া জননী ।  
 পুত্রের লাগিয়া মাও হইল উদাসিনী ॥  
 ফিরোজ যে পুত্র মোর নয়ানের তারা ।  
 এক লহমা<sup>২৩</sup> না বাঁচিবাম্ হইলে তারে হারা ॥  
 এমুন পুত্রের দিলের খুশীর কারণ ।+  
 ছাড়িবারে পারি আমি এ ছার জীবন ॥+  
 পুত্র যদি খুশী হয় করাইলে এই সাদী ।+  
 আমি নাই সে হইবাম্ আর এই না বিয়ার বাদী ॥+  
 ২২ । পিয়াসের = পিপাসার । ২৩ । এক লহমা—এক দণ্ড ।

( লহমা—দণ্ড ) ।

পাঠান্তর :—\* তাহার লাগিয়া আমি ছাড়লাম দেওয়ানগিরি ॥

যা থাকে নসিবে হইব আল্লা সগল জানে ।+  
লোক পাঠাইবাম আমি উমর খাঁর থানে<sup>২৪</sup> ॥”+

এই কথা চিস্তিয়া বিবি উজিরে ডাকিয়া ।  
বুঝাইয়া শুনাইয়া তারে দিল পাঠাইয়া ॥  
পাঠাইয়া দিল তারে কেলা তাজপুর সরে ।  
সাদীর কারণে উমর খাঁয়ের গোচরে ॥

(৯)

তিন দিন পরে উজির কেলা তাজপুর সরে ।  
দাখিল হইল গিয়া উমর খাঁর গোচরে ॥  
জিগাইল উমর খাঁ দেওয়ান উজিরের কাছে ।  
“কোন দেশেরতন আইলা মিয়া, কিবা কাম আছে ॥”

সেলাম জানায়্যা উজির কয় দেওয়ানের ঠাই ।  
‘জঙ্গলবাড়ীর উজির আমি সাহেবেরে জানাই ॥  
‘শুন্খাইন্’ দেওয়ান সাহেব শুন্খাইন্ দিয়া মন ।  
পাঠাইল ফিরোজা বেগম যেই না কারণ ॥  
এক কইণ্ডা সাদীর যুগি আছে আপনার ঘরে ।\*  
সুন্দরী সখিনার কথা জানা ঘরে ঘরে ॥  
ফিরোজা বেগমের পুত্র ফিরোজ কুমার ।  
রূপে গুণে পরধান<sup>২</sup> হইল ছুনিয়া মাঝার ॥

২৪ । থানে—সমীপে, গৃহে ।

১ । শুন্খাইন্—শুনন । ২ । পরধান—প্রধান, শ্রেষ্ঠ ।

পাঠান্তর :—\* পরদা যে হইছে কত্কা আপনার ঘরে ।

ফিরোজের সঙ্গে সখিনার সাদীর কারণে ।  
 পাঠাইল বেগম সাহেবা আপনার সদনে ॥”  
 এই না কথা শুইনা মিয়ার গুসসা<sup>৩</sup> হইল মনে ।  
 কইতে লাগিল কথা সভার বিঘ্নমানে ॥  
 “শুন শুন সভাজন আমি কইবাম ইতিকথা<sup>৪</sup> ।+  
 জঙ্গলবাড়ীর দেওয়ান গুষ্ঠির সগল বারতা<sup>৫</sup> ॥+  
 কালীয়া গজদানী আছিল কাফেরের পরধান<sup>৬</sup> ।+  
 সুন্দরী আওরতের<sup>৭</sup> লোভে হইল মুহলমান ॥+  
 তার পুত্র ইশা খাঁ বেইমানী করিয়া ।+  
 দোস্তের ভইনরে<sup>৮</sup> আইন্ল ডাকাতি করিয়া ॥+  
 শাহান্ শা বাদশার দুশ্‌মন্ ইশা খাঁ আছিল ।+  
 লড়াই কইরা দেশটারে পয়মাল<sup>৯</sup> কইরা দিল ॥+  
 সেইনা বংশে পয়দা হইছে ফিরোজ খাঁ দেওয়ান ।+  
 তার মাও চাইছে আইজ আমার কইয়া দান ॥+  
 গোস্তাকি<sup>১০</sup> দেখিয়া আমি লাজে মইরা যাই ।+  
 মনে হয় মাটি ফুঁইড়া<sup>১০</sup> পাতালে সামাই<sup>১১</sup> ॥+  
 শাহান্ শায়ের<sup>১২</sup> দোস্ত আমি জাতিতে পাঠান ।+  
 কাফেরের গুষ্ঠি হয় জঙ্গলবাড়ীর দেওয়ান ॥  
 বেইজ্জত করিল মোরে সেই ৩ কাফেরে ।  
 উচিত কি শাস্তি দিবাম্ ভাইব্যা দেখো তারে ॥

- ৩। গুসসা = অভিমানবৃত্ত ক্রোধ । ৪। ইতিকথা = ইতিহাস ।  
 ৫। বারতা = বৃত্তান্ত । ৬। আওরতের = নারীর । ৭। ভইনরে = ভগ্নীকে ।  
 ৮। পয়মাল = সর্বনাশ । ৯। গোস্তাকি = স্পর্ধা । ১০। ফুঁইড়া = ভেদ করিয়া ।  
 ১১। সামাই = প্রবেশ করি । ১২। শাহান্ শায়ের = সম্রাটের ।

রোজা নামাজ ছাইড়া যেই না মুছলমান কব্‌লায়<sup>১৩</sup> ।\*  
 সরিয়ত্‌ মতে<sup>১৪</sup> কও তারে কিবা শাস্তি দিতে হয় ॥+  
 না-মুছলমান<sup>১৫</sup> আইল আইজ সাদীর কারণে ।  
 এই ছুঃখু নি শরীলে সয় কও উজির গণে ॥”

গর্জিয়া ডাকিল মিয়া জল্লাদ নফরে ।  
 জল্লাদ নফর আইলে হুকুম করিল যে তারে ॥  
 “এহি না বেয়াদপের তোমরা গর্দানায়<sup>১৬</sup> ধরিয়া ।  
 সিতাবি খেদাড়িয়া<sup>১৭</sup> দেও সওরের বাইর করিয়া ॥”

এহি হুকুম পায়্যা জল্লাদ কি কাম করিল ।  
 গর্দানায় ধরিয়া উজিররে খেদাড়িয়া দিল ॥  
 এই না কথা শুনিল সখিনা আন্দরে থাকিয়া ।+  
 কান্দিতে লাগিল কষ্টা ভূমিতে গড়ি<sup>১৮</sup> দিয়া ॥+  
 “হায়রে দারুণ আলা কি কাম করিলা ।+  
 সোনার স্বপন আশা সগলি ভাঙ্গিলা ॥+  
 এমুন খিদার ভাতে ঢাইলা দিলা ছালি ।<sup>১৯</sup>+  
 কিবা গুণা কইরাছি আমি কেবা দিল গালি ॥+  
 আশা কইরা আছিলাম রে আমি

সোনার ফকির আইব ।+

সোনার ফকিররে আমি বইক্ষে তুইল্যা লইব ॥+

১৩। কব্‌লায়—মুখে বলিয়া বেড়ায় । ১৪। সরিয়ত্‌ মতে=শাস্তি বিধান  
 মতে । ১৫। না-মুছলমান=মুসলমান বলিয়া পরিচিত কিন্তু প্রকৃত মুসলমান  
 নহে এমন ব্যক্তি । ১৬। গর্দানায়=ঘাড়ে । ১৭। খেদাড়িয়া=খেদাইয়া ।  
 ১৮। গড়ি=গড়াগড়ি । ১৯। ছালি=ছাই ।

পাঠান্তর :—\* রোজা নমাজ ছাড়া যেই না মুছলমান ।

সগল আশায় আমার পইড়া গেল ছাই ।+  
 কি করিব কি হইব আরত আশা নাই ॥+  
 তুমিত পীরিতের ফকির পীরিত কেমন জান ।+  
 আর একবার আইবা নি ফকির, দিবা দরশন ॥+  
 অপমান কইরাছে তোমারে আইস বীর বেশে ।+  
 জঙ্গে জিনে<sup>২০</sup> আমারে লও আশা অবশেষে ॥”+

(১০)

অপমাইয়া<sup>১</sup> হইয়া উজির দেশে ত ফিরিল ।+  
 ফিরোজা বিবিরে উজির সগলি কইল ॥+  
 আগুন জ্বলিল যেমুন সুমুদুর ভিতরে ।  
 ডাকিয়া আনিল বিবি দেওয়ান ফিরোজেরে ॥\*  
 হাজির হইলে ফিরোজ বিবি কইল তারে ।+  
 ‘উমর খাঁর গদান চাই হপ্তাহ ভিতরে ॥+  
 তার কইয়া সখিনারে ধরিয়া আনিয়া ।+  
 দশ দিনের মধ্যে তুমি করবা তারে বিয়া ॥+  
 তবে ত বুঝবাম্ পুত্র, দেওয়ান ইশা খাঁর ধারা<sup>২</sup> ।+  
 জঙ্গলবাড়ীর দেওয়ানীতে হয় নাই আইজও হারা ॥”+

মায়ের হুকুম পায়া ফিরোজ গইর্জ্যা উঠিল ।+  
 সদরে যাইয়া দেওয়ান ডঙ্কায় বাড়ি দিল ॥+

২০। জঙ্গে জিনে—যুদ্ধে জয়লাভ করিয়া ।

১। অপমাইয়া—অপমানিত ব্যক্তি। ২। ধারা—বংশের ঐতিহ্য ।

পাঠান্তর :—\* এই কথা শুনিয়া মিয়া গোসা হইল ভারি ।

সওরে বাজারে ডঙ্কা মারে তড়াতিড়ি ।  
 গেরামে গেরামে নকিব<sup>৩</sup> কইরল হুকুম জারি ॥  
 ডঙ্কা মারিল দেওয়ান ফৌজের কারণ ।  
 কালুকা<sup>৪</sup> যাইতে হইব করিবারে রণ ॥  
 ফৌজদারগণ যত এই কথা শুনিয়া ।  
 পলকে<sup>৫</sup> আইল যত ফৌজ সাজাইয়া ॥  
 সাজাইয়া রণের ঘোড়া ফিরোজ হইল সওয়ার ।  
 পশ্বে মেলা দিল<sup>৬</sup> সবে কইরা মার মার<sup>৭</sup> ॥  
 পরের দিনেতে ফিরোজ ফৌজ যে লইয়া ।  
 কেলা তাজপুর সওরে সবে দাখিল হইল গিয়া ॥

কেলা তাজপুরের ফৌজ রণেত হারিয়া ।+  
 পলাইয়া গেল সবে রণথলা<sup>৮</sup> ছাড়িয়া ॥+  
 দেওয়ানের বাড়ী ফিরোজ ঘিরিয়া লইল ।  
 যেটিতে<sup>৯</sup> ধরিয়া মিয়া দেওয়ানরে খেদাড়িল ॥  
 খেদাড়িল উজির নাজির যত লোকজন ।  
 তারপরে আন্দর বাড়ী করিল গমন ॥

সখিনা সুন্দরী ছিল পালঙ্কে শুইয়া ।  
 পালঙ্ক হইতে তারে আনিল ধরিয়া ॥  
 কয়েদ করিয়া আইনা জঙ্গলবাড়ী সরে ।  
 দিল্পুশী হইয়া মিয়া তারে সাদী করে ॥

- ৩। নকিব = আদেশ জারি কারক । ৪। কালুকা = আগামী কাল ।  
 ৫। পলকে = নিমেষের মধ্যে, ক্ষণত । ৬। মেলা দিল = যাত্রা করিল ।  
 ৭। মার মার = সমর্পে । ৮। রণথলা = যুদ্ধক্ষেত্র । ৯। যেটিতে = বাড়ির পিছন ।

সাদী করিয়া দোয়ে খুশী হইল মনে ।  
 এক সাথে থাকে দোয়ে উঠনে বৈসনে<sup>১০</sup> ॥  
 একজন্যার দিলের দরদ অস্ত্রে লয় কাড়ি ।  
 পীরিতে মজিয়া মন দিলে খুশ<sup>১১</sup>\* ভারি ॥  
 সাদীর কথা এইখানে ইতি<sup>১২</sup> সে করিয়া\*\* ।  
 উমর খাঁ দেওয়ানের কথা শুন মন দিয়া ॥

(১১)

বেইজ্জতি হইয়া উমর কোন কাম করিল ।  
 বাদশার দরবারে যাইতে পন্থে মেলা দিল ॥  
 দরবারে বইসাছে বাদশা উজির নাজির লইয়া ।  
 এযুন সময় উমর মিয়া দাখিল হইল গিয়া ॥  
 বাদশা জিগায়,—“শুন উমর খাঁ দেওয়ান ।  
 অচস্থিতে আইলা তুমি কিসের কারণ ॥  
 অঙ্গের যে বেশ দেখি হইয়াছে মৈলান<sup>১</sup> ।  
 কালা কেশুরতা<sup>২</sup>\*\*\* তোমার হইয়াছে বয়ান ॥

১০। উঠনে বৈসনে = উঠাবসায়, চলাফিরায়। ১১। খুশ্ = আনন্দ।

১২। ইতি = শেষ।

১। মৈলেন = মলিন। ২। কালা কেশুরতা = ‘কেশুর’ নামক এক প্রকার বস্ত্রকলের রস গায়ে লাগিলে গা কালো হইয়া যায় সেই প্রকার কালো। এই ফল উস্তর মৈমন সিংহ জেলায় ও গারো পাহাড়ে পাওয়া যায়, মাথার চুল কালো করিবার জন্ত ব্যবহার হয়।

পাঠান্তর :—\* ‘—দিলখুসী—’।

\*\* ‘—নিরবধি লইয়া। ( সেন মহাশয় অর্থ করিয়াছেন,—  
 ‘নিরবধি লইয়া—বিদায় লইয়া’ । )

\*\*\* কালা কেশুরতা—’।

কও কও কও রে মিয়া, কিবা ছুখু: পাইয়া ।

এত মিয়ন্নত্‌<sup>৩</sup>\* কইরা আইলা দরবারে চলিয়া ॥”

সেলাম করিয়া মিয়া কয় বাদশার কাছে ।

“আমার যে নালিশ এক দরবারেতে আছে ॥

শুনখাইন্ শাহান্ শা বাদশা, শুনখাইন দিয়া মন ।\*\*

জঙ্গলবাড়ী সরে আছে ফিরোজ খাঁ দেওয়ান ॥

এক কইরা আছে মোর পরম সুন্দরী ।+

বাদশারে দিতাম্ চাই<sup>৪</sup> বইলা রাইখাছিলাম ধরি ॥+

কাফেরের বংশে বেটা পয়দা যে হইয়া ।

উজির পাঠাইল সেইনা কইরার লাগিয়া ॥\*\*\*

উজির ফিরিয়া দিলাম জঙ্গলবাড়ী সরে ।

শুনখাইন সগলে ফিরোজ কোন কাম করে ॥

বাইট হাজার ফোজ লয়া আমার বাড়ী যে ঘিরিল ।

জন বাচ্চা<sup>৫</sup> সহিতে মোরে বেইজ্জত করিল ॥

তারপর শুনখাইন আমার দিলের বেদনা ।

আন্দর হইতে খেদাডিল আন্দরের জনানা<sup>৬</sup> ॥

বাদশার ছুলাইন<sup>৭</sup> কহ্যারে কয়েদ করিয়া ।\*\*\*\*

জঙ্গলবাড়ী সরে বেটা দাখিল হইল গিয়া ॥

৩। মিয়ন্নত্‌ = মেহানত, পরিশ্রম । ৪। দিতাম্ চাই = দিতে ইচ্ছা ছিল ।

৫। জন বাচ্চা—বাড়ীর শিশুদের সমেত সকল । ৬। জনানা = পরদানসীন

মহিলা । ৭। ছুলাইন—বিবাহের পাত্রেী ।

পাঠান্তর :—\* অত মৌন্নত—’।

\*\* শুনখাইন মন দিয়া শুনখাইন বাদশানন্দন ।

\*\*\* উজীরে পাঠাইল আমার কস্তা দিতাম্ বিয়া ॥

\*\*\*\* সুন্দর সখিনা কস্তায় কয়েদ করিয়া ।



জঙ্গলবাড়ী সওরে কেউ না হইল বাদী ।  
 বাদশার ছলাইনরে কইরল জোর কইরা সাদী ॥\*  
 সেহিত কারণে বড়ো দিলে ছুখুঃ পাইয়া ।  
 পাগল হইয়া আইলাম দরবারে চলিয়া ॥  
 হুজুর করখাইন এয়ার<sup>৮</sup> উচিত বিচার ।  
 পরাণে মইরবাম্ নইলে ঘরে আপনার ॥  
 অপমান পাইলাম আমি কাফেরের হাতে ।  
 উচিত না হয় বাস এই ছুনিয়াতে ॥”

এইনা কথা শুইনা বাদসার গোসা যে হইল ।  
 গর্জন কইরা পরে সভাতে বলিল ॥  
 “জঙ্গলবাড়ীর দেওয়ান বড়ো হইল সেয়ানা<sup>৯</sup> ।  
 বাকিয়া<sup>১০</sup> রাইখ্যাছে দেখো বাদশাহী খজনা ॥  
 যাই খুশি করে বড়ো মুখ হইছে তার ।  
 জন বাচ্ছা সহিতে তারে করবাম্ উজাড় ॥  
 শুন শুন উজির নাজির শুন ফৌজদারগণ ।  
 যত ফৌজ আছে ডাকো রণের কারণ ॥  
 তিন দিনের আড়ি<sup>১১</sup> যাও জঙ্গলবাড়ী সরে ।  
 উজার কইরা সওর বান্ধ দেওয়ানেরে ॥  
 সিতাবি বাকিয়া আইন আমার গোচরে ।  
 উচিত যে শাস্তি আমি করবাম্ তাহারে ॥

৮। করখাইন্ এয়ার—করুন এই ব্যক্তির । ৯। সেয়ানা—বাড়, বাড়ন্ত, বৃদ্ধিপ্রাপ্ত । ১০। বাকিয়া—বন্ধ করিয়া । ১১। তিন দিনের আড়ি = তিন দিনের মধ্যে স্তম্ভিত হইয়া ।

পাঠান্তর :—\* জোর কইরা করিল মোর কস্তাবে যে সাদি ॥

যাও যাও উমর খাঁ দেওয়ান,  
বাদশায়ী ফৌজ ত লইয়া ।  
দিলের হুখুঃ কইরবা দূর  
উচিত পরতিশোধ<sup>১২</sup> লইয়া ।”

পিল<sup>১৩</sup> ঘোড়া সাজে কত সাজে ফৌজগণ ।  
সাজ সাজ রব উঠিল রণের কারণ ॥  
এক লক্ষ ফৌজ যখন পন্থে মেলা দিল ।  
আশ্‌মান ছাইয়া পন্থের ধূলা যে উড়িল ॥  
কেহ সূয়ার হইল পিলে কেহ বা ঘোড়ায় ।  
দাপট<sup>১৪</sup> করিয়া কেহবা পন্থে হাইট্যা যায় ॥\*  
উমর খাঁ চইল্যাছে আগে হয়্যা ফৌজের সদ্দার ।  
তার হুকুমে চলে ফৌজ কইরা মারমার<sup>১৫</sup> ॥  
এহিমতে সগল ফৌজ পন্থে মেলা দিয়া ।  
জঙ্গলবাড়ীর সীমানায় দাখিল হইল গিয়া ॥

এইনা খবর যখন দেওয়ান ফিরোজ শুনিল ।  
ডঙ্কায় বাড়ি দিয়া যত ফৌজদার ডাকিল ॥  
রণের কারণে দেখে যত ফৌজদারগণ ।  
সিপাই লইয়া আইল দেওয়ানের সদন ॥  
তারপরে ফিরোজ দেওয়ান রণের সাজ করিয়া ।  
আন্দর মওলে \* গেল বিদায়ের লাগিয়া ॥

১২। পরতিশোধ—প্রতিশোধ। ১৩। পিল—রণহন্তী।

১৪। দাপট—বিক্রম, দর্প। ১৫। মারমার=ক্ষতবেগে।

পাঠান্তর :—\* কেউবা হাঁটিয়া চলে দাপটে রণে ॥

পাঠান্তর :—\* মাঝের নিকটে—।’

ফিরোজ খাঁ রণে গেল রে ।  
 ঘরে পইড়া \* কান্দে মায়  
 বুকে রইল শেল রে ॥—দিশা  
 সেলাম জানায়া ফিরোজ কয় মায়ের স্থানে  
 ‘বিদায় দেও গো মা জননী,  
 আমি যাইবাম্ আইজ রণে ॥  
 সিতাবি<sup>১</sup> বিদায় দেওখাইন্<sup>২</sup>  
 মাও গো, দিয়া পায়ের ধূলা ।  
 জঙ্গলবাড়ী সওর মাও গো,  
 আইজ ফৌজে ঘিরিলা ॥  
 উমর খাঁ দেওয়ান মাও গো,  
 বাদশার ফৌজ ত লইয়া ।  
 পরতিশোধ লইবার লাইগা  
 দাখিল হইল আসিয়া ॥  
 দেরৌ না সইব মাও গো,  
 তুমি শুন দিয়া মন ।  
 বিলম্ব করিলে মাও গো  
 নাই আশা জিতিবার রণ ॥”

১। সিতাবি—সীত। ২। দেওখাইন্—দিন, প্রদান করণ।

\* কথা শুইনা ফিরোজ বিবি পুত্রেরে কইল । +  
 “যাই না<sup>৩</sup> আমি ভাইবাছিলাম আথেরে<sup>৪</sup> তাই হইল ॥ +  
 বিষম রণ হইব জানি এই সাদীর কারণে । +  
 শেষকাডালে<sup>৫</sup> কি হইব রণে আশা তাহা জানে ॥ +  
 ইশা খাঁয়ের বংশ পুত্র তুমি রাইখ্যা আইবা মান । +  
 দারুণ ছশমন্ জাইন্ত উমর খাঁ দেওয়ান ॥” +  
 এই না বইলা ফিরোজা বিবি  
 খোদার দোয়া<sup>৬</sup> যে মাগিল । +  
 চৌক্কের পানি আইঞ্চলে মুইছা  
 পুত্রেরে বিদায় দিল ॥ \* +

৩। যাই না = বাহা ।

৪। আথেরে = শেষে ।

৫। শেষকাডালে = শেষকালে ।

৬। দোয়া = আশীর্বাদ ।

পাঠান্তর :—\*—\* সেন মহাশয় সম্পাদিত পালায় এই স্থলে নিম্নের  
 বর্ণনা আছে । ( ভূমিকাজটব্য ) ।—

এই কথা শুনিয়া মাও কয় যে পুত্রেরে ।  
 না যাও পরাণের পুত্র ভূমিত রণেরে ॥  
 আন ডাকাইয়া আছে যত ফৌজদারগণ ।  
 সকলে পাঠাও তুমি করিবারে রণ ॥  
 তুমি পুত্র কলিজার লৌ যে আমার ।  
 কেমনে থাকবাম না দেখিয়া চান্দ্রযুথ তোমার ॥  
 তোমায়ে পাঠাইতে রণে ডরে কাঁপে বুক ।  
 আইজ হইতে ভাজে যেমন জনমের সুখ ॥  
 এই কথা শুনিয়া কয় মায়ের গোচরে ।  
 আর দেবী না সয় মাগো বিদায় দেওখাইন মোরে ॥

মায়ের চরণের ধূলা ফিরোজ মস্তকে লইল । +  
 সাত সেলাম কইরা মাওরে বিদায় হইল ॥ +  
 তারপরে চলিল সায়েব সখিনার ঘরে ।  
 জঙ্গে যাইবার লাইগা বিদায় লইবারে ।  
 'শুন গো সখিনা বিবি, শুন দিয়া মন ।  
 ফোজ লয়্যা তোমার বাপ আইছে কইরতে রণ ॥  
 বাদশাহী ফোজ আইছে হাজারে বিজারে ।<sup>৭</sup> +  
 তোমারে ত খইরা লইব দিল্লীর সওরে ॥ +  
 সেইত রণে যাইবাম আমি বিদায় দেও আমারে ।  
 সাবধানে থাইক্য কইন্যা, বলি যে তোমারে ॥  
 মায়েরে বুঝায়্যা রাইখ্য আন্দরে বসিয়া ।  
 শীঘ্র কইরা দেও কইন্যা, মোরে বিদায় করিয়া ॥”  
 এইনা কথা শুইনা বিবি কি কাম করিল ।  
 পঞ্চপীরের দরগার মাটি খসমের শিরে তুইলা দিল ॥

৭। হাজারে বিজারে = হাজারে কাজারে, অসংখ্য ।

আমি ছাড়া ফোজগণ জঙ্গে না পারিব ।  
 আমি সঙ্গে গেলে মাগো রণে জিতিব ॥  
 আমারে দেখিলে তারা চিত্তে সুখী হইব ।  
 পিঠে পরাণে মাগো রণ করিব ॥  
 খুসী হইয়া ফোজগণ রণ করিলে ।  
 রণ জিত্যা আইবান জাইন্ত তোমার যে কোলে ॥  
 আমি যদি না যাই রণে গই সই করিরা ।  
 জনলবাড়ী লইব মাগো দুঃখণে জিনিয়া ॥  
 এই কথা বলিয়া মায়ে সেলাম করিল ।  
 পায়েব ধূলা লইয়া শিরে বিদায় হইল ॥

আরজ<sup>৮</sup> জানাইল কইয়া কুমারের গোচরে ।  
 ‘জঙ্গ জিনিয়া শীঘ্র আইও’<sup>৯</sup> সাহেব, ঘরে ॥’  
 কথারে কইল কুমার,—“খোদার ফজলে<sup>১০</sup> ।  
 একদিনে রণ জিইয়া আইব সগলে ॥”  
 এই কথা বলিয়া কুমার বিদায় লইল ।  
 পহুপানে সখিনা বিবি চাহিয়া রইল ॥  
 ছুই চোক্ষু ভইরা পানি পড়ে দরদরি ।  
 পাষানে বাকিল মন খসমে বিদায় করি ॥ \*  
 দূরে ত শিরগাল<sup>১১</sup> ডাকিল,  
 গোয়ালে ডাকে গাই । +  
 ঘরের ছাদে ডাকিল কাউয়া<sup>১২</sup> ।  
 কইয়া কিছু শুনে নাই ॥ +

(১৩)

শুতিয়া<sup>১৩</sup> আছিল সখিনা বিবি পালঙ্ক উপরে ।  
 এমুন সময় দরিয়া আইসা দাখিল হইল ঘরে ॥  
 দরিয়ারে দেইখ্যা কইন্যা উইঠ্যা বসিল । +  
 রণের বারতা কইন্যা বান্দীরে জিগাইল ॥ +  
 ‘কও কও দরিয়া বিবি, আইজ রণের খবর । +  
 ছুই দিন হইয়া যায় দেওয়ান না আইল ঘর ॥ +

৮ । আরজ = অবেদন, অতুরোধ । ৯ । আইও = আসিও ।

১০ । ফজলে = কৃপায় । ১১ । শিরগাল = শিয়াল । ১২ । কাউয়া =  
 কাক পাখি । ১৩ । শুতিয়া = শয়ন করিয়া ।

পাঠান্তর :—\* পাষানে বাকিয়া মন দিলাম বিদায় করি ॥

কত দূরে হইছে রণ কেমন রণ করে । +  
তুমি যাহা জান তাহা কওত আমারে ॥” +

দরিয়া কইল,—“বিবিজান, শুন দিয়া মন । +  
কেল্লা তাজপুরের দিগে চইলাছে বিবম রণ ॥ +  
হইট্যা<sup>২</sup> গেল বাদশার ফৌজ ছাইড়া জঙ্গলবাড়ী । +  
এই জঙ্গ চলিব আর দিন দুই চারি ॥” +

পাঁচপীরেরে সখিনা সেলাম জানাইল ।  
হাসিমুখে দরিয়ারে কইতে লাগিল ॥  
“শুন শুন দরিয়া, আরে কই যে তোমারে ।  
তুইলা আইন চম্পা গোলাপ মালা গাঙ্গিবারে ॥  
লড়াই জিইত্যা আইলে স্বামী মালা দিবাম্ গলে ।  
অজুর পানি<sup>৩</sup> তুইলা রাখো সোনার গুইছালে<sup>৪</sup> ॥  
আবের পাখা আইনা রাখো পালঙ্ক উপরে ।  
রণ জিইত্যা আইলে স্বামী বাতাস করবাম তারে ॥  
ভাণ্ডে আছে আতর গোলাপ রাখোত আনিয়া ।  
সোনার বাটায় সাজাও পান পতির লাগিয়া ॥  
আমার পইরণের লাইগা আশ্‌মানতার শাড়ী । +  
সাড়িনের কাঁচুলি আর মসলিনের চুলি<sup>৫</sup> ॥ +  
বাইর কইরা রাইখ্য তুমি খুলিয়া পেটারি ॥ +  
পাঁচপীরের সিন্ধি দিবাম্ হাজার টাকা মূল<sup>৬</sup> । +  
যোগাড় কইরা রাইখ্যো তুমি না কইর ভুল ॥” +

২। হইট্যা = হটিয়া, পশ্চাদপসরণ করিয়া । ৩। অজুর পানি = হাত পা ধুইবার জল । ৪। গুইছাল = হাতপা ধুইবার জল রাখা হয় যে পাঞ্জে—  
ঝারি বা বদনা । ( সেন মহাশয়ের মতে ‘গুইছাল গোছলখানা = জানাগার ।’ )  
৫। চুলি = বকআবরনী । ৬। মূল = মূল্য ।

(১৪)

হায় রে মিছাই ছুনিয়াদারী ।—খুয়া +

আইজ যার লাইগা কান্দ রে ভাই.

দেখবা কাইল সে ফক্কিকারি ॥ +

সুখের আশায় বান্ধ রে ঘর

ভাই, কত না যতন করি । +

কোন করমে কিবান্ হইব

রইছে নসিব আইদ্ধারী ॥

জঙ্গে হইল কিবা শুন সভাজন । +

বিদায় লইয়া কুমার করিল গমন ॥ +

ফৌজগণ সঙ্গে ফিরোজ জঙ্গেতে আসিয়া ।

ছুই দিন বাইছ্যা<sup>১</sup> গেল রণ ত করিয়া ॥

ছুই দলে সমান সমান ফৌজ যে মরিল ।

কেউ নাই ত জিতে রণে কেউ না হারিল ॥

তিন দিনের দিন হায় রে কি কাম হইল ।

কামানের গোলায় ফিরোজ জখম হইল ॥

পইড়া গেল ঘোড়ারতনে রণধলার মাঝে । +

ফিরোজরে ঘিরিয়া লইল উমর খাঁর ফৌজে ॥ +

ফিরোজ খাঁ দেওয়ান ভাইরে, বান্ধা যে পড়িল ।

ফিরোজের ঘোড়া ছুইটা জঙ্গল বাড়ী গেল ॥ +

ফিরোজরে বাইছ্যা আইনল কেলা তাজপুর সরে ।

জঙ্গলবাড়ীর ফৌজ যত হায় হায় করে ॥

১ বাইছ্যা = এক লাগাড়ে ।



তারপর কি হইল শুন বিবরণ ।+  
 দরিয়া ত বইসা আছিল খবরের কারণ ॥+  
 ছুইটা আইল দেওয়ানের ঘোড়া  
 পিঠে দেওয়ান নাই ত আছে ।+  
 ঘোড়ার গায়ে দেখে দরিয়া  
 তাজা লো<sup>২</sup> ঝই<sup>৩</sup>রত আছে ॥+  
 ঘোড়ার পিঠেতে দেইখ্যা লোয়ের নিশান<sup>৩</sup> ।  
 খালি ঘোড়া দেইখ্যা বান্দীর উড়িল পরাণ ॥

বইসা আছিল সখিনা বিবি পালঙ্ক উপরে ।  
 এমুন সময় দরিয়া আইসা দাখিল হইল ঘরে ॥  
 দরিয়ারে দেইখ্যা বিবি হাসি মুখে কয় ।+  
 “কি খবর লইয়া আইলা কইবা সমুদয় ॥”+  
 কথা নাই ত কয় দরিয়া  
 তার চৌক্কে ঝরে পানি ।+  
 দেইখ্যা সুন্দর কইয়া  
 আইজ উড়িল পরাণি ॥+  
 “কও কও কও দরিয়া  
 মোরে জঞ্জের খবর কও ।+  
 চুপ কইরা না থাইক তুমি  
 দরিয়া, আমার মাথা খাও ॥+  
 রণ জিইত্যা আইব দেওয়ান\*  
 তুমি দেখবা মনের সুখে ।

২। তাজা লো = টাটকা রক্ত ।

৩। নিশান = চিহ্ন ।

পাঠান্তর :—\* ‘—খানী—।’

আইজ কেনে দরিয়া তর  
 হাসি নাই লো মুখে ॥  
 মুখ হইছে অইক্কার  
 তর চৌক্কে ঝরে পানি ।+  
 কিবান্ খবর পাইয়া হইল  
 এমুন আকুল পরাণি ॥+  
 বুইঝাছি বুইঝাছি দরিয়া,  
 আমার কপাল ভাইজ্যা গেছে ।+  
 সেই কথা বলিতে দরিয়া,  
 তর পরাণ কান্দিছে ॥+  
 কও কও কও লো দরিয়া,  
 কও কি হইয়াছে রণে ।  
 আইজ পাষাণে বাইক্কা লাম রে বুগ  
 আমি না মইরবাম্ পরাণে ॥”  
 \*—এই কথা শুইনা দরিয়া  
 মুইছা চৌক্কে পানি ।+  
 কইতে লাগিল কথা  
 দরিয়ার আকুল পরাণি ॥+

পাঠান্তর :—\*—\* সেন মহাশয়ের সম্পাদনায় এই স্থলে নিম্নোক্ত বর্ণনা আছে,—

কান্দিয়া দরিয়া বান্দী কহিতে লাগিল ।  
 এত দিনে কস্তা তোমার নছিব বোরা<sup>১</sup> হইল ॥  
 ছুট্যা আইল রণের বোড়া লৌএর নিশান লইয়া ।  
 কি কর সখিনা বিবি পালকে বসিয়া ॥  
 শিরসের সিন্দূর বিবি কানের সোনা দানা ।

১ । বোরা = ভাড়া, মন্দ ।

“শুন শুন সখিনা বিবি,  
 আমি কই যে তোমার ঠাই ।+  
 পরাণে বাঁচিয়া আছে দেওয়ান  
 এন্তেকাল করে নাই<sup>৪</sup> ॥+  
 ছই দিন লড়াই কইরা দেওয়ান  
 ছশ্মন হটাইল ।+  
 তিন দিনের ছইপর কালে  
 বিপদ ঘটাইল ॥+  
 কেমন কইরা কি হইল  
 না জানে কোনো জনে ।+  
 আপন ফৌজ ছাইড়া দেওয়ান  
 পইড়ল ছশ্মনের মইধাখানে ॥+

৪ । এন্তেকাল করে নাই = মরে নাই ।

পালক ছাড়িয়া কর জমিনে বিছানা ॥  
 পিকন<sup>২</sup> শাড়ী খুলা ফালাও কাটা ফালাও বেশ ।  
 আইজ হইতে ধর কস্তা দিগবরী বেশ ॥  
 বাহু হইতে খুল কস্তা বাজুবন্ধ ভার ।  
 গলা হইতে খুল কস্তা হীরামন্তের হার ॥  
 পাও হইতে খুল কস্তা নৌউর পাঞ্জনী<sup>৩</sup> ।  
 কোমর হইতে খুল কস্তা ঘুংঘুর বুনঝনি ॥  
 গৈরব না শোভে কস্তা সোনার ঠোটে হাসি ।  
 ছুরং<sup>৪</sup> মৈবন তোমার হইয়া গেলে বাসি ॥

২ । পিকনের = পরণের । ৩ । নৌউর পাঞ্জনী = নুপুর ও পাঞ্জনি  
 অলঙ্কার । ৪ । ছুরং = রূপ ।

শুন শুন সখিনা বিবি,  
 আমি কই যে তোমারে ।  
 তোমার সোয়ামী বন্দী হইল  
 আইজ কেলা তাজপুর সরে ॥  
 জঙ্গলবাড়ীর পন্থে আইছে  
 ছশ্ মন ফোজের দল । +  
 কে করিব রক্ষা আইজ  
 তোমার আন্দর মহল । \*—\*+  
 আরে, এই কথা শুনিয়া বিবি  
 উঠিয়া খাড়া হইল ।  
 আশ্ মান ভাঙ্গিয়া যেমুন  
 আইজ শিরেতে পড়িল ॥  
 মরণ ঠাডার<sup>৫</sup> পইড়ল হায়রে,  
 যেমুন গোলাপের বাগে ।  
 মিলাইল ঠোঁটের হাসি  
 দেইখ্যা দরদ লাগে ॥  
 আউলাইল মাথার কেশ  
 আরে কেশ মাটিতে লুটায় ।  
 তারে দেইখ্যা বান্দীগণ  
 করে হায় হায় ॥

৫ । ঠাডার = বজ্র ।

বিয়ানে<sup>৬</sup> ফুটিয়া কুল হাজ্জাবেলা<sup>৭</sup> করে ।  
 আর নাহি সাজে কত্কা পালঙ্ক উপরে ॥  
 শোনো শোন বিবি আরে কহি যে তোমারে ।  
 তোমার স্বামী হইল বন্দী কেলা তাজপুর সরে ॥

৬ । বিয়ানে = প্রত্যতে । ৭ । হাজ্জাবেলা = সন্ধ্যাকালে

রক্ত বরণ আচ্ছি ছুইডা  
 কইন্টার শরীল হইল কালা ।+  
 আচ্ছির দিষ্টিতে কইন্টার  
 বন-আগুনের<sup>৬</sup> জ্বালা—+  
 কইন্টা উইন্টা হইল খাড়া ॥+  
 দরিয়া বান্দীরে বিবি  
 ডাইক্যা কহিল ।  
 “না কান্দিও দরিয়া বহিন,  
 তুমি চৌক্ষু মুইছা ফেল ॥+  
 যে হউক সে হউক দরিয়া  
 আইজ আমার কথা পর ।  
 শীঘ্র কইরা রণের ঘোড়া  
 তুমি আইনা খাড়া কর ॥  
 আমার স্বামীরে বন্দী করে,  
 দেখবাম্ ছশ্ মনের \* কত জোর !  
 সাজাও দেখি রণের ঘোড়া  
 ছশ্ মন আইল কতদূর ॥\*\*  
 ডঙ্কায় বাড়ি দিয়া জানাও  
 জঙ্গলবাড়ী সওরে :+  
 যেই জনা মরদের বাচ্চা  
 আইবা ছশ্ মন জিনিবারে ॥+

৬। বন আগুনের = দাবানলের ।

পাঠান্তর :—\* ‘—শরীলের—’ ।

\*\* সাজাও দেখি রণের ঘোড়া গেল কতদূর ।

সিপাই তীরন্দাজে সিতাবি  
কইবা ত ডাকিয়া ।  
রণে ত যাইবাম্ রে আমি  
ঘোড়ায় সোয়ার হইয়া ॥  
আওরাত<sup>৭</sup> হইয়া রে আমি  
আইজ যাইবাম্ এই রণে ।  
এই কথা দরিয়া তুমি  
রাখিবা গোপনে ॥  
লোকে যদি জিজ্ঞাস করে  
কইয়া বুঝাও তারে ।  
দেওয়ানের মামানী<sup>৮</sup> ভাই  
যাইব লড়াই করিবারে ॥”

এই কথা বলিয়া সখিনা পইরণ<sup>৯</sup> খুইলা ফালাইল ।+  
পুরুষের জঙ্গীবেশ অঙ্গেতে পরিল ॥+

(১৫)

তবে ত সখিনা বিবি কোন কাম করিল ।  
রণের সাজ সাইজা বিবি\* শাউড়ীর কাছে গেল ॥  
পালঙ্ক ছাইড়া ফিরোজা জমিনে নুঠায় ।  
পুত্রের লাগিয়া মাও করে হায় হায় ॥+

৭। আওরাত = নারী ।

৮। মামানী = মামাত ।

৯। পইরণ = পরিধেয়, পোশাক ।

পাঠান্তর :—\* বিদায় লইতে বিবি—’ ।

রণের পইরণ পইরা সখিনা শাউড়ীর ঘরে আইল ।+  
হস্তে ধইরা শাউড়ী মাওরে পালঙ্কে বসাইল ॥+

“শুন শুন মা জননী,

আমি কই যে তোমারে ।+

আমি যাইতাম<sup>১</sup> এই না রণে

বিদায় দেও আমারে ॥+

মৈলান হইল মাথার কেশ

তোমার চোন্ধে বহে পানি ।

জমিন ছাইড়্যা উইঠা বইস

তুমি আমার মা জননী ॥

বিদায় দেও গো মা জননী,

আইজ বিদায় দেও আমারে ।

জঙ্গ, জিনিতে যাইতাম আমি

আইজ কেলা তাজপুর সরে ॥

আমার সোয়ামী বন্দী কইরাছে

দেখবাম্ কেমন বুকের পাটা ।

জঙ্গেতে বুঝিয়া লইবাম্

তারা কেমন বাপের বেটা ॥

দোওয়া<sup>২</sup> কর মাও গো আমার

আইজা দোওয়া কর মোরে ।

জঙ্গে জিইয়া পুত্র তোমার

আমি আইনা দিবাম ঘরে ॥”

অবাক্যি<sup>৩</sup> হইল ফিরোজ।

আইজ সখিনারে দেখিয়া ।+

এই সখিনা সেই সখিনা নয়

যারে করাইছে বিয়া ॥+

আগুন অইলতাছে কইন্নার

ছই আত্মির তারা ।+

বাঘিনী গর্জাইতাছে যেমুন

হইয়া শাবক হারা ॥+

চউক্ষের পানি মুইছা বিবি

কয় সখিনার আগে ।

“তোমার কথা শুইনা মাও গো,

আমার দিলে দরদ লাগে ॥

মরদ হইয়া পুত্র আমার

আইজ রণে বন্দী হইল ।

এমুন বিবম রণে যাইতে

তোমাতে কেবান্ সল্লা<sup>৪</sup> দিল ॥

\*—\*পলাইয়া যাও মাও গো

তোমাতে ছশমনে ধরিব ।

কয়েদ করিয়া তোমাতে

দিল্লী সওরে চালান দিব ॥”\*---\*

৩। অবাক্যি = অবাক, বিস্মিত । ৪। সল্লা = পরামর্শ ।

পাঠান্তর :—\*—\* আকাইর বরের বাতি তুমি অন্ধের বে লড়ি ।  
লহমার ল'ইগ্যা তোমার ছাড়িতে না পারি ॥  
পাউরিবাম পুত্র শোক তোমার মুখ দেখিয়া ।  
জন্মেতে যাইতে তোমার না দিবাম ছাড়িয়া ॥  
( পাউরিবাম = পাসরিব, কুলিব । )



এইনা কথা শুইয়া কইয়া  
কইল মায়ের ঠাই ।\*  
“ইশা খাঁর বংশের বউ আমি  
পলায়া যাইতাম নাই” ৥\*\*  
মানা না করিও মাও গো,  
বিদায় দেও আমারে ।  
জঙ্গে জিইয়া সোয়ামী লয়া  
আমি আইবাম্ ফিইরা ঘরে ॥  
দুশ্মনের হস্তে আমি  
ধরা নাই ত দিব :+  
মরণের ভয় না থাকিলে  
দুশ্মন কি করিব ॥+  
নসিব যদি বোরা<sup>৬</sup> হয় মা,  
আমি রণে যদি মরি ।  
সোয়ামীর লাইগ্যা রণে মইরতে  
আমি দুখুঃ নাই ত করি ॥  
সোয়ামীরে খালাস লাইগ্যা  
আইজ জঙ্গে যাইতাম ।\*\*\*  
বিদায়ের কালেতে মাওগো,  
জানাই শতেক সেলাম ॥”

৫। যাইতাম নাই = যাইব না । ৬। বোরা = ভাঙ্গা, মন্দ ।

পাঠান্তর :— \* এই কথা শুনিয়া কহা কহিতে লাগিল ।

\*\* আরবার রণে যাইতে বিদায় মাগিল ।

\*\*\* সোয়ামীর লাইগ্যা আমি তেজিবাম জান ।

কিরোজ খাঁ দেওয়ান-সখিনা বিবির পালা

শাউড়ী বউয়ে কান্দে ছুয়ে গলা ধরাধরি ।

আন্ধাইরে ঘিরিয়া লইল সোনার জঙ্গলবাড়ী ॥

(১৬)

হায়রে মিছাই ছুনিয়াদারী ।—ধুয়া+

বাপ হইয়া দুশমন হইল

কারে কি কইতে পারি ।\*

পিল<sup>৭</sup> সাজে ঘোড়া সাজে

আর সাজে ফোড়গণ ।

জঙ্গলবাড়ী সওয়ার সাজে

আইজ করিবারে রণ ॥\*\*

সাইজা পইরা তুলাল<sup>৮</sup> ঘোড়া

ছুয়ারে হইল খাড়া ।

সওয়ার হইয়া বিবি

শূন্যে দিল উড়া ।

জঙ্গলবাড়ীর সিপাই ফোড়দার

যত আগে পাছে ধায় ।

পায় পাছানিতে<sup>৯</sup> পন্থের ধূলা

আশমানে উড়ায় ॥

৭। পিল=রণ হস্তী ।

৮। তুলাল=কিরোজ খাঁর নিজস্ব প্রিয়

ঘোড়ার নাম । ৯। পায় পাছানিতে=গমনাগমনে ।

পাঠান্তর :—\* বাপ হইয়া দেখ দুশমন হইল ।

\*\* সাজ সাজ সব হইল রণের কারণ ॥

আশ্ৰমানেতে চান্দ সুর্য  
 পন্থের ধুলায় ঢাকিল ।  
 বাসা ছাইড়া পশু পক্ষী  
 উইড়া মেলা দিল ॥  
 দিনের পথ বাইয়া<sup>১০</sup> ফোজ  
 এক দণ্ডে যায় ।  
 এই না সেই কেলা তাজপুর  
 সামনে দেখা যায় ॥  
 কেলা তাজপুর সরে ফোজ  
 যখন দাখিল হইল ।  
 ঘেরাও করিতে কেলা  
 বিবি ছকুম দিল ॥  
 আড়াই দিন হইল লড়াই  
 কেউ না জিতে হারে ।  
 আগুন লাগাইল বিবি  
 কেলা তাজপুর সরে ॥  
 বড়ো বড়ো ঘর দরজা  
 পুইড়া হইল ছাই ।  
 রণে হাইরল বাদশার ফোজ  
 সরমের সীমা নাই ॥  
 দিনের দুইপার গোয়াইল<sup>১১</sup>  
 হালিয়া<sup>১২</sup> পড়ে বেলা<sup>১৩</sup> ।

১০। বাইয়া—অতিক্রম করিয়া । ১১। গোয়াইল—অতিক্রান্ত হইল ।  
 ১২। হালিয়া—হেলিয়া । ১৩। বেলা—এখানে অর্থ চইবে—মুষ্ণ ।

ঘোড়ার উপর থাইক্যা বিবি  
লড়িছে একেলা ॥

এমুন সময়ে শুন সবে  
কোন কাম হইল ।  
কেল্লা তাজপুরতনে<sup>১৪</sup> এক নফর  
আইসা সেলাম জানাইল ॥

সেলাম জানাইয়া নফর  
কইল বিবির ঠাই । +  
“দেওয়ান কিরোজের নফর আমি  
এখন তোমারে জানাই ॥ +

কে তুমি দরদী দোস্ত  
আইলা বুঝিতে না পারে ।  
দেওয়ান পাঠাইল মোরে  
তাই তোমার গোচরে ॥

হানিফা<sup>১৫</sup> জিনিয়া তুমি  
মস্ত বড়ো পালোয়ান ।

জঙ্গলবাড়ী সরে নাই বীর  
তোমার সমান ॥

দুশ মনে করিল নাশ  
সোনার জঙ্গলবাড়ী ।

আপোষ কইরাছে দেওয়ান  
সে কারণে তড়াতিড়ি ॥

১৪ । তনে = হইতে ।

১৫ । হানিফা = প্রাচীনকালে আরব দেশে ‘হানিফা’ খ্রীষ্ট বোদ্ধা ছিলেন ।

আপোষনামা লইয়া আইলাম  
 তোমারে দেখাইবারে\* ।  
 জঙ্গলবাড়ীর নফর আমি  
 জানাই যে তোমারে ॥  
 ফিরোজ খাঁ দেওয়ান মোরে  
 দিলাইন্ পাঠাইয়া ।  
 খবর জানাইতে তোমায়  
 এখন শুন মন দিয়া ॥  
 যার লাইগা জইলাছে আগুন  
 আইজ জঙ্গলবাড়ী সরে ।  
 তালাক দিয়াছে দেওয়ান  
 সেই ত সখিনারে ॥  
 বাঁকি যত বাদশার খিরাজ<sup>১৬</sup>  
 হস্তার মধ্যে দিবে ।  
 লড়াই হইল সাক্ষ খবর জানিবে ॥”

এত বলি তালাকনামা তুইলা দিল হাতে ।  
 পাঞ্জা-মওয়ার<sup>১৭</sup> ছাপ\*\* কইয়া দেখিল যে তাতে ॥  
 তালাকনামা পড়ে বিবি বইসা ঘোড়ার উপরে ।  
 সাপেতে ডংশিল<sup>১৮</sup> যেমুন বিবির যে শিরে ॥

১৬। খিরাজ = প্রাপ্য খাজনা ইত্যাদি । ১৭। পাঞ্জা মওয়ার = শীলমহরের ।

১৮। ডংশিল = দংশন করিল ।

পাঠান্তর :—\* “—দেখা করিবারে ।

\*\* পাঞ্জাময়ের চিহ্ন—’ ।

ঘোড়ার পিঠ হইতে বিবি ঢলিয়া পড়িল ।  
 পরাণ পঙ্খী বিবির হায়রে, উইড়্যা পলাইল ॥ +  
 সিপাই লস্কর আইসা ঘিরিল চৌদিকে ।  
 অবাক হইয়া তারা চাইয়া চাইয়া দেখে ॥ +

হায় রে, ঘোড়ার পিঠ ছাইড়্যা  
 কইন্না জমিনে লুটায় ।  
 তারে দেইখ্যা লোক লস্কর  
 করে হায় হায় ॥  
 শিরে বান্ধা সোনার তাজ  
 ভাইন্ধ্যা হইছে গুড়া ।  
 রণথলাতে তারে দেইখ্যা  
 কান্দে ছুলাল ঘোড়া ॥  
 আউলায়্যা পইড়াছে কইন্নার  
 সেইনা মাথার দীঘল কেশ ।  
 পিঙ্কন হইতে খুইলা পড়ে  
 কইন্নার পুরুষালীর বেশ ॥  
 আশ্‌মান হইতে খইন্না তারা  
 যেমুন জমিনে পড়িল ।  
 সোনার পরতিমা<sup>১২</sup> হায়রে,  
 বুলায় ভাইন্ধ্যা পড়িল ॥ +  
 সিপাই লস্কর সবে দেখিয়া চিনিল ।  
 হায় হায় কইরা সবে কান্দিতে লাগিল ॥

(১৭)

তবে ত পৌছিল খবর কেল্লা তাজপুর গিয়া ।  
 উমর খাঁ দেওয়ান আইল ফিরোজ খাঁরে নিয়া ॥  
 আইসা দেখে সোনার চান্দ জমিনে লুটায় ।  
 তারে দেইখ্যা উমর খাঁ করে হায় হায় ॥  
 ভাঙ্গা পুতলা<sup>১</sup> কোলে কইরা ছাওয়াল<sup>২</sup> যেমুন কান্দে ।  
 সখিনারে কোলে লইয়া তেমুন উমর খাঁ কান্দে ॥+

“আগে যদি জানতাম মাও গো,  
 আইজ হইব এমন ।  
 যাইচ্যা আমি দিতাম সাদী  
 তোমার সুখের কারণ ॥  
 আগে যদি জানতাম মাও গো,  
 এমুন হইবার পারে \* ।  
 ফিরোজ খাঁরে লেইখ্যা দিতাম<sup>৩</sup>  
 কেল্লা তাজপুর সরে ॥  
 আগে যদি জানতাম মাও গো,  
 তুমি যাইবা ছাড়িয়া ।  
 জঙ্গলবাড়ী যাইতাম আমি  
 তোমারে লইয়া ॥

১। পুতলা = পুতুল ।

২। ছাওয়াল = ছোট ছেলে-মেয়ে

৩। লেইখ্যা দিতাম = দলিল করিয়া দান করিতাম ।

পাঠান্তর :—\* ‘—এমন হইব পরে ।’

না বুঝিলাম না শুনিলাম

আমি তোমার দিলের আশ । +

আপন খেয়ালে করলাম আমি

হায়রে এমন সর্বনাশ । +

উঠ উঠ সখিনা মাও গো,

একবার আশ্বি মেইল্যা চাও । +

আমি অভাগ্যা বাপে ডাকি

তুমি উইঠ্যা কথা কও ॥”+

উমর খাঁর কান্দনে ভাইরে নদীনালা ভাসে ।

আসমানের চাঁদ সুরুজ তারা যেন খসে ॥

\*-\* ফিরোজ খাঁ দেওয়ান কান্দে সখিনারে দেখিয়া । +

আকাম<sup>৪</sup> কইরাছে তারে তালাকনামা দিয়া ॥ +

মাথা থাপাইয়া<sup>৫</sup> কান্দে ফিরোজ খাঁ দেওয়ান ।

“কাঁচের লাগিয়া ছাড়লাম এমুন কাঞ্চন ॥ +

যার লাইগ্যা ফকির হয়্যা ঘুরলাম বনে বনে । +

তালাকনামা দিয়া তারে বখিলাম পরাণে ॥ + \*-\*

কি বইলা বুঝাইব আমি অভাগী মায়েরে ।

আর না যাইবাম আমি জঙ্গলবাড়ী সরে ॥

দেওয়ানীতে কাজ নাই আমি ফকির হইব ।

তোমার গান গাইয়া আমি ভিক্ষা মাইগ্যা খাব ॥

৪। আকাম = কুর্কম ।

৫। থাপাইয়া = কড়াঘাত করিয়া ।

পাঠান্তর :—\*—\* ফিরোজ খাঁ দেওয়ান কান্দে কস্তা কোলে লইয়া ।

আমারে ছাড়িয়া গেলে কোন দোষ পাইয়া ॥

ফকীর হইলাম আমি তোমার কারণ ।

দেওয়ান হইয়া আমি ঘুরলাম জঙ্গল বন ॥



মাওরে কইও তোমরা আমি হইলাম ফকির ।  
না যাইব জঙ্গলবাড়ী মন কইরাছি থির ॥  
কয়ব্বরে থাকবামরে আমি সখিনারে লইয়া ।  
কি কইরলে মনের ছঃখ যাইব ঘুচিয়া ॥”

উজির কান্দে নাজির কান্দে কান্দে কতজন ।  
বনের পশু পঙ্খী যত জুইড়াছে কান্দন ॥  
রণথলার লোক লঙ্কর কাইন্দা জার জার<sup>৬</sup> ।  
জঙ্গলবাড়ী সাওরে গেল এই সমাচার ॥  
বাইশ জন কোদালিয়া<sup>৭</sup> মাটি যে কাটিল ।  
জানাজা<sup>৮</sup> পড়িয়া সখিনারে কয়ব্বরে শুয়াইল  
কবর যে দিয়া সবে বুকে ছঃখ লইয়া ।  
যার যার বাড়ীতে সবে গেলত চলিয়া ॥  
রণথলাতে পইড়া রইল সখিনার কয়ব্বর । +  
এত দিনে জঙ্গলবাড়ী হইল আইন্ধকার ॥

\* \* \* \*

মাননীয় দীনেশ চন্দ্র সেন মহাশয় তাঁহার সম্পাদনায় এই  
পালার শেষে গায়নের প্রার্থনা-উক্তি ছাপাইয়াছেন । সাধারণত  
দেখা যায়, এই সব পালার গায়ক ‘গায়েন’ বা ‘বরাভী’ পালার  
প্রারম্ভে বন্দনা ও সমাপ্তির প্রার্থনা গীত গানের আসর অনুযায়ী

৬ । জার জার—জর্জর ।

৭ । কোদালিয়া = মাটি কাটা মজুর ।

৮ । জানাজা = মৃত দেহ কবর দেবার প্রার্থনা মন্ত্র ।

রচনা করিয়া গাহিয়া থাকেন। ইহারই একটি সুন্দর নমুনা এখানে  
দিয়াছেন। এ গান পালা রচয়িতা কবির রচনা নহে। ইতি—

সম্পাদক।

বাঁচ্যা যদি থাকি সাহেবগণ ফিরা বচ্ছ আইয়া<sup>১</sup>।  
নয়া নবিল<sup>২</sup> পালা যাইবাম ওনাইয়া ॥  
তাল যন্ত্র নাই মোর নানা দোষে দোষী।  
গান গাইয়া আমি ছইলাম অপযণী<sup>৩</sup> ॥  
কি গান গাইব আমি কি মুরাদ<sup>৪</sup> আমার।  
সভার জনাবে ছলাম জানাই আমার ॥  
আক্কাছি নতুন খেউরাল<sup>৫</sup> নয়া তালিমদার<sup>৬</sup>।  
বেতালা লাগাইয়া গানে করিছে হর্দার<sup>৭</sup> ॥  
এত দোষ ক্ষেমা মোরে দেও সভাপতি।  
সভার চরণে আমি জানাই মিল্লতি ॥  
কর্মকর্তা রক্ষমিয়া করুঝাইন নামজারি।  
খাদেমন্ত<sup>৮</sup> মিয়া তার কাজলকোনা বাড়ী ॥  
ফিরোজখাঁর পালা গাইয়া পাইছি পরিকারি<sup>৯</sup>।  
মওরমের<sup>১০</sup> টাল্লে আমরা আইলাম তানার বাড়ী ॥

১। আইয়া = আসিয়া।

২। নয়া নবিল = নূতন নবীন।

৩। অপযণী = অপযণের ভাগী। ৪। মুরাদ = সামর্থ্য। ৫। খেউরাল =

পাছ দোহার। ৬। তালিমদার = শিক্ষানবীশ। ৭। হর্দার = রস ভঙ্গ।

৮। খাদেমন্ত = বিখ্যাত, বশব্দী।

৯। পরিকারি = পুরুষকার।

১০। মওরমের = মহরমের।

প্রাচীনপূর্ববঙ্গ গীতিকা : ৫ম খণ্ড

ধুতি পাইছি চান্দর পাইছি আদ্র পাইছি ধান ।  
ব্রাহ্ম মিয়ার গোচরে আমি জানাই ছেলাম ॥  
ধন পুত্র বাড়ুক তার আর নাতি পুতি ।  
সকল শান্তি ১১ ভইরা উঠুক তার চইন্দ আড়া ক্ষেতি ॥  
দোয়া দিয়া ১২ বাড়োঁ যাই শুন মিয়ারগণ ।  
যাব যেই কামনা আল্লা করুকাইন পূরণ ॥  
আল্লাহ অকবর ॥

১১ । সকল শান্তি = শীতের ফসল । ১২ । দোয়া দিয়া = অর্জিবাদ করিয়া ।

সমাপ্ত

## পরীবানু বেগমের পালায় ভূমিকা

পরীবানু বেগমের পালাটিতে ছত্র সংখ্যা ১৯২। মাননীয় দীনেশ চন্দ্র সেন মহাশয় যাহা প্রকাশ করিয়াছিলেন, তাহার অতিরিক্ত কিছু আমি পাই নাই। সেন মহাশয়ের সম্পাদনার সঙ্গে এই সম্পাদনায় শব্দের বানানে কিছু পার্থক্য দেখা যাইবে।

এই পালা সম্পর্কে সেন মহাশয় তাঁহার ভূমিকায় লিখিয়াছেন, “এই পালাগানটিতে অতি সংক্ষেপে করুণ রসের ধারা অব্যাহত রাখিয়া সুজা বাদসাহের শেষ কয়েকটা দিনের কাহিনী বর্ণিত হইয়াছে। ঘটনাগুলি সম্পূর্ণ সত্য কিনা বলা যায় না, কিন্তু পরীবানুর অনুপম সৌন্দর্য্যই যে, সুজার জীবনের এই বিসদৃশ পরিণতি ঘটাইয়াছিল, তাহাতে সংশয় নাই। \* \* মোটের উপর এই পালাগানটিকে মোগল ইতিহাসের কয়েক পৃষ্ঠা বলা যাইতে পারে।”

এই পালাগানের রচয়িতা কবির নাম পাওয়া যায় না। তবে পালাটির ভাষা ও বর্ণনা পড়িলে বুঝা যায়, কবি ধর্মে মুসলমান ছিলেন, এবং তিনি সুজা বাদসাহের সঙ্গে হাতির উপরে পরীবানু বেগমকে যাইতে দেখিয়াছিলেন। ঐদেশে ঘুরিয়া লক্ষ্য করিয়াছি, পালাটি এখনও জনপ্রিয়, ইহার গায়ক অধিকাংশই মুসলমান।

এই পালাটির জনপ্রিয়তার প্রধান হেতু, ইহার মনোরম ‘সাইগরী ঝাঁপ’ ও ‘মুড়াই’ সুর। নোয়াখালী জেলায় পালাটি সাইগরী ঝাঁপ সুরে গাওয়া হয়। মুড়াই সুরে এই পালা শুনা যায় ত্রিপুরা ও চট্টগ্রাম জেলায়।

মাননীয় দীনেশচন্দ্র সেন মহাশয় এই পালাটিকে ‘হাঁহলা’ শ্রেণীর অন্তর্ভুক্ত করিয়াছেন। তাহার কারণ বোধহয় ইহার ছন্দ।

প্রাচীন পূর্ববঙ্গ গীতিকা : ৫ম খণ্ড

‘হাঁহলা’ বা হাঁওলা রচনার বৈশিষ্ট্য—পালার প্রথম হইতে শেষ পর্যন্ত ছন্দ একই প্রকার হইবে। পূর্ববঙ্গের পল্লীকবি বিবাহাদি উৎসবে মহিলাদের গাহিবার জন্য হাঁওলা রচনা করেন। করুণ রসাত্মক কোনো ঘটনা হাঁওলা রচনায় থাকে না।

আগমেগুরীপাড়া রোড  
নগদ্বীপ

শ্রীক্ষিতীশচন্দ্র মৌলিক

## পরীবাসুর গান ( হাঁহলা )

ধূয়া—সাইগরে<sup>১</sup> ডুপাইলি<sup>২</sup> পরীরে<sup>৩</sup> ।

হায় হায় তুখ্‌থে মরি রে,  
সাইগরে ডুপাইলি পরীরে ॥

কি ভাবে গাইব ঐ তুখ্‌থের বিবরণ ।  
কি হালে<sup>৪</sup> হইল সেই পরীর মরণ ॥  
কেমনে সে তুখ্‌থের কথা বয়ান<sup>৫</sup> করি রে ।  
সাইগরে ডুপাইলি পরীরে ॥

ভোজের বাজি ছুনিয়া রে কেবল বেড়া জাল ।  
কাডাকাডি<sup>৬</sup> মারামারি আর যত জঞ্জাল ॥  
মিছা রাজ্য মিছা ধন মিছা ট্যাকা কড়ি রে ।  
সাইগরে ডুপাইলি পরীরে ॥

বার বাংলার <sup>৭</sup> বাদশা সূজা রাজ্যের ওর<sup>৮</sup> নাই ।  
বাপের দিগ্‌তা তক্তর<sup>৯</sup> লাগি করিল লড়াই ॥  
মার পেডের<sup>১০</sup> ভাই হইল কাল পরাণের বৈরী রে ।  
সাইগরে ডুবাইলি পরীরে ॥

১। সাইগরে = সাগরে ।

২। ডুপাইলি = ডুবাইলি ।

৩। পরীরে = পরীরাহুকে ।

৪। হালে = অবস্থায় ।

৫। বয়ান = ভাষায় প্রকাশ ।

৬। কাডাকাডি = কাটাকাটি ।

৭। বার বাংলা = বারো ভাগে বিভক্ত বাংলা দেশ ।

৮। ওর = সীমা ।

৯। বাপের দিগ্‌তা তক্তর = বাপের দেওয়া সিংহাসনের ।

১০। পেডের = পেটের ।

ভাইয়ে চাইল ভাইয়ের লউ<sup>১১</sup> মিছা রাইজ্যর লাগি ।  
 গরীব-গুইয়া<sup>১২</sup> বেশী ভালা যারা খায় মাগি<sup>১৩</sup> ॥  
 কিসের রাইজ্য কিসের ধন কিসের ট্যাকা কড়ি রে ।  
 সাইগরে ডুপাইলি পরীরে ॥

লড়াইতে হটিয়া সূজা হইল পেরেসানি<sup>১৪</sup> ।  
 পরিবার লইয়া সঙ্গে করিল মেলানি<sup>১৫</sup> ॥  
 ধন দৌলত কিছু কিছু নিল সঙ্গে করি রে ।  
 সাইগরে ডুপাইলি পরীরে ॥

সূজা বাদশার আওরাত সেই না পরীবানু নাম ।  
 চাউগাঁতে আসিল তারা বদরের মোকাম<sup>১৬</sup> ॥  
 বহুত খয়রাৎ দিল সোনা ভরি ভরি রে ।  
 সাইগরে ডুপাইলি পরীরে ॥

পইখ-পহালী<sup>১৭</sup> ভালা থাকে গাছত্ বাসা বাঁধি ।  
 বাদশার পোলা দেশে দেশে ঘুরে কাঁদি কাঁদি ॥  
 সূগ্<sup>১৮</sup> নাইরে কন কাইতে<sup>১৯</sup> পদে পদে অরি রে ।  
 সাইগরে ডুপাইলি পরীরে ॥

১১। লউ = বক্ত। ১২। গরীব-গুইয়া = দরিদ্র ও অক্ষম।

১৩। মাগি = ভিক্ষা করিয়া। ১৪। পেরেসানি = বিপদগ্রস্ত।

১৫। মেলানি = দূরদেশে যাত্রা, বিদায় গ্রন্থন। ১৬। বদরের মোকাম = চট্টগ্রামে অবস্থিত বিখ্যাত পীর বদরের দরগাহ। ১৭। পইখ-পহালী = পোখ পাখালী, ছোটো বড়ো পাখি। ১৮। সূগ্ = সুখ। ১৯। কন কাইতে = কোন দিকে।

নসীবের লেখা হায় ছন্<sup>২০</sup>কভু না যায় খণ্ডন ।  
 চাডি গাঁ ছাড়িতে বাদশা করিল মনন ॥  
 দহিনমিক্যা<sup>২১</sup>আইল তারা হান্তির উয়র<sup>২২</sup>চড়ি রে ।  
 সাইগরে ডুপাইলি পরীরে ॥

মধ্যে বইন্তে সুজা বাদশা বাঁয়ে পরীজান ।  
 জেনে<sup>২৩</sup> বইন্তে দোনো<sup>২৪</sup> কত পুন্মাসীর চান্ ॥  
 ধীরে ধীরে যায় তারা মুড়ার<sup>২৫</sup> পন্থ ধরি রে ।  
 সাইগরে ডুপাইলি পরীরে ॥

মুড়ার পন্থ ধরি তারা দহিন মিকো যায় ।  
 পিন্ পিন্ পিন্ শাড়ী পরীর বয়ারে<sup>২৬</sup> উড়ায় ।  
 চুম্‌কি বাদলা<sup>২৭</sup> কত শাড়ীর পরে ঝরি ঝরি রে  
 সাইগরে ডুপাইলি পরীরে ॥

পরীর হাতত্‌ লাল বাথরি<sup>২৮</sup> মাঝে মাঝে লেখা<sup>২৯</sup> ।  
 কুম্‌কামালা কানত্<sup>৩০</sup> পরীর চান্-বোলাক্‌টা<sup>৩১</sup> বেঁকা ॥  
 পাড়াল্যা<sup>৩২</sup> মা ভৈনে আসি চাইল নয়ান ভরি রে ।  
 সাইগরে ডুপাইলি পরীরে ॥

- ২০। হায় ছন্ = হায় রে । ২১। দহিনমিক্যা = দক্ষিণ দিকে ।  
 ২২। উয়র = উপর । ২৩। জেনে = ডাহিন দিকে ।  
 ২৪। দোনো = দুই জন । ২৫। মুড়ার = পাহাড়ের ।  
 ২৬। বয়ারে = বাতাসে । ২৭। চুম্‌কি বাদলা = শাড়ীর কারুকার্যে  
 জরির টুকরা ও ফুল । ২৮। বাথরি = অলঙ্কার বিশেষ । ২৯। লেখা = নকশা ।  
 ৩০। কানত্ = কানে । ৩১। চান্-বোলাক = চাঁদের মত নাকের অলঙ্কার ।  
 ৩২। পাড়াল্যা = পাড়াগাঁয়ের ।



হাস্তির উয়র<sup>৩৩</sup> হাওদা দেখে সোনাত্ তৈয়ার ।  
 পরীর ছুরত্ চোগে ধাক্কা লাগাই দেই যার<sup>৩৩ক</sup> ॥  
 কোন ছঁরপরী যায় রে এই পন্থে গড়াগড়ি রে ।  
 সাইগরে ডুপাইলি পরীরে ॥

কোন্ দিগ্-দি কণ্ডে<sup>৩৪</sup> যাইব নাই রে ঠিকানা ।  
 কেহ দেয় পন্থ দেখাই কেহ করে রে মানা ॥  
 ধীরে ধীরে যায় তারা মুড়ার পন্থ ধরি রে ।  
 সাইগরে ডুপাইলি পরীরে ॥

কেহ বলে, আমার বাড়ীত্ আইস পরীজান ।  
 তুলসীমালার<sup>৩৫</sup> ভাত দিয়ম্ ছালৈন্<sup>৩৬</sup> নানান ॥  
 সাঁচি বরর পান আর দিয়ম্ বাট্টা ভরি রে ।  
 সাইগরে ডুপাইলি পরীরে ॥

কেহ বলে দহিন মিক্যে ন<sup>৩৭</sup> যাইও আর ।  
 ঢালার<sup>৩৮</sup> মুয়ত্ জাইন্য বাইঘ্যা লেজরি ঘুরার<sup>৩৮</sup> ॥  
 সেই পন্থে গেলে বাইঘ্যা খাইব ধরি ধরি রে ।  
 সাইগরে ডুপাইলি পরীরে ॥

৩৩। উয়র = উপর । ৩৩ক। দেই যার = দিয়া যায় ।

৩৪। দিক-দি কণ্ডে = দিক দিয়া কোথায় ।

৩৫। তুলসীমালা = চট্টগ্রাম অঞ্চলে উৎপন্ন উৎকৃষ্ট চাউলের নাম ।

৩৬। ছালৈন = বাঞ্জন । ৩৭। ন = না ।

৩৮-৩৮। ঢালার-ঘুরার = পাহাড়ের উৎরাইয়ের মুখে জানিও বাঘ লেজ  
 ঘুরাইতেছে ।

বড় বড় দইরুয়া<sup>৩৯</sup> পাইবা গেলে তারপর ।  
 ডাক্তর ডাক্তর কুস্তীর আছে আর আছে হাক্তর ॥  
 কনে <sup>৪০</sup> দিব তোম্বারে দইরুয়া পার করি রে ।  
 সাইগরে ডুপাইলি পরীরে ।

পেরাবন<sup>৪১</sup> আছে সেথায় নানান্ সাপের বাসা ।  
 একবার ডংশিলে আর পরাণের নাই আশা ॥  
 ফায়দা<sup>৪২</sup> কি পাইবা তোমরা ছদাছদি<sup>৪৩</sup> মরিরে ।  
 সাইগরে ডুপাইলি পরীরে ॥

ন যাইও ন যাইও পরী, রোসাক্কার<sup>৪৪</sup> দেশে ।  
 ধন দৌলত হারাইবা জান যাইব শেষে ॥  
 সে মিকো ন যাইও পরী, মুড়ার পস্থ ধরি রে ।  
 সাইগরে ডুপাইলি পরীরে ॥

ন যাইও ন যাইও পরী মুক্ক্যার<sup>৪৫</sup> ঠাই ।  
 মাইনসের গোস্ত খায় তারা হিঁজাই হিঁজাই<sup>৪৬</sup> ॥  
 এক পাও যাইতে আর আমি মানা করি রে ।  
 সাইগরে ডুপাইলি পরীরে ॥

- ৩৯ । দইরুয়া = দরিয়া, নদী ।      ৪০ । কনে = কোন জনা ।  
 ৪১ । পেরাবন = সমুদ্রের তীরবর্তী পেরাবন জঙ্গলময় জলাভূমি ।  
 ৪২ । ফায়দা = লাভ, উপকার ।      ৪৩ । ছদাছদি = শুধু শুধু ।  
 ৪৪ । রোসাক্কা = চট্টগ্রাম অঞ্চলে আরাকান বাসীদের 'রোসাক্কা' বলে ।  
 ৪৫ । মুক্ক্যা = একটি পার্বত্য জাতি ।      ৪৬ । হিঁজাই হিঁজাই = ছিঁড়িয়া  
 ছিঁড়িয়া, ( সেন মহাশয়ের মতে—সিদ্ধ করিয়া ) ।

পশ্চিম মিক্যো ন যাইও সাইগরের পাড়ে ।  
আমার কথা মনত্<sup>৪৭</sup> রাইখ্য কহি বারে বারে ॥  
হার্মাভারা<sup>৪৮</sup> লগ্যা যাইব গলাও বাঁধি দড়ি রে ।  
সাইগরে ডুপাইলি পরীরে ॥

ন শুনিল কথা বাদশা ন মানিল মানা ।  
নাহি চিনে পন্থ তারা বেগর ঠিকানা<sup>৪৯</sup> ॥  
ধীরে ধীরে যায় তারা হান্তির উয়র চড়ি রে ।  
সাইগরে ডুপাইলি পরীরে ॥

( ২ )

তের দিন তের রাইত ভরমণা<sup>১</sup> করিয়া ।  
সামনে পাইল সূজা বাদশা বেবান্<sup>২</sup> দরিয়া ॥  
কুলেতে পড়িয়া ঢেউ যায় গড়াগড়ি রে ।  
সাইগরে ডুপাইলি পরীরে ॥

৪৭। মনত্—মনে । ৪৮। হার্মাভারা—মধ ও পতুগীজ জলদ্রব্যদের মিলিত  
দ্রব 'হার্মাদ' নামে কথিত ।

৪৯। ঠিকানা বেগর—ঠিকানাহীন ।

১। ভরমণা—ভ্রমণ ২। বেবান—সীমাহীন, অকূল ।

আকাশ পাতাল বাদশা ভাবে বারে বার ।  
 এমন দরিয়া আমায় কে করিব পার ॥  
 সঙ্কটে পইড়াছি এখন উপায় কি করি রে ।  
 সাইগরে ডুপাইলি পরীরে ॥

এই রূপে তিন দিন তারার গুজারিয়া<sup>৩</sup> যায় ।  
 চাইর দিনে রোসাইজ্যা এক আইল তথায় ॥  
 বাদশার অবস্থা সেই জাইন্ল ভালা করি রে ।  
 সাইগরে ডুপাইলি পরীরে ॥

রোসাজ্যার সঙ্গে বাদশা কি কাম করিল ।  
 রোসাং সহরে আইস্তা দাখিল<sup>৪</sup> হইল ॥  
 সংবাদ পাইয়া রাজা কয় তাড়াতড়ি রে ।  
 সাইগরে ডুপাইলি পরীরে ॥

“বার বাংলার বাদশা সুজা আইল আমার ঠাই  
 তান্ সঙ্গে হইব এখন বিষুম লড়াই ॥  
 চট্ করি সাজিলও রোসাং নগরী রে ।”  
 সাইগরে ডুপাইলি পরীরে ॥

পরে ত জানিল রাজা সুজা বাদশার হাল<sup>৫</sup> ।  
 দেশ ছাড়ি রাইজ্যা ছাড়ি পন্থের কাকাল ॥  
 নছিবের দোষে তান্<sup>৬</sup> ভাই হইয়ে<sup>৭</sup> বৈরীরে ।  
 সাইগরে ডুপাইলি পরীরে ॥

৩। গুজারিয়া = অতিবাহিত হইয়া । ৪। দাখিল = উপস্থিত ।  
 ৫। হাল = অবস্থা । ৬। তান্ = তাঁহার । ৭। হইয়ে = হইয়াছে

রাজার সঙ্গেতে তান্‌ ছুস্তি<sup>৮</sup> হইল শেষে ।  
ঘর বাড়ী ছাড়ি সূজা রইল রোসাং দেশে ॥  
তার পরে কি হইল কেমনে বয়ান<sup>৯</sup> করি রে ।  
সাইগরে ডুপাইলি পরীরে ।

ছনিয়াতে জাইন্তু ভাই রে লালছে<sup>১০</sup> পড়িয়া ।  
মানুষে মানুষর বকে বিকে ছুরি দিয়া ॥  
দুইদিন্যা<sup>১১</sup> ছনিয়া খোদা দিয়ে ছুথ্‌থে ভরিরে ।  
সাইগরে ডুপাইলি পরীরে ॥

(৩)

একদিন পরীবাহু দোমাহালার ঘরে ।  
খসমের কাছে বস্যা হাসতামসা করে ॥  
শত ছুথ্‌ বাদশা তখন গেল যে পাসরি রে ।  
সাইগরে ডুপাইলি পরীরে ॥

রোসাক্যার রাজা তখন সেটনা পন্‌ দিয়া ।  
হাবা<sup>১২</sup> খাইতে যাইতে-আছিল হাক্তি<sup>১৩</sup> চড়িয়া ॥  
আতাইক্যা<sup>১৪</sup> দেখিল এই অপরূপ সোন্দরীরে ।  
সাইগরে ডুপাইলি পরীরে ॥

৮। ছুস্তি = বকুড়। ৯। বয়ান = ভাষায় বর্ণনা। ১০। লালছে = লালসায়, লোভে। ১১। দুইদিন্যা = দুইদিনের।

১২। হাবা = হাওয়া। ১৩। আতাইক্যা = আচম্কা, অকস্মাৎ

সোন্দরী পরীর তখন দোলে নাগর<sup>৩</sup> নথ ।  
 মন-মহুরা<sup>৪</sup> দিল উড়া দেইখা ছুরত ॥  
 হস্তির উয়রে রাজা যায় গড়াগড়ি রে ।  
 সাইগরে ডুপাইলি পরীরে ॥

ভোকালুয়ে<sup>৫</sup> ভাত চায় তিয়াসিয়ে<sup>৬</sup> পানি ।  
 পানিরে পাইলে নদী বুকে লয় টানি ॥  
 আসকে<sup>৭</sup> ভাবে কেমনে বাজা পূর্ণ করি রে ।  
 সাইগরে ডুপাইলি পরীরে ॥

আসকের মন জাইন্য বারিষার ঢল<sup>৮</sup> ।  
 পরীর লাগিয়া রাজা হইল পাগল ॥  
 নসিবেব দোষে সূজার দোস্ত হইল অরি রে ।  
 সাইগরে ডুপাইলি পরীরে ॥

আদিগুড়ি<sup>৯</sup> কথা সূজা যখনে শুনিল ।  
 কাঁদিয়া পরীর কাছে কহিতে লাগিল ॥  
 দোনো চোখে পানি তান্ পড়ে ঝরি ঝরি রে ।  
 সাইগরে ডুপাইলি পরীরে ॥

- ৩। নাগর = নাকের ৪। মন মহুরা = মন-চিত্ত, হৃদয়া 'মহুরা' 'মহুয়া' প্রাচীন বাংলা সাহিত্যে দেখা যায়। ৫। ভোকালুয়ে = ক্ষুধার্তে। ৬। তিয়াসিয়ে = তৃষ্ণার্তে ৭। আসকে = কাসার্তে। ৮। বারিষার ঢল = বর্ষার প্রাবন। ৯। আদিগুড়ি = আগাগোড়া।

“দেশ নাই রে রাইজ্য নাইরে ন আছিল ছুখ্ ।  
ভরা রাইখাছ তুমি আমার খাইল্যা<sup>১০</sup> বুক ॥  
তোমারে ছাড়িয়া আমি কেমনে পরাণ ধরি রে ।  
সাইগরে ডুপাইলি পরীরে ॥

সুজার কাঁদনে পরোর বুক ফাডি<sup>১১</sup> যায় ।  
ছুখ্‌খের উপরে ছুখ্‌: দিল যে আল্লায় ॥  
রোসাজ্যার রাজা হইল কাল পরাণের বৈরী রে ।  
সাইগরে ডুপাইলি পরীরে ॥

কাঁদিয়া কাটিয়া পরে মন করি থির ।  
পোহাইত্যা রাতুয়া তারায়<sup>১২</sup> হইল বাহির ॥  
পিছে ফিরি নাহি চায় চলে তড়াতিড়ি রে ।  
সাইগরে ডুপাইলি পরীরে ॥

সাইগরের পাড়ে আইসা বাদশা পরীজান ।  
দোনো কঙ্কার লাগি তারার<sup>১৩</sup> ঝরিল নয়ান ॥  
ছনিয়ার ছুখ্‌: আর ন সইল তারার শরীরে ।  
সাইগরে ডুপাইলি পরীরে ॥

মাছ ধরে রোসাজ্যা ভাই ছোড<sup>১৪</sup> একথান নাও ।  
বাদসা বলে, তোমার মুকা<sup>১৫</sup> মোরে আজি দেও ॥  
সঙ্গে লয়া যাইয়ম আমি তোমার এই তরী রে ।  
সাইগরে ডুপাইলি পরীরে

১১। ফাডি = কাটিয়া । ১২। পোহাইত্যা! রাতুয়া তারায় = প্রভাতীরাত্রের  
তারার উদিত হইলে । ১৩। তারার = তাহাদের । ১৪। ছোডো = ছোটো ।  
১৫। মুকা = নৌকা ।

রোসাজ্যার হাতে পরী দিল সোনার হার ।  
 সূজা বাদশা মাঝি হইয়া নৌকা সে বাহার<sup>১৬</sup> ॥  
 পৰ্শ্বম জোয়ারের পানি আইসে ছুই করি রে ।  
 সাইগরে ডুপাইলি পরীরে ॥

বোবান<sup>১৭</sup> দরিয়ার মাঝে নয়া এক মাঝি ।  
 আওরতে লইয়া সঙ্গে পারি দিল আজি ॥  
 ঢেউ যেন ডাকে তানে<sup>১৮</sup> গুজরি<sup>১৯</sup> গুজরি রে ।  
 সাইগরে ডুপাইলি পরীরে ॥

বাদশার মুখর পানে পরী রইল চাহি ।  
 মাঝ দরিয়ায় চলে সূজা ছোডো নৌকা বাহি ॥  
 হাত নাহি চলে অঙ্গ কাঁপে থরথরি রে ।  
 সাইগরে ডুপাইলি পরীরে ॥

পোয়াইয়া গেল রাইত হইল বেয়ান<sup>২০</sup> ।  
 কণ্ঠে যাবুগই<sup>২১</sup> নয়া মাঝি নাই রে গেয়ান<sup>২২</sup> ॥  
 পরাণ উড়ি গেল রে তান্ শিহরি শিহরি রে ।  
 সাইগরে ডুপাইলি পরীরে ॥

- ১৬। বাহার = নৌকা যে বাহে তাহাকে 'বাহার' বলে ।  
 ১৭। বোবান = সীমাহীন, অকূল ।      ১৮। তানে = তাঁহাদের  
 ১৯। গুজরি = গর্জন করিয়া      ২০। বেয়ান = প্রভাত  
 ২১। কণ্ঠে যাবুগই = কোথায় যাইতেছে । ২২। গেয়ান = জ্ঞান, জানা ।



মনে মনে পাড় লইল ফজরের নমাজ ।  
বাদশা বলে, শুন পরী শেষ দেখা আইজ ॥  
চেউর বাড়ি খাই নৌকা লইল গড়াগড়ি রে ।  
সাইগরে ডুপাইলি পরীরে ॥

আসমানে উডিল সূরুজ বরণ তার লাল ।  
পরীর মুখ চাহি সূজা দিল এক ফাল ২৩ ॥  
ওরে, দেখা নাই সে গেল আর সেই ছোড়ো তরীরে  
সাইগরে ডুপাইলি পরীরে ॥

ডুপিল ডুপিল নৌকা সূজা পরীজান ।  
দরিয়ার মাঝে হায় দিল রে পরাণ ॥  
মরণেও রইল তারা বুক জড়াজড়ি রে ।  
সাইগরে ডুপাইলি পরীরে ॥  
হায় হায় দুখ্খে মরিরে ।  
সাইগরে ডুপাইলি পরীরে ॥

## সুজা তনয়ার বিলাপ

### ভূমিকা

মাননীয় দীনেশচন্দ্র সেন ডিঃ লিট্ মহাশয় তাঁহার সম্পাদিত ‘পূর্ববঙ্গ গীতিকা’ তৃতীয় খণ্ডে ‘সুজা তনয়ার বিলাপ’ প্রকাশ করিয়াছেন। ইহার ছত্র সংখ্যা ৩০।

১৯৩৩ খ্রীষ্টাব্দ হইতে পূর্ববঙ্গে প্রাচীন পল্লীগাথা সংগ্রহ আরম্ভ করিয়া ১৯৪৩ পর্যন্ত বড়ো গাথাগুলির প্রতিই আমার লক্ষ্য ছিল। ১৯৪৩-এ যখন বুঝিলাম, ভিন্ন রাষ্ট্রের নাগরিক আমার পক্ষে ইসলামিক রাষ্ট্র পাকিস্তানে শ্রীমদ্ভাগবত পাঠ ও প্রাচীন পল্লীগাথা-সাহিত্য অনুসন্ধান করা নিরাপদ নহে, তখন হাতের কাছে যাহা পাইয়াছি তাহাই সংগ্রহ করিতে চেষ্টা করিয়াছি। এরূপ করিয়াও ১৯৩৬ সালের মধ্যে ‘সুজা তনয়ার বিলাপ’ আমার হাতে পড়ে নাই। এই গান ও ‘পরীবাহু বেগমের পালা ( হাঁওলা )’ সম্পর্কে ১৯৩৪ খ্রীষ্টাব্দে কুমিল্লা কলেজের একজন অধ্যাপক আমাকে জানাইয়াছিলেন সেই ধরনের পালা বা গান এখন আর পাওয়া যাইবে না। কারণ, পাকিস্তান প্রতিষ্ঠিত হওয়ার পর ভারতে মুসলিম শাসন-যুগের ইতিহাস নুতন করিয়া লেখা হইয়াছে ও হইতেছে। সে ইতিহাসে বাদশাহ আওরঙ্গজেব পরম ধার্মিক, ইসলামের রক্ষক, ন্যায়বিচারক, পিতৃভক্ত, বৃদ্ধ রুগ্ন পিতার সেবাপরায়ণ, উন্মার্গগামী ভ্রাতাদের চরিত্র সংশোধন-কারী আদর্শ মহাপুরুষ রূপে দেখানো হইয়াছে। এ প্রকার নিঃসঙ্গ মহাপুরুষের চরিত্রে কালির ছিটা লাগিতে পারে, এমন কোনো গাথা ও গান পাকিস্তানে কেহ শোনে না, গায়ও না। অধ্যাপক মহাশয়

প্রাচীন পূর্ববঙ্গ গীতিকা : ৫ম খণ্ড

কয়েক খানা স্কুল-কলেজ-পাঠ্য ইতিহাস পুস্তক দেখাইলেন।  
দেখিলাম, ব্যাপারটা ঐ প্রকারই।

১৯৫৩ খ্রীষ্টাব্দ হইতে এবিষয়ে আমার অনুসন্ধানকাৰ্য চলি  
পূর্ববঙ্গ হইতে আগত উদ্ভাস্তদের মধ্যে। এই গানটি সম্পর্কে  
আগরতলায় কয়েকজন চট্টগ্রাম জেলার উদ্ভাস্ত আমাকে জানাইলেন,  
'এই গান এবং এরূপ বহু গান ত্রিপুরা ও চট্টগ্রাম জেলার শ্রমজীবী  
মুসলমানদের মধ্যে পাওয়া যায়। ১৯৪৪ খ্রীষ্টাব্দের ছুটির পর  
চট্টগ্রাম, ত্রিপুরা প্রভৃতি জেলার বহু শ্রমজীবী মুসলমান আসামে  
বসতি স্থাপন করিয়াছে। তাহাদের মধ্যে খোঁজ করিতে হইবে।'  
এই পরামর্শানুযায়ী আসাম করিমগঞ্জ হইতে আরম্ভ করিয়া ধুবড়ী  
গোপালগঞ্জ পর্যন্ত বহু পল্লীর মুসলমানের সঙ্গে আলাপ করিয়া  
দেখিয়াছি, যদিও তাহাদের অধিকাংশের কথ্য ভাষা পূর্ববঙ্গের বিভিন্ন  
জেলার পল্লী অঞ্চলের ভাষা, এমন কি অনেকে কোনো অসমীয়া  
ভাষাও জানেন না, তথাপি তাহারা যে, কোনো কালে বা কোনো  
পুরুষে পূর্ববঙ্গে ছিল, তাহাও স্বীকার করে না। এরূপ অবস্থায়  
পূর্ববঙ্গের ঐতিহ্য জ্ঞাপক কোনো কিছু তাহাদের নিকট আশা করা  
বুঝা।

এই গানের কিছুই আমি সংগ্রহ করিতে পারি নাই; মাননীয়  
সেন মহাশয় যাহা প্রকাশ করিয়াছেন এবং এই গান সম্পর্কে জ্ঞাতব্য  
যাহা তিনি ভূমিকায় লিখিয়াছেন তাহাই এখানে প্রকাশ করিলাম।  
কারণ, পূর্ববঙ্গ ও বাঙ্গালীর ইতিহাসে ইহার প্রয়োজন আছে।

সেন মহাশয় ভূমিকায় লিখিয়াছেন,—“এই পালাগানটি সম্পর্কে  
ইহার সংগ্রাহক শ্রীযুক্ত আশুতোষ চৌধুরী মহাশয় আমাদিগকে  
নিম্নলিখিত বিবরণটি পাঠাইয়া দিয়াছেন :—

‘সাহসুজার জীবনেতিহাসের শেষ অধ্যায় তিমিরাচ্ছন্ন। মুসলমান ঐতিহাসিকগণ এবং মোগল আমলের সমসাময়িক সেই ফরাসী পর্যটক বার্নিয়ার এই হতভাগ্যের পরিণাম সম্বন্ধে বিভিন্ন রকম সিদ্ধান্ত করিয়াছেন। শুজা আপন অশুভ অদৃষ্টের বিড়ম্বনায় বিতাড়িত হইয়া ঢাকায় কিছুকাল অবস্থান করেন। এই পর্যন্ত সমস্ত ঐতিহাসিকগণের মধ্যে ঐক্যভাব দেখা যায়। বার্নিয়ারের মতে, তৎপরে তিনি পত্নীগীজ পরিচালিত জাহাজে চড়িয়া ঢাকা হইতে আরাকানে গমন করেন। চার্লস ষ্টুয়ার্ট নানাবিধ পারসীগ্রন্থ পর্যালোচনা করিবার পর মুসলমান ঐতিহাসিকগণের সহিত একমত হইয়া বলিয়াছেন যে,—ঢাকা হইতে শুজা হস্তিপৃষ্ঠে আরোহন করিয়াই চট্টগ্রাম বন্দরে উপনীত হইয়াছিলেন। তুর্ভাগ্যবশতঃ তখন মৌসুমবায়ু প্রবাহিত হইতেছিল। এইখানে তাঁহার মক্কা যাওয়ার আশা বিলীন হয়। উল্টা বাতাসে কোনো জাহাজ বা শুলুপের অধিকারী সমুদ্রপথে মক্কা যাইবার সাহস করিল না। মীরজুমুলার সৈন্যদল পশ্চাদ্ধাবন করিতেছে, এই আশঙ্কা তাঁহাকে পদে পদে সন্ত্রস্ত করিয়া তুলিয়াছিল। তিনি দ্রুতগতিতে চট্টগ্রামের পার্বত্যভূমি অতিক্রম করিয়া আরাকানাভিমুখে অগ্রসর হইতে লাগিলেন।’

‘ভারতব্যাপী ব্রাহ্মব্রতের যুগে তখন ত্রিপুরার রাজপরিবারের মধ্যেও এই রকমের একটি বিদ্রোহানল প্রজ্জ্বলিত হইয়া উঠিতেছিল। মহারাজ গোবিন্দমাণিক্য তদীয় বৈমাত্রেয় কনিষ্ঠ ভ্রাতা ছত্রমাণিক্য কর্তৃক সিংহাসনচ্যুত হইয়া চট্টগ্রামের পার্বত্য অঞ্চলে আশ্রয় গ্রহণ করিয়াছিলেন। পার্বত্য চট্টগ্রামের ভূতপূর্ব ডেপুটি কমিশনার লেউইন (Lewin) সাহেব এই বাসভূমির অবস্থান নির্দেশ করিয়াছেন। এই স্থানে ব্রাহ্মব্রত বিতাড়িত সম অবস্থাপন্ন মহারাজ গোবিন্দমাণিক্যের সহিত সুলতান সুন্দার সাক্ষাৎ হয়। অতি অল্প সময়ের মধ্যে

প্রাচীন পূর্ববঙ্গ গীতিকা : ৫ম খণ্ড

উভয়ের এত প্রীতির ভাব জন্মিয়াছিল যে বিদায়কালে সুজা কৃতজ্ঞতার চিহ্ন স্বরূপ বহুমূল্য ‘নেমচা’ হার ও একটা হীরকাসুত্রীয় মহারাজ গোবিন্দমাণিক্যকে উপহার প্রদান করেন। সুজার শোচনীয় পরিণামের পর গোবিন্দমাণিক্য গোমতী নদীর তীরে একটি মসজিদ নির্মাণ করিয়া বন্ধুর স্মৃতি-তর্পণ করিয়াছেন। কুমিল্লা সহরের অনতিদূরে ঐ ‘সুজা মসজিদ’ এখনও অতীতের সাক্ষ্য প্রদান করিতেছে। কুমিল্লার অন্তর্গত সুজানগর গ্রামটি এক সময়ে এই মসজিদের ওয়াকফ (wakf) সম্পত্তি ছিল বলিয়া ‘রাজমালায়’ উল্লেখ আছে।

“সুলতান সুজা কিছুকাল চট্টগ্রামে অবস্থান করিয়াছিলেন। সহরের বক্ষস্থলে আন্দরকিল্লার অনুচ্চ পাহাড়ের উপর যে সুবৃহৎ মসজিদ দৃষ্টিগোচর হয়, অনেকেই উহাকে সুজা-মসজিদ নামে অভিহিত করেন। চট্টগ্রাম সহরে ‘সুজা-কাট্‌গর’ নামে একটি মহল্লা আছে। এইসকল প্রামাণিক তথ্যের দিকে দৃষ্টিপাত করিলে বাণিয়াদের উক্তি খণ্ডন করিবার সাহস হয়। বিশেষতঃ তখন সমুদ্রপথ নিরাপদ ছিল না। অপরিমিত ধনরত্ন লইয়া পতুংগীজ জলদস্যুর সঙ্গে ঢাকা হইতে সমুদ্রপথে সুজা যে আরাকান রওনা হইয়াছিলেন, এরূপ বর্ণনা সম্ভবপর বলিয়া মনে হয় না। আমরা এখানে বাণিয়াদের সঙ্গে একমত না হইয়া স্থিরভাবে বিশ্বাস করি যে, সুজা মেঘনা নদী পার হইয়া হস্তিপূষ্ঠ আরোহণ করেন, এবং ত্রিপুরা ও চট্টগ্রামের পার্বত্যভূমি অতিক্রম করিয়া চট্টগ্রামের দক্ষিণ সীমায় নাফ্ নদীর তীরে উপনীত হন। চার্লস ষ্টুয়ার্ট লিখিয়াছেন যে, সুজা নাফ্ নদীর পরপারে উপস্থিত হইলে আরাকানের রাজপ্রতিনিধি তাঁহাকে অতিশয় সম্মানের সহিত গ্রহণ করিয়াছিলেন। প্রথমতঃ সুজার প্রতি আরাকান রাজের সহৃদয়তার কথা সমস্ত ঐতিহাসিকের মুখে শুনা যায়। সুজা ও তাঁহার পরিজনবর্গের বাস করিবার জন্য আরাকানরাজ একটি রমণীয় প্রাসাদ

নির্মাণ করাইয়া দিয়াছিলেন। কিন্তু এই বন্ধুত্ব অধিকদিন স্থায়ী হইল না, সুজার কন্যার রূপে বিমোহিত হইয়া আরাকানরাজ যখন তাহার পাণিগ্রহণের প্রস্তাব করিয়া পাঠাইলেন, তখন বন্ধুত্বের ভিতর মতলবের চালবাজি চলিতে লাগিল। এইখানে একটি খণ্ডযুদ্ধের উল্লেখ আছে। বার্ণিয়ার বলেন, সুজা একজন খোজা, একজন স্ত্রীলোক ও দুইজন শরীর-রক্ষীর সমভিব্যাহারে আরাকানের পার্বত্য প্রদেশে পালায়ন করেন। এমন কি আগ্রায় পর্যন্ত এই জনশ্রুতি পৌঁছিয়াছিল। আওরঙ্গজীব একদিন পরিহাসচ্ছলে বলিয়াছিলেন, ‘সুজা মক্কায় গমন করিয়া হাজী হইয়াছেন’। তখনও আগ্রার লোকের বিশ্বাস ছিল যে, সুজা কনস্টান্টিনোপলে প্রচুর অর্থ সংগ্রহ করিয়া পারস্যে প্রত্যাবর্তন করিয়াছেন, এবং বিপুল বাহিনীসহ ভারত আক্রমণে উদ্যোগী হইয়াছেন। এই সময় আর একটি জনশ্রুতি অতি দৃঢ়তার সহিত প্রচারিত হইয়াছিল যে, পেগু ও শ্যামের রাজা কর্তৃক উপহৃত রক্তবর্ণের পতাকা সুশোভিত দুইখানি জাহাজ সহ সুজা সুরাট বন্দরের নিকট দিয়া গমন করিয়াছেন। এইসমস্ত আখ্যানের কোনো ভিত্তি না থাকিলেও সতত সশঙ্ক আওরঙ্গজীবের অকৃত্যকরণে তখন ভীতির সঞ্চার হইতেছিল। ষ্ট্রাটের মতে, খণ্ডযুদ্ধে পরাজিত হওয়ার পর সুজাকে বন্দী করা হয়, এবং বঙ্গোপসাগরের তরঙ্গবিক্ষোভিত সুনীল জলধিগর্ভে তাঁহার সমাধি রচিত হইয়াছিল।

“আরাকানের প্রাচীন ইতিবৃত্ত অনুসন্ধান করিলে এ সম্বন্ধে আরও কিছু তথ্য আবিস্কৃত হওয়ার আশা করা যায়। আশ্রয়দাতৃস্বরূপ আপন কর্তব্য বিস্মৃত হইয়া যে আরাকানরাজ হতভাগ্য সুজাকে বঙ্গোপসাগরের লবন সলিলে ডুবাইয়া মারিয়াছিলেন, তাঁহার নাম ‘সন্দ সুধম্ম’ বলিয়া রাজমালায় উল্লেখ আছে। আরাকানের এই সুধর্ম নরপতির কথা সমসাময়িক মুসলমান কবি আলওয়াল ও দৌলত

কাজীর বর্ণনায় মাঝে মাঝে দৃষ্টিগোচর হয়। ‘হয়ফলমুল্লুক’ নামক অতিশয় প্রাচীন এক কাব্যগ্রন্থে সুধর্ম নরপতির প্রশংসার বাণী আছে।  
যথা—

এইপ্রশ্নে সুজার আরাকান বাসের ইঙ্গিত পাওয়া যায়। যথা—

পরদেশীর পরিচয় প্রসঙ্গে বর্ণনা আছে—

✱                      ✱                      ✱                      ✱

রাজমালার গ্রন্থকার কৈলাসচন্দ্র সিংহ লিখিয়াছেন,—‘সুজার পত্নী পরিভানুর রূপ ও গুণগাথা এক সময় বঙ্গের পল্লীতে পল্লীতে গীত হইত। সেইসকল গ্রাম্যগীতি এখন বিস্মৃতি সাগরে বিলীন হইয়াছে। সুজাপুত্রীর এই বিলাপোক্তির ক্ষুদ্র গীতিকাটিও এই জাতীয়। ইহা একটি বৃহৎ পালাগানের ভগ্নাংশ বলিয়া আমার মনে হয়। রচনাভঙ্গী ও গ্রাম্য শব্দের বহুলতা দেখিলে বুঝা যায় যে,

সমসাময়িক কোনো অজ্ঞাতনামা চাষাকবির দ্বারা এই গীতিকাটি বিরচিত হইয়াছিল। সুজার পরিবারবর্গের শোচনীয় পরিণাম এবং বঙ্গোপসাগরে সেই বিয়োগান্ত নাটকের শেষ দৃশ্যপট এই অঞ্চলের অধিবাসীবৃন্দের হৃদয়ে দারুণ আঘাত প্রদান করিয়াছিল। তখন চট্টগ্রামে দলে দলে মুসলমানগণ উপনিবিষ্ট হইতেছিল। ইতিহাসের দিক হইতে অনুসন্ধান করিলে দেখা যায় তখন এই অঞ্চলের মুসলমান-গণ আরাকানের মগের উপর অতিশয় ঈর্ষার ভাবপোষণ করিত। হয় ত আরাকানের সভাসদ মুসলমান কবি রাখিয়া ঢাকিয়া সম্বন্ধে যে বর্ণনাটুকু করিয়াছেন, সেইদিকে ভ্রক্ষেপ না করিয়া নিরক্ষর নির্ভীক চাষা কবি সতেজ ভাষায় সহজ সুরে গান গাহিয়া মনের আগুন নির্বাপিত করিয়াছেন।

\* \* \* \*

“বিশুদ্ধ বাংলায় ‘নাইয়র’ শব্দটির প্রতিশব্দ খুঁজিয়া পাওয়া বড়ই দুস্কর। কোনো আত্মীয়ের বাড়ীতে স্ত্রীলোকেরা কিছুদিনের জন্ত গমন করিলে তাহাকে ‘নাইয়র করা’ বলা হয়। সুজাপুত্রকে আরাকান-রাজ-অন্তঃপুরে নাইয়র দেওয়া হইয়াছিল, এই গীতিকায় প্রথম ছত্রের এই উক্তি হইতে বুঝা যায় যে, হয়ত প্রথমেই উভয়ের বন্ধুত্ব অতিশয় জমাট বাঁধিয়া গিয়াছিল। আরাকানরাজের উপর এতদূর প্রত্যয়স্থাপন অস্বাভাবিক বলিয়া মনে হইতে পারে, কিন্তু নানাদেশ হইতে বিতাড়িত ও বিড়ম্বিত সুজার পক্ষে এই কার্য একেবারেই অসম্ভব বলিয়া ধারণা হয় না। ঘটনার পর ঘটনার আঘাতে তাঁহার মনকে ভগ্নপ্রায় করিয়া তুলিয়াছিল। এমন সময় আরাকানরাজের আশ্বাসবাণীতে ও আশ্রয়দানে সুজার মন গলিয়া পড়া অসম্ভব নহে। কিন্তু পরে যখন আরাকানরাজ এই কণ্ঠার সহিত বিবাহের প্রস্তাব



প্রাচীন পূর্ববঙ্গ গীতিকা : ৫ম খণ্ড

করেন, তখন সুজা শিহরিয়া উঠিলেন, তখন তাঁহার বংশমর্যাদার কথা মনে হইল এবং শিরায় শিরায় উষ্ণ শোণিত উছলিয়া উঠিল।”

\* \* \* \* \*

মাননীয় দীনেশচন্দ্র সেন মহাশয় তাঁহার ভূমিকায় পালাসংগ্রাহক আশুতোষ চৌধুরী মহাশয় লিখিত যে পত্র প্রকাশ করিয়াছেন তাহার প্রয়োজনীয় অংশ এখানে উদ্ধৃত করিলাম। ইহার পর সেন মহাশয় লিখিয়াছেন,—

“এই পালাগানটি সম্বন্ধে মোটামুটি সমস্ত জ্ঞাতব্য বিষয়ই আশুবাবুর উদ্ধৃত লেখায় পাওয়া যাইবে। ত্রিপুরেশ্বর গোবিন্দমাণিক্যের সঙ্গে আরাকানাদিপতি রাজা সুধর্মের সভায় সুজার যে সাক্ষাৎকার হয়, তৎসম্বন্ধে রাজমালায় লিখিত হইয়াছে যে, ত্রিপুরার রাজা গোবিন্দমাণিক্য তদীয় বৈমাত্রেয় ভ্রাতা ছত্রমাণিক্য কর্তৃক বিতাড়িত হইয়া আরাকানে আগমন করেন। এই সময়ে আওবঙ্গজেবের সঙ্গে যুদ্ধে পরাভূত হইয়া শ্রীভ্রষ্ট সাহসুজাও আরাকানে আসিয়াছিলেন। গোবিন্দমাণিক্য আরাকান রাজসভায় একটি সিংহাসনে উপবিষ্ট ছিলেন। সাহসুজা এই সময় সভায় উপস্থিত হইলে ত্রিপুরারাজ সসম্মানে সিংহাসন হইতে উঠিয়া সাহসুজাকে তথায় বসিতে অনুবোধ করেন। গোবিন্দমাণিক্যের এই ব্যবহারে আরাকান রাজা বিস্মিত হইয়া তাঁহাকে গোপনে জিজ্ঞাসা করিলেন, আপনি ‘একজন য়েহুকে এত সম্মান দেখাইয়া সিংহাসন ছাড়িয়া দিলেন কেন?’ উত্তরে গোবিন্দমাণিক্য বলিলেন, ‘মহারাজ, এই সাহসুজা অতি প্রবল সম্রাট। আমার ও আপনার জ্ঞায় অনেক রাজা ইহার অধীন, এমন অনেক প্রবল রাজা আছেন, যাহারা সাহসুজার মস্তুর নিকটেও বসিতে সাহসী হইবেন না।’

“সুজা বাদশাহকে সিংহাসন ছাড়িয়া দিয়া গোবিন্দমাণিক্য অপর এক সিংহাসনে উপবিষ্ট হইলেন এবং সভা শেষ হইলে ত্রিপুরারাজ সুজার সঙ্গে একত্র বাহির হইয়া গেলেন। পথে উভয়ের মধ্যে আলাপ সালাপ চলিল। সাহসুজা বলিলেন, ‘আপনি আজ মগ রাজসভায় আমাকে বিশেষ সংবর্দ্ধনা করিয়াছেন। আপনি আমার বর্তমান অবস্থা সকলই অবগত আছেন। আমি আপনাকে আমার বর্তমান অবস্থায় কি আর পুরস্কার দিতে পারি?’ এই বলিয়া সাহসুজা তাঁহার বক্ষ বিলম্বিত বহুমূল্য ‘নিমচা’ খানি রাজাকে উপহার দিলেন এবং সঙ্গে সঙ্গে আর একটি মূল্যবান হীরার আংটিও প্রদান করিলেন। রাজমালা-বর্ণিত এই বৃত্তান্ত আশুবাবু অতি সংক্ষেপে উল্লেখ করিয়াছেন।

“পালাগানটি ক্ষুদ্র হইলেও আমরা ইহা হইতে জ্ঞানিতে পারি যে, রাজা সুধর্ম সাহসুজাকে তাঁহার পত্নী পরিভানু ও একটি কন্যা সহ সমুদ্রে নিক্ষেপ করিয়া নিহত করেন। আরাকানে সর্বত্র এই প্রবাদ প্রচলিত আছে। তাঁহাদের জীবন নাশ করিয়া মগরাজা সুজার অগ্রমেয় ধনভাণ্ডার লুণ্ঠন করিয়াছিলেন এবং তাঁহার এক কন্যাকে বলপূর্বক তাঁহার অমৃতপুরে বন্দী করিয়াছিলেন। সম্ভবত এই কন্যাকে লইয়াই সাহসুজার সহিত আরাকানাধিপতির মনোমালিন্যের উৎপত্তি হইয়াছিল। জগজ্জয়ী মোগলসম্রাট সাজাহানের পোত্ৰী ‘নাপ্পৌ’ খাইতে, ‘কালো খামী’ পরিতে এবং কর্ণে সোনার ‘নাধং’ ব্যবহার করিতে বাধ্য হইয়াছিলেন, ইহা যে কতবড় দুঃখের বিষয় তাহা বলিয়া শেষ করা যায় না। \* \* \*। আমরা বিশ্বস্তমুদ্রে অবগত হইয়াছি, সাহসুজার পত্নী পরিভানু সম্বন্ধেও চট্টগ্রাম অঞ্চলে অনেক পালাগান বিद्यমান আছে। ঐতিহাসিক শ্রীযুক্ত কৈলাসচন্দ্র সিংহ মহাশয়ও তাহাদের উল্লেখ করিয়াছেন। এই পালা গানগুলি

উদ্ধার করিতে পারিলে হতভাগ্য সাহসুজা ও তাঁহার স্বজনবর্গের শেষ জীবনী সম্বন্ধে অনেক ঐতিহাসিক তথ্য আবিষ্কৃত হইবে বলিয়া মনে করি।”

মাননীয় সেন মহাশয়ের ভূমিকায় শেষের দিকের এই আশা পূর্ণ হওয়ার সম্ভাবনা বোধ হয় আর নাই। কেন নাই—তাহা আমি এই ভূমিকার প্রথমেই লিখিয়াছি। অধিকন্তু ‘জগজ্জয়ী মোগলসম্রাট সাজাহানের পৌত্রী’কে কাফের মগরাজ ‘বলপূর্বক তাঁহার অন্তঃপুরে বন্দী করিয়াছিলেন’ এবং বিবাহ করিয়া ‘নাপ্পী খাইতে, কালো খামৌ পরিতে এবং কর্ণে সোনার নাথং ব্যবহার করিতে বাধ্য’ করিয়াছিলেন, এই শ্রেণীর ঐতিহাসিক কাহিনী বোধ হয় পূর্ববঙ্গে ১৯৪৭ খ্রীষ্টাব্দের পর সম্পূর্ণ লোপ পাইয়াছে।

এই সম্পর্কে আমার নিজস্ব জানা কথা কিছু লিখিতেছি। ১৯২১ খ্রীষ্টাব্দের প্রথম দিকে তৎকালের বিপ্লবী অনুশীলন পার্টির একটা কাজে চট্টগ্রামে গিয়া দেশপ্রিয় যতীন্দ্রমোহন সেনগুপ্ত মহাশয়ের গৃহে কিছুদিন ছিলাম। সেই সময়ে কতিপয় বিশিষ্ট ব্যক্তির মধ্যে আলোচনা প্রসঙ্গে শুনিয়াছিলাম, কক্সবাজারে বৌদ্ধ মগদের ধর্মমন্দির ‘কিয়াং’ ঘরে একখানা হস্তলিখিত বিরাট পুঁথি আছে। সেই পুঁথিতে মগ জাতির আরাকানে আগমন, বসতি স্থাপন, তাহাদের একাংশের দম্বাবৃত্তি অবলম্বন করিয়া ইসলাম গ্রহণ প্রভৃতির বর্ণনা এবং রাজা সুবর্ম ও সাহসুজার কাহিনী লিপিবদ্ধ আছে।

সম্ভবত ১৯৩৭ খ্রীষ্টাব্দের জানুয়ারী মাসে কক্সবাজারে গিয়া কিয়াং মন্দিরে পুঁথিখানা আমি দেখিয়াছিলাম। পুঁথির ভাষা ‘কম্বোজী’। মন্দিরের যাজক পুঁথিতে আমার প্রয়োজনীয় অংশ

পড়িয়া ব্যাখ্যা করিয়া শুনাইলেন। ঘটনার কাল সম্পর্কে কোনো উল্লেখ নাই। লিখিত বর্ণনায় শুনিলাম,—

মগজাতির আদি বাসস্থান সূর্য্যোদয়ের দেশে। তাহাদের জীবিকা মৎস্য শিকার, কৃষি ও কাষ্ঠশিল্প। প্রাচীন কালে এক দল মগ জীবিকা অন্বেষণে আরাকান অঞ্চলে আসিয়া বসতি স্থাপন করে। পরে তাহাদের দেশ হইতে রাজবংশের একজন আসিয়া রাজ্য স্থাপন করেন।

কালক্রমে তাহাদের জনসংখ্যা বৃদ্ধি পাইয়া জীবিকাসঙ্কট দেখা দিলে এক দল জলপথে উত্তর দেশে গমন করে। কিছুকাল পরে তাহারা প্রচুর ধনসম্পদ লইয়া দেশে ফিরিলে মগ জাতির জাতীয় দেবতা ‘ফরাতারা’ যাজক মারফত রাজাকে আদেশ করিলেন, ‘উহারা উত্তর দেশে গিয়া দম্যবৃত্তি করিয়া ধনসম্পদ লইয়া আসিয়াছে। অতএব উহাদের রাজ্য হইতে বিতাড়িত করিতে হইবে।’ রাজা দেবাদেশ পালন করিলেন।

দেশ হইতে বিতাড়িত মগের দল উত্তর দেশে আসিয়া ধর্মাস্ত্র গ্রহণ করিল, এবং দম্যবৃত্তি ও বলপূর্বক অপহৃত নর-নারী বিক্রয়ের ব্যবসা আরম্ভ করিল। দেবতা ফরাতারার কোপে পড়িয়া উহারা কোথাও ভূভাগে গৃহনির্মাণ করিয়া বসতিস্থাপন করিতে পারিল না, পুরুষানুক্রমে নৌকায় বাস, নৌকায় জন্ম, নৌকায়ই উহাদের মৃত্যু।

উক্ত গ্রন্থের এই বর্ণনানুযায়ী আমার মনে হয়, পূর্ববঙ্গের জলপথে ‘বারোমাইস্থা শাম্দার’ নামে পরিচিত একটি যাযাবর জাতির বহু নৌবহর দেখা যায়, এই জাতিটি ব্রিটিশ শাসন কালে ‘অপরাধপ্রবণ জাতির তালিকাভুক্ত ছিল, ইহাদেরই পূর্বপুরুষ আরাকান হইতে বিতাড়িত মগ এবং দক্ষিণবঙ্গে মগের মুহূর্ত্তে পরিণতকারী জলদম্য। এবিষয়ে আমি স্মরণ ও সময়ের অভাবে কোনো অনুসন্ধান করিতে

পারি নাই। যদি কোনো উৎসাহী ঐতিহাসিক পূর্ববঙ্গে এই যাযাবর শামদারদের ইতিহাস অনুসন্ধান করেন তবে আশাকরি বহু মূল্যবান ঐতিহাসিক তথ্য পাওয়া যাইতে পারে। শামদাররা যদিও ধর্মে মুসলমান, তথাপি পারিবারিক ব্যবহারে ও বিবাহাদিতে মুসলিম শরিয়তের অনুশাসন মানিতে দেখা যায় না, বরং এসব ব্যাপারে আরাকানী মগদের সঙ্গে বহুলাংশে মিল আছে।

কক্সবাজারে কিয়াং মন্দিরে রক্ষিত পুঁথিতে লেখা আছে, পশ্চিম দেশীয় এক মুসলমান রাজপুত্র প্রাণভয়ে সপরিবারে পলাইয়া আসিয়া আরাকানের রাজা ছন্দসুধম্মের আশ্রয় গ্রহণ করেন। উক্ত মুসলমান রাজপুত্রের কনিষ্ঠ ভ্রাতা পিতাকে বন্দী করিয়া সিংহাসন অধিকার করণান্তর নিজে ককটক করিবার জ্ঞাত আরাকানাধিপতির সভায় দূত প্রেরণ করিয়া দাবি করেন যে, তাঁহার আশ্রিত রাজপুত্রকে সপরিবারে বন্দী করিয়া ঢাকায় অবস্থিত রাজপ্রতিনিধির হস্তে অর্পণ করিতে হইবে। এই সংবাদ পাইয়া রাজা ছন্দসুধম্মের পরামর্শানুযায়ী মুসলমান রাজপুত্র সপরিবারে জলযানে আরোহন করতঃ পূর্বদেশে যাইতে চেষ্টা করিয়া সামুদ্রিক ঝড়ে সাগরসমাধি লাভ করেন। তাঁহার একটি কন্যাকে ধীবরেরা সমুদ্রবক্ষ হইতে উদ্ধার করিয়া রাজা ছন্দসুধম্মের হস্তে অর্পণ করিলে তিনি কন্যাটিকে বিবাহ করিয়াছিলেন।

ঐতিহাসিক বাণিয়ার ও ঝুয়াট—কেহই রাজা সুধর্ম কর্তৃক বঙ্গপূর্বক সূজা-কন্যার বিবাহের কথা বলেন নাই। আরাকানের এই সুধর্ম নরপতির কথা সমসাময়িক মুসলমান কবি আলওয়াল ও দৌলত কাজীর বর্ণনায় মাঝে মাঝে ‘দুষ্টিগোচর’ হইলেও তাঁহারাও ঘটনাটা, এই গান, আশুতোষ চৌধুরী মহাশয়ের গবেষণা ও দৌনেশ সেন মহাশয়ের মন্তব্যের অনুকূলে কিছু লিখেন নাই। ‘পরীবানু বেগমের পালা’য় দেখা যায়—

- \* \* একদিন পরিবাসু দোমাতালা ঘরে ।  
 খসমের কাছে বসি রং ভাসা করে ॥ \* \*  
 \* \* রোসাজ্যার রাজা তখন সেই পশু দিয়া যায় ॥ \* \*  
 \* \* পরৌর লাগিয়া রাজা হইল পাকল ॥  
 নজিবেবের দোষে সুজার দোস্ত হইল অরি রে \* \*  
 \* \* কাঁদিয়া কাড়িয়া পরে মন করি থির ।  
 পৌহাইত্যা রাতুয়া তারা হইল বাহির ॥ \* \*  
 \* \* সাইগরের পারে আইল বাদসা পরীজান ।  
 দোনো কণ্ঠার লাগি তারার ঝরিল নয়ান ॥ \* \*  
 \* \* মাছ ধরে রোসাজ্যা ভাই ছোড একখান নাও ।  
 বাদসা বলে তোমার মুকা মোরে আজি দেও ॥ \* \*  
 \* \* সুজা বাদসা মাঝি হৈয়া সে নৌকা বাহার । \* \*  
 \* \* আওরতের লইয়া সঙ্গে পাড়ি দিয়ে আজি ॥ \* \*  
 \* \* ডুপিল ডুপিল মুকা—সুজা পরীজান ।  
 দরিয়ার মাঝে হায় দিল রে পরাণ ॥ \* \* ’

( সেন মহাশয়ের সম্পাদনা হইতে উদ্ধৃত । )

সেন মহাশয় ও আশুবাৰু—এই উভয়ের মতেই ‘সুজাতনয়ার বিলাপ’ ও ‘পরীবাসুর হাঁহলা’ মুসলমান কৃষক কাব রচিত ।

১৯২৯ খ্রীষ্টাব্দের নবেম্বর মাসে কর্ণকুল নদীতে এক রোসাজ্যা মাঝির মুখে একপালা সুজা-পরীবাসুর গান শুনিয়াছিলাম । তখন আমি অল্প ব্যাপারে অতিশয় বিব্রত থাকায় পালাটি লিখিয়া লইতে পারি নাই । সে পালার বর্ণনা যতটুকু আমার মনে আছে তাহাতে—

ঢাকায় সুবাদার আরাকানের রাজার নিকটে দূত পাঠাইয়া সপরিবারে সুজাকে বন্দী করিয়া ঢাকা পাঠাইবার জন্ত দাবি করিলে আরাকানের রাজা ভীত হইয়া সেই দাবি অনুযায়ী কার্য্য করিতে মনস্থ করেন। শাহসুজা ব্যাপারটা বুঝিতে পারিয়া রাজ্যের অন্ধকারে একথানা বর্মী সাম্প্রদায়িক উঠিয়া সপরিবারে সমুদ্রপথে ব্রহ্মদেশ অভিমুখে পালায়ন করেন। প্রভাতে সুজা দেখিলেন, অনেকগুলি নৌকা তাঁহাদের অনুসরণ করিতেছে। ইহাতে ভীত হইয়া তিনি তাঁহার দুই কন্যা ও বাঙ্গালী বেগম পরীবানুকে সমুদ্রগর্ভে নিক্ষেপ করিয়া নিজেও প্রাণত্যাগ করেন। প্রকৃতপক্ষে যে নৌবহর দেখিয়া সুজা ভীত হইয়াছিলেন, উহা সমুদ্রে মৎস্যশিকারী ধীবরদের নৌকা। ধীবরেরা সুজার একটি মৃতকল্প কন্যাকে সমুদ্র বক্ষে পাইয়া তাহাকে আরাকানের রাজার হস্তে অর্পণ করিলে রাজা কন্যাটিকে বিবাহ করিয়াছিলেন।

এই সব কাহিনীতে দেখা যায় শাহসুজা ও তাঁহার বেগম পরীবানুর সমুদ্র-সলিল-সমাধি ও সুজার একটি কন্যার সঙ্গে আরাকানাধিপতির বিবাহ ঘটনায় সকলেই একমত। ‘সুজা তনয়ার বিলাপ’ রচয়িতা কবি কন্যাটির বিবাহ সম্পর্কে যে বলপ্রয়োগ বা অত্যাচার সুযোগ গ্রহণের ইঙ্গিত করিয়াছেন এবং আরাকান-রাজ-অন্তঃপুরের বর্ষর পরিবেশে কন্যাটির দুর্দশার যে চিত্র অঙ্কন করিয়াছেন, উহা তাঁহার স্বকপোল-কল্পিত বলিয়াই মনে হয়। সেন মহাশয় ও আশুবাবুর মতানুযায়ী এই গানের রচয়িতা কবি যদি মুসলমান হন, তবে এই প্রকার কল্পনা তাঁহার পক্ষে অত্যন্ত স্বাভাবিক। আবহমানকাল হইতে দেখা যায়, অতি সাধারণ ঘরের একটি মুসলমান কন্যার বিবাহ কোনো ভিন্ন ধর্মাবলম্বীর সঙ্গে সংঘটিত হইলে মুসলীম সমাজ অত্যন্ত বিক্ষুব্ধ হন, ইহা লইয়া একাল পর্যন্ত বহু বিপর্যয়ও ঘটিয়া গিয়াছে। একরূপ অবস্থায় সেই ভারতবাসী মুসলীম

অধিপত্যের যুগে শাহান্সাহ সাজাহানের পৌত্রীকে আরাকানের অধিপতি বৌদ্ধ সুধর্ম বিবাহ করায় তৎকালে মুসলিম সমাজ যে কি প্রকার ক্ষুব্ধ হইয়াছিলেন, তাহারই একটি পরোক্ষ চিত্র এই তিরিশটি ছত্রে প্রকাশ পাইয়াছে। এই গানের ভাষায় বুঝা যায়, কবি চট্টগ্রাম অঞ্চলের অধিবাসী, এরূপ স্থলে তৎকালের সুদূর দুর্গম ভিন্ন রাষ্ট্রের ভিন্ন ধর্মাবলম্বী রাজার অন্তঃপুরে সুজাতনয়ার তথাকথিত দুঃখ-দুর্দশার কথা পল্লী কৃষক মুসলমান কবির জানার সম্ভাবনা কোথায় ?

পৃথিবীর বুকে নানা দেশে, পৃথক পৃথক পরিবেশে ও বিভিন্ন ধর্মে মানুষের খাত, পরিচ্ছদ, অলঙ্কার, ভিন্ন জাতি ও ধর্মের প্রতি দৃষ্টিভঙ্গী পৃথক। নাক্‌পির গন্ধ আমাদের অসহ্য, অপর দিকে নাক্‌পিপ্রিয় বর্মীদের নাকে ঘিয়ের গন্ধ অসহ্য। সিনেমা স্টারদের স্নানের পোষাক, মুসলমান মহিলাদের সালায়ার বোরখা, মারোয়াড়ী মহিলাদের উন্মুক্ত-উদর ঘাগ্রি-একাজী-ওড়না, তৈলঙ্গী মহিলাদের চোদ্দ হাত শাড়ীর কাঁছা, পূর্বদক্ষিণ এশিয়ার মহিলাদের খামি, প্রভৃতির মধ্যে কোন পরিচ্ছদটি যে সুন্দর তাহার বিচার নিরর্থক। অলঙ্কারের বেলায়ও ঐ একই মন্তব্য করা যায়। আঁচার ব্যবহার ও সভ্যতা সম্পর্কে হিন্দুর দৃষ্টিতে অপর সকলেই 'শ্লেচ্ছ', মুসলমানের দৃষ্টিতে 'কাফের', খ্রীষ্টানের দৃষ্টিতে 'হিদের', চিনের দৃষ্টিতে 'কুই ( ভূত )' ইরানীর দৃষ্টিতে 'ছায়া', ইংরেজের দৃষ্টিতে 'নেটিভ', আমেরিকানদের দৃষ্টিতে 'নুইছেল'।



## সুজা তনয়ার বিলাপ

ধূয়া—নছিবে একি ছিল রে,—

কি নাইয়র<sup>১</sup> করাইলি মাও বাপ,

আমি ঠেইকলাম মইঘ্যার হাতে ।

এত দুখ্‌খুঃ খোদা মোর লেখিলা বরাতে ॥

মা-ভইনরে<sup>২</sup> হারাইলাম হারাইলাম বাপ, তরে ।

মইঘ্যা রাজায় ছল করি লুইট্যা লইল মোরে—

রে হায়, লুইট্যা লইল মোরে ॥

হায় নছিবে একি ছিল রে,—

কু-ছায়াতে<sup>৩</sup> আইলি রে বাপ্

এই না মইঘ্যা রাজার দেশে ।

কুলও দিলি, মানও দিলি, জানও দিলি শেষে ॥

ধন দৌলত লইয়া রে তুই পোলাইলি<sup>৪</sup> কার ডরে ।

সোনার জেয়র<sup>৫</sup> হীরা মোতি রাখ্‌লি কার ঘরে—

রে হায়, রাখলি কার ঘরে ॥

হায় নছিবে একি ছিল রে,—

দেশে দেশে ঘুইরলাম রে কত

মুল্লকে মুল্লক ।

১। নাইয়র = মেয়েদের আত্মীয় বন্ধুগৃহে বাস । ২। ভইন = বহিন ।

৩। কু-ছায়াতে = কুক্ষণে ৪। পোলাইলি = পলায়ন করিলি ।

৫। জেয়র = জরোয়া গহনা ।

কন সতীনর পুতর সঙ্গে করলি রে ছল্লুক<sup>৬</sup> ॥  
 কি লালছে<sup>৭</sup> আইলি শেষে রোসাং সহরে ।  
 মা-ভাইনরে ডুপাইলি<sup>৮</sup> শেষে ডুপিলি সাইগরে—  
 রে হায়, ডুপিলি সাইগরে ॥

হায় নছিবে একি ছিল রে,—  
 ছরগইত্যা<sup>৯</sup> পরাণ আমার  
 হায় রে, ন যায় নিকলি<sup>১০</sup> ।  
 তুইষর আইল্যা<sup>১১</sup> হইয়রে বৃগ<sup>১২</sup> উডের<sup>১৩</sup> জলি জলি ॥  
 বারে বারে কইলম, রে বাপ, নাইয়রে ন দিস্ মোরে ।  
 জীয়ত<sup>১৪</sup> রাখি মোরে কেনে মাডি<sup>১৫</sup> দিলি গোরে<sup>১৬</sup>—  
 হায় রে, মাডি দিলি গোরে ॥

৬। ছল্লুক = শলা পরামর্শ। ৭। লালছে = লালসায়, আশায়।  
 ৮। ডুপাইলি = ডুবাইলি। ৯। ছরগইত্যা = দুর্দশাগ্রস্ত। ১০। নিকলি =  
 বাহির হইয়া। ১১। তুইষর আইল্যা = পল্লীগ্রামে গৃহস্থ গৃহে তামাক খাইবার  
 আগুন রাখিবার জন্য মাটির হাঁড়িতে তুষ ভরিয়া তাহার মধ্যে ঘুটা ও কাঠ কয়লার  
 আগুন রাখা হয়। এই প্রকার আগুনের পাত্রকে তুষের আইল্যা বলে। এই  
 প্রকারে আগুন ৩০-৪০ ঘণ্টা থাকে।

১২। বৃগ = বৃক। ১৩। উডের = উঠে। ১৪। জীয়ত = জীবিত।  
 ১৫। মাডি = মাটি। ১৬। গোরে = কবরে।

হায় নছিবে একি ছিল রে,—

খিধা তিষ্ঠা মালুম নাই রে

মুঁই কাঁদিরু রাইত দিন ।

মইঘা রাজার খানা খাইতে মনত্ আইয়ে ঘিন্<sup>১৭</sup> ॥

এক সোনাই<sup>১৮</sup> রাঁধে রে ভাত বাড়ীছন্দা খায় ।

বাছন<sup>১৯</sup> ভরা নাপ্‌ফিপোঁচা<sup>২০</sup> \* গিলা<sup>২১</sup> ত ন যায়—

হায় রে, গিলা ত ন যায় ॥

হায় নছিবে একি ছিল রে—

রাইতে দিনে চোগর পানিত্<sup>২২</sup>

বালুশ<sup>২৩</sup> ভিজাই আমি ।

১৭। আইয়ে ঘিন্ = ঘৃণা আসে । ১৮। সোনাই = মঘ পাচিকা ।

১৯। বাছন = বাসন, পাত্র । ২০। নাপ্‌ফি পোঁচা = পচামাছযুক্ত বাজান ।

২১। গিলা = গলাধঃকরণ করা । ২২। চোগর পানিত্ = চোথের জলে ।

২৩। বালুশ = বালিশ ।

\* নাপ্‌ফিপোঁচা—আরাকানের নদীকে সামুদ্রিক ছোটো ছোটো মাছকে ‘ঙা’ বলে । এই শ্রেণীর মাছ প্রচুর ধরা পড়িলে সমুদ্র তীরে শুখনো বালির উপরে দরুমা পাতিয়া তাহার উপরে গাদা দিয়া পাঁচ-সাত দিন রাখিবার পর কাঠের মুণ্ডর দিয়া মাছগুলি পিটাইয়া প্রয়োজনীয় ওজন মত পিণ্ড প্রস্তুত করিয়া শুথানো হয় । এই পিণ্ডই ‘ঙাপ্‌ফি’ বা নাপ্‌ফি । বাজারে নাপ্‌ফি বিক্রেতা বিক্রয়ের ২০—৩০ ঘণ্টা আগে নাপ্‌ফি পিণ্ড জলে ভিজাইয়া ধানের ভিজা খড় ( আউশ ধানের খড় হইলেই ভালো হয় ) চাপা দিয়া রাখে । এই প্রকার চাপা দিয়া পচানো নাপ্‌ফিকেই ‘ঙাপ্‌ফি পোঁচা’ বলে । সমগ্র পূর্ব-দক্ষিণ এশিয়ায় মোঙ্গলীয় জাতির অন্তর্গত সমস্ত ধর্মাবলম্বী অধিবাসীদের ইহা একটি প্রিয় খাদ্য ।

পিন্‌বার<sup>২৪</sup> লাগি মইঘা রাজা দিয়ের্ কালা খামি<sup>২৫</sup>##  
 দশ মখিনী আইসা আমার বইসে গায়র<sup>২৬</sup> কাছে ।  
 কানত্ দিতাম্ কহি<sup>২৭</sup> আমার সোনার নাথং<sup>২৮</sup> যাচে—  
 হায় রে, সোনার নাথং যাচে<sup>২৯</sup>##

হায় নছিবে একি ছিল রে—  
 আছ্‌মানেরই<sup>৩০</sup> ফুল রে ছিলাম  
 আছ্‌মানেরই ফুল ।  
 মইঘা রাজার হাতত্<sup>৩১</sup> পড়ি দিলাম জাতি কুল ॥  
 সাইগরের তলাত্<sup>৩২</sup> মা-বাপ করলি রে কয়বর ।  
 হার্মাদ্যার<sup>৩৩</sup> মুল্লুকে আমার কে লইব খবর—  
 হায় রে বাপ, কে লইব খবর ॥

- ২৪ । পিনবার = পরিধানের ।  
 ২৫ । দিয়ের্ কালা খামি = দিয়েছে কালো খামি ।  
 ২৬ । গায়র = গায়ের । ২৭ । কানত্ দিতাম্ কহি = কানে দিব বলিয়া ।  
 ২৮ । নাথং = কানের অলঙ্কার । ২৯ । যাচে = প্রার্থনা করে, অনুরোধ করে ।  
 ৩০ । আছ্‌মান = আশ্‌মান, স্বর্গ ।  
 ৩১ । হাতত্ = হাতে । ৩২ । তলাত্ = তলে ।

\* খামি—দক্ষিণ-পূর্ব এশিয়ায় সাধারণ গৃহস্থ ঘরের মহিলাদের প্রধান পরিধেয় বস্ত্রকে আরাকান অঞ্চলে ‘খামি’ বলে। ইহা পুরুষের লুঙ্গির মত। পুরুষে লুঙ্গি পরে কোমরে, মেয়েরা খামি পরে বুকের উপরে। লুঙ্গি অপেক্ষা খামি পরিমাণমত বহরে বেশী। মেয়েদের রুচিমত নানা রঙের খামি পাওয়া যায়।

\*\* কানত্ দিতাম্ কহি আমার সোনার নাথং যাচে = কানে দিব বলিয়া আমার সোনার নাথং প্রার্থনা করে। (এই ছত্রটিতে বোধ হয় ভুল আছে। সম্ভবতঃ ইহার পাঠ হইবে—‘কানত্ দেওনলাগি মোরে সোনার নাথং যাচে।’ ইহার অর্থ ‘কানে দিবার জন্য সোনার নাথং আনিয়া আমাকে অনুরোধ করে’।)

—ইতি—সম্পাদক ।



## ছুরত জামাল-অধুয়া সুন্দরী পালার

### ভূমিকা

মাননীয় দীনেশচন্দ্র সেন ডি, লিট্ মহাশয় ‘ছুরত জামাল-অধুয়া’ পালাটি তাঁহার সম্পাদিত ‘পূর্ববঙ্গ গীতিকা’ দ্বিতীয় খণ্ডে প্রকাশ করিয়াছিলেন। তাঁহার সম্পাদনায় পালাটির ছত্র সংখ্যা ৮৭২; এই সম্পাদনায় ছত্র সংখ্যা ১০১৭। সেন মহাশয় সম্পাদিত সবগুলি ছত্রই এই সম্পাদনায় গৃহীত হইয়াছে। তাহার মধ্যে ৭৭টি ছত্রের সঙ্গে এই সংগ্রহের ছত্রে তাৎপর্যে পার্থক্য ঘটায় সেন মহাশয়ের পাঠ যথাস্থানে পাদটিকায় দেওয়া হইল। শব্দের বানান ঘটিত পাঠান্তর ও ছত্রের অগ্রপশ্চাৎ ঘটিত পাঠান্তর উল্লেখ করা হইল না। নূতন সংগ্রহ বুঝাইতে ছত্রের শেষে ‘+’ চিহ্ন দেওয়া হইয়াছে।

এই পালার রচয়িতা ফৈজু ফকিরের নাম, গানের ভণিতায় কয়েকবার উল্লেখ আছে। অন্ধ ফকির ফৈজু নিজে পালার গায়ক ছিলেন, ইহা নবম অধ্যায়ের শেষে দুই ছত্রে বুঝা যায়। কিন্তু এই পালার সবটাই ফৈজু ফকিরের রচনা কিনা, এবং পূর্ববঙ্গের প্রাচীন পল্লীগাথার রচনা-ঐতিহ্যমুযায়ী ঘটনার অব্যবহিত কাল পরেই এই পালা—যাহা আমরা বর্তমান কালে যে আকারে পাইতেছি—সেই আকারে রচিত হইয়াছিল কিনা, সে বিষয়ে আমার সন্দেহ আছে। এ সম্পর্কে পরে আলোচনা করিব।

মাননীয় দীনেশচন্দ্র সেন মহাশয় তাঁহার সম্পাদিত গ্রন্থে এই পালা সম্পর্কে বিশেষ গুরুত্বপূর্ণ তথ্য-সমৃদ্ধ বিস্তৃত ভূমিকা

লিখিয়াছেন। এ বিষয়ে আমার অযোগ্যতা স্বরণ করিয়া সেন মহাশয়ের ভূমিকার প্রয়োজনীয় অংশ এখানে উল্লেখ করিতেছি।—

“জঙ্গলবাড়ীর দেওয়ানদিগের স্থায় বানিয়াচঙ্গের দেওয়ানেরাও পূর্বে হিন্দু ছিলেন। চতুর্দশ শতাব্দীতে বানিয়াচঙ্গের ব্রাহ্মণরাজা গোবিন্দ খাঁ ইসলাম ধর্ম গ্রহণ করিয়া হবিব খাঁ নাম ধারণ করেন। বানিয়াচঙ্গ শ্রীহট্টের একটি গণগ্রাম; এই গ্রামের লোকসংখ্যা এখনও (১৯২৬ খ্রী:) তিরিশ হাজার। হবিব খাঁ শুধু বানিয়াচঙ্গের অধিপতি ছিলেন না, পাশ্চবর্তী লাউড় পরগণাও তাঁহার অধীনে ছিল। তিনি শ্রীহট্টের ২৪টী পরগণার মালিক ছিলেন। বানিয়াচঙ্গের অবস্থিতি এইরূপ—উত্তরে ২৪°—৩১′, পূর্বে ৯১°—২০′। লাউড়ের জঙ্গলে এখনও বানিয়াচঙ্গ হাব্‌লি নামক দুর্গের ভগ্নাবশেষ বিদ্যমান রহিয়াছে। উহা বানিয়াচঙ্গের দেওয়ানদিগের লাউড়ের উপর অধিপত্যের সাক্ষ্যপ্রদান করিতেছে। দেওয়ান পরিবারের পূর্বগোরব এখনও (১৯২৬ খ্রী:) ক্ষীণভাবে বর্তমান রহিয়াছে, দেওয়ান আজমান খাঁ এই প্রসিদ্ধ বংশের বর্তমান প্রতিনিধি।—

“এই দেওয়ানদিগের একটি আখ্যায়িকা অবলম্বনে পালাটি রচিত হইয়াছে। দেওয়ানদের বংশলতায় আলাল খাঁ, ছলল খাঁ ও জামাল খাঁ এই তিনটি নাম পাই নাই। ইসলাম ধর্মে দীক্ষিত হবিব খাঁর পঞ্চম বংশধর রূপে আমরা এক জামাল খাঁর নাম পাইতেছি। কিন্তু বংশলতায় জামাল খাঁর পিতার নাম আহম্মদ খাঁ পাওয়া যায়, পালায় কথিত আলাল খাঁ নহে। সুতরাং এই দুই জামাল খাঁ একই ব্যক্তি, এরূপ মনে হয় না। তবে দেওয়ানদিগের সাধারণ্যে প্রচলিত নামান্তর থাকিতে পারে, এবং কবির পক্ষে সরকারী কাগজপত্রে ব্যবহৃত অপেক্ষাকৃত বড় নামগুলি বর্জন করিয়া সহজ ডাকনাম ব্যবহার করাও অসম্ভব নহে।—

“শ্রীহট্ট জেলার মৈনা-কানাইবাজার নিবাসী পণ্ডিত শ্রীযুক্ত অচ্যুত-চরণ তত্ত্বনিধি মহাশয়কে আমি এসম্বন্ধে লিখিয়াছিলাম। শ্রীহট্টের ইতিহাস সম্বন্ধে তাঁহার উক্তিই অনেকটা প্রমাণ্য। তিনিই এখন ( ১৯২৬ খ্রীঃ ) এক্ষেত্রে সর্বশ্রেষ্ঠ ব্যক্তি। বাংলা ১৩২৯ সালের ১লা অগ্রহায়ণ তত্ত্বনিধি মহাশয় আমার প্রশ্নের জবাবে যে চিঠি দিয়া-ছিলেন, তাহার কিয়দংশের মর্ম নিম্নে প্রদান করিতেছি।—

‘বানিয়াচঙ্গের আলাল তুলালকে দিয়া আপনি কি করিবেন ? শ্রীহট্টের ইতিহাস সম্বন্ধে আমার গ্রন্থ চার খণ্ডে দুই হাজার পৃষ্ঠায় প্রকাশিত হইয়াছে। এই গ্রন্থে বানিয়াচঙ্গের সব কথাই আছে। তবে দেওয়ানদিগের বংশলতায় আলাল তুলালের নাম নাই। বর্তমান দেওয়ানেরা এসম্বন্ধে কোনো তথ্য দিতে পারেন নাই। আলাল-তুলাল নাম দুইটি হিন্দু ঘরেরও হইতে পারে। অত্যধিক প্রশ্রয় প্রাপ্ত ছেলেকে পল্লীগ্রামে ‘আলালের ঘরের তুলাল’ বলিয়া থাকে। সুতরাং ইহাও সম্ভব হইতে পারে যে, উক্ত নামধারী দেওয়ানদ্বয় বাল্যকালে পিতামাতার অতিরিক্ত আত্মরে ছিলেন বলিয়া আলাল-তুলাল নামে পরিচিত হইয়াছিলেন। আমার মনে হয় জামাল খাঁ-কামাল খাঁই সাধারণের নিকট ঐ নামে পরিচিত ছিলেন। ১৭৪৯ খ্রীষ্টাব্দের একটি দলিলে আদম খাঁর নাম পাওয়া যায়। কিন্তু এই নামে কোনো দেওয়ান ছিলেন, বংশলতায় তাহার আভাস নাই। এই সময়ে যে দুইজন দেওয়ান জীবিত ছিলেন, তাঁহাদের নাম আহম্মদ খাঁ ও মামুদ খাঁ। এই আহম্মদ খাঁরই নামান্তর আদম খাঁ হইবে।—

‘জামাল খাঁ ও কামাল খাঁ আলাল-তুলাল নামে পরিচিত ছিলেন, এই সিদ্ধান্তের অপর একটি প্রমাণ মিলিতেছে। এখানে একটি প্রবাদ আছে যে এই দেওয়ানদ্বয় ছবরাজ নামক দক্ষিণভাগের



প্রাচীন পূর্ববঙ্গ গীতিকা : ৫ম খণ্ড

এক রাজার সঙ্গে মিত্রতা স্থাপন করেন। দক্ষিণভাগ নামটি এই সময়েরই সৃষ্টি। এই স্থান আসাম-বেঙ্গল রেলওয়ের একটি স্টেশন, খ্রীহট্ট হইতে তের মাইল দূরে অবস্থিত। ছুবরাজের নাম এখন লোকস্মৃতি হইতে অপসারিত হইলেও এই রাজার সম্পর্কে অনেক ঐতিহাসিক তথ্য একসময় পল্লীগ্রাম অঞ্চলে বিদিত ছিল, ইহা ২০০ বৎসরের কথা। এই দক্ষিণভাগ নামের সঙ্গে কোনও সামাজিক ঘটনার সংশ্রব ছিল।—

‘খ্রীহট্টে ছুবরাজ নামটি নূতন নহে। খ্রীহট্টে ছুবরাজ নামধেয় জনৈক বৈষ্ণব কবি ছিলেন। দুইশত বৎসর পূর্বে তিনি ‘নিমাই সন্ন্যাস’ নামে একখানি কাব্য রচনা করেন। এই কাব্য ভক্তি ও করুণ রসের উৎস স্বরূপ। চৈতন্যদেবের জন্মের পূর্বে তাঁহার পিতা-মাতা খ্রীহট্ট পরিদর্শন করেন। কাব্যে সেই কথা বর্ণিত হইয়াছে। দ্বাদশ বৎসর পূর্বে আমি ইহার একখানি হস্ত লিখিত পুঁথি পাইয়া-ছিলাম, কাব্যখানি এখনও অপ্রকাশিত রহিয়াছে।—

‘কবি ছুবরাজ বৈষ্ণব সাধু ছিলেন। এই ছুবরাজের চরিত্র-মাহাত্ম্য দেওয়ান কামাল খাঁ ও জামাল খাঁর আদ্যকর উদ্ভেদ করিয়া থাকিতে পারে। সময়ের দিক দিয়া মিল থাকার দরুণ আমার এইরূপ অনুমান হয় যে, আপনার কথিত আলাল খাঁ ও ছুলাল খাঁ এই কামাল খাঁ জামাল খাঁ হইতে অভিন্ন।—

‘খ্রীহট্ট এককালে ভট্টদিগের গীতের জন্ম প্রসিদ্ধ ছিল। বিশেষত বানিয়াচঙ্গের ভাটদিগের খ্যাতি দেশদেশান্তরে ছড়াইয়া পড়িয়াছিল। ভট্টশিরোমণি মকরন্দের গান এখনও খ্রীহট্টবাসীর মুখে শোনা যায়।—

‘দেওয়ান আলাল ছুলালের ছুবরাজের সঙ্গে বন্ধুত্বের কথা আপনাদের কোনও পালাগানে পাইয়াছেন কি? এরূপ পালা পাইয়া থাকিলে তাহার ঐতিহাসিকত্ব সম্বন্ধে সন্দেহ করিবেন না।

আমাদের দেশের বহু ঐতিহাসিক ঘটনা এই সমস্ত অখ্যাতনামা নিরক্ষর পালাকর্তাদের গানের মধ্যে লুকাইত আছে।’—( ইহার পর সেন মহাশয় লিখিতেছেন,— )

“পণ্ডিতপ্রবর শ্রীযুক্ত তত্ত্বনিধি মহাশয় এখনও এই পালাটির (ছুরত জামাল অধ্যুয়া পালাটির) সন্ধান জানেন না। তাঁহার লিখিত ঐতিহাসিক মন্তব্য-সমূহ সম্বন্ধে আমাদের বিশেষ বক্তব্য কিছু না থাকিলেও এইটুকু স্বীকার করিতে পারি যে, তাঁহার শেষ কথাটি বাস্তবিকই সত্য। প্রধান প্রধান ঐতিহাসিক ঘটনা অবলম্বনে এই সমস্ত গ্রাম্য কবি অনেক সময় নূতন গাথা রচনা করিয়াছেন। ইহাদের বিবরণ গ্রাম্যতাদোষদৃষ্ট হইলেও কোনো কোনো স্থলে অনেক ঐতিহাসিক-দিগের বিবরণ অপেক্ষা অধিকতর বিশ্বাসযোগ্য। তবে পালার রচয়িতারা অনেক সময় ইতিহাস ও উপকথার সংমিশ্রণ করিয়া ফেলিতেন। বর্তমান পালাটিরও এই দোষ দেখা যায়। অন্ততঃ পালার প্রারম্ভ ভাগটা উপকথা বলিয়াই মনে হয়। জ্যোতিষীদিগের উপদেশানুসারে সত্ত্বজাত রাজকুমারদিগকে মৃত্তিকাগর্ভস্থ আবাসে রক্ষা করা, এবং অনিশ্চিত বিপদের আশঙ্কায় বহুদিন যাবৎ সন্তানের মুখ সন্দর্শন না করা,—এইরূপ ঘটনামূলক উপাখ্যান আমরা বহুবার শুনিয়াছি। কিন্তু পালার প্রারম্ভ কাল্পনিক হইলেও পরবর্তী উপাখ্যানভাগ অর্থাৎ অধ্যুয়া সুন্দরীর জামাল খাঁর প্রতি প্রেমের কাহিনী ও তৎসংশ্লিষ্ট অপরাপর ঘটনাবলী অবিশ্বাস্য বলিয়া উড়াইয়া দেওয়া যায় না। এই কাহিনীর নিশ্চয়ই কোনো ঐতিহাসিক ভিত্তি ছিল। এই সমস্ত আখ্যায়িকার অসার অংশ বর্জন করিয়া সার সঙ্কলন করিলে দেশের প্রকৃত ইতিহাস লিখিত হইতে পারে; এই জন্যই এগুলি মূল্যহীন নহে॥” \* \* \*

মাননীয় সেনমহাশয় তাঁহার ভূমিকায় পণ্ডিত অচ্যুতচরণ তত্ত্বনিধি মহাশয়ের পত্রের যে অংশ উদ্ধৃত করিয়াছেন, তাহাতে জানা গেল, পণ্ডিত মহাশয় ২০০০ পৃষ্ঠার চারিখণ্ড শ্রীহট্টের ইতিহাস লিখিয়া ছাপাইয়া প্রকাশ করিলেও, এবং 'আমাদের দেশেয় বহু ঐতিহাসিক ঘটনা এই সমস্ত অখ্যাতনামা নিরক্ষর পালাকর্তাদের গানের মধ্যে লুক্কাইত' থাকিলেও, তিনি শ্রীহট্ট জেলার অধিবাসী হইয়া ঐ জেলার কৃষক ও সাধারণ বৃত্তিজীবীদের মধ্যে বহুল প্রচারিত ছুরত জামাল-অধুয়া ও আলাল-তুলাল-মদিনা বিবির পালার কথা জানেন না। আমি কিন্তু ১৯২৯ খ্রীষ্টাব্দের জুন মাসে হাইলাকান্দী গিয়া কানাই কর্মকারের বাড়ীতে থাকিয়া স্থানীয় বাজারে ছুরত জামাল-অধুয়ার পালা শুনিয়াছিলাম, গায়ক ছিলেন গায়েন হুয়দর মাঝি। এই হুয়দর মাঝির মুখে শুনিলাম, দক্ষিণভাগে ছুরাজের বাড়ীর স্মৃতিচিহ্ন এখনও আছে। কানাই কর্মকার ও আরও কয়েকজনের মুখে শুনিলাম, এই পালার কাহিনী রূপকথা আকারে দেশে প্রচলিত আছে, এবং সে রূপকথায় অধুয়ার কাহিনী এই পালার কাহিনী হইতে অল্পপ্রকার। দেশের একশ্রেণীর অধিবাসী রূপকথা আকারে কথিত অধুয়া সম্পর্কীয় ঘটনাই বিশ্বাস করেন, পালায় বর্ণিত ঘটনার সর্বাংশ বিশ্বাস করেন না।

তৎকালে আমার উপরে একটি গুরুতর দায়িত্ব গ্রস্ত ছিল বলিয়া ১৯৩৩ খ্রীষ্টাব্দের আগে এই পালা সম্পর্কে কোনো অনুসন্ধান করিতে পারি নাই। তবে এই সময়ের মধ্যে দীনেশ সেন মহাশয় প্রকাশিত পালা ও ভূমিকা পড়িয়া লইয়াছিলাম। ১৯৩৩ খ্রীষ্টাব্দের নবেম্বর মাসে ঐ অঞ্চলে গিয়া পালা ও কাহিনী শুনি। কাহিনী যাহা শুনিলাম তাহাতে এই সম্পাদনার নবম অধ্যায় পর্যন্ত একই প্রকার।

পার্থক্য—ছুরৎ জামালের প্রতি অধ্যার প্রেম ও ছুরাজের ইসলাম কবুল করিয়া মক্কায় গমন ঘটনা লইয়া।

কাহিনীটি এখানে লিখিতেছি।—চাচামাহেব তুলাল দেওয়ান ও তাঁহার অনুচর লেংড়ার ভয়ে ফতেমা বিবি সাত বৎসর বয়সের পুত্র জামালকে লইয়া যে বৎসর দক্ষিণভাগ সহরে রাজা ছুরাজের আশ্রয়ে বাস করিতে আরম্ভ করেন সেই বৎসর রাজকন্যা অধ্যার জন্ম হয়। অনেকগুলি পুত্র সন্তান লাভের পর একমাত্র কন্যা অধ্যার জন্ম হওয়ায় সে সকলেরই প্রিয়পাত্রী ছিল। রাজকুমারী বাল্য বয়সে রাজবাড়ীর বাহিরেও খেলা ও ভ্রমণ করিত। এই সময় জামাল অধ্যাকে দেখে।

জামালের বয়স যখন কুড়ি বৎসর, তখন সে ছুরাজের সামরিক বিভাগে প্রবেশ করিয়া যুদ্ধবিদ্যা শিক্ষা করে, এবং বাইশ বৎসর বয়সে ছুরাজের সামরিক সাহায্যে বালিয়াচঙ্গে দেওয়ানী অধিকার করে। দেওয়ানী অধিকার করিয়া একবৎসর পরে জামাল কৃতজ্ঞতা জানাইবার জন্য রাজা ছুরাজের গৃহে আসিয়া স্নানের ঘাটে পরমা-সুন্দরী ষোড়শী যুবতী অধ্যাকে দেখিতে পায়।

দক্ষিণভাগ হইতে বালিয়াচঙ্গে ফিরিয়া জামাল তাঁহার উজীরকে পাঠাইলেন রাজা ছুরাজের নিকটে। উজির জামালের সঙ্গে রাজকন্যা অধ্যার বিবাহের প্রস্তাব উত্থাপন করিলে ক্ষুব্ধ রাজা উজিরকে অপমান করিয়া তাড়াইয়া দিলেন। অপমানিত উজির ফিরিয়া আসিয়া সবকথা বলিলে জামাল দেওয়ান ভাবিয়া দেখিলেন, যুদ্ধে ছুরাজকে পরাজিত করিয়া অধ্যাকে হস্তগত করা সহজ হইবে না, সেজন্য অতর্কিতে অপহরণ করাই সঙ্গত মনে করেন। কিন্তু জামাল দেওয়ানের সে প্রচেষ্টা স্নানের ঘাটে অধ্যার পাঁচটি রণরঙ্গিনী ভ্রাতৃবধু ব্যর্থ করিয়া দিলে তিনি ছুরাজের রাজ্য দক্ষিণভাগ

প্রাচীন পূর্ববঙ্গ গীতিকা : ৫ম খণ্ড

আক্রমণের জন্ত সৈন্য সমাবেশ করিতে থাকেন। এই সময়ে রিতাড়িত ছুলাল দেওয়ান মক্কা হইতে আলাল দেওয়ানকে সঙ্গে লইয়া দেশে ফিরিয়া আসেন।

আলাল দেওয়ান ও ছুলাল দেওয়ান দেশে ফিরিয়া পথেই শুনিতে পাইলেন জামাল দেওয়ানের কার্যকলাপের কথা। ইহাতে ছুলাল দেওয়ানের আরও সুবিধা হইল। তিনি ‘নিমকহারাম পুত্র’ জামাল দেওয়ানের বিরুদ্ধে পিতা আলাল দেওয়ানকে বিশেষভাবে উত্তেজিত করিয়া দোস্ত ছুবরাজের সাহায্য গ্রহণের পরামর্শ দিলেন, এবং বানিয়াচঙ্গ না গিয়া দক্ষিণভাগে রাজা ছুবরাজের গৃহে উপস্থিত হইলেন।

ইহার পর আলাল দেওয়ান ছুবরাজের সৈন্য লইয়া বানিয়াচঙ্গের উপকণ্ঠে উপস্থিত হইলে, বানিয়াচঙ্গের জনসাধারণ ও ফৌজ আলাল দেওয়ানের পক্ষে যোগ দিল। জামাল দেওয়ান বিপাকে পড়িয়া পিতার বশুতা স্বীকার করিলে, ক্রুদ্ধ পিতা তাহাকে বন্দী করিয়া বিচার সাপেক্ষে কারাগারে প্রেরণ করিলেন।

জামাল দেওয়ান যখন কারাগারে তখন দিল্লী হইতে তলব আসিল, দশ হাজার সৈন্য, হাতি, ঘোড়া, প্রভৃতি লইয়া বানিয়াচঙ্গের দেওয়ানকে বাদশার সাহায্যার্থে দিল্লী যাইতে হইবে। কে দিল্লী যাইবে, তাহা লইয়া যখন পরামর্শ চলিতেছিল, তখন ছুবরাজ প্রস্তাব করিলেন, জামাল তাঁহার নিকটে শিক্ষিত সাহসী যোদ্ধা। তাহাকে দিল্লী পাঠাইলে যুদ্ধে কৃতিত্ব দেখাইয়া বাদশাহের দৃষ্টি আকর্ষণ করিতে পারিবে। অধিকন্তু বাদশাহের সামরিক বিভাগে কিছুকাল থাকিলে তাহার চরিত্র সংশোধিত হইবে।

আলাল দেওয়ান দোস্ত ছুবরাজের পরামর্শ গ্রহণ করিয়া জামালকে সেনাপতি করিয়া দিল্লী পাঠাইলেন। বানিয়াচঙ্গ হইতে দিল্লী যাত্রার

প্রাক্কালে জামাল অধুয়ার প্রণয় প্রার্থনা করিয়া একখানা পত্র ও একটি হীরার অঙ্গুরী উজিরের হাতে দিয়া গেলেন। সূচতুর উজির সেই পত্র ও অঙ্গুরী অধুয়ার হাতে পৌঁছিয়া দিবার ব্যবস্থা করেন।

ছয়মাস পরে আলাল দেওয়ান বাদশাহের পত্রে জানিতে পারিলেন যুদ্ধে জামালের মৃত্যু ঘটিয়াছে। পুত্রের মৃত্যু সংবাদ শুনিয়া ফতেমা বিবির মৃত্যু হইল। এই প্রকার অবস্থায় আলাল দেওয়ান যখন শোক-বিহ্বল তখন ‘কানকাটা উজির’ আসিয়া তাঁহাকে জানাইল, ছবরাজের ‘বে-আবরু’ কণ্ঠা অধুয়া সরল কুমার জামালকে প্রলোভিত করিয়াছিল। সেই প্রলোভনে পড়িয়া জামাল যাহা করিয়াছে তাহার ফলে নির্দোষ উজিরের কান কাটা গিয়াছে, এবং দুশ্মন ছবরাজের কুপরামর্শে জামাল দেওয়ান বিদেশে প্রাণ হারাইলেন।

উজিরের মুখে এই সমস্ত শুনিয়া অতিশয় ক্রুদ্ধ আলাল দেওয়ান ছলাল দেওয়ানকে হুকুম দিলেন, দক্ষিণভাগ সহর ধ্বংস করিয়া ছবরাজ ও তাঁহার কণ্ঠা অধুয়াকে বন্দী করিয়া বানিয়াচঙ্গের দেওয়ানী দরবারে হাজির করিতে হইবে। দেওয়ান আলাল অপরাধীদের বিচার করিয়া উপযুক্ত শাস্তি বিধান করিবেন।

জামালের মৃত্যু সংবাদ শুনিয়া ছবরাজ শোকার্ত দোস্তুকে সাস্থনা দিবার জন্ত বানিয়াচঙ্গে আসিবার পথে ছলাল দেওয়ানের হাতে বন্দী হইলেন। অত্যন্ত আক্রমণের সম্মুখে যুদ্ধ করিয়া ছবরাজের পাঁচটি পুত্র নিহত হইলেন। দক্ষিণভাগ সহর আগুনে ভস্মীভূত হইল। কাষ্ঠনির্মিত রাজবাড়ীর একাংশে আগুন জ্বালিয়া উঠিলে পুরমহিলারা প্রথমে দেবমন্দিরে আশ্রয় গ্রহণ করেন। পরে যখন সুরক্ষিত দেবমন্দির আক্রান্ত হইল, তখন তাঁহারা প্রজ্জ্বলিত গৃহে প্রবেশ করিয়া প্রাণ ত্যাগ করিলেন।

রাজকন্যা অধুয়া কিন্তু অগ্নিতে প্রবেশ করিল না। তাহার অস্তুরে তখন জ্বলিয়া উঠিয়াছে প্রতিহিংসার আগুন। সরল বুদ্ধি রাজকুমারী ভাবিয়াছিল, বন্দী হইয়া, দেওয়ানী দরবারে গিয়া বিচারে কাহার দোষ তাহা প্রমাণ করার পর বিষপান করিবে। সেজন্য রাজকুমারী অধুয়া জামালের পত্র ও অঙ্গুরী লইয়া প্রস্তুত হইয়া চণ্ডীদেবীর মন্দিরে যখন শেষ পূজা করিতেছিল, তখন ছুলাল দেওয়ান তাহাকে বন্দী করিয়া বানিয়াচঙ্গের দেওয়ানী দরবারে চালান দিলেন।

অধুয়ার পাল্কি দেওয়ানী দরবারে উপস্থিত হওয়া মাত্রই আলাল দেওয়ান তাঁহার ঘোড়ার সহিস কেরামুল্লার সঙ্গে রাজকুমারীর সাদীর হুকুম দিলেন, এবং সহিস কেরামুল্লাকে ডাকিয়া অধুয়াকে কেশে ধরিয়া পাল্কি হইতে বাহির করিয়া লইয়া যাইতে বলিলেন। অধুয়া পাল্কির মধ্যে থাকিয়া দেওয়ানের বিচার ও রায় শুনিল, এবং বুঝিল, এখানে ছায় বিচারের কোনো প্রত্যাশা নাই। তখন সে তাহার বিষের কোঁটা খুলিয়া বিষ খাইল। কেরামুল্লা যখন তাহার চুল ধরিয়া টানিয়া পাল্কি হইতে বাহির করিল, তখন সে মরিয়া গিয়াছে।

মৃত রাজকুমারীর অঞ্চলে বাঁধা জামালের পত্র ও অঙ্গুরী দেখিয়া আলাল দেওয়ান বুঝিলেন ছুবরাজ নির্দোষ, তখন তাঁহাকেও মুক্তি দিলেন। দক্ষিণভাগ সহর আগুনে পুড়িয়া শেষ হইয়া গিয়াছে, রাজপরিবারের আর কেহ জীবিত নাই, এই সংবাদ শুনিয়া রাজা ছুবরাজ ‘পন্থের ফকির’ হইয়া তীর্থ ভ্রমণে যাত্রা করিলেন। জীপুত্রের শোকে আলাল দেওয়ানও পুনরায় ফকির সাজিয়া মকায় চলিয়া গেলেন।

১৯৩৩ খ্রীষ্টাব্দ হইতে ১৯৪৭ খ্রীষ্টাব্দের মধ্যে প্রায় প্রতি বৎসর আমি ভাগবত পাঠ উপলক্ষে খ্রীহট্ট জেলার নানা স্থানে যাইতাম। এই পালা ও কাহিনীর কথা সর্বত্রই শুনিয়াছি। তবে সে শোনা কোনো উচ্চশিক্ষিত সম্ভ্রান্ত ব্যক্তির মুখে নহে, এই কামার, কুমার, ছুতার, কৃষকদের মুখে। ইহাদের মধ্যে বৃদ্ধেরা আমাকে বলিতেন, ফৈজু ফকিরের রচিত পালায় রাজকন্যা অধুয়া সম্পর্কিত বর্ণনা এই কাহিনীর অনুরূপই ছিল, এবং তাঁহারা বাল্যকালে পালাগানটি ঐ প্রকারই শুনিয়াছেন, পরে অধুয়ার কাহিনীর রূপান্তর ঘটিয়াছে। এই রূপান্তর লইয়া এককালে কিছু বাদ প্রতিবাদ হইয়াছিল। যাহার ফলে হিন্দু গায়েরা এই পালাটি গান করা ছাড়িয়া দিয়াছেন। বৃদ্ধদের মুখে এই কথা শুনিয়া সেই হইতে ১৯৬৪ খ্রীষ্টাব্দ পর্যন্ত বহু হিন্দু গায়ের নিকটে পালাটির সন্ধান করিয়াছি, কিন্তু কোথাও পাই নাই। ইহার কারণ, যাহারা এইসব পালাগানের গায়ক ও শ্রোতা, তাঁহারা সকলেই সাধারণ শ্রমজীবী ও কৃষক সম্প্রদায়ের মানুষ। এইসব পালার ঐতিহাসিক ও সাহিত্যিক মূল্যবোধ তাঁহাদের নিকটে আশা করা যায় না। মাননীয় রায়বাহাদুর দীনেশচন্দ্র সেন ডি লিট মহাশয় এ বিষয়ে শিক্ষিত সম্প্রদায়ের দৃষ্টি আকর্ষণ না করা পর্যন্ত, এমন কি খ্রীহট্টের ইতিহাস সঙ্কলক পণ্ডিত অচ্যুতচরণ তত্ত্বনিধির মত ব্যক্তিও এই ঐতিহাসিক পল্লীগাথাগুলি সম্পর্কে অবহিত ছিলেন না। ফলে গায়েরদের হস্তলিখিত পুরাতন খাতাগুলি অপ্রয়োজনীয় বোধে লোপ পাইয়াছে।

এই পালার ভাষা ও শব্দের বানান সম্পর্কে মাননীয় সেন মহাশয় তাঁহার ভূমিকায় লিখিয়াছেন,—‘এ সম্বন্ধে একটি বিষয় লক্ষ্য করিবার আছে। বর্তমান পালার অঙ্ক কবি এবং নিরঙ্কর গায়ক সম্প্রদায় স্বাভাবিক উচ্চারণ বজায় রাখিয়া কথ্য ভাষায় ব্যবহৃত শব্দগুলি প্রয়োগ



করিয়াছেন। ভাষাতত্ত্ববিদগণ এ বিষয়টি লক্ষ্য করিতে পারেন। শব্দের লিখিত আকৃতির সঙ্গে অঙ্ক অথবা নিরঙ্কর কবিগণের পরিচয় না থাকায় তাঁহারা শুধু ঐতিহাসিক দ্বারা শব্দের ধ্বনি উপলব্ধি করেন, এবং প্রয়োগকালে অবিকল তাহাই ব্যবহার করেন। এইজন্য বর্তমান পালা-রচক অঙ্ক কবি শব্দের কথ্যভাষায় ব্যবহৃত উচ্চারণ বজায় রাখিয়াছেন এবং নিরঙ্কর গায়েনেরাও কবির ব্যবহৃত কথিত ভাষা অবিকৃত ভাবে রক্ষা করিয়া কবির কথ্যভাষাতেই পালা-গানগুলি গাহিয়া গিয়াছেন। যে ক্ষেত্রে পালারচকের সামান্য পরিমাণেও অঙ্করবোধ থাকিত, সে স্থানে তৎকর্তৃক লিখিত ভাষার অনুযায়ী উচ্চারণ অনুসরণ করিবার প্রয়াস করা স্বাভাবিক। কিন্তু এখানে নিরঙ্কর অঙ্ক কবি ও নিরভিমান মুখ গায়েনের হাতে স্বাভাবিক উচ্চারণের বিকৃতি ঘটে নাই। সুতরাং পালাগানে ছোটকে ‘ছুড়ু’, প্রজাকে ‘পরজা’, চাঁদকে ‘চান’, হইবে-কে ‘অইব’, শোন, শোক, সভা ও সাহেবকে যথাক্রমে ‘ছোন, ছোক, ছভা, ছাহেব,’ ছুঃখুকে ‘ছুক্ষু’, বুদ্ধকে ‘বিদ্ধি’, সূর্য্যকে ‘সুরজ’—ইত্যাদি আকৃতিতে ব্যবহার করা হইয়াছে।’

এইসব পল্লীগাঁথার কবিগণ ‘নিরঙ্কর’ ‘মুখ’ এবং তাঁহাদের লিখিত খাতা ছিল কিনা, সে সম্পর্কে আমার সম্পাদিত ‘প্রাচীন পূর্ববঙ্গ গীতিকা’ প্রথম খণ্ডের গ্রন্থ ভূমিকায় আলোচনা করিয়াছি। পালার ভাষা, শব্দের উচ্চারণ ও বানান সম্পর্কে মাননীয় সেন মহাশয় যাহা মন্তব্য করিলেন, তদনুযায়ী তাঁহার সম্পাদিত এই পালার সপ্তম অধ্যায় এবং এই সম্পাদনার দশম অধ্যায় হইতে পালা সমাপ্তি পর্যন্ত লক্ষ্য করিলে বুঝা যাইবে, পালাটি যে-আকারে সেন মহাশয় ও আমি পাইয়াছি তাহা একই কবির রচনা হইতে পারে না। পালায় অধুয়ার প্রসঙ্গ উপস্থিত হইবার সঙ্গে সঙ্গে রচনার অধিকাংশ ছত্রের

ভাষা ও শব্দের উচ্চারণ ভঙ্গী আধুনিক হইয়া গিয়াছে। যে ছত্রগুলিতে প্রাচীন রচনার ছাপ আছে, আমার বিশ্বাস, ঐ অধ্যায়গুলির রচয়িতা নিম্প্রয়োজন বোধে উহার পরিবর্তন করেন নাই।

এই পালার বর্ণিত ঘটনা কোন শতাব্দীতে ঘটিয়াছিল তাহা সুবিজ্ঞ সেন মহাশয় সাধ্যমত চেষ্টা করিয়াও নির্ণয় করিতে পারেন নাই। পালার কবি অন্ধ ফৈজু ফকির কোন কালে জীবিত ছিলেন, সে সম্পর্কেও কিছু লিখেন নাই। কয়েকটি পারিপার্শ্বিক ও ঐতিহাসিক কারণ, এবং পালার প্রথমার্ধের রচনায় শব্দ প্রয়োগ দেখিয়া আমার ধারণা হইয়াছে, ঘটনাটি ঘটিয়াছিল খ্রীষ্টীয় সপ্তদশ শতাব্দীর শেষ ভাগ হইতে অষ্টাদশ শতাব্দীর প্রথমার্ধের মধ্যে, এবং ফৈজু ফকির পালা রচনা করিয়াছিলেন অষ্টাদশ শতাব্দীর শেষ দশক হইতে উনবিংশ শতাব্দীর প্রথম পাদের মধ্যে।

ঘটনার কাল সম্পর্কে আমার এই প্রকার ধারণার হেতু, যে সময়ে এই ঘটনা ঘটিয়াছিল, তখন দক্ষিণভাগে রাজা ছুবরাজ স্বাধীন নরপতি ছিলেন, তাহা না হইলে দিল্লীর বাদশাহ তাঁহাকেও যুদ্ধে সাহায্য করিতে তলব দিতেন। দক্ষিণভাগে রাজার যে সামরিক সামর্থ্য ছিল, তাহার একাংশের সহায়তায় জামাল খাঁ বালিয়াচঞ্জের দেওয়ানকে পরাজিত করিয়া দেওয়ানী অধিকার করিয়াছিলেন। দিল্লীর সুলতান আলাউদ্দিন খিলজি সাম্রাজ্যে অমুসলমান প্রজা শাসনে যে নীতি প্রবর্তন করিয়াছিলেন, সে নীতি পরবর্তীকালের সমস্ত সুলতান-বাদশাহ অল্লাধিক মানিয়া চলিয়াছেন। এই নীতির একটি হইল, সাম্রাজ্যের মধ্যে যাহাতে কোনো অমুসলমান সামরিক শক্তিতে শক্তিমান না হইতে পারে, সে বিষয়ে সতর্ক দৃষ্টি রাখা। খ্রীষ্টীয় সপ্তদশ শতাব্দীর শেষ দশক হইতে সুদূর পূর্ববঙ্গে এই নীতি বজায় রাখা দিল্লীর বাদশাহ এবং বাদশাহী শাসনের ধারক বাহক

মুসলমান দেওয়ানদের পক্ষে সম্ভবপর হয় নাই। ছবরাজের পরাজয় ও দক্ষিণভাগ ধ্বংসের হেতু সামরিক শক্তিহীনতা নহে। উহা ছবরাজের হিন্দুশুলভ বন্ধুত্বের উপরে অত্যধিক আস্থা ও অত্যন্ত আক্রমণের ফল।

ফৈজুফকিরের কাল সম্পর্কে আমার ধারণার হেতু, এই পালার প্রথম অর্ধাংশ—যাহা আমি মনে করি, ফৈজুর নিজের রচনা—তাহার মধ্যে বর্তমান কালের মৈমনসিংহ জেলার উত্তর অঞ্চলের ভাষা ‘বইয়া আছুইন’, জঙ্গলবাড়ী অঞ্চলের মুসলমানী ভাষা ‘সিতাবি,’ ঢাকা জেলার ‘পোষাইলে,’ নোয়াখালী-ত্রিপুরার ‘করলা,’ চট্টগ্রামের ‘মাড়ি’ ‘কুড়ি,’ সব অঞ্চলের গ্রাম্য কথ্য ভাষার মিশ্রণ দেখা যায়। ইহাতে আমার মনে হয়, ফকির ফৈজু প্রথম জীবনে ঐ সব অঞ্চলে ভ্রমণ করিয়াছেন, এবং শেষজীবনে পালা রচনা করিয়া নিজেই গায়েন হইয়া দেশে দেশে গান করিতেন। এই কারণে ব্রহ্মপুত্র নদের উভয় তীরবর্তী গ্রামাঞ্চলের কথ্য ভাষা ও ত্রিপুরা-চট্টগ্রাম-নোয়াখালী জেলার কথ্য ভাষায় শব্দ-উচ্চারণভঙ্গী কবির রচনায় প্রবেশ করিয়াছে। দেশের পথঘাট কথঞ্চিৎ সুগম ও নিরাপদ না হইলে ফৈজু ফকিরের পক্ষেও এই দূর দূরান্তরের পথে গমনাগমন করা সম্ভব হইত না। খ্রীষ্টীয় অষ্টাদশ শতাব্দীর শেষ দশক হইতে ঐসব অঞ্চলের পথঘাট সুগম হইতে থাকে। ইহার পূর্বে অবস্থা কি প্রকার ছিল, তাহা ‘দস্যু কেনারাম,’ ‘মানিকতারা ডাকাইত,’ ‘নেজাম ডাকাইত’ প্রভৃতি পালার পল্লীকবি বর্ণনা করিয়াছেন।

এই পালাগানে ও ঐ অঞ্চলের সাধারণ হিন্দু সমাজে প্রচলিত কাহিনীর মধ্যে অধুনা সম্পর্কিত ঘটনা বর্ণনায় যে পার্থক্য দেখা যায়, তাহার মধ্যে কোনটি বাস্তবানুগ তাহা নির্ণয় করিতে হইলে পালায় বর্ণিত কতকগুলি ঘটনা সমসাময়িক বাস্তবের পরিপ্রেক্ষায় বিশ্লেষণ করিয়া দেখা প্রয়োজন।

পালার বর্ণনা অমুযায়ী,—সাত বৎসর বয়সে জামালখাঁ দক্ষিণ-  
 ভাগে আসিয়া রাজা ছবরাজের আশ্রয়ে আঠার বৎসর বাস করেন।  
 ষোল বৎসর বয়সের যুবতী রাজকন্যা অধুয়া ফুল তুলিতে যাইবার  
 পথে তরুণ যুবক জামালকে দেখিয়া প্রেমোন্মাদিনী হইল, এবং  
 ইহার কিছুদিন পরে ফুলের মালা ও প্রেমপত্র দিয়া দূতী পাঠাইল।  
 জামাল দেওয়ান সেই প্রেমপত্র পাইয়া ‘রঙ্গের ভাওয়াইল্যা’ নামে  
 সুপরিচিত সুবৃহৎ প্রমোদতরনীতে আরোহণ করিয়া দক্ষিণভাগে যে  
 ঘাটে রাজপুরমহিলারা স্নান করেন সেই ঘাটে রঙ্গের ভাওয়াইল্যা  
 বাঁধিয়া বসিয়া থাকিলেন। অধুয়া তাহার পাঁচটি ভ্রাতৃবধু ও বহু  
 সুন্দরী যুবতী দাসী সঙ্গে করিয়া স্নানের জন্য ঘাটে আসিয়া চারি  
 চক্ষুর মিলন হইল। জামাল দেওয়ান অধুয়াকে দেখিয়াই রঙ্গের  
 ভাওয়াইল্যা লইয়া গৃহে গিয়া ‘বৃদ্ধ’ উজিরকে পাঠাইলেন রাজার  
 সভায় বিবাহের প্রস্তাব করিতে। ব্রাহ্মণ রাজা বৃদ্ধ উজিরের কান  
 কাটিয়া তাড়াইয়া দিলেন। তাহারপর জামাল খাঁ যুদ্ধে যাইবার পথে  
 এক সুদীর্ঘ প্রেমপত্র ও হাতের অঙ্গুরী অধুয়ার নিকটে পাঠাইয়া দিয়া  
 দিল্লী গেলেন, এবং সেখানে তাঁহার মৃত্যু হইল। জামালের মৃত্যু  
 সংবাদ পাইয়া তাঁহার মায়ের মৃত্যু হইলে আলাল দেওয়ান যখন  
 অত্যন্ত শোকাভিত্ত তখন বৃদ্ধ উজির আসিয়া জানাইলেন যে,  
 অধুয়ার ব্যাপারে জামালের কোন দোষ নাই, অধুয়াই প্রেমপত্র  
 লিখিয়া তাহাকে প্রলোভিত করিয়াছিল। ফলে বিবাহের প্রস্তাব  
 করিতে গিয়া উজিরের কান কাটা গিয়াছে, এবং হুশমন ছবরাজের  
 কুপরামর্শে জামাল প্রাণ হারাইল। মন্ত্রী এই কথা শুনিয়া ক্রুদ্ধ  
 আলাল দেওয়ান তাঁহার সামরিক বিভাগকে হুকুম দিলেন, দক্ষিণ-  
 ভাগের অধিবাসীদের হত্যা করিয়া নগর আগুনে পুড়াইয়া ছবরাজ  
 ও অধুয়াকে বাঁধিয়া আনিতে হইবে। এদিকে অধুয়া জামালের

প্রাচীন পূর্ববঙ্গ গীতিকা: ৫ম খণ্ড

পত্র পাইয়া মনের আনন্দে পত্র কেশে বঁধিয়া ও অঙ্গুরী হাতে দিয়া  
গেল চণ্ডীর মন্দিরে চণ্ডী পূজা করিতে। সে যখন চণ্ডীপূজা করিতে-  
ছিল তখন আলাল দেওয়ানের লোকলস্কর ধরিয়া বানিয়াচঙ্গে চালান  
দিল। অধুয়া বানিয়াচঙ্গে পথে শুনিতে পাইল জামালের মৃত্যু  
হইয়াছে। এই সংবাদ শুনিয়া সে বিষ খাইল। অধুয়ার পালকি  
দেওয়ানের সম্মুখে উপস্থিত হইবামাত্রই আলাল দেওয়ান ঘোষণা  
করিলেন, তাহার ঘোড়ার সহিস কেরামুল্লার সঙ্গে রাজকন্ঠার বিবাহ  
হইল, তাহাকে পালকি হইতে কেশে ধরিয়া বাহির করিতে হইবে।  
তুফুম পালিত হইল, কেশে ধরিয়া রাজকন্ঠাকে যখন বাহির করা  
হইল তখন সে বিষে মৃতপ্রায়। তাহার কেশে বঁধা জামালের পত্র  
পড়িয়া ও হাতে জামালের অঙ্গুরী দেখিয়া আলাল দেওয়ান ও ছু-  
রাজ হাহাকার করিয়া কাঁদিয়া উঠিলেন। আলাল দেওয়ান আবার  
ফকির হইয়া মকায় চলিলেন। ব্রাহ্মণ রাজা ছুবরাজও মুসলমান  
হইয়া মকায় গেলেন।

এই বর্ণনার সত্যাসত্য নির্ণয় করিতে হইলে প্রথমত সম্ভ্রান্ত  
হিন্দু পরিবারের কয়েকটি প্রাচীন প্রথা উল্লেখ করা প্রয়োজন মনে  
করি। প্রাগ-মুসলিম যুগে হিন্দু সমাজের নারীর সামাজিক ও  
ব্যবহারিক মর্যাদা ছিল প্রায় পুরুষের সমান। বর্তমান কালের মতই  
তাঁহারা স্বাধীনভাবে সর্বত্র গমনাগমন ও ঘরে বাহিরে সব কর্মেই  
অংশ গ্রহণ করিতে পারিতেন। অস্তঃপুরে অববোধ ও পরদা প্রথা  
হিন্দু সমাজে গৃহীত হয় মুসলিম যুগে, মুসলিম আদর্শে। সেই সঙ্গে  
সম্ভ্রান্ত ঘরে যুবতীদের বিপদে নারীধর্ম রক্ষা করিয়া প্রাণ বিসর্জন  
দিবার জ্ঞান সর্বদা তীব্র বিষ সঙ্গে রাখার প্রথা প্রচলিত হয়।  
ক্রমে এই প্রথা হিন্দুসমাজের সাধাবণ গৃহস্থ ঘরেও প্রচলিত হয়।  
বাংলাদেশের প্রাচীন গাথা ও লোকসাহিত্যে ইহার যথেষ্ট প্রমাণ

আছে। এই অবস্থায় বিগত ঊনবিংশ শতাব্দীর মধ্যভাগ পর্যন্ত সম্রাট হিন্দু পরিবারের মহিলারা ছিলেন মুসলমান পরিবারের মহিলাদের মত অসুখ্যপাশা। সে যুগে যেমন কোনো সম্রাট মুসলমান ঘরের ষোড়শী সুন্দরী কন্যার দৃষ্টিপথে কোন জীবন্ত হিন্দু যুবক পড়া অসম্ভব, এবং সে প্রকার গল্প অবাস্তব; এই পালায় বর্ণিত ফুল তুলিতে যাইবার পথে জামালকে দেখিয়া অধ্যার প্রেমোন্মাদিনী হওয়ার গল্প এবং যে ঘাটে বানিয়াচঙ্গের যুবক দেওয়ান জামাল খাঁ রঙ্গের ভাওইল্যা বাঁধিয়া বসিয়া আছেন সেই ঘাটে স্নানের জন্ত সুন্দরী যুবতী অধ্যাকে সঙ্গে লইয়া সাজিয়া গুজিয়া অধ্যার পাঁচটি ভ্রাতৃবধুর আগমনের গল্পটিও সেই প্রকার অসম্ভব ও অবাস্তব। এই বাস্তব পরিপ্রেক্ষায় প্রেমপত্র ও ফুলের মালা দিয়া জামালের নিকটে দূতী প্রেরণ অধ্যার পক্ষে অসম্ভব গল্প হইয়া পড়ে। তথাপি অধ্যা ও জামালকে লইয়া একটা ঘটনা যে ঘটিয়াছিল, তাহা অস্বীকার করা যায় না। ইহার সমাধান করিতে হইলে হিন্দুদের মধ্যে প্রচলিত কাহিনী সত্য বলিয়া গ্রহণ করিতে হয়। ছদ্মবেশে বা গুপ্তভাবে থাকিয়া সম্রাট হিন্দু পরিবারের মহিলাদের দেখার সখ দিল্লীর বাদশাহ আকবর হইতে নবাব সিরাজুদ্দৌলা পর্যন্ত ঐতিহাসিক ঘটনা।

এই পালা বর্ণনায় ঘটনা পরম্পরার কাল ও একস্থান হইতে অন্য স্থানের দূরত্ব নির্ণয় সম্পর্কে মাননীয় দীনেশচন্দ্র সেন মহাশয় তাঁহার লিখিত ভূমিকায় মন্তব্য করিয়াছেন,— “\* \* সেখ ফৈজুর বর্ণনা অনেক স্থলে একঘেয়ে ও বাহুল্য দোষদুষ্ট হইয়া পড়িয়াছে। বিশেষত বিভিন্ন অধ্যায়ে পরম্পর বিরোধী বর্ণনা দ্বারা কবি সামঞ্জস্য বোধের অভাবের পরিচয় দিয়াছেন। তিনি একস্থলে বলিয়াছেন, বানিয়াচঙ্গ হইতে দক্ষিণভাগ সাত দিনের পথ, অন্যত্র পাঁচ দিনের পথ, আবার শেষের দিকে বলিয়াছেন দেওয়ান আলাল দক্ষিণভাগের রাজাকে

প্রাচীন পূর্ববঙ্গ গীতিকা : ৫ম খণ্ড

বার ঘণ্টার মধ্যে হাজির করিবার জন্ত আদেশ দিতেছেন। এক স্থলে মক্কা সহরকে বানিয়াচঙ্গ হইতে ছয় মাসের পথ, অন্ততঃ দিল্লী নগরীকেও সমান ব্যবধানে বলা হইয়াছে। \* \* এক জায়গায় কথিত হইয়াছে, তেড়ালেংড়া একদিনে হাইলাবনে চলিয়া গিয়াছিল, আবার এই হাইলাবনই ছ'মাসের পথ বলিয়া উক্ত হইয়াছে। এইরূপ গরমিল উপকথায়ও অমার্জনীয়। তবে সর্বদাই আমাদের মনে রাখিতে হইবে যে, এই পালাগানগুলি নিরক্ষর কৃষক কবির রচিত, এবং অক্ষরজ্ঞানহীন গায়নদের দ্বারা গীত হইত। সুতরাং অসামঞ্জস্য গুলি অস্বাভাবিক নহে।”

সেন মহাশয়ের শেষোক্ত মন্তব্য সম্পর্কে প্রশ্ন উঠে, অশ্রাব্য প্রাচীন গাথার ‘নিরক্ষর কৃষক কবির’ রচনায়, এবং অক্ষরজ্ঞানহীন গায়নদের দ্বারা গীত’ পালাগুলিতে তো ‘এইরূপ অমার্জনীয় গরমিল’ দেখা যায় না। এই পালাটিতে ইহা ঘটিল কেন? ইহার উত্তর পাইতে হইলে পালার শেষের চারটি অধ্যায়ে ঘটনার বর্ণনা লক্ষ্য করিতে হইবে।

দেওয়ান আলাল খাঁ দিল্লী যাইবার জন্ত জামাল খাঁকে আদেশ করিলে জামাল অধুয়ার উদ্দেশ্যে একখানা প্রেমপত্র লিখিয়া ‘অধুয়ার কাছে জন’ মারফত পাঠাইয়া দিল্লী যাত্রা করিলেন। তাহার পর—

‘জামালের পত্র পাইয়া কত্কা কোন কাম করে।

শীঘ্র করি চলে কত্কা চণ্ডীর মন্দিরে ॥

ভিজা চুল দিয়া কত্কা মন্দির মুছিল।

পূজার সামগ্রী যত দাসীরা আনিল।

গলায় কাপড় বান্ধি অধুয়া সুন্দরী।

চণ্ডীরে করয়ে পূজা যতন যে করি ॥

হেন কালে ফৌজ আসি দক্ষিণবাগেতে ;

অধুয়ারে বান্ধিয়া লয় বাপের সহিতে ॥’ ১৯ অঃ

ইহা কি প্রকারে সম্ভব ? প্রথমত জামাল খাঁ দিল্লী যাওয়ার পর—

‘এক মাস দুই মাস কইর্যা ছয় মাস গেল ।

মল্লকের বাদশা যে তবে খবর পাঠাইল ॥

আরজ খুইল্যা তবে আলাল খাঁ দেখিল ।

জামালের মরণ কথা পত্রে লেখা ছিল ॥’ ১৮ অঃ

তাহা হইলে জামালের পত্র অধুয়ার হাতে কি ছয়-সাত মাসের মধ্যে পৌঁছায় নাই ।

বৃদ্ধ উজিরের মুখে জামাল ও অধুয়া ঘটিত কাহিনী শুনিয়া—  
আলাল ‘হুকুম করিল দেওয়ান লোকজন ডাকিয়া ।

রাত্রি মধ্যে ছুবরাজের আনিবে বাক্সিয়া ॥

দক্ষিণবাগ সহর জুইড়া আগুন জ্বালাও ।

গর্দান কাইট্যা সওয়ার লোক সায়েরে ভাসাও ॥

সেই দেশের গাছ বিরিক্ত নাই থাকে মাটি ।

লৌয়ের নদী বহাইয়া দেও লোকজন কাটি ॥’ ১৮ অঃ

এই হুকুম প্রাপ্ত দেওয়ানী ফৌজ যখন দক্ষিণভাগ আক্রমণ করিয়াছিল তখন অধুয়া জামাল খাঁর পত্র পাইয়া তৎক্ষণাৎ স্নান করিয়া দাসীদের সঙ্গে পূজার সামগ্রী লইয়া চণ্ডির মন্দিরে পূজা করিতে বসিয়া গেল, আর ‘হেন কালে ফৌজ আসি’ তাহাকে ‘বাপের সহিত বাক্সিয়া লইল’ ! ইহা কি প্রকারে সম্ভব !! তবে কি বানিয়াচঙ্গের ফৌজ চোরের মত নিঃশব্দে কেবল মাত্র রাজার পুরীতেই প্রবেশ করিয়াছিল ? তাহা তো নহে । কবি বলিতেছেন দক্ষিণভাগের লোকজনের গর্দান কাটিয়া রক্তের নদী বহাইয়া সমগ্র দক্ষিণবাগ আগুনে পুড়াইয়া রাজা ছুবরাজকে বাক্সিয়া আনিবার ঢালাও হুকুম পাইয়া—

‘একে ত জঙ্গের ফৌজ হুকুম পাইল ।

জঙ্গলা পুড়াইতে যেন আগুন ধাইল ॥’ ১৯ অঃ



এই আক্রমণের সম্মুখে ছুবরাজ প্রাণরক্ষার জন্য কি প্রকার চেষ্টা করিয়াছিলেন, তাহা কবি বর্ণনা করেন নাই। তথাপি ইহা ধরিয়া লওয়া যায় যে, বানিয়াচঙ্গের দেওয়ানী ফৌজ অপেক্ষা শক্তিশালী ফৌজের অধিকারী ছুবরাজকে যেকোনো অবস্থায় পরাজিত ও বন্দী করিয়া তাঁহার পুরীতে প্রবেশ করিতে প্রচণ্ড যুদ্ধ হইয়াছিল, এবং তাহাতে যথেষ্ট সময়ও অতিবাহিত হইয়াছিল। এক্রপ অবস্থায় জামালের পত্র পাইয়া পরমানন্দে চণ্ডীর মন্দিরে গিয়া পূজাকালে রাজকুমারী অধ্যায় বন্দী হওয়ার বর্ণনা অবাস্তব।

পালার কবি বর্ণনা করিয়াছেন, বান্দনৌ অধ্যা বানিয়াচঙ্গ চালান যাইবার পথে জামালের মৃত্যু সংবাদ লোকমুখে শুনিয়া তাহার সঙ্গে আনিত বিষের কোটা খুলিয়া বিষ খাইল, এবং দেওয়ান আলালের হুকুমে তাহার চুল ধরিয়া যখন পাল্কি হইতে বাহির করা হইল, তখন দেখা গেল,—‘জামাল খাঁর পত্র’ কন্ঠার ‘কেশে বাঁধা ছিল’। এই বর্ণনাও অবাস্তব। কারণ, কবির বর্ণনা অনুসারে অধ্যা যখন ভিজা চুলে মন্দির মুছিয়া চণ্ডীপূজা করিতেছিল, তখন দেওয়ানী ফৌজে তাহাকে বান্দনৌ করে। এক্রপ অবস্থায় রাজকুমারী অধ্যা জামাল খাঁর প্রেমপত্র কেথায় পাইবে? শয়নগৃহ হইতে প্রেমপত্র অনিবার সুযোগ সে নিশ্চয়ই পায় নাই।

এই পালার আর একটি আশ্চর্য্য দুইটি ছত্রে ব্রাহ্মণ রাজা ছুবরাজের ইসলাম কবুল করিয়া মক্কা যাত্রা। ধর্মাস্তর গ্রহণের হেতু দেখা যায় পাঁচ প্রকার,— ১। নিজের পৈতৃক ধর্ম অপেক্ষা অপর ধর্মের আধ্যাত্মিক তত্ত্বজ্ঞানের উৎকর্ষ এবং সুদৃঢ় যুক্তিবাদের উপলব্ধি। ইহাতে উভয় ধর্ম সম্পর্কেই ধর্মাস্তরিতের দার্শনিক যুক্তিজ্ঞান থাকে।— ২। কোনো ধর্মপ্রচারকের অলৌকিক ক্রিয়াকলাপে মোহিত হইয়া কেহ কেহ ধর্মাস্তর গ্রহণ করে। এক্রপে ধর্মাস্তরিত ব্যক্তি প্রায়ই

পরবর্তীকালে আধ্যাত্মিক সাধন ভজন বিশেষ কিছু করে না।—  
 ৩। জাগতিক কোনো প্রলোভনে পড়িয়া যাহারা ধর্মাস্তরিত হয়,  
 তাহারাও কোনো আধ্যাত্মিক সাধন ভজন করে না।—৪। ভয়ঙ্কর বিপদের  
 চাপে পড়িয়া যাহারা ধর্মাস্তর গ্রহণ করে, তাহারা সুযোগ পাইলেই  
 পুনরায় পৈতৃক ধর্মে ফিরিয়া যায়। এই পুনরাগমনে যদি পৈতৃক ধর্ম  
 বাধা দেয় তবে তাহারা পৈতৃক ধর্মের প্রতি বিদ্রোহী হয়।  
 —৫। কোনো ধর্ম সম্পর্কেই কোনো জ্ঞান নাই, অপরের দেখাদেখি  
 খেয়াল বশত ধর্মাস্তর গ্রহণ। ইহাদের কোনো ধর্ম সম্পর্কে কোনো  
 আস্তা নাই এবং ইহারা নিত্য নৃতনের মোহগ্রস্ত। রাজা ছবরাজের  
 পক্ষে ধর্মাস্তর গ্রহণের এই পাঁচটি হেতুর কোনো হেতুই দেখা যায়না,  
 বরং তাহার বিপরীত প্রবল বাধক হেতু আছে।

ব্রাহ্মণ রাজকন্যা অধুয়ার প্রতি জামাল খাঁর এই আকর্ষণ, দক্ষিণ-  
 ভাগ ধ্বংসের জন্য আলাল দেওয়ানের নির্মম আদেশ ও বন্দিনী  
 রাজকুমারীর প্রতি ছর্ব্যবহার সম্পর্কে মাননীয় দীনেশচন্দ্র সেন মহাশয়  
 তাঁহার ভূমিকায় লিখিয়াছেন,—

‘দেওয়ানদের মধ্যে অনেকেই পূর্বে হিন্দু ছিলেন, পরে ইসলাম ধর্ম  
 গ্রহণ করিলেও তাঁহাদের হিন্দুর সংস্কার ও হিন্দুসমাজের প্রতি অমুরাগ  
 একেবারে লুপ্ত হইত না। হিন্দুসমাজ কিন্তু তাঁহাদিগকে ধর্মত্যাগী  
 বলিয়া অস্পৃশ্য বোধে বর্জন করিতেন। সুতরাং প্রভূত ক্ষমতাশালী  
 দেওয়ানেরা বলপ্রয়োগে হিন্দুসমাজের অপমানজনক আচরণের  
 প্রতিশোধ লইবার যে চেষ্টা পাইতেন, তাহা স্বাভাবিক। বানিয়াচঙ্গের  
 দেওয়ানেরা পূর্বে ব্রাহ্মণ ছিলেন। বৃদ্ধ মন্ত্রী ছবরাজের নিকট হইতে  
 যেক্রপ আচরণ পাইয়াছিলেন, তাহাতে পরস্পর সম্বন্ধহীন দুইটি

প্রাচীন পূর্ববঙ্গ গীতিকা : ৫ম খণ্ড

পরিবারের মধ্যেও ভীষণ শত্রুতার সঞ্চার হইতে পারিত। এক্ষেত্রে দুইটি পরিবার একই শাখা হইতে উদ্ভূত, সুতরাং অপমানের গ্লানি আরও তীব্র বোধ হওয়া অস্বাভাবিক নহে। সুতরাং জামাল খাঁ অভিযান করিয়া বলপূর্বক অধুয়া সুন্দরীকে হরণ করিবে, ইহাতে আশ্চর্যের বিষয় কিছুই নাই।

‘এই সমস্ত মুসলমান যদি পারশ্য অথবা অগ্ন্য কোনো পাশ্চাত্য প্রদেশ হইতে আসিয়া এদেশে হিন্দুদের প্রতিবেশীরূপে বাস করিতেন, তাহা হইলে বোধহয় হিন্দুদের সহিত এরূপ বিবাদের সৃষ্টি হইত না। হিন্দু মহিলাদিগের প্রতিও হয়তো তাঁহাদের এরূপ লুক্কৃষ্টি পড়িত না। রাজপুতনার ইতিহাসে অবশ্য এই নিয়মের অগ্ন্যথা হইতে দেখা যায়। কিন্তু সেক্ষেত্রে ইহা বলা যায় যে, বিজেতা পাঠানেরা নানাভাবে হিন্দুকে নির্জিত ও পদানত করিবার জন্মই এইরূপ অত্যাচার করিতেন, অগ্ন্য উদ্দেশ্যে নহে। উদার রাজনীতির বশবর্তী হইয়া আকবর হিন্দুদের সঙ্গে আত্মীয়তা করার প্রয়াসী ছিলেন।

‘কিন্তু বঙ্গদেশে এইরূপ ব্যাপারের অগ্ন্য কারণ ছিল। উভয় সম্প্রদায় মূলতঃ একই জাতি, এবং সেইজন্ম একই প্রকার রুচি ও সংস্কারের বশবর্তী ছিলেন, ইহাই বোধ হয় এইরূপ সংঘর্ষের কারণ হইত। সুতরাং এদেশে হিন্দু কন্ঠাদের প্রতি মুসলমানের আসক্তি কতকটা স্বাভাবিক ব্যাপার।’

মাননীয় সেন মহাশয়ের উপরোক্ত মন্তব্যের অনেকগুলি বহু শিক্ষিত বাঙ্গালী মুসলমানের মুখে আমি শুনিয়াছি। হিন্দু মুসলমানে বিরোধ ও হিন্দু কন্ঠার প্রতি মুসলমান যুবকদের আকর্ষণের আরও কয়েকটি কারণ তাঁহারা আমাকে বলিয়াছিলেন এবং সেই মন্তব্য হইতে কয়েকটি এখানে উল্লেখ করিতেছি।

খ্রীষ্টীয় অষ্টম শতাব্দীর প্রথম হইতে একাল পর্যন্ত ভারতের

রাজনীতি ও রণনীতির ইতিহাসে মুসলমানের নিকটে হিন্দুর পরাজয় বরণ, এবং হিন্দুতীর্থস্থানে প্রসিদ্ধ মন্দিরগুলির মসজিদে রূপান্তরিত দর্শন, মনস্তত্ত্বের দিক দিয়া হিন্দুদের মনে মুসলিম্বিদ্বেষের মূল হেতু। মুসলমানের পক্ষে হিন্দু বিদ্বেষের মূল হেতু, ইসলাম ধর্মের আবির্ভাবের পর মুসলমান সমরনায়কগণ যে সমস্ত দেশ জয় করিয়া শাসন ক্ষমতা অধিকার করিয়াছিলেন, একমাত্র হিন্দুভারত ব্যতিরেকে আর সব দেশের সমগ্র অধিবাসীকে তাঁহারা ইসলাম ধর্মে দীক্ষিত করিতে সমর্থ হইয়াছিলেন। ভারতে সাম্রাজ্য স্থাপন ও পাঁচশত বৎসর নিরঙ্কুশ শাসন ক্ষমতা পরিচালনা করিয়াও জনসংখ্যায় এবং আর্থিক-ধনসম্পদে হিন্দুর তুলনায় হীনত্বের গ্লানি মুসলমান নেতৃবর্গ ও ধর্মপ্রচারকদের হিন্দু বিদ্বেষী করিয়াছে। জনসাধারণ নেতা ও ধর্ম যাজকদের প্রভাবাধীন।

১৯৪৩ খ্রীষ্টাব্দে ঢাকা নবাবপুরে কবিরাজ অনাদিচরণ ভিষক্শাস্ত্রী মহাশয়ের ঔষধালয়ে একজন সম্ভ্রান্ত পেনসনপ্রাপ্ত স্কুলইন্স্পেক্টর মুসলমানকে আমি প্রশ্ন করিয়াছিলাম,—মুসলমান সমাজে এই যে কথা উঠিয়াছে, ভারতে ইসলাম বিপন্ন, বিপন্ন ইসলাম রক্ষার জন্ত ভারতে পৃথক ইসলামিক রাষ্ট্র প্রয়োজন। ইহার হেতু কি? উত্তরে তিনি যাহা বলিয়াছিলেন তাহার নির্গলিতার্থ—

এক কালে শক, হুণ প্রভৃতি ভিন্ন ধর্মাবলম্বী জাতি, কেহ উদ্ভাস্ত হইয়া, কেহ বা আক্রমণকারীরূপে ভারতে আসিয়া বসতি স্থাপন করার পর কয়েক পুরুষের মধ্যেই হিন্দুধর্ম ও সমাজের মধ্যে মিশিয়া একাকার হইয়া গিয়াছে। ইহার কাবণ, তৎকালে হিন্দুসমাজে জাতিগত অস্পৃশ্যতা এবং সামাজিক আদানপ্রদানে বৃত্তিগত জাতিভেদের কঠোরতা ছিল না। সেই সুযোগে হিন্দুধর্মের বহিরাচরণের চমকপ্রদ জাঁকজমক ও আধ্যাত্মিক জগতের বিচারশীল দার্শনিক

মতবাদ বহিরাগতদের অল্পকালের মধ্যেই গ্রাস করিতে পারিয়াছিল। মুসলিম যুগে হিন্দু নেতারা অস্পৃশ্যতা ও জাতিভেদ প্রথা অত্যন্ত কঠোর করিয়াছিলেন। ফলে হিন্দু ও মুসলমানের মধ্যে ধর্মীয় এবং সামাজিক আদানপ্রদানের পথ রুদ্ধ হইয়া গেল। খ্রীষ্টান ও মুসলমান ধর্মযাজকগণ হিন্দু সমাজের এই অস্পৃশ্যতা ও জাতিভেদের যতই বিরুদ্ধ সমালোচনা করুন না কেন, ঐ দুইটি প্রথা অহিন্দু জাতি ও তাহাদের ধর্মের সুদৃঢ় রক্ষাকবচ! সুচতুর ইংরেজ সরকার ব্যাপার বুঝিয়া হিন্দুর ঐ দুইটি প্রথা সযত্নে রক্ষা করিয়াছেন। স্বাধীন গণতন্ত্রী ভারতে সংখ্যাগরিষ্ঠ হিন্দুসমাজ যদি আইন করিয়া ঐ দুইটি প্রথা তুলিয়া দিয়া হিন্দুধর্ম ও সমাজে প্রবেশের বদ্ধ দরজা অহিন্দুর জন্ত খুলিয়া দেন, তবে ভারতীয় অহিন্দু রক্ষা পাইবেন না। মানব মন রসপিপাসু ও যুক্তিবাদী, সে যেখানে তাহার মনের খোরাক পাইবে, সেখানেই বুকিয়া পড়িবে। আলোবাতাসহীন ঘরে টবে জন্মানো ফুলগাছ ও চিড়িয়াখানার পশু-পক্ষী অপেক্ষা যেমন উন্মুক্ত বাগানের ফুলগাছ ও বনের পশু-পক্ষী দেখিতে সুন্দর, মানুষের বেলায়ও তাহাই। এই কারণেই মুসলমান যুবকেরা হিন্দু মেয়েদের প্রতি আগ্রহশীল হয়। সব দেশে সব ধর্মেই দেখা যায় বিভিন্ন ধর্মের ছেলে মেয়েদের মেলামেশার ফলে শেষে যদি বিবাহ হয়, তবে অধিকাংশ ক্ষেত্রেই ছেলেটি মেয়ের সমাজ ও ধর্ম গ্রহণ করে : একমাত্র হিন্দু সমাজেই ইহার বিপরীত ঘটনা ঘটে। মূলতঃ হিন্দুধর্ম, সমাজ, সামাজিক রীতি, নীতি, আইন, প্রয়োজনানুসারে পরিবর্তনশীল ও ষাৎসহ ; মুসলমান ধর্ম তাহা নহে। ইসলামিক আইন, রীতিনীতি ও মতবাদ কোনো পরিবর্তন বা আঘাত সহ্য করে না। এইজন্ত ভারতীয় মুসলমানদের অস্তিত্ব রক্ষার প্রয়োজনে ভারতে স্বাধীন ইসলামিক রাষ্ট্রের দাবী করা হয়। এই দাবীর মূল হেতু কোনো

আইনগত রক্ষাকবচ বা গান্ধীজীর ‘সাদাচেক’ দিয়া দূর করা সম্ভব নহে।

মাননীয় সেন মহাশয় এই পালার কবিত্ব ও ঐতিহাসিক মূল্য সম্পর্কে তাঁহার ভূমিকায় লিখিয়াছেন,—

‘মৈমনসিংহের অস্থান্য পালাগানের মত এই রচনায় তেমন কবিত্ব সম্পদ নাই। তবে ঐতিহাসিকতার দিক দিয়া বিচার করিলে এই পালাটির কতকটা মূল্য আছে। মুসলমান আমলের সমাজ সম্বন্ধে অনেক কথার সন্ধান আমরা এই পালার ভিতর দিয়া পাইতেছি। পালায় যে সমস্ত নির্ভূর শাস্তি প্রদানের ব্যবস্থা উল্লিখিত হইয়াছে, তাহা অতিরঞ্জিত নহে। স্বল্পকারণে নগর ও গ্রাম ধ্বংসকরণ এবং অধিবাসীদের হত্যা করার আদেশ প্রদান হইতে আমরা বুঝিতে পারি সেকালে স্বেচ্ছাচারী শাসনকর্তাদের হস্তে দেশ কিরূপ নিঃসহায় ছিল। সাধারণের রাজ্য শাসন ব্যাপারে কোনই হাত ছিল না। সুতরাং বহু অত্যাচার উৎপীড়ন জনসাধারণকে নীরবে সহ্য করিতে হইত। দুই এক স্থলে নিতান্ত অসহ্য হইলে একটা আশ্রয় পাইলে ভয়ে ভয়ে বিদ্রোহাচরণ করিয়াছে ॥’

এই পালাটি অশ্রাব্য সত্যঘটনামূলক পালার মত ঘটনার অব্যবহিত কালে রচিত হয় নাই। তাহা যদি হইত, তবে সেন মহাশয়ের মতে ‘আখ্যানটির প্রারম্ভভাগ সম্ভবত উপকথা হইতে গৃহীত’ হইতে পারিত না। কারণ, জনসমক্ষে পালা গাহিবার সময় শ্রোতাদের মধ্যে ঘটনার সঙ্গে সংশ্লিষ্ট ও প্রত্যক্ষদর্শী কেহ থাকিতে পারে। বোধ হয় ঘটনা ঘটিবার অন্ততঃ পঞ্চাশ-ষাট বৎসর পরে ফৈজুফকির তৎকালে প্রচলিত কাহিনী অবলম্বনে সম্পূর্ণ পালা রচনা করিয়াছিলেন, এবং তাহার বেশ কিছুকাল পরে সম্ভবত উনবিংশ শতাব্দীর শেষে অধুয়া সম্পর্কিত ঘটনার রূপ পরিবর্তিত হইয়াছে।

‘‘প্রাচীন পূর্ববঙ্গ গীতিকা : ৫ম খণ্ড

যাহার জন্তু পালার প্রথম নয়টি অধ্যায়ের বর্ণনাভঙ্গী ও ভাষার সঙ্গে শেষের এগারটি অধ্যায়ের যথেষ্ট পার্থক্য দেখা যায়। এই কারণে পালাটিকে দুই খণ্ডে ভাগ করা হইল।

১৯৩৩ খ্রীষ্টাব্দ হইতে ১৯৩৩ পর্যন্ত অনুসন্ধান করিয়া কোনো হিন্দুর গৃহে এই পালাটি পাই নাই। মুসলমান গায়কদের কাছে যাহা পাইয়াছি তাহার শেষের এগারটি অধ্যায় ও সেন মহাশয়ের সংগ্রহ একই প্রকার, যাহা কিছু ভেদ, তাহা অবাস্তব।

নবদ্বীপ

আগমেস্বরী পাড়া রোড,

ত্রিাক্ষিতীশচন্দ্র মৌলিক

## ছুরত্ জামাল—অখুয়া সুন্দরীর পালা

প্রথম খণ্ড—ছুরত্ জামাল

বন্দনা :

পৰ্থমে<sup>১</sup> বন্দনা গো করি আল্লা নিরাজন ।

তার পরে বন্দনা গো করি উস্তাদের চরণ ॥

গান আরম্ভ :

গুরু, কও কও একবার শুনি ।—খুয়া

যখন না ছিল আশ্‌মান, না ছিল জমিন্,

না ছিল রবি আর শশী,

তখন কোথায় ছিলাম আমি ।

গুরু গো, কও কও একবার শুনি ॥

গুরু গো, ধানের মধ্যে ধুয়ারা<sup>২</sup> হইল

হর্যার<sup>৩</sup> মধ্যে ত্যা<sup>৪</sup>ল ।

ডিম্বার মধ্যে বাচ্চা হইল

পরাণ\* কেমনে গ্যা<sup>৫</sup>ল<sup>৬</sup> ॥

গুরু গো, কও কও একবার শুনি ॥

গুরু গো, এ তিন সংসার মধ্যে বন্ধু কেউ ত নাই ।

সার কেবল আল্লার নাম অসার ছনিয়াই ॥

১। পৰ্থমে = প্রথমে ।

২। ধুয়ারা = ধানে দানা বাঁধিতে প্রথমে ছুধের মত রস হয় উহাকে ধুয়ারা<sup>৭</sup> বলে । ( সেন মহাশয়ের মতে ধুয়ারা = চাউল ) ।

৩। হর্যা = সরিষা ।      ৪। গ্যা<sup>৮</sup>ল = গেল, প্রবেশ করিল ।

পাঠান্তর :— \* ‘—প্রাণী—’ ॥



হিন্দু ভাই মইরা গেলে নিব গাঙ্গের ভাটি<sup>৫</sup> ।  
মোছলমান মইরা গেলে তারে পাইড়া দিব মাটি<sup>৬</sup> ॥  
আশ্‌মান কালা জামিন্ কালা  
আর কালা দরিয়ার পানি ।  
সগল থাইকা অধিক কালা  
ভাইরে, আথেরে<sup>s</sup> বেইমানী<sup>৭</sup> ॥  
ফৈজু ফকিরে কয়, আল্লা, আমি দীনহীন ।  
জন্ম থাইক্যা করলা<sup>r</sup> আল্লা আমার অক্ষিহীন ॥  
নাই আমার ভাই বন্ধু নাই বাপ মাও ।  
হুনিয়া আথেরে আল্লা দিও ছুটি পাও ॥

৫ । ভাটি = এখানে অর্থ হইবে তীরে ।

৬ । পাইড়া দিব মাটি = কবরে শোয়াইয়া মাটি দিয়া ঢাকিয়া দিবে

৭ । আথেরে বেইমানী = শেষে অকৃতজ্ঞতা ।

৮ । করলা = করিলে ।

s'—‘আথর—’ ॥

r'—‘কল্লা—’ ॥ সেন মহাশয় ‘কল্লা = করিলেন’ অর্থ করি-  
য়াছেন । কিন্তু ঐ অঞ্চলে ‘কল্লা’-অর্থ ‘ছুষ্ট’ বা ‘গলায়  
নলি’ বুঝায় ।

পালা আরম্ভ :

( ১ )

বানিয়াচঙ্গ<sup>১</sup> মুলুকে আছিল ভাই দুইজন ।  
তাদের কথা এইবার শুন দিয়া মন ॥  
আলাল খাঁ বড়ো দেওয়ান ছুডু<sup>২</sup> জ্বলাল ভাই ।  
দেওয়ানগিরি করে ছুয়ে ছভাতে<sup>৩</sup> জানাই ॥  
ধার্মিক সুজ্ঞান আলাল গুণে আলিছান<sup>৪</sup> ।  
পরজাগণে পালন করে ক্রান্তম<sup>৫</sup> সমান ॥  
হাতেমের<sup>৬</sup> সমান দাতা গুণের সীমা নাই ।  
কত বা কইবাম্ কথা কইবার সাধ্য নাই ॥  
ফাতেমা যে তার বিবি যেমুন হুন্দরী ।  
আন্দে<sup>৭</sup>শে ছুরত্<sup>৮</sup> তার কহিতে নাহি পারি ॥

একদিন ফতেমা যে কুয়ার<sup>৯</sup> দেখিল ।  
পুন্নু<sup>১০</sup>মাসীর চান্<sup>১০</sup> যেন কুলেতে<sup>১০</sup> লইল ।  
কুয়ার দেখিয়া বিবি উঠিয়া বসিল ।  
কুয়ারের কথা যত পতিরে কহিল ॥  
আরে ভাইরে—  
এই কথা শুনিয়া আলাল কহিল বিবিরে ।  
‘আইব হুন্দর পুত্র তোমার উদরে ॥’

- 
- ১। ছুডু=ছোটো। ২। ছভাতে=সভায়। ৩। আলিছান= বড়ো, মহান।  
৪। ক্রান্তম= আরবদেশের রাজা (?) ৫। হাতেম=আরবদেশের বিখ্যাত  
দাতা ‘হাতেম’। ৬। আন্দে= আন্দাজে, অনুমান করিয়া ৭। ছুরত্= রূপ।  
৮। কুয়ার=স্বপ্ন। ৯। পুন্নুমাসীর চান্= পূর্ণিমার চাঁদ।  
১০। কুলেতে= কোলে।

আরে ভালা, এক মাস দুইমাস তিন মাস গেল ।  
 আল্লার কুদ্রতে<sup>১১</sup> দেখ রক্ত মাংস হইল ॥  
 গণকে আনিয়া দেওয়ান\* গণা<sup>১২</sup> গণাইল ।  
 গুণিয়া বাছিয়া গণক ছাহেবেরে জানাইল ॥  
 ‘তোমার কুলেতে হইব একটি নন্দন ।’  
 ফির গুণিয়া কয় s ‘শুন ছাহেবান্ ॥  
 রূপেতে হইব পুত্র ছুরত্ জামাল ।  
 বাপের সমান বেটা বংশের ছলাল ॥’

খুশী হয়্য! দেওয়ান আবার জিগায়<sup>১৩</sup> । +  
 নছিবে<sup>১৪</sup> কি আছে ঠাকুর, কইবা সমুদায় ॥ +

এই কথা শুনিয়া\* গণক লাগে গণিবারে ।  
 গণিয়া বাছিয়া ফির কয়’ ছাহেবেরে ॥  
 ‘এক কথা শুন ছাহেব, কইতে লাগে ডর ।  
 হইব তোমার পুত্র সাহা সেকান্দর<sup>১৫</sup> ॥  
 কুড়িনা বচ্ছরের মধ্যে যদি দেখ পুত্রের মুখ ।  
 পুত্রের কারণে তুমি পাইবা বড়ো ছোক<sup>১৬</sup> ॥  
 রাজ্যে যতেক লোক দেখিলে পুত্রেরে ! \*\*  
 তাহার কারণে তোমার পুত্র যাইব মইরে ॥

- ১১। কুদ্রতে = ক্রপায় । ১২। গণা = ভবিষ্যৎ গণনা ।  
 ১৩। জিগায় = জিজ্ঞাসা করে । ১৪। নছিবে = ভাগো ১৫। সাহা.  
 সেকান্দর = সেকেন্দর শাহের মত বিখ্যাত । ১৬। ছোক = শোক ।

পাঠান্তর :— \*‘—রাজা—’ ।

s ‘গুণিয়া গনক কয়—’ ।

\*\* এই কথা বলিয়া—’ ।

এইনা কথা আলাল দেওয়ান যখনে শুনিল ।  
 কইন্দ্যা জার জার ছায়েব ভূমিতে পড়িল ।  
 গুণের ভাই ছুলালরে ডাইক্যা কইল দেওয়ান ।  
 পাত্র মিত্র ডাইক্যা ছায়েব সভাতে বইছান<sup>১৭</sup> ॥  
 উজির নাজির আর যত কোটালিয়া ।  
 শল্লা<sup>১৮</sup> করেন দেওয়ান ছায়েব সবারে লইয়া ॥ s  
 ছুলাল দেওয়ান কয়, 'ভাই ভাবনা কর কেনে । +  
 বিবিরে রাইখ্যা আইস দূরের হাইলাবনে<sup>১৯</sup> ॥ +  
 মোকাম<sup>২০</sup> বানায়্যা দেও মজ্জবুত্ করিয়া । +  
 কুড়ি বছরের দানা পানি আইবা রাখিয়া ॥ +  
 মুল্লুকে জনায়্যা দেও কেউনা যাইব হাইলাবনে । +  
 পুত্র লয়্যা থাইক্বে বিবি সেইনা মোকামে ॥' +

আরে ভাইরে, শল্লা কইরা ছায়েব কি কাম করিল ।  
 তেড়ালেংড়াং<sup>২১</sup> কামেলারে ডাইক্যা আনাইল ।

১৭। বইছান = বসিলেন । ( সেন মহাশয়ের মতে 'বসান' । )

১৮। শল্লা = পরামর্শ । ১৯। হাইলাবন = একটি বনভূমির নাম ।

২০। মোকাম = ভালো বাড়ী ।

২১। তেড়ালেংড়া = জন্ম হইতেই বাহার দেহ নানা স্থানে বক্র ও পা খোঁড়া তাহকে 'তেড়া লেংড়া' বলা হয় । সেন মহাশয় 'তেড়া' শব্দের অর্থ করিয়াছেন — 'টেরা' অর্থাৎ টেরা চক্ষু । তেড়ালেংড়া শব্দে রোগে দুর্বল ও বুঝায় । 'মহুয়া' পালায় আছে— 'তেড়ালেঙ্গা দেহখানি জরে কইরাছে সারা ।'

পাঠান্তর :—ছল্লা করেন সাহেব ছবারে লইয়া । ( সেন মহাশয় 'ছল্লা' শব্দের অর্থ করেন নাই । 'ছল্লা' শব্দে 'ছলনা' বুঝায়, 'পরামর্শ' বুঝায় না ) ।

ছায়েবের ডাকে লেংড়া আসে তড়াতিড়ি ।  
 ছুই পায়ে গোদ তার যেমুন কলাগাছের গুড়ি ॥  
 নাতিপুতি বারো হাজার ঝি-এর জামাই ।  
 য়ায়ছামাফিক কামেলা<sup>২২</sup> দেখো তিরভুবনে নাই ॥  
 সঙ্গে আইল নাতিপুতি হাজার ছুই চারি । +  
 দেওয়ানের কাম কইরব খুশ্‌দিল<sup>২৩</sup> ভারি ॥ +  
 এক চৌক্ষে দেখে লেংড়া আর এক চৌখ্‌ কানা । +  
 মোকাম বানাইবার ফন্দি<sup>২৪</sup> ভালা আছে জানা ॥ +  
 আরে ভালা—

আইসা কামেলাগণে সেলাম জানাইল ।  
 বানিয়াচঙ্গ্‌ মুল্লুক তারা বেড়িয়া বসিল ॥  
 চৈন্দ মন গাঞ্জা ভইরা কল্কিত্‌ মাইরল টান ।  
 বানিয়াচঙ্গ্‌ মুল্লুক জুইড়া ধুমায় ডাইকল বান<sup>২৫</sup> \*

আলাল দেওয়ান কয় লেংড়ারে

‘তুমি কর এক কাম ।

খোদার হুকুমে তুমি ছালেমত্‌ জোয়ান<sup>২৬</sup> ॥  
 আমার যে বিবি আছে তাহার লাগিয়া । +  
 মোকাম বানাইতে হইব মজ্‌বুত্‌ করিয়া ॥ +

২২ । কামেলা = মজুব, এখানে ‘রাজমিস্ত্রী’ অর্থ হইবে ।

২৩ । খুশ্‌দিল = আনন্দিত মন । ২৪ । ফন্দি = কৌশল ।

২৫ । ধুমায় ডাইকল বান = বানডাকার মত ধুমায় ভরিয়া গেল ।

২৬ । ছালেমত্‌ জোয়ান = কর্মকুশলী ও শক্তিশালী ।

পাঠান্তর :— \* বানিয়াচঙ্গ্‌ মুল্লুক জুইড়া ধুমায় বান ডাকল ॥

পরসব<sup>২৭</sup> হইব বিবি সেইত মোকামে । +  
 কুড়ি বছর রইব বিবি সেই গহন<sup>২৮</sup> বনে ॥ +  
 দশ মাস পুনু<sup>২৯</sup> হইতে ছয় দিন আছে ।  
 আইজকার দিন দেখো চইলা গিয়াছে ॥  
 রাইত পুষাইলে<sup>৩০</sup> তুমি যাও হাইলাবনে ।  
 সেইখানে যাইয়া তুমি লাইগ্যা যাইবা কামে ॥ \*  
 জমিন খুদিয়া এক পুরী তৈয়ার কর ।  
 সানেতে বাক্সিয়া করবা যেমন পাথর ॥  
 এক দিনের মধ্যে তুমি কাম করবা শেষ ।  
 বক্সিশ্ দিয়াম্ যত চাও অবশেষ ॥'

রাইত পুষাইলে লেংড়া কি কাম করিল ।  
 নাতিপুতি লয়া লেংড়া হাইল্যার বনে গেল ॥  
 ছয় মাইশ্যা পথ জঙ্গল হাইট্যা না হয় পাড়ি । ৩১  
 কামেলা সহিতে লেংড়া চলে তড়াতড়ি ॥  
 বারো হাজার কুদালিয়া<sup>৩২</sup> কাইট্যা ফালায় মাডি । ৩৩  
 সানেতে বাক্সিয়া লেংড়া বানাইল কুডি ॥ ৩৪  
 পাথর বিছায়া দিল সিঁড়িড উপরে ।  
 পুরী তৈয়ার কইরা লেংড়া ফিরে নিজ ঘরে ॥  
 বাইশ পুরা জমিন লেংড়া লাথেরাজ<sup>৩৫</sup> পাইয়া ।  
 সুখে বাস করে লেংড়া নাতিপুতি লইয়া ॥

- ২৭। পরসব = প্রসব । ২৮। গহন = গহীন, গভীর । ২৯। পুনু = পূর্ণ ।  
 ৩০। পুষাইলে = পোহাইলে । ৩১। পাড়ি = অতিক্রম ।  
 ৩২। কুদালিয়া = কোদাল দিয়া মাটিকাটা মজুর । ৩৩। মাডি = মাটি ।  
 ৩৪। কুডি = কুঠি, উত্তম গৃহ । ৩৫। লাথেরাজ = নিকর ।

পাঠান্তর :—\*সেইখানে যাইয়া তুমি কর এক কাম ।

এদিগে হইল কিবা শুন দিয়া মন ।  
 বিবিরে পাঠাইল ছায়ের সেই হাইলা বন ॥  
 কুড়ি বছরের থানা খোরাকি \* ৩৬ সঙ্গে তার দিল ।  
 এক বান্দী সঙ্গে বিবিরে রাইখ্যা আইল ॥

( ২ )

মিছা ছুয়াই<sup>১</sup> কর বান্দা রে ।—ধুয়া  
 গোরের তলায় গেলে রে বান্দা,  
 কেউ ত কারো নয় রে ॥ +

উজির নাজির লয়া দেওয়ান রাজ্জাজ্জি করে ।  
 বিবিরে বনে দিয়া দেওয়ান ঘরে কাইন্দ্যা মরে ॥ \*\*  
 ঘর আন্ধাইর বাড়ীরে আন্ধাইর যেইনা দিগে চায় ।  
 কাইন্দ্যা জারজার ছায়েব সুয়াস্তি † নাইক পায় ॥

একদিন আলাল দেওয়ান কয় ভাইয়ের স্থানে ।  
 ‘দেওয়ানকি করিতে আমার নাই লয় মনে ॥  
 রাইজ্য রইল পরজা<sup>২</sup> বইল, বইল বাড়ী ঘর ।  
 সগল ছাইড়া যাইবাম্ আমি করিতে ছফর ৩ ॥

৩৬। থানা খোরাকি = খাইবার দ্রব্যাদি ।

১। ছুয়াই = সংসার ষাড়া ।

২। পরজা = প্রজা । ৩। ছফর = সফর, বিদেশ ভ্রমণ ।

পাঠান্তর :—‘\*—থান্ খুড়াকী—’ ।

\*\*বিবিরে পাঠাইয়া দেওয়ান কুন কাম করে ॥

†‘—শান্তি—’ ॥

এইনা দেওয়ানগিরি মোর কোন কামে আইব ।  
 মইর্যা গেলে কড়ার চিজ<sup>৪</sup> সঙ্গে না যাইব ॥  
 আন্ধাই<sup>৫</sup> কয়ব্বরে ভাইরে মরিব পচিয়া ।  
 কীড়াতে<sup>৬</sup> খাই গোস্ত টানিয়া ছিড়িয়া ॥  
 যত দেখো স্তিরী পুত্র কইয়া বন্ধু ভাই ।  
 কামাই<sup>৭</sup> কইরলে খাউয়া<sup>৮</sup>\* আছে সঙ্গে যাইবার নাই ।  
 যে জন বানাইছে এইনা এ তিন সংসার ।  
 ফকির হইবাম্ আমি নামেতে তাহার ॥  
 আরে ভাই রে,—  
 ফকির হইয়া আমি যাইবাম্ মকার স্থানে ।  
 হুজরত আল্লার পাঁড়া<sup>৯</sup> পইড়াছে সেখানে ॥  
 কুড়ি বছর আমার নামে কর্বা দেওয়ানগিরি ।  
 কুড়ি বছর পরে আমি ফিইর্যা আইবাম্ বাড়ী ॥’

এইনা কথা বইলা আলাল আশা<sup>১০</sup> লয়্যা হাতে ।  
 আল্লার নামের তছবি<sup>১০</sup> বাইক্যা লইল মাথে ॥  
 একলা চলিল দেওয়ান ছাইড়্যা বাড়ী ঘর ।  
 রাইজ্যের যতেক লোক কাইন্দ্যা জারেজার ॥

- ৪ । কড়ার চিজ = একটা কড়ি মূল্যের দ্রব্য ।      ৫ । কীড়াতে = কীটে ।  
 ৬ । কামাই = উপার্জন ।      ৭ । খাউয়া = খাইবার মানুষ ।  
 ৮ । পাঁড়া — পদচিহ্ন ।  
 ৯ । আশা = ফকিরের হাতে এক প্রকার বিশেষ পাঞ্জা বসানো লাঠি ।  
 ১০ । তছবি = মুসলমানী মস্ত জপের মালা ।



উকিল কান্দে নাজির কান্দে কান্দে যত ভাই ।  
হাতি কান্দে ঘোড়া কান্দে লেখা জুখা নাই ॥  
সগলে ত কয়,—ছায়েব, আমরা সাথে যাই ।  
গোলাম হইলাম আমরা তোমাকে জানাই ॥’

আলাল খাঁ কয় কথা,—‘আমি একলা যাইব ।  
রাইজ্যের কড়ার চিজ্ সঙ্গে না লইব ॥’  
এহিরাপে আলাল দেওয়ান কি কাম করিল ।  
ফকির হয়্যা দেওয়ান তবে\* মক্কায় চলিল ॥  
পইড়্যা রইল রাজ-রাজহি সোনার ঘর বাড়ী ।+  
মনের দুখে দেওয়ান ছায়েব লইল ফকিরী ॥+  
এহি দুনিয়া ফাঁকি বাজী কেও নয়ত কার ।+  
ছুই চৌক্ষু বন্<sup>১১</sup> হইলে দেইখবা সগল আইক্কার ॥+

( ৩ )

এক বান্দী সঙ্গে বিবি থাকেন জঙ্গলে ।  
তাহাব বির্তান্ত কথা কই শুন সগলে ॥  
দশ মাস দশ দিন পুন্নু<sup>১২</sup> যে হইল ।  
বিষের জ্বালায় বিবি চেনন হারাইল ॥  
সোনার পালঙ্কে যে বা \*\* শুইয়া নিদ্রা যায় ।  
কপালের দোষে সেই মাটিতে ঘুমায়ে ॥  
বান্দী দাসী ছিল যার লেখা জুখা নাই ।  
এন<sup>২</sup> বিবি একলা থাকে কেমনে জানি তাই ॥

১১ । বন্ = বন্ধ, মুদ্রিত ।

১২ । পুন্নু = পূর্ণ ।      ২ । এন = হেন ।

পাঠান্তর :—\* ‘—ভবে—’ ।

\*\*—‘সেবা—’

এক মাত্র বান্দী আছে সাথের সঙ্গিনী ।  
 খিদা<sup>৩</sup> পাইলে যুগায় খানা পিয়াসে যুগায় পানি ॥  
 তুকে তুকে ছয় দিন গত হইয়া গেল ।  
 পুন্নু<sup>৪</sup> মাসৌর চান্<sup>৫</sup> বিবি কোলেতে পাইল ॥

পুত্র পায়া বনে বিবির মন খুশী হইল ।  
 রাজ-রাজত্বের সুখের কথা সগলি ভুলিল ॥\*  
 এক তুস্ক দিলে বিবির থাইক্যা গেল বড় ।+  
 সোনার চান্ পুত্র পাইল না পাইল ঘর ॥+  
 আইজ যদি দেওয়ান ছায়েব পুত্রের দেখিত ।\*\*  
 আফ্-ছোস্<sup>৬</sup> মিটায়্যা কত ধন বিলাইত ॥  
 আইক্কারে কাঞ্চা সোনা জলিল মানিক ।  
 কি কইব তুকের কথা মনের হইল ধিক ॥

গলায় হীরার হার বিবি যতনে খুলিয়া ।  
 বান্দী গলায় বিবি দিলাইন্<sup>৭</sup> পরাইয়া ॥  
 ‘তুমি আমার মাও বাপ তুমি সে বহিন ।  
 তোমার কুদ্রতে<sup>৮</sup> আমি তরি দরিয়া গহিন ॥’  
 এক মাস ছই মাস তিন মাস গেল ।  
 পুন্নিমার চান্দ শিশু বাড়িতে লাগিল ॥

৩। খিদা = ক্ষুধা । ৪। চান্ = চাঁদ । ৫। আফ্-ছোস্ = ক্ষোভ, মনের দুঃখ ।

৬। দিলাইন = দিলেন । ৭। কুদ্রতে = রূপায় ।

পাঠান্তর :—\* ভুলিল রাজ্যের কথা আর বান্দী দাসী ।

\*\* ‘—এই কথা শুনিত ।’

খোদার কুদ্রতে দেখো এক বছর যায় ।  
 হামকুড়<sup>৮</sup> দিয়া হাঁটে শিশু কাইন্দ্যা ডাকে মায় ।  
 আন্ধাইরের মাণিক বাছা কইলজার শাল<sup>৯</sup> ।  
 মাও ত রাখিল নাম ছুরত্ জামাল ॥

( ৪ )

এহি দিগে হইল কিবা শুন বলি সবে ।  
 দেওয়ানগিরি করে দেওয়ান বাইনাচঙ্গ্ মুল্লুকে ॥  
 একদিন ছলল দেওয়ান কি কাম করিল ।  
 লোক লঙ্কর লয়্যা ছায়েব শিগারেতে<sup>১</sup> গেল ॥  
 আগে পাছে চলে লোক তুফান<sup>২</sup> যেমন ।  
 হাইলা বনেতে যাইয়া দিল দরশন ॥  
 কাঠ কাঠে কাঠুরিয়া পোলা-পুতি সাথে ।  
 সেইখানে ছলল দেওয়ান দেখে অকব্‌স্মাতে<sup>৩</sup> \* ॥  
 কাঠুরিয়া বালক যত পশ্ছে করে খেলা ।\*\*  
 সেইনা পশ্ছে ছলল দেওয়ান কইর্যাছে ত মেলা<sup>৪</sup> ॥\*\*\*  
 পুন্নমাসীর চান্ যেন ছুরত্ জামাল ।  
 চিচরানি<sup>৫</sup> খেলে সঙ্গে বনের রাখাল ॥

- ৮ । হামকুড় = হামাগুড়ি ।      ২ । কইলজার শাল = হৃদয়ের শেল ।  
 ১ । শিগারেতে = শিকার করিতে ।      ২ । তুফান = ঝড় ।  
 ৩ । অকব্‌স্মাতে = অকস্মাৎ, হঠাৎ ।      ৪ । মেলা = গমন ।  
 ৫ । চিচরানি = কপাটি খেলা ।

পাঠান্তর :—\*—অস্মাতে ॥

\*\*—মেলা

\*\*\*—করিলক মেলা ।

সুন্দর কুমার দেইখ্যা লইগ্যা গেল তাক্<sup>৬</sup> ।  
 না জানি এ কার ছাইল্যা<sup>৭</sup> বে বা মাও বাপ ॥  
 খালাল খাঁর মুখের মত দেইখ্যা আক্টিতি<sup>৮</sup> ।  
 মনে মনে ছলাল খাঁ যে হইল ভাবিত ॥  
 ‘বনেতে এমন ছাইল্যা আর বান্ হইব কার ।  
 চান্দে মতন শিশু এই সে বিবি ফতেমার ॥  
 সাত বছরের শিশু দেখিতে সুন্দর ।  
 এমন ছুরত্ না হয় ছুনিয়া ভিতর ॥’

আন্দেস্<sup>৯</sup> কইর্যা ছায়েব মনেতে ভাবিল ।  
 ‘সাত বছরের কালে জংলায় দেখা হইল ।  
 হায় আল্লা, কুড়ি বছর না হইতে পার  
 বালক হইল দরশন ।\*  
 গণক গইছাছে গণা<sup>১০</sup> নাজানি কেমন ॥’  
 কিস্মতে<sup>১১</sup> কি আছে \*\* ছায়েব এইমত ভাবিয়া ।  
 মুল্লকে ফইর্যা গেল দেওয়ান লোক লঙ্কর লইয়া ॥

(৫)

আরে ভাই মিছাই ছুনিয়াই ।—ধুয়া +  
 আল্লা বিনে এ ছংছারে দোস্ত কেউ নাই ॥ +  
 আইজ হইছে পরাণের দোস্ত  
 কাইল হইব দুশ্‌মন্ । +  
 রাজ্-রাজ্জি ধনের লাইগ্যা বধিব জীবন ॥ +

৬। তাক্ = বিষয় ।

৭। ছাইল্যা = ছেলে । ৮। আক্টিতি = আকৃতি । ৯। আন্দেস্ = অনুমান ।

১০। গণা = ভবিষ্যৎ । ১১। কিস্মতে = ভাগ্যে ।

পাঠান্তর : —\* ( হায় আল্লা ) কুড়ি বছরের মধ্যে হইল দরশন ।

\*\* কিস্মতে যা থাকে—’ ।

তবে ত ছল্লাল দেওয়ান কি কাম করিল ।  
 উজির নাজির সবে ডাইক্যা আনিল ॥  
 সিতাবি<sup>১</sup> ধাইয়া আইল বিদ্ধি যে উজির ।  
 আইল কারকুন<sup>২</sup> মুন্সি আরাহি<sup>৩</sup> নাজির ॥

আরে ভাঙ্গা,—উজির নাজিররে দেওয়ান  
 ডাইক্যা কহিল ।

জঙ্গলার যাও কথা সব শুনাইল ॥  
 বিদ্ধি উজির তার পইড়্যা গেছে দাঁত । +  
 চুপমাইরা রইল বুড়া না চালাইল বাত্<sup>৪</sup> ॥ +  
 আর যত শয়তানে মিইল্যা শল্লা<sup>৫</sup> যে করে ।  
 ছুব<sup>৬</sup> জামালরে কেমনে ফালাইব মাইরে ॥ \*

শল্লা কইরা যত সব ছুনিয়ার ছশ্মন । +  
 ছল্লালরে কইল তারা, ‘শুনখাইন’<sup>৭</sup> ছায়েবান্ ॥ +  
 বুড়া হইয়া তোমার ভাই বৈদেশেতে গেছে ।  
 কি জানি এতেক কাল আছে কি মইরাছে ॥  
 তুমি ত মুল্লকের দেওয়ান কই যে তোমায় ।  
 এহি যে রাইজ্যের সুখ সব তোমার দায়<sup>৮</sup> ॥

১। সিতাবি = বাস্তব হইয়া, শীঘ্র । ২। কারকুন = প্রধান রাজস্ব আদায়কারী

৩। আরাহি = ( ? ) ।

৪। বাত = কথা, আলোচনা । ৫। শল্লা = পবামর্শ ।

৬। শুনখাইন = শুভন ।

৭। দায় = দায়িত্ব, প্রাপ্য ।

পাঠান্তর :— \*কিরূপে জামাল খাঁ শিশু মারিব তাহারে ॥

সুখেতে দেওয়ানী কর বাইচ্যা রইবা যত কাল ।  
কাইট্যা উজাড় কর দুশ্‌মনিয়া শাল<sup>৮</sup> ॥  
যা কইরা সুলতান বাদশা রাজত্বি যে করে ।  
দেওয়ানগিরি করবা ছায়েব সেইপস্থ ধইরে ॥'

তবেত কইল দেওয়ান,—শুন পাত্র মিত্রগণ ।  
কেমন কইরা মারবাম্ শিশু কইব এখন ॥'  
হুলালের কথা শুইনা সবে যুক্তি দিল । \*  
তেড়ালেংড়া কামেলা আনবার লোক পাঠাইল ॥  
বিন্ধি উজির সেইনা কথা সগল শুনিয়া । +  
উইঠ্যা গেল শয়তানের দরবার ছাড়িয়া ॥ +

আরে ভাইরে—

দরবারে ত আইসা লেংড়া জানাইল ছেলাম ।

'কিয়ের<sup>৯</sup> লাইগ্যা ডাইক্যাছ ছায়েব,

আছে কোন বা কাম ॥'

হুলাল থাঁ দেওয়ান কইল,

'লেংড়া, তুমি আমার ভাই ।

তুমি না কইরলে আছান<sup>১০</sup>

আমার আরত রক্ষা নাই ॥

আজব মুস্কিলে<sup>১১</sup> আমি পইড়া গেছি বড়ো ।

সিতাবি যাইয়া তুমি এক কাম কর ॥

৮। শাল = শেল, বিপদের হেতু ।

৯। কিয়ের = কিসের ।

১০। আছান = বিপদস্থার । ১১। আজব মুস্কিল = আশ্চর্য বিপদ ।

পাঠান্তর :— \* শুনিয়া নাজীর মুন্সী সবে যুক্তি দিল ।

বারো হাজার নাতিপুতি সাত্তশ' বিবি আর । +  
 এরে লয়া দেখি আমি বড়ো ঝামেলা তোমার ॥ +  
 হাইলাবনে হামেলা<sup>১২</sup> বড় বন সব উখাড়িয়া<sup>১৩</sup> ॥ \*  
 সুখে বাস কর তুমি নাতিপুতি লইয়া ॥ r  
 বহুত জমিন পাইবা দিবাম কইরা লাখেরাজ<sup>১৪</sup> । +  
 ফয়ছালা<sup>১৫</sup> যদি কইরতে পার আমার একডা কাজ ॥ +  
 হাইলাবনে বাইছ্যা দিছিল বিবি ফতেমার ঘর । x  
 মাটি চাপিয়া দিবা তুমি তাহার উপর ॥  
 বাইরে না আইতে পারে এমন মাটি চাপা দিবা । \*\*  
 কয়বরের মধ্যে তাগর্<sup>১৬</sup> রাইখ্যা আইবা ॥”\*\*\*  
 এইনা কথা বিদ্ধ উজির যখনে শুনিল ।  
 দাড়ি বাইয়া † চৌক্কের পানি জমিনে পড়িল ॥  
 ঘরে আইসা বিদ্ধ উজির কি কাম করিল । +  
 বিদ্ধ এক ঘোড়ায় চইড়া পন্থে মেলা দিল ॥ +  
 বিদ্ধ ঘোড়া বিদ্ধ উজির চলে দড় বড়ি । +  
 পন্থে যাইতে পানি খায় দোয়ে ঘড়ি ঘড়ি ॥<sup>১৭</sup> ॥ +  
 ঘোড়ায় চাবুক মাইয়া বিদ্ধ সে উজির ।  
 হাইলাবনেতে যাইয়া হইল হাজির ॥

- ১২ । হামেলা = গোলমাল । ১৩ । উখাড়িয়া = উচ্ছেদ করিয়া,  
 ১৪ । লাখেরাজ = নিকর । ১৫ । ফয়ছালা = নিষ্পত্তি, সমাধান ।  
 ১৬ । তাগর্ = তাহাদের । ১৭ । ঘড়ি ঘড়ি = অল্প সময় অন্তর অন্তর, ঘন ঘন

পাঠান্তর :—

- \* যতক হামেলা বন সব উখাড়িয়া ।
- r সুখে বাস কর তুমি ঘর বাড়ী বাঙ্কিয়া ॥
- x আর বিবি ফতেমার সেখা বাইছ্যা দিছ্‌লা ঘর
- \*\* বাহির না হইতে পারে মাটি চাপা দিয়া ।
- \*\*\*কবরের মধ্যে তারে আসিবে রাখিয়া ॥
- † ভানিয়া—' ।

(৬)

আরে ভাইরে, খোদায় যদি রাখে বান্দা

তুশ্মন্ কি কইরতে পারে । +

খোদায় যদি লেখে নছিবে

তুক্ষু না যাইব ছংছারে ॥ +

আরে ভাইরে—

বইয়া আছুইন<sup>১</sup> ফতেমা বিবি বন্দীরে লইয়া ।

এনকালে আইল উজির পেরাসিন<sup>২</sup> হইয়া ॥ +

আগে ত বিদ্বি উজির কইল নিজের পরিচয় । +

সগল কথা শেষে কাইন্দা ফতেমারে কয় ॥\*

‘কি কর কি কর বিবি কি কর বসিয়া ।

সুখের দিন দেখি তোমার গিয়াছে ভাসিয়া ॥

তুশ্মন তুলাল খাঁ দেখো কি কামনা করে ।

পুত্রের সহিতে তোমারে চায় মারিবারে ॥

দশ হাজার কামেলা লয়া লেংড়া আইছে ধাইয়া ।

মাটি চাপা দিব তোমারে ঘরে ত রাখিয়া ॥’

এই কথা ফতেমা বিবি যখন শুনিল ।

ব্যাকুল হইয়া বিবি কান্দিতে লাগিল ॥

১। বইয়া আছুইন = বসিয়া আছেন । ২। পেরাসিন = পরিশ্রান্ত ।

পাঠান্তর :—

\*মনের কথা কয় উজির কান্দিয়া কান্দিয়া ॥



জংলা হইতে ছুরত্ জামাল \* খেলা যে করিয়া ।

আইল মায়ের কাছে খিদা যে পাইয়া ॥\*\*

আইসা দেখে কান্দে মাও শিরে দিয়া হাত ।

কান্দিয়া দাসীরে জামাল পুছিল যে বাহু ॥

‘ভিন্ন<sup>৩</sup> পুরুষ আইছে দেখি কিসের কারণ ।<sup>r</sup>

কিসের লাইগা কান্দে মাও কইবা বিবরণ ॥’

ব্যাকুল হইয়া বিবি পুত্র লইল কোলে ।

শত শত চুম্পা<sup>৪</sup> দিল পুত্রের বদন কমলে ॥

‘আহারে পরাণের পুত্র আইজ কি বলিব তরে ।

ফাটিয়া যাইছে বুক কলিজা বিদরে ॥

সোনার রাইজা ছাইড্যা আমি আইলাম রে বনে ।

বরাতে আছিল দুক্ষু খণ্ডাইব কেমনে ॥

দুশমন হয় তোমার চাচা কি কাম্ করিল ।

তর বাপের বিধি উজির আইজ খবর আইনা দিল ॥’

উজিরের ছেলাম কইয়া ছুরত্ জামাল ।

তাহারে পুছিল<sup>x</sup> বারতা হইয়া বেকল<sup>৫</sup> ॥

‘শুন শুন আরে বিধি, আমি জিগাই তোমায়ে ।+

৩। ভিন্ন = এখানে অর্থ হইবে অপরিচিত । ৪। চুম্পা = চুম্বন ।

৫। বেকল = বাগ্র ।

পাঠান্তর :— \* ( আরে ভাইরে ) জংলা হইতে দেওয়ান—’ ।

\*\* ‘—ক্ষণে যে লাগিয়া ।

r ভিন্ন পুরুষ দেখি ঘরে কিসের কারণ ।

x মায়েরে পুছিল—’ ।

আপন বলিতে নাই কেউ আমার ছুনিয়া ভিতরে ॥ \*

কেবা বাপ কেবা ভাই কোথায় বাড়ী ঘর ।

জিগাইলে মাও মোরে না দেয় উত্তর ।\*\*

কান্দিতে সির্জিল বিবি অভাগী মায়েরে ।

কি কারণে বনবাসী কইবা আমারে ॥ +

তুমি যদি জানো কও পূর্ব সমাচার ।'

উজিরের কাছে জামাল জিজ্ঞাসে আবার ॥

শুনিয়া উজির তবে কি কাম করিল ।

বেদ-বিত্তান্ত যত সগল শুনাইল ॥

আরও শুনাইল তার বাপের মক্কা যাওনের কথা ।

গণকে গণিল যাহা আজব বারতা ॥

'বনেতে কুঠরি বাইস্কা তোমার লাগিয়া ।

মনের ছক্কে বাপ গেল বৈদেশী হইয়া ॥

দুশ্মন হইল চাচা তোমারে কোতলও করিতে ।\*\*\*

লেংড়ারে পাঠায়া দিছে এইনা হাইলাবনেতে ॥

শুন শুন আরে কুমার বলি যে তোমারে ।†

এইনা বন ছাইড়া পলাও এইনা রাইত ভোরে ॥x

৩। কোতল = হত্যা ।

পাঠান্তর :—

\* ( আর মাগো ) আপন বলিতে বাপ কেউ নাই ছুনিয়া ভিতরে ।

\*\* 'ফুইদ করিলে মা'য় না দেয় উত্তর ।' ( সেন মহাশয় এই 'ফুইদ' শব্দের এখানে 'জিজ্ঞাসা' অর্থ করিয়াছেন । 'মলুয়া' প্রভৃতি অনেকগুলি পালার 'ফুইদ' শব্দ পাওয়া বাইরে, সর্বত্র 'প্রকাশ' অর্থে 'ফুইদ' ব্যবহার হইয়াছে ) ।

\*\*\* ( আরে ভাইরে ) দুশ্মন হইল চাচা কুতল করিতে ।

† জংলা ছাইড়া আজি রাইতের মধ্যেতে ।

x জাংলা ছাইড়া বাও আইজের নিশিতে ।

তনিয়া ছুরত্ জামাল তবে লাগে কান্দিবারে ।  
কোন দেশে পলাইয়া যাইব ছুছু বলি কারে ॥\*  
মায়ে পুতে কান্দে তারা গলা যে ধরিয়া ।  
চৌকের পানিতে গেল জমিন যে ভাসিয়া ॥  
জামাল জিগায়, 'মাও গো, কোন বা দেশে যাই ।'  
মাও কইল, 'জান্না বিনে আর গতি নাই' ॥

বারতা পুছিল মাও বিধ্ব' উজিরের কাছে ।  
এমন কোনো বান্ধব নি কোনো দেশে আছে ॥+  
এমন বিপদে আশ্রা<sup>১</sup> দিব সেই জনে ।+  
উজির কইয়া দিল খুইজ্যা অমুমাণে ॥  
'আলালের আছিল দোস্ত \*\* দক্ষিণভাগ সরে ।  
হুবরাজ হিন্দু রাজা কইয়া যাই তোমারে ॥  
বড়োই ধার্মিক রাজা বড়ো দয়াদার<sup>৮</sup> ।  
হুবরাজের কাছে আশ্রা মিলিব তোমার ॥  
আইজ রাইতের মাঝে তোমরা যাও সেই স্থানে ।  
হাঁটিয়া যাইতে হইব সকাল বিয়ানে<sup>৯</sup> ॥  
পরিচয় কথা রাজারে বুঝাইব আমি ।  
সঙ্গে ত চলিব উজির আদাব-পরদানি<sup>১০</sup> ॥  
এইনা কথা বইলা উজির কি কাম করিল ।+  
নিশি রাইতের কালে তারা পশ্বে মেলা দিল ॥+

৭। আশ্রা = আশ্রয় । ৮। দয়াদার = দয়ালু । ৯। সকাল বিয়ানে = অতি প্রভাতে, শেষ রাত্রে । ১০। আদাব পরদানি = অপরিচিত সম্রাট ব্যক্তির সঙ্গে পরিচয় করিয়ে দেয় যে রাজকর্মসূচী ।

পাঠান্তর ।—\* এদেশে দরদী নাই ছুছু বলি কারে ।

\*\* তোমার বাপের ছিল দুস্ত—' ।

এদিগে হইল কিবা কহি বিবরণ । +  
 দশ হাজার কামেলা লয়া লেংড়া করিল গমন ॥ +  
 চল্লিশ পুড়া জামিন রে ভাই, খাজনা খিরাজ<sup>১১</sup> নাই ।  
 খাইয়া চলিল নেংড়া সঙ্গে যত ভাই ॥  
 রাইতের পরভাতে তারা আইল হাইলাবনে ॥ +  
 পলাইয়া রইল তারা বনের গহিনে ॥ +  
 পরদিন রাইতে লেংড়া কি কাম করিল । +  
 ফতেমা বিবির কুঠি মাটি চাপা দিল ॥ +  
 দেওয়ান ছুলালের লেংড়া খবর পাঠায় । +  
 কাম হাসিল<sup>১২</sup> হইয়া গেল নাই কোনো ভয় ॥ +

(৭)

আল্লায় যদি রাখে বান্দারে  
 ছশ্মন কি করিবার পারে । +  
 আল্লায় না রাখিলে বান্দার  
 আশ্রা নাই তিব্ সংসারে ॥ +  
 ভাই রে আল্লা রছুলের গুণ গাও ॥ +  
  
 তার পরে কি হইল কথা শুন দিয়া মন । +  
 রাইতের নিশি কালে মেলা দিছে তিন জন ॥ +  
 পাছে পইড়া রইল বন যত কাঠুরিয়া ভাই ।  
 পরাণের ভয়ে চলে জামাল রাইতে অশ্রু ঠাই ॥

১১ । খিরাজ = নির্দিষ্ট খাজনার অতিরিক্ত বাদৃচ্ছিক আদায়ী অর্থ

১২ । কাম হাসিল = কার্য নিম্পন্ন ।

আরে ভাই রে—

পরদা ঢাকা পাকি তাজাম

ঘেই না বিবি চইড়া যায় ।

আইজ হাঁইটো চইলাছে বিবি

দাকুণ হুগ্মনের দায় ॥

কিছু কিছু হাঁটে বিবি খানিক গিয়া বইসে ।

সাতদিনে উঠরিল \* বামুন রাজার দেশে ॥

অ'স্মানে হইল বেলা দ্বিতীয় পওর ।

লাগোছে দাকুণ খিদা জইল। যায় অন্তর ॥

উজির যাইতে জামাল চলে আপন মনে ।

পরশে করিল গিয়া বামুন রাজার ভবনে ॥

পরীর মুল্লুক যেমন দেখিতে সুন্দর ।

হুবরাজ রাজার পুরী তেই<sup>১</sup> মনোহর ।

বইসা আছে বামুন রাজা প'লক উপর ।

চাটর দিগে দানী বান্দী রইছে বিস্তর ॥ +

বাইর দবজায় রইছে সিপাই পাওরা<sup>২</sup> । +

উজির সঙ্গে ছুবত্ জামাল সামনে হইল খাড়া ॥

তইজনে রাজারে তবে সেলাম জানায় ।

জামালকে দেখিয়া রাজা চিনিতে না পায় ।\*\*

১। তেই = সেই প্রকার

২। পাওরা = পাহারা ।

পাঠান্তর : — \* '—উঠারিল—' ।

\*\* জামালকে দেখিয়া রাজা কবে হয় হয় ।

জিজ্ঞাস করে, 'কার পুত্র কোন বা দেশে ঘর।  
কিসের লাইগ্যা আইলা হেথা কও সুবিস্তর ॥'

বির্জি উজির তখন কাইন্দ্যা কহিল ।

অজির পানি মুইছা তবে চাইছা<sup>৩</sup>\* দিল ॥

'শুন শুন আরে রাজা, আমি কইয়ে তোমারে । +

বিপদে পড়িয়া আইলাম তোমার গোচরে ॥ +

তোমার যে দোস্তু হয় আলাল দেওয়ান ।

তার পুত্র জামাল খাঁ এই সাচা<sup>৪</sup> কহিলাম ॥

বড়ো ছুকু পায়্যা জামাল আইল তোমার কাছে ।

ফতেমা বিবি মাও তার সন্তেতে আইসাছে ॥

দুশ্মন হয়্যা চাচা ছুলাল কোন কাম করে ।

জঙ্গলায় পাঠাইল ফৌজ জামালরে বধিবারে ॥

উপায় না দেইখ্যা বালক আইছে তোমার ঘরে । +

আশ্রা দিয়া বাঁচাইবা রাজা, মাও আর পুতেরে ॥" +

এই কথা না শুইছা \*\* রাজা কি কাম করিল ।

হাতে ধইরা জামালরে রাজা পালঙ্কে বসাইল ॥

দাসী বান্দা তাঞ্জাম পাঠ'য় বিবির লাগিয়া । +

আন্দরে গেলাইন বিবি তাঞ্জামে উঠিয়া ॥ +

বাছা বাছা চিজ্ খানা খাইবারে দিল ।

আতর গোলাপ কত অঙ্গে ছিডাইল ॥

তারপরে ত বামুন রাজা কি কাম করিল । +

বারো ছুয়াইর্যা ঘর এক যতনে বান্ধিল ॥ †

৩। চিইন্যা = চিনাইয়া ।

৪। সাচা = সত্য ।

পাঠান্তর :— \* '—চিনা—' ।

সেইনা ঘরে রইল জামাল সঙ্গে মা আর উজির ।

রাজার কাছে ত পাইল বহুত খাতির ৫ ॥ +

দাসী বান্দী কত দিল লেখা জুখা নাই।

বামুন রাজার দেশে জামাল রইল শুন মোমিন ভাই ॥

সেই দেশে থাইক্যা জামাল দেখে এক চিন্তে ।

এক দিন গেল জামাল দক্ষিণ দিগ্ দেখিতে ॥

দক্ষিণ দিগে বড়ো দৌঁধি পানি টলমল করে । +

চাইর পাউড়িতে মেওয়ার গাছ কত মেওয়া ঘরে ॥ +

শানেতে বান্ধিয়া দিছে ঘাট চারি খান ।

ঘাটে ঘাটে উড়িতেছে সোনার নিশান ॥

কত কইন্না সিনান করে আউলা মাথার কেশ । +

জামালরে দেইখ্যা কয়, 'ছাইল্যাভা বেশ বেশ' ॥ +

এহি মতে কইট্যা গেল বারোনা বছর । +

তারপরে কি হইল রে ভাই, শুন সে খবর ॥ +

(৮)

উনিশ বছর পার হইয়া আর এক বছর আছে । +

নছিবের ফেরা<sup>৬</sup> জামালের লাইগ্যা গেল পাছে ॥ +

আরে ভাই রে,—

রাজার বাড়ীতে জামাল আছিল নানান স্মৃথে<sup>৭</sup> ।

এক দিন মায়ের কাছে কইল মনের স্মৃথে ॥

৫। খাতির = আদর স্বত্ব ।

পাঠান্তর :— \* '—মনের স্মৃথে ।

‘শুন শুন মা জননী, আমি কই যে তোমারে ।  
ককির হয়্যা যাইবাম আমি বাইচাচন্ সওরে ॥  
বাপের রাজস্বি আইবাম একবার চৌক্রেত দেখিয়া ।  
বিদায় দেউখাইন্ মা জননী হরষিত হইয়া ॥’

এইনা কথা শুইনা বিবি কাইন্দ্যা জার জার ।  
‘এত ছফু দিলা খোদা নছিবে আমার ॥  
এক পুনাই<sup>০</sup> লয়্যা রে আমি বৈদেশেতে থাকি । +  
সেহ পুত্র ছাইড়া যাইব আমার ছফু কোথায় রাখি ॥ +  
না যাইও না যাইও রে পুত্র, তুমি ঘরে বইসা থাক । +  
আবাগী মায়ের কথা পুত্র, তুমি রাখো ॥ +  
তোমারে লয়্যা রে আমি ভিক্ষা মাইগ্যা খাব ।  
ছশ্মনের দেশে তরে যাইতে নাই ত দিব ॥’

কত কথা কইয়া জামাল মায়েরে বুঝায় ।  
পুত্রের মজি বুইঝা বিবি দিলাইন বিদায় ॥ \*  
তবেত জামাল খাঁ কি কাম করিল ।  
রাইত নিশাকালে এক দিন ঘরের বাইর হইল ॥  
ফকিরের পোশাক জামাল অজ্ঞেত ধরিয়া । \*\*  
পরথমে হাইলার বনে দাখিল হইল গিয়া ॥  
গিয়া দেখে হাইলার বনে গাছ বিরিকি নাই ।  
বন জঙ্গল কাইট্যা লেংড়া কইরাছে সাফাই ॥

পাঠান্তর :— \* পরবোধ না মানে মায় কান্দে হায় হায় ।  
\*\* সই সাবুদ ছন্ত কত সঞ্চেতে লইয়া । ( ইহার অর্থ হইবে,—  
‘সঙ্গী সাথী’ বন্ধু বহু সঙ্গ করিয়া ।— ইতি সম্পাদক । )  
† ‘—সরাই’ । (‘সরাই’ শব্দের অর্থ সেন মহাশয় করেন নাই । ‘সরাই’  
শব্দের অর্থ—পাহা নিবাস । ইতি—সম্পাদক । )



জংলা কাইট্যা কইরাছে আবাদী জমিন ।  
 তাহাতে বসতি করে কমজাত্‌<sup>৪</sup> কমিন<sup>৫</sup> ॥  
 যেখানে থাকিত জামাল মায়ের সহিতে ।  
 মাটি চাপা দিছে লেংড়া তাহার উপরেতে ॥  
 চল্লিশ পুরা জমিন লেংড়া লাথেরাজ পাইয়া ।  
 হাইলাবনে বাস করে নাতি পুতি লইয়া ॥  
 এই দেইখ্যা জামাল খাঁ মেলা যে করিল ।  
 বাইছাচঙ্গ সওরে যাইয়া দাখিল হইল ॥

বাইছাচঙ্গ সওরে যায়্যা জামাল খাঁ ফকির । +  
 ঘুইর্যা ফিইর্যা দেখে তার নিজের বাড়ীঘর ॥ +  
 গাঁও গেরাম ঘুইরা জামাল বহুত দেখিল । +  
 নয়া নবান ফকিরেরে দেইখ্যা কেউ না চিনিল ॥ +  
 আলাল খাঁ দেওয়ানের কথা জিগায়্যা শুনিল । +  
 হায় হায় কইর্যা কাইন্দ্যা পরজাগণে কইল ॥ +  
 'বড়ো ভালা আছিল দেওয়ান গুণের সীমা নাই । +  
 তাহারে হারায়্যা পরজা বড়ো দুস্কু পাই ॥ +  
 দুশমন দুলাল দেওয়ান দেখো কোন কাম করে ।  
 পরজা<sup>৬</sup> লোক হইরা আইছা বেইজ্জৎ করে ॥  
 ঘরের মাইয়া টাইছা আনে দেখিলে সিয়ানা<sup>৭</sup> ।  
 পরজার দুশমন দুলাল না মানে কোনো মানা ॥  
 খিরাজের লাইগ্যা কার বা কাটে নাক কান ।  
 খাজনার লাইগ্যা কার বা কাইটা ফালায় গর্দান ॥

৪। কমজাত্ - হীন বংশে জাত ।

৫। কমিন - স্বভাব দুর্বৃত্ত ।

৬। পরজা - প্রজা । ৭। সিয়ানা - বয়স্ক, যুবতী ।

শিঙ্গের পাগারে লোক রাখে বাছাইয়া ।<sup>৯</sup>  
মরিচের ধূমা পেয়ে দাড়িতে বাকিয়া ॥ } (ক)

আওরাত জননী সবে বেইজ্ঞান বহে  
ছকু পাইয়া দেশের লোক বাড়ীঘর ছাড়ে ॥  
তাওয়াই<sup>১০</sup> হইল দেশ পরতা না পায় আছান ।  
বড়ে বেইমান এই ছলান খাঁ দেয়ান ॥ +

এই সব দেখিয়া জামাল কি কাম বলিল  
বামুন বাজার দেশে আবার ফিরিয়া আইল ॥ +  
আসিয়া মায়ের কাছে কইল সমুদয় ॥

- ৮। শিঙ্গের পাগারে = শিংমাছ পূর্ব-চৌবাচ্চার মধ্যে ।  
৯। বাছাইয়া = বাছাই করিয়া ব্যক্তি বিশেষকে ।  
১০। তাওয়াই = ফাঁকা । (সেন মহাশয়ের মতে—‘ধর স’ ) ।  
১১। আছান = স্বস্তি, নিরাপত্তা বোধ ।

পাঠান্তর :— \* আসিয়া মায়ের আগে বাঁতি জা-ইল ।

(ক) ‘পূর্বকালে অত্যাচারী ভূম্যধিকারীরা প্রজাগণকে ধরিয়া আনিয়া শিংমাছের কূপে ছাড়িয়া দিত এবং মনস্কামনা সিদ্ধ না হওয়া পর্যন্ত এইরূপ নিষ্ঠুর ভাবে তাহাদিগের উপর অত্যাচার করা হইত । পোড়ালিভার ভাঙ দাড়িতে বাকিয়া তাহার যন্ত্রণাদায়ক গন্ধে হতভাগ্যদিগকে অর্জরিত করার রীতিও জমিদারগণের একটা প্রাচীন দণ্ডবিধি ।’—দীনেশচন্দ্র সেন কৃত পান-চীকা ।

নবাব মুর্শিদকুলি খাঁ এই প্রকার এবং ইহা অপেক্ষাও যন্ত্রণাদায়ক কারাগারের নাম রাখিয়াছিলেন ‘বৈকুণ্ঠ’ । তৎকালে বহু হিন্দু জমিদার ও ধনী এই বৈকুণ্ঠ-বাসের ভয়ে ইসলাম কবুল করিয়া রক্ষা পান । তাহাদের পরিবারে মহিলারা প্রায় ক্ষেত্রই সমস্তান ‘ভরাডুবি’ অর্থাৎ বাড়ীর ঘাটে বধা বজরা নৌকা ডুবাইয়া প্রাণ ত্যাগ করেন । ইতি—সম্পাদক ।

‘পরজার ছুছু দেইখ্যা মাওগো থাকন্ নাইত যায় ॥ +  
যেম্‌নে পারি করবাম আমি দেওয়ানী দখল । +  
বেইমান চাচারে আমি দিবাম পরুতিফল<sup>১২</sup> ॥ +

এইনা কথা বইলা\*\* জামাল কোন কাম করে ।  
ফৌজ হইয়া<sup>r</sup> গেল জামাল লড়াই শিখিবারে ।  
ঢাল তরোয়াল আর হাতের চালান ।  
বামুন বাজার দেশে হইল বড়ই সুনাম ॥x  
কুড়িনা বছর কালে জামাল কি কাম করিল ।  
শিগারে<sup>১৩</sup> যাইব বইলা মায়ের কাছে গেল ॥  
‘বিদায় দেও গো মা জননী, বিদায় দেও মোরে ।  
হাইলার বনেতে আমি যাঃবাম্ শিগারে ॥  
বাজারে কইয়া আমি লয়াছি লস্কর ।  
হাস্তি ঘোড়া লয়াছি সঙ্গে লোক বহুতর ॥  
পায়ে ধরি মা জননী রাখো মোর কথা ।  
যাইব শিগারে আমি না হইব অন্তথা ॥’

জামালের কথা শুইয়া বিবি কোন কাম করে ।  
কাইন্দ্যা কাইন্দ্যা বিবি জামাল থারে বলে ॥  
ছুক্ষিণীর ধন বাছা অন্ধের একথান লড়ি<sup>১৪</sup> । \*\*\*  
আল্লায় রাখুন বাছা এই ছয়া<sup>১৫</sup> করি ॥’

১২। পরুতিফল = প্রতিফল ।

১৩। শিগারে = শিকারে ।

১৪। লড়ি = ক্ষুদ্র লাঠি ।

১৫। ছয়া = প্রার্থনা ।

পাঠান্তর :—\*\* ষোল বছর কালে—’ । r ‘—লইয়া—’ ।

x বামন দেশেতে হইল বড়ই সুনাম । r ‘—রাণী—

\*\*\* ‘—লোড়ি ।

( ৯ )

একদিন জামাল খাঁ যাত্রা যে করিল ।  
 হাইলার বনে গিয়া দরশন দিল ॥  
 লেংড়ার যতেক লোক করে মার মার ।  
 ফৌজ লইয়া জামাল হইল আগুসার ॥  
 ধরিয়া যতেক লোক গর্দানায় কাটিল ।  
 লেংড়ার বসতি সব পুড়াইয়া দিল ॥  
 দশ হাজার নাতি পুতি গেল পলাইয়া ।  
 লেংড়ারে বাকিয়া লইল গলায় ছিবল দিয়া ॥  
 লেংড়ারে বাকিয়া জামাল কোন কাম করে ।  
 হাতে গলায় বাইক্যা লয় বাইচ্যাচঙ্গ সঙরে ।

তবে ত চলিল জামাল বাইচ্যাচঙ্গ মুল্লুকে ।  
 রাইজ্যের যতেক পরজা উবুত্ হয়া<sup>১</sup> দেখে ॥  
 হান্তি ঘোড়া কত চলে নাই লেখা জোখা ।  
 কোন দেশেব পালোয়ান আইল করিবারে দেখা ॥  
 ঘোড়ারে চাবুক মারে ধূলা উইড়া যায় ।  
 বাইচ্যাচঙ্গ মুল্লুকের লোক চায়া দেখে তায় ॥  
 আইসাছে জামাল খাঁ যখন পরজারা<sup>২</sup> শুনিল ।  
 ফৌজের সঙ্গেতে যত পরজা যোগ দিল ॥  
 হাউলি<sup>৩</sup> করিল বন্দী যত ফৌজ লইয়া ।  
 দুশ্মন দুলাল দেওয়ান গেল পলাইয়া ॥

১। উবুত্ হয়া = খুঁকিয়া, আগ্রহে গলা বাড়াইয়া    ২। পরজা = প্রজা ।

৩। হাউলি = হাতেল, জেনানা মূল ।

বাপের দেওয়ানী জামাল দখল করিল ।  
 বিধি উজিরের বাড়ী সংবাদ পাঠাইল ॥\*\*  
 অতি বিধি উজির সেইনা মইরা ত গেছে । +  
 তুলাল দেওয়ানের লোক সব পলাইছে ॥ +  
 নয়া উজির নয়া নাজির নয়া ফৌজদার লইয়া । +  
 জামাল খাঁ দেওয়ান হইল দরবারে বসিয়া ॥ +

তারপরে ত জামাল দেওয়ান কোন কাম করে । +  
 তাজাম পাঠায়া দিল মাযের গোচরে ॥  
 আইল ফতেমা গিবি দোলায় চড়িয়া ।  
 আল্লার কাছে দুয়াঃ মাগে পুত্রের লাগিয়া ॥ +

কথা শুইনা বামুন রাজা খুশী হইল মনে ।  
 জামাল খাঁ রাজত্ব করে অতি সাবধানে ॥  
 ফৈজু ফকিরে কয় 'ভাই রে, আল্লার কেরামৎ ।  
 তুনিয়ার কে জানে কণ্ড আল্লার কুদরৎ ॥  
 বনের ফকির দেখে জামাল আছিল ।  
 হইয়া আপন চাচা ছশ্মনি করিল ॥  
 সেইনা জামাল খাঁ দেওয়ান হইয়া । +  
 রাজত্ব করে সুখে দরবারে বাসিয়া ॥ +  
 ছশ্মন দেওয়ান চাচা পলাইয়া গেল । +  
 পন্থের ফকির হয্যা ভিক্ষা মাগিয়া খাইল ॥ +

১। দুয়া - কৃপা, আশাবাদ ।

২। কুদরৎ - অত্যাশ্রয়, ক্রিয়াকলাপ ।

পাঠান্তর :- \* বাপের রাজত্ব দেওয়ান দখল করিল

\*\* বিধি উজীরে তবে লখাও যে দিল ।

## ছয়ত্, আমাল-অধুনা হুন্দরী গালা

এয়ার থিক্যা<sup>৬</sup> তাজ্জব কথা, গাইবাম্ এইক্ষণ । +

গোল না কইর মমিন ভাই, শুন দিয়া মন । +

জারি গাও খেলুয়ার<sup>৭</sup> ভাই রে,

তালে রাইখো পাও ।

এইনা দিশা<sup>৮</sup> ছাইড়্যা তোমরা

এহন অন্ত দিশা যাও ॥'

---

৬। এয়ার থিক্যা— ইহা অপেক্ষা ।      ৭। খেলুয়ার— খেলোয়াড়, এখানে  
অর্থ হইবে পাছ দোহার ।      ৮। দিশা— গানের স্বরভাল, এখানে অর্থ—  
বিষয় ।

## দ্বিতীয় খণ্ড — অধুয়া সুন্দরী

( ১০ )

ভাই রে, আল্লার নাম কর সার ।—ধুয়া  
আল্লা আল্লা কইরা ভাইরে, নবী কইরা সার ॥ +  
মিছা হুনিয়াই ছাইড়া হইবা ভব নদী পার  
রে ভাই, আল্লার নাম জাইন্ত সার ॥ +

হুবরাজ রাজার কইণ্ডা অধুয়া সোন্দরী ।  
তার ছুরতে<sup>১</sup> লাজ পায় যত হর পরী ॥  
অশ্মানের দিগে কইণ্ডা যদি চৌথ মেইল্যা চায়  
সরমে সুরুচ্ চান্দ্ আবেতে<sup>২</sup> লুকায় ॥  
আরে ভাই রে,  
বাপের ত ছুলালী কইণ্ডা মায়ের পরাণি ।  
পাঁচ ভাইয়ের সেইনা এক আছুরিয়া ভগিনী ॥  
সোনার পালঙ্কে কইণ্ডা শুয়া নিদ্রা যায় ।  
গোলাপী পানের বিরি শুয়া শুয়া খায় ॥  
পঞ্চনা ভাইয়ের বউ আবের কাকই<sup>৩</sup> লয়্যা ।  
লোটন খোপা অধুয়ার দেয় ত বাকিয়া ॥  
আরে ভাই রে,  
আশমানের কালা মেঘ দরিয়ার কালা পানি ।  
যেই দেখে সেই ভুইলা যায় কইণ্ডার চাহনি ॥

১। ছুরতে = রূপে।      ২। আবেতে = অত্র, খণ্ড খণ্ড সাদা মেঘে।

৩। আবের কাকই = অত্র খচিত চিহ্নস্বরূপ।

গঙ্গাজলি শাড়ী পরে অধুয়া সোন্দরী ।  
 দেখিতে স্নন্দর রূপ হাইর মানে পরী ॥  
 হাইট্যা যাইতে কেশ কইছার জমিনে লুড়ায় ।  
 দেইখ্যা কইছার রূপ ভুলন ত না যায় ॥  
 যোল বছর বয়েস কইছার পরথম যইবতী<sup>১</sup> ।  
 দক্ষিণবাগ দেশে নাষ্ট এমন রূপবতী ॥  
 একেত বামুনের কইছা তাতে রাজার ঝি । +  
 সেহি কইছার রূপের কথা আর কইবাম্ কি ॥ +

এক দিন পরভাতে অধুয়া ফুল তুলিতে যায় ।  
 চান্দ্রের সমান জামালরে পশ্ছে দেখতে পায় ॥  
 জামালের রূপ কইছা চোক্ষে ত দেখিয়া ।  
 মনে মনে চিন্তা করে পাগল হইয়া ॥  
 “কি বা রূপ অপরূপ আহা মরি মরি ।  
 না দেখি এমন রূপ ঐরুভবন জুড়ি ॥”  
 দাঁড়াইয়া অধুয়া যে চোঙ্গু মেলি হেরে ।  
 কোটি শশী জিনি রূপ ঝলমল করে ॥  
 আরে ভাই রে,—  
 এক দিন ছুই দিন তিন দিন গেল ।  
 ভাবিয়া চিন্তিয়া কইছা শয্যায় শুইল ॥  
 পাঁচ ভাইয়ের বধু কয়, ‘শুন ননদিনী ।  
 এমন হইল কেন কিছুই ত না জানি ॥  
 কি সাপে ডংশিল<sup>৫</sup> তোমার কোমল পরাগি ।  
 কি রূপ দেখিয়া তুমি হইলা পাগলিনী ॥

১. পরথম যইবতী = প্রথম যুবতী ।      ৫. ডংশিল = দংশন করিল ।



বিয়া না হইতে বুঝি দেইখ্যাছ\* নাগর ।  
একেলা বিরহে তার হইয়াছ কাতর ॥”

মায়ে বুঝায় বাপে বুঝায় বুঝায় পঞ্চ ভাইয়ে ।  
বুঝাইলে না বুঝে কইন্যা সদাই থাকে শুইয়ে ॥  
ফুকাইয়া<sup>৬</sup> কান্দে কইন্যা একাকিনী থাকিয়া ।  
স্বপ্নে দেখে ছুরত্ জামালরে মায়ের কোলে শুইয়া ৷

এহি মত কাইন্দ্যা কইনার.এক বছর গেল । +  
জামাল হয়্যাছে দেওয়ান কর্ণে ত শুনিল ॥ +  
ফজরে<sup>৭</sup> উঠিয়া কইন্যা কি কাম করিল ।  
তুলিয়া বাগের ফুল মালা যে গাঙ্ছিল ॥  
গোপনে লিখিল পত্র অধুয়া সুন্দরী ।  
মুছিয়া আশ্রির জল দেখিলেক পড়ি ॥  
স্বপন নামেতে দাসীরে ডাকিয়া কহিল সুন্দরী ।  
“রাখিবা আমার কথা এহি ভিক্ষা করি ॥  
আইজ দিনে যাও তুমি বাইচাচঙ্গ্ সওরে ।  
এহি ত গলার হার আমি দিলাম তোমারে ॥  
এই পত্র নিয়া তুমি জামাল খাঁরে দিও ।  
আমার মনের দুঃখ তাহারে জানাইও ॥”

পত্র লয়্যা স্বপন দাসী করিল গমন ।  
সাত দিনে উতারিল সস্তর বাইচাচং ॥

৬। ফুকাইয়া = ফেঁপাইয়া । ৭। ফজরে = প্রভাতে ।

পাঠান্তর :—\* ‘—ধরিয়াছে—’ ।

ঘোড়ায় চড়িয়া জামাল চৌঘুড়ি<sup>৮</sup> খেলায় ।  
 হাঁটিয়া যাইতে স্বপন পন্থে লাগাল পায় ॥  
 মালা পত্র দিয়া দাসী\* ছেলাম জানাইল ।  
 যাহার কারণে আইল সগ<sup>৯</sup> ই কহিল ।<sup>১০</sup>

“শুন শুন শুন ছায়েব, বলি যে তোমারে ।  
 সাত দিন হাটিয়া আইলাম তোমার গোচরে ।<sup>১</sup>  
 দক্ষিণ-বাগ রাজার কইণ্ডা x অধুয়া সুন্দরী ।  
 দেখিয়া কইণ্ডার রূপ লাজ পায় পরী ॥  
 প্ৰথম যইবতী কইণ্ডা রূপেতে আগল<sup>২</sup> ।  
 দেখিয়া তোমারে ছায়েব, হইয়াছে পাগল ॥  
 আঠার বছর রইলা তুমি দক্ষিণবাগ সহরে ।  
 রাজহি পাইয়া সুখে মনে নাই ও পড়ে ॥  
 পুরুষ বেইমান বড়ো জানিলাম সার ।  
 অধুয়া পাঠাইছে লিখন এই সমাচার ॥  
 আবে ছায়েব, একদিন যাও তুমি দক্ষিণবাগ সহরে ।  
 পরাণ ভরিয়া একবার কইণ্ডা দেখিব তোমারে ॥

৮। চৌঘুড়ি খেলা = ইহা পোলো খেলার মত, ‘আইন-ই-আকরী’ গ্রন্থে  
 এই খেলার বিবরণ আছে। ৯। আগল = অগ্রগণ্য। ১০। সহরে = সহরে।

পাঠান্তর :— \* ‘—খাই—’ ।

৯ বাহার কারণে খাই সহরে আগিল ।  
 ১ আমি ও ভিন্ দেশী নারী জানাই তোমারে ॥  
 x দক্ষিণবাগ সহর মধ্যে—’ ।

দক্ষিণবাগ সহরে যত বাছা বাছা ফুলে ।  
মালা গাইল্যা দিল কইয়া আসিবার কালে ॥”

এতেক বলিয়া স্বপন পত্রখানি দিল ।  
পত্রনা পাইয়া ছায়েব পড়িবার লাগিল ॥  
পত্রনা পড়িয়া ছায়েব কোন কাম করে ।+  
ভাল কথা বলিয়া ছায়েব স্বপনরে বিদায় করে ॥+  
স্বপনরে বিদায় করিয়া দেওয়ান চলিল নগরে ।  
কইয়ার রূপ ভাবিয়া ছায়েব পাগল অস্তুরে ॥+  
সাপের বিষেতে যেমন অঙ্গ অবশ হইল ।  
মায়েরে না বলিল কিছু কেহ না জানিল ॥

(১১)

ঘাটেতে আছিল বান্ধা রঙ্গের<sup>১</sup> ভাওয়ালিয়া<sup>২</sup> ।  
পরভাতে ইঠিল জানাল মাঝি মাল্লা লইয়া ॥  
উজান দাশস পায়্যা \* তরা পাস উঠে ।  
তিন দিনে গেল জানাল অধুয়ার ঘাটে ॥  
স্বপন দাসারে খুইজা খবর পাঠাইল ।+  
সিনানের ঘাটে রঙ্গের ভাওয়াইলা আইল ॥+

পরভাতে উঠিয়া অধুয়া কি কাম করিল ।  
দাসা বান্দী ধর্যা বিবি ঘাটেত চলিল ॥

১। রঙ্গের — কাককার্য সুসজ্জিত ।

২। ভাওয়ালিয়া = প্রাচীনকালে ঢাকা জেলার, ভাওয়াল পরগনার শিল্পী-  
দের আদর্শে প্রস্তুত প্রমোদ তরঙ্গী ।

পাঠান্তর :—\* ‘—ভাহ—’ ।

পাঁচনা ভাইয়ের বউ চলিল সহিতে ।  
 বালিকা সগলে চলে হাসিতে হাসিতে ॥  
 সুগন্ধি ফুলের তৈল কেশে ত মাখিয়া ।  
 সোনার কলসী কাছে লইল উঠাইয়া ॥  
 কোনো সখী যায় দেখ হেলিয়া ছলিয়া ।  
 যইবনের ভারে ভাঙ্গে আঁটখানা হইয়া ॥  
 লোটন<sup>৩</sup> বাইক্যাছে কেহ কারও কেশ খোলা ।  
 কহারও গলায় গান্ধা চাম্পা ফুলের মালা ॥  
 আঁজিতে কাজল কাবও কারও কপালে সিন্দূর ।  
 কাঙ্ক্ষালে বাজিছে কারও রতন ঘুঙ্গুর ॥  
 কারও পিঙ্কনে পাটের শাড়ী কারও নীলাম্বরী ।  
 আইল নদীর ঘাটে যতেক সুন্দরী ॥  
 তার মধ্যে অধুয়া যে দেখিতে বেমন ।  
 তারার মধ্যেতে যেমন চান্দের কিরণ ॥  
 ভাবনা চিন্তায় অঙ্গ হইয়াছে মৈলান ।  
 তবু অঙ্গে জ্বলে রূপ অগ্নির সমান ॥  
 তৈল কাঁকই বিনা কেশ হইয়াছে জটা ।  
 তবু ত জিনিয়া রূপ যেমন চান্দের ছটা ॥  
 জলের ঘাটেতে অধুয়া দেখে দাঁড়াইয়া ।  
 নদীর ঘাটে আছে বান্ধা রঙ্গের ভাওয়ালিয়া ॥

ভাওয়াল্ল্যার উপরে জামাল দেখিতে কেমন ।  
রাইত পোষাইলে<sup>৪</sup> ভাছু দেখিতে যেমন ॥

চাইর দিগে ফুইট্যা রইছে নানান জাতের ফুল ।  
তাহার উপরে দেখ ভ্রমরার রুল<sup>৫</sup> ॥  
ভাওয়াল্ল্যা হইতে জামাল অধুয়ারে দেখে ।  
দেইখ্যা কইণ্ডার রূপ তাক্ লাগি<sup>৬</sup> থাকে ॥  
কইণ্ডারে দেইখ্যা জামাল পাগল হইল ।  
লইয়া খোদার নাম ভাওয়াল্লা ছাড়ি দিল ॥  
চাইর চৌক্ষু এক হইল যাইবার কালে ।  
ভ্রমরা উড়িয়া যায় ছাইড়্যা যেমন ফুলে ॥  
ছিনান করিয়া কইণ্ডা সঙ্গে সখিগণ ।  
মন্দিরে পরবেশ কইরল দ্বিরস বদন ॥

( ১২ )

জামালরে দেইখ্যা কইণ্ডা পাগল হইল ।  
ব্যাকুল হইয়া কণ্ঠা কান্দিতে লাগিল ॥  
কণ্ঠারে কোলে লইয়া জিজ্ঞাসেন রাণী ।  
“কি কারণে কান্দ মাগো কও কও শুনি ॥  
পালঙ্ক ছাড়িয়া কেন শুইলে ধরায় ।  
দেখিয়া তোমার দুখঃ বুক ফাটিয়া যায় ॥  
তুমি ত গুণের বি আঞ্চলের ধন ।  
প্রাণের অধিক মোর যত্নের রতন ॥

৪ । পোষাইলে = পোহাইলে ।      ৫ । রুল = বোল, গুলনধ্বনি ।

৬ । তাক লাগি = অবাক হইয়া ।

পাঁচ না ভাইয়ের মধ্যে তুমি আদরিণী ।  
 যেন কালে ডাক মোরে বলিয়া জননী ॥  
 অন্তর জুড়ায় মাও গো তোমার ডাকেতে ।  
 হৃথুঃ কেলেশ মাও গো পালায় দূরেতে ॥  
 কি কারণে কান্দ মাও গো কও একবার ।  
 খুলিয়া মনের কথা দেহ সমাচার ॥  
 জিন্ পরী কিছু নাকি দেখিছ নয়নে ।  
 রাত্র নিশাকালে কিছু দেখিছ স্বপনে ॥  
 কি দোষ করিয়াছি আমি বৃথিতে না পারি ।  
 অন্তরের কথা মাও গো কও শীঘ্র করি ॥”  
 ফেজু ফকিরে কহে দোষ তোমার নাই ।  
 পীরিতে পড়িয়াছে কণ্ঠা পীরিত বালাই ॥

( ১৩ )

বাড়ীতে আসিয়া জামাল কি কাম করিল ।  
 নয়া উজিররে তবে ডাইক্যা পাঠাইল ॥  
 ‘এহি পত্র লিয়া’ যাও দক্ষিণবাগ সওরে ।  
 যথায় ছবরাজ রাজা বাস্তাব্যি করে ॥  
 আছে যে তাহার কইন্টা অধুয়া সন্দরী ।  
 দেইখ্যা কইন্টার রূপ লাজ পায় পরী ॥  
 সভায় বইসা তুমি পত্র রাজারে দিবা ।  
 কিছু কিছু সমাচার রাজারে কইবা ॥

৭। জিন = অপ্সর, গন্ধর্ব ।

১। লিয়া = নিয়া ।

হিন্দু মোছলমান দেখ আছে ছুনিয়ায় ।  
 এক আল্লার সর্জন<sup>২</sup> জানাইও সভায় ॥  
 বাইচাচন্দের জামাল দেওয়ান পাঠাইছে তোমরে ।  
 অধুয়া সুন্দরী কইচা বিয়া দেও তারে ॥  
 পত্র লয়া বিধি উজির গমন করিল ।  
 হস্তী ঘোড়া জহরত্‌ বহুত সঙ্গেত লইল ॥  
 পাঁচদিনে উতারিল উজির দক্ষিণবাগ সরে ।  
 সভাতে বসিয়া উজির কোন কাম করে ॥  
 আতর মাখায়া পত্র দিল রাজার থানে<sup>৩</sup> ।  
 কইচার বিয়ার কথা কইল সেই ক্ষেপে ॥

এটনা কথা শুইয়া বামুন রাজা উঠিল জলিয়া ।  
 জলন্ত আগুনি যেন উঠিল ফুলকিয়া<sup>৪</sup> ॥  
 জহ্লাদ ডাকিয়া রাজা কোন কাম করে ।  
 সাত দিন রাখে তারে অন্ধ কারাগারে ॥  
 বৃকেতে পাষণ দিয়া করিল বন্ধন ।  
 পিপড়া মান্দাইল<sup>৫</sup> সব হইল বিছান<sup>৬</sup> ॥  
 দাড়ি উপাড়িয়া তারে মারে বেড়া পাক ।  
 এক কান কাটিয়া তার করিল বিপাক ॥  
 লোহা পুড়াইয়া তার অঙ্গে দাগ দিল ।  
 গদানা ধরিয়া তারে রাজ্যের বাহির করিল ॥

২ । সর্জন = স্বজন । ৩ । থানে = স্থানে ।

৪ । ফুলকিয়া = ফোয়ারার মত । ৫ । মান্দাইল = এক শ্রেণীর বিষাক্ত নীপিলিকা, মাঝালি । ৬ । বিছান = শয্যা ।

বাগ্মাচঙ্গ সহরে তবে উজির পৌছিয়া ।  
 জামাল খাঁরে বার্তা জানায় কান্দিয়া কান্দিয়া ॥  
 'যা ছিল কপালে মোর করিল দুশ্মন ।  
 তোমার লাগিয়া মোর হইল এমন ॥  
 তোমার লাগিয়া মোর কাটা গেল কান ।  
 সভাতে পাইলাম আমি দারুণ অপমান ॥'

বাতাস পাইয়া যেমন আগুন জ্বলিল ।  
 নাজাইতে রণের ঘোড়া আদেশ করিল ॥  
 আল্লাতাল্লা বলি সাজে যত সেনাগণ ।  
 হস্তী ঘোড়া সাজায় কত করিবারে রণ ॥  
 তীর বর্শা হাতে লয় ঢাল তরোয়াল ।  
 সাজিয়া চলিল রণে যেন যম কাল ॥  
 উড়িয়া মঞ্চের<sup>১</sup> বালু আশ্মানে হইল ধুলা ।  
 যতেক নবীর বংশ<sup>৮</sup> পক্ষে কৈল মেলা ॥  
 আল্লাতাল্লা বলি সবে করয়ে চিৎকার ।  
 দেখিয়া রাজ্যের লোক লাগে চমৎকার ॥  
 ঘোড়ার উপরে জামাল সওয়ার হইল ।  
 পাছেতে লঙ্কর যত কুঁদিয়া<sup>৯</sup> চলিল ॥

১। মঞ্চের = জমির, পার্শ্বব ।

৮। নবীর বংশ = এদেশে সাধারণ মুসলমানের ধারণা তাহার সকলে  
 হজরত মহম্মদ নবীর বংশধর এবং আরব হইতে এদেশে আসিয়াছে ।

৯। কুঁদিয়া চলিল = আক্ষালন করিয়া চলিল ।



( ১৪ )

জামাল খাঁ কাইড়া লইল ছলাল খাঁর দেওয়ানী । +  
 পশ্চের ফকির ছলাল চৌক্কে ঝরে পানি ॥ +  
 ভাইব্যা চিন্তা ছলাল খাঁ কোন কাম করিল ।  
 ফকির হয়্যা দেওয়ান ছায়েব \*মকায় চলিল ॥  
 ছয়মাস ঘুইর্যা ফিইর্যা মকার পশ্ছে পশ্ছে ।  
 আলাল খাঁর দেখা পাইল সওরের মধ্যেতে ॥  
 আলালের দেখা পায়্যা ছলাল কোন কাম করে । +  
 গংলায় কাপড় বাইক্যা উবুত্ হয়্যা পড়ে ॥  
 কাইন্দ্যা কাইন্দ্যা কয় ছলাল ভাইয়ের গোচরে ।  
 যেইনা ছক্ষু পাইল মিয়া বাইনাচঙ্গ্ সওরে ॥ +

‘শুন শুন ভাই ছায়েব আমি কই যে তোমারে ।  
 তোমার ছশ্মন পুত্র ফকির কইর্যাছে আমারে ॥s  
 গর্দান খইর্যা কইর্যা দিল রাইজ্যের বাইর ।  
 তোমার পুত্রের লাইগ্যা আমি হইলাম গো ফকির ॥  
 রাইজ্যের যতেক লোক গেছে পলাইয়া ।  
 যইবতী জনানা ২ সবে রাইখ্যাছে বান্ধিয়া ॥  
 মান ইজ্জত্ নাই আর বাইনাচঙ্গ্ সহরে ।  
 হেন পুত্র রাইখ্যা তুমি আছ মক্কা সওরে ॥’

এই কথা আলাল খাঁ যখন শুনিল ।  
 সর্বাঙ্গে আগুন যেন জ্বলিয়া উঠিল ॥

১। উবুত = উপুর ।      ২। জনানা = নারী ।

পাঠান্তর :— \* ফকির হইয়া বেটা—’ ॥

s তোমার ছশ্মন পুত্র যে করিল মোরে ॥

ভাইয়েরে যে লিয়া সাথে ফিরিলেক দেশে !  
 দক্ষিণবাগ সহরে যে আসিয়া পরবেশে ৩ ॥  
 আইসা দক্ষিণবাগে আলাল খাঁ দেওয়ান । +  
 পশ্বে শুইয়া আইল জামাল খাঁর কারখান ॥ +  
 লুট্য লইব দোস্তের কইয়া অধুয়া সোন্দরী । +  
 সে কারণে জামালের সঙ্গে জঙ্গ হইব ভারি ॥ +  
 ছবরাজ রাজা সাজে লড়াই করিবারে । +  
 এন কালে দুই দেওয়ান আইল দরবারে ॥ +  
 দুই দোস্তে কোলাকোলি হইল মিলন ।  
 বহুত বছর \* পরে এই দরশন ॥

তবে ত আলাল খাঁ দোস্তেরে কহিল ।  
 পুত্রের যতেক কথা জিজ্ঞাসা করিল ॥  
 দুশ্মন হইয়া রাজা কহে বুটবাং ।  
 মিথ্যা সাফী দিল রাজা হইয়া বেমাং ৩ক

তবে ত আলাল খাঁ দেওয়ান কোন কাম করে ।  
 ছবরাজের সঙ্গে যায় বাইচাচঙ্গ সহরে ॥  
 পরখাইয়া লইল সৈন্ত হাতি আর ঘোড়া ।  
 চলিল যতেক সৈন্ত হাতে ঢাল খাঁড়া ৩৩৩

৩ । পরবেশ = প্রবেশ করিল ।

৩ ক । বেমাং = স্বেযোগ পাইয়া । সেন মহাশয়ের মতে 'দীর্ঘাপরায়ণ' ।

৪ । পরখাইয়া = পরীক্ষা করিয়া ।

পাঠান্তর :—\* '—উমর—' । ( সেন মহাশয় 'উমর' শব্দের অর্থ করিয়াছেন 'বয়স' । কিন্তু ঐ শব্দটির অর্থ—'বয়স' । ইহার ব্যবহার—'তোমার উমর কত ?' এই প্রকার )

\*\*—কাড়া ।

চলিল যতেক সৈন্ত না যায় গণনা ।  
 তুফান উঠিল যেমন উতাল বাহানা<sup>৫</sup> ॥  
 পাহাড় পর্বত ভাইক্যা যেমন আইসে নদীর পানি ।  
 ছাম্‌নাছাম্‌নি ছুই দল দেখায় কেরদানি<sup>৬</sup> ॥

তবে ত বাইচাচঙ্গের লোক যখন শুনিল ।  
 ছবরাজের সঙ্গে দেওয়ান আলাল খাঁ আইল ॥ +  
 আল্লা আল্লা বইলা সব কুঁদিয়া<sup>৭</sup> উঠিল ।  
 শুইয়া জামাল খাঁ দেওয়ান কোন কাম করিল ।  
 হাতে ছিল ঢাল তরোয়াল জমিনে রাখিল ॥  
 হাঁটিয়া চলিল জামাল বাপের সাক্ষাতে ।  
 পিতা পুত্রে দেখা হইল সরজমিনেতে<sup>৮</sup> ॥

শুকনা ডালেতে যেমন আগুন ধরিল ।  
 কুমারে বান্ধিতে আলাল হুকুম করিল ॥  
 হাতে গলায় বাইক্যা লয় যতেক দুশ্মনে ।  
 চান্দরে ধরিয়া যেমন খায় রাহুগণে ॥

তবে ত আলাল খাঁ দেওয়ান কি কাম করিল ।  
 বানিয়াচঙ্গ মুল্লুকে গিয়া উপস্থিত হইল ॥  
 বাইচাচঙ্গ গিয়া দেওয়ান হুকুম জারি করে ।\*  
 জহ্লাদ আইসা জামালরে নিল কারাগারে ॥\*\*

৫। উতাল বাহানা = উতাল চেউ । ৬। কেরদানি = কুতিত্ব ।

৭। কুঁদিয়া = আশ্বালন করিয়া । ৮। সরজমিনেতে = ঘটনাস্থলে ।

---

পাঠান্তর :— \* তবে ত আলাল খাঁ দেওয়ান হুকুম করিল  
 \*\*আমিয়া জহ্লাদগণে কারাগারে নিল ॥

লোহার ছিকল দিয়া হাতে পায় বান্ধে ।  
 বিপাকে পড়িয়া জামাল আল্লা বইলা কান্দে ॥  
 পাষণ চাপাইয়া দিল জামালের বুকে ।  
 সাত দিন থাকে জামাল এইমত দুঃখে ॥  
 সাত দিন পরে হবে বিচার তাহার ।  
 আল্লার কুদ্রত্<sup>১</sup> শুন বলি আর বার ॥

(১৫)

ছয়মানের পথ দেখো হাইট্যা বাইতে ।'  
 মল্লকের বাদশা দেখো রহেন তাহাতে ॥  
 লেখিল জরুরি পত্র কিবা সমাচার ।  
 কেউ না পড়িতে পারে এবার<sup>২</sup> তাহার ॥  
 চিরি পিঠেতে দেখে ছুই দিক মাদা ।  
 এর দেইখ্যা আল্লাকের যে লাগিল ধাক্কা ॥

ইজির নাজির হবে করে টানাটানি ।  
 হরফ্ না খুইজ্যা পায় এমন লিখনি ॥  
 এমন ছলিকার<sup>৩</sup> পত্র লিখিল কোন জনা ।  
 বুইখ্যা শুইখ্যা কাম না কইরলে যাইব গদীনা ॥  
 আশ্বি শুনে পশ্বি<sup>৩</sup> শুনে, শুনে লোক লক্ষরে ।  
 জামাল খাঁ শুনিল ভাইরে থাইক্যা কারাগারে ॥

২। কুদ্রত্ = চক্রান্ত ।

১। এবার = লিখিত বিষয় তাৎপর্য । ২। ছলিকার = ছলনার,  
 কৌশলের । ৩। আশ্বি পশ্বি = আশেপাশের মানুষ ।

এই কথা শুনিয়া জামাল কোন কাম করিল ।  
 লিখন দেখিতে মিয়া মনোযোগী হইল ॥  
 তারবাদে শুন ভাই রে, চিঠির কারণে ।  
 বাপের যে ধারে<sup>৪</sup> পাঠায় পহরী এক জনে ।  
 খবর পাইয়া আলাল পত্র লইয়া সাথে ।  
 পাত্র মিত্র দোস্ত গেল তাহার সঙ্গেতে ॥  
 আন্ধাইরা ঘরেতে পত্র জামালে রে দিয়া ।  
 চেরাগ<sup>৫</sup> আনিতে একজন দিল পাঠাউয়া ॥

হেনকালে জামাল খাঁ কোন কাম করিল ।  
 চিঠিখানা খুইলা তার সামনে ধরিল ॥  
 আন্ধাইর ঘরেতে আখর ঝিলি মিলা করে ।  
 জামাল খাঁ পড়িল পত্র বাপের গোচরে ॥  
 “শুন শুন বাপ্‌জান্ শুন সমাচার ।  
 মুল্লকের বাদশা চায় ফৌজ যে তোমার ॥  
 দশ হাজার ফৌজ দিবা আরও দিবা ঘোড়া ।  
 দিলেতে জানিও লুকুমের না হইব লড়াচড়া<sup>৬</sup> \* ॥  
 সাত রোজ মধ্যে তথায় দাখিল হইবা গিয়া ।  
 আইনলে<sup>৭</sup> গর্দান যাঈব স্বী-পুত্র লইয়া ॥”

এই কথা শুনিয়া আলাল ভাবে মনে মনে ।  
 “সাত রোজের মধ্যে আমি কেমনে যাই রণে ॥

৪। ধারে = নিকটে। ৫। চেরাগ = প্রদীপ।

৬। লড়াচড়া = নড়চড়, ব্যতিক্রম। ৭। আইনলে = তাহা না হইলে।

পাঠান্তর :— “কথার নাহি হয় লড়া ।

বাদশার হুকুম যদি করি গো লজ্জন ।

জনবাচ্চা<sup>৮</sup> সহিতে হায় রে যাইবে গর্দান ॥”

(১৬)

ভাইব্যা ব্যাকুল আলাল রাইতে নিদ্রা নাইত হয় । +

পরভাতে উঠিয়া দেওয়ান দরবার বসায় ॥ +

উজির আইল নাজির আইল, আইল রাজা ছবরাজ । +

পাত্র মিত্র আইল সবে আছে জরুরি কাজ ॥ +

দরবারে বইসা আলাল দেওয়ান কি কাম করিল । +

সগলের কাছে দেওয়ান শল্লা<sup>৯</sup> যে চাহিল ॥ +

“তোমরা কি কও উজির, কি বুদ্ধি দেও মোরে ।

রণের কারণে কারে পাঠাই দিল্লীর সওরে ॥”

দেওয়ানের পরস্তাব<sup>১০</sup> শুইনা উজির ভাবিত হইল । +

নাজির, ছলাল দেওয়ান, কথা না কহিল ॥ +

হেন কালেতে ভাবে মনে ছশ্মন ছবরাজ ।

“জামাল না মরিলে আমার হইবে কোন কাজ ॥

বিচারে জামালের নাই সে যাইবে পানি ।

যেমন কইরা পারি তারে পাঠাইব রণি<sup>১১</sup> ॥”

এই কথা ভাবিয়া ছবরাজ কয় আলালেরে ।

“ভাবনা কি গো দোস্ত সাহেব, পাঠাও জামালেরে ॥

তোমার পুত্র জাফর রণে পরম পণ্ডিত ।

জামাল যুদ্ধেতে গেলে হইবে তার জিত ॥”

৮। জনবাচ্চা = সপরিবারে ।

৯। শল্লা = পরামর্শ। ১০। পরস্তাব = প্রস্তাব ১১। রণি = রণে ।

এই কথা শুনিয়া আলাল কয় পুত্রের কাছে ।  
“এই কররে জামাল যাতে স্ত্রী পুত্র বাঁচে ॥”  
বাপের হুকুম তবে জামাল ধরিয়া ত শিরে ।  
কোজ লইয়া হইল রওনা দিল্লীর সহরে ॥  
আন্দর মহলে থাইকা তবে শুনে মা-জননী ।  
কান্দিয়া উঠিল হায় মায়ের পরাণি ॥  
মায়ের কাছে আইসে জামাল যেন বিদায়ের কালে ।  
এই খবর পাঠাইল মাও কাইন্দ্যা জামালে ॥

মায়ের কাছে আইল জামাল মাও কাইন্দ্যা উঠিল ।  
হাহাকার কইরা মাও পুত্রের দেখিল ॥  
হায় পুত্র বইল্যা বিবি পড়িলেন ঢলি ।  
ধূল্য গড়াইয়া কান্দে পুত্র পুত্র বলি ॥  
“আহারে পরাণের পুত্র, তুমি যাইবা কোন ঠারে<sup>৪</sup> ।  
কি কথা কইয়া যাইবা অভাগিনী মায়েরে ॥  
আরে পুত্র, আঁখির না তারা তুই পরাণ পুতলি ।  
কেমন কইরা যাইবা পুত্র, মায়ের বুক কইরা খালি ।  
আর কি দেখিবাম্ চক্ষে তোমার চান্দন ।  
আর কি শুনিবাম পুত্র, তোর মধুর বচন ॥  
আর না ডাকিবা পুত্র, মাও যে বলিয়া ।  
আর না লইবাম তোরে কোলেতে টানিয়া ॥  
মায় সে জানে পুত্রের বেদন আর জানিব কে ।  
প্রাণের পুত্র ছাড়া মায়ের আর বা আছে কে ॥

কার বা ফলস্তু<sup>৫</sup> গাছ আমি ফালাইলাম কাটি ।  
 কিসের কারণে হইলাম আমি পুত্রশোণী ॥  
 কার বা ঘরের ধন আমি কইরাছিলাম চুরি ।  
 কি পাপে হারাই পুত্র বুঝিতে না পারি ॥  
 তুই পুত্র বিনে আমার নাহি অশ্রু জন ।  
 ঘুম থাইক্যা উইঠ্যা দেখ্‌বাম্ কার চান্দদন ॥  
 অঞ্চলের নিধিপুত্র অক্ষের যে লড়ি<sup>৬</sup> ।  
 আইজ হইতে শূণ্য হইল আমার এই পুরী ॥”\*

এইরূপে কান্দে বিবি আক্ষেপ করিয়া ।  
 তার পর কিবা হইল শুন মন দিয়া ॥  
 মায়ের চরণে জামাল ছেলাম জানাইল ।  
 কান্দিয়া মায়ের আগে কহিতে লাগিল ॥  
 “শুন শুন মা জননৌ বিদায় দেও গো মোরে ।  
 জঙ্গেতে যাইবাম্ আমি বলি যে তোমারে ॥  
 ছয়া<sup>৭</sup> যে করিও মোরে আমি যেন ফিরি ।  
 বণ জিতিয়া আইস্যা তোমায় সেলাম করি ।”  
 আরে ভাই রে, —  
 মায়ের পায়ের ধূলা আর চক্ষের পানি ।  
 অঞ্চল দিয়া মুছায় মুখ পুত্রের মাজননী ॥

৫ । ফলস্তু = ফলবান ।

৬ । লড়ি = ছোট লাঠি । ৭ । ছয়া = প্রার্থনা, আশীর্বাদ ।

পাঠান্তর :— \* আজ হইতে গিরবাস করে লইয়া করি ।



(১৭)

রণেতে চলিল জামাল বিদায় হইয়া ।  
অধুয়া সুন্দরীর কথা শুন মন দিয়া ॥  
চট্টানে<sup>১</sup> আসিয়া জামাল কি কাম করিল ।  
সঙ্গের যত ফৌজ জামাল জিরাইতে<sup>২</sup> বলিল ॥  
পত্র লিখিল জামাল অধুয়ার কাছে ।  
জামালের কথা কি কণ্ঠার মনে আছে ॥

“শুন শুন অধুয়া গো, বলি যে তোমারে ।  
জঙ্গিতে চলিলাম আমি দিল্লীর ছহরে ॥  
নিচিস্ত<sup>৩</sup> হইয়া তুমি আছ যে ছুইয়া<sup>৪</sup> ।  
জন্মের মত যাই আমি বিদায় যে হইয়া ॥  
আজি হইতে তোমার বুক হইল যে খালি ।  
একদিন না লইলাম তোমায় কোলের মধ্যে তুলি ॥  
নিজের হাতে পানের খিলি তুইল্যা নাহি দিবা ।  
দেওয়ানা<sup>৫</sup> ফকিরে আর চক্ষে না দেখিবা ॥  
হায় হায় অধুয়া গো ফাইট্যা যায় যে বুক ।  
আর না দেখিবাম্ আমি তোমার চান্দ মুখ ॥  
আর না হইব দেখা কর্মের লিখন ।  
আর না হইব দেখা থাকিতে জীবন ॥  
বড়ো আশা ছিল মনে তোমাকে লইয়া ।

১। চট্টানে=উন্মুক্ত প্রান্তরে, যেখানে সৈন্য সমাবেশ করা ও শিক্ষা দেওয়া হয়

২। জিরাইতে=বিশ্রাম করিতে । ৩। নিচিস্ত=নিশ্চিস্ত ।

৪। ছুইয়া=ভুইয়া । ৫। দেওয়ানা=অধোয়াদ ।

সুখেতে করিব বাস জলটুঙ্গি<sup>৬</sup>\* বাকিয়া ॥  
 যাইবার কালে দেখা না হইল আর ।  
 আর না হইব দেখা সঙ্কেতে তোমার ॥  
 তবে যদি ফিইয়া আসি আল্লার ফজলে<sup>৭</sup> ।  
 তবে ত কোলের ধন লইবাম কোলে ॥’’  
 পত্র না লিখিয়া জামাল মুছে আক্ষির পানি ।  
 সাপের জারেতে<sup>৮</sup> যেন ছট্‌কিল<sup>৯</sup> পরাণি ॥  
 হাতের আঙ্গুরী আর পত্রখনি দিয়া ।  
 অধুয়ার কাছে জন দিল পাঠাইয়া ॥

পরে ত চলিল জামাল ফৌজের সাথে ।  
 বাহিরিয়া অযাত্রা তবে দেখে পথে পথে ॥  
 যাত্রাকালে হাঁচি তার বামেতে পড়িল ।  
 আক্ষির উপরে মাছি উড়িয়া বসিল ॥  
 চলিতে রণের ঘোড়া উঠা<sup>১০</sup> খাইল পায় ।  
 কাঠুরিয়াগণ দেখে কাঠ লইয়া যায় ॥  
 ‘রহ রহ’ তিন ডাক পিছনে শুনিল ।  
 ছামনেতে মড়া এক চক্ষেতে দেখিল ॥  
 পুরে<sup>১১</sup> সে কান্দন শুনে লাগে খেজালত ।  
 অযাত্রা দেখিয়া জামাল চলিলেক পথ ॥

৬। জলটুঙ্গি=জলাশয়ের মধ্যে গ্রীষ্মাবাস । ৭। ফজলে=কৃপায় ।

৮। জারেতে=বিষে । ৯। ছট্‌কিল=আচ্ছন্ন করিল ।

১০। উঠা=হোঁচট্‌ । ১১। পুরে=গৃহে, নগরে ।

পাঠান্তর :— \*‘—মুন্ছ—’ (সেন মাহাশয় অর্থ করিয়াছেন—‘মঞ্চ’) ।

চিন্তাযুক্ত হইরা জামাল ভাবে মনে মনে ।  
কান্দিয়া আরদশ্<sup>১২</sup> করে খোদাতাল্লার স্থানে ॥

(১৮)

এক মাস দুই মাস কইর্যা ছয় মাস\* গেল ।  
মুল্লুকের বাদাশা যে তবে খবর পাঠাইল ॥  
আরজ<sup>১</sup> খুইল্যা তবে আলাল খাঁ দেখিল ।  
জামালের মরণ কথা পত্রে লেখা ছিল ॥  
কাত্যানির<sup>২</sup> বানে<sup>৩</sup> যেমন কলাগাছ পড়ে ।  
বিছাইয়া পড়িল দেওয়ান জমিনের উপরে ॥  
হায় হায় কইর্যা কান্দে উজির নাজিরগণ ।  
বহুত ক্ষণ পরে দেওয়ান পাইল চেতন ॥

বানিয়াচঙ্ মল্লুকে উঠে কান্দনের ধ্বনি ।  
লোক লস্কর কান্দে যত আকুলকাতরানি<sup>৪</sup> ॥  
গজ কান্দে অশ্ব কান্দে কান্দয়ে গোধন ।  
বন জংলায় কান্দে যত পশুপক্ষীগণ ॥  
মালিয়া নিল<sup>৫</sup> মণিকান্দে মুখে বলে বোল<sup>৬</sup> ।  
ভাবে মনে কার গলে গাস্থ্যা দিবে ফুল ॥

১২ । আরদশ্= প্রার্থনা ।

১ । আরজ=লিখিত বিবরণ । ২ । কাত্যানির=আশ্বিন কার্তিক মাসের

৩ । বানে=ঝড় ও বতায় । ৪ । কাতরানি=যন্ত্রণায় অশ্রুট ক্রন্দন ধ্বনি ।

৫ । মালিয়া=মালী । ৬ । বোল=উক্তি ।

পাঠান্তর :—\*—তিন মাস—' ।

হাহাকার কইরা পরজা কান্দে ঘরে ঘরে ।  
হাহাকার শব্দ হইল বাইনাচঙ্গ্ সহরে ॥

হাউলির মধ্যে যখন সংবাদ পৌছিল ।  
শুনিয়া ফতেমা বিবি অজ্ঞান হইল ॥  
কাছে ছিল দাসী বান্দী মুখে দেয় পানি ।  
তিন দিন পরে বিবি তেজিল পরাণি ॥  
দারুণ পুত্রের শোক না যায় ভুলন ।  
বিবির মৃত্যুতে আলাল করিছে ক্রদন ॥  
ফৈজু ফকির কহে না কর ক্রদন ।  
আল্লার নামেতে সবে শাস্ত কর মন ॥

হেন কালে বুদ্ধ উজির আসিয়া কহিল ।  
“তোমার দোষেতে তুমি সকল খুয়াইলে<sup>৭</sup> ॥”  
আরে ভাই রে,—  
কান্দিয়া কান্দিয়া উজির কহিতে লাগিল ।  
পূর্বাপর ছমাচার যত কিছু ছিল ॥  
“মক্কায চলিলে ভাই হইল দুশ্ মন ।  
তুলাল খাঁ করিল যত শুন বিবরণ ॥  
লেংড়ারে পাঠাইল দেখ হাইলাবনেতে ।  
দশ হাজার লস্কর দিয়া জামালে মারিতে ॥  
আল্লার কুদ্রতে দেখ জামাল পরাণে বাঁচিল ।  
পন্থের ফকির যেমন কান্দিয়া চলিল ॥

৭। খুয়াইলে = হারাইলে ।

ছবরাজের দেশে জামাল রহে বহুত দিন ।  
 হাইলাবনে লেংড়া জামালের না পাইল চিন্<sup>৮</sup> ॥  
 আঠার বছর থাকে জামাল ছবরাজের দেশে ।  
 করিয়া বহুত জঙ্ক রাইজ্য পাইল শেষে ॥  
 ছবরাজের কইন্যা এক অধুয়া সুন্দরী ।  
 দেখিতে তাহার রূপ যেন ছরপরী ॥  
 জামালে দেখিয়া কন্যা অজ্ঞান হইল ।  
 আপনি যাচিয়া কন্যা পত্র যে লিখিল ॥  
 লইয়া সাদীর কথা\*গেলাম রাজার স্থানে ।  
 আমার কথা শুইনা রাজা বলে কোটালগণে ॥  
 ছশ্মন হইয়া রাজা করে অপমান ।  
 সেই ত দোষেতে মোর কাইট্যা দিল কান ॥  
 সেই ত কারণে রাজা গোষা<sup>৯</sup> ত হইয়া ।  
 জামালরে পাঠাইল রণে তোমারে শল্লা দিয়া” ॥†

এই কথা আলাল খাঁ দেওয়ান যখন শুনিল ।  
 পুত্র শোকের আগুন জলিয়া উঠিল ॥  
 হুকুম করিল দেওয়ান লোক জন ডাকিয়া ।  
 “রাত্রি মধ্যে ছবরাজরে আনিবে বাকিয়া ॥  
 দক্ষিণবাগ সহর জুইড়া আগুন লাগাও ।  
 গর্দান কাইট্যা সওরের লোক সাযরে<sup>১০</sup> ভাসাও ॥

৮। চিন্ = চিহ্ন, খোঁজ ।

৯। গোষা = অসন্তুষ্ট, ক্রুদ্ধ । ১০। সাযরে = বড়ো নদীতো ।

পাঠান্তর :—\* লইয়া সঙ্গীর কথা—’ ।

†জামালে পাঠায় রণে শল্লা যে করিয়া ॥

সেহি দেশের গাছ বিরিক্ক নাহি থাকে মাটি ।  
লৌয়ের<sup>১১</sup> নদী\* বহাইয়া দেও লোক জন কাটি ।”

একে ত জঙ্গের ফৌজ তাতে লুক্কম পাইল ।  
জঙ্গলা পুড়াইতে যেন আগুন জ্বলিল ॥

(১৯)

জামালের পত্র পাইয়া কহা কোন কাম করে ।  
শীঘ্র করি চলে কহা চণ্ডীর মন্দিরে ॥  
ভিজা চুল দিয়া কহা মন্দির মুছিল ॥  
পূজার সামগ্রী যত দাসীরা আনিল ॥  
আতপ তণ্ডুল আর ঘিৰ্ত<sup>১</sup> কেলা<sup>২</sup> চিনি ।  
চন্দন সিন্দূর যত-সবে দিল আনি ॥  
গলায় কাপড় বান্ধি অধুয়া সুন্দরী ।  
চণ্ডীরে করয়ে পূজা যতন যে করি ॥  
হেন কালে ফৌজ আসি দক্ষিণ বাগেতে ।  
অধুয়ারে বান্ধিয়া লয় বাপের সহিতে ॥  
রজনী পোহাইলে যায় বাইগাচঙ্গ সহরে ।  
পন্থেতে অধুয়া দেখ কোন কাম করে ॥

১১। লৌয়ের=রক্তের ।

১। ঘিৰ্ত=ঘৃত । ২। কেলা=কলা ।

পাঠান্তর :— \* লাউয়ের নদী—’ । ( সেন মহাশয় ‘লাউয়ের’ শব্দটির  
অর্থ করিয়াছেন = ‘লাউড়=গ্রীহট্টের একটি প্রসিদ্ধ নগর’ ।

বাইনাচঙ্গ সহরে শুনে প্রজার কান্দন ।  
মনে মনে করে কহা পতির চিন্তন ॥  
জামালের মৃত্যু কহা যখন শুনিল ।  
কেশে বাঙ্কা বিষের কটুয়া খুলিয়া লইল ॥

তবে ত আলাল দেওয়ান লোক জনে কয় ।  
“আমার ঘোড়ার সহিস কেলামুল্লা হয় ॥  
অধুয়ারে বিয়া দিয়াম<sup>৩</sup> তাহার সহিতে ।  
আমার মনের ছঃখ খণ্ডিবে তাহাতে ॥ ”

অধুয়ারে বাইর কইরল দেওয়ানের হুকুমে ।  
পাক্কির ছয়ার দেখে খুলি লোক জনে ॥  
কেশে ধরি অধুয়ারে বাহির করিল ।  
বিষেতে অবশ অঙ্গ সকলে দেখিল ॥  
দীঘল চাঁচর কেশ পড়িছে জমিনে ।  
পুল্লিমার চাঁদ যেন ছাড়িয়া আশ্মানে ॥  
দেখিয়া কহা মুখ ফাট্যা যায় বুক ।  
অন্তরে জলিয়া উঠে মরা পুত্রের শোক ॥  
জামাল খাঁর পত্র দেখে কেশে বাঙ্কা ছিল ।  
এহি পত্র আলাল খাঁ দেওয়ান দেখিতে পাইল ॥  
কহা আঙ্গুলে দেখে হীরার আঙ্গুরী ।  
দেখিয়া আলাল কান্দে হাহাকার করি ॥  
এহিত আঙ্গুরী দেখে জামালের ছিল ।  
সেই ত অঙ্গুরী কহা কেমনে পাইল ॥

(২০)

তবে ত ছুবরাজ আইসা দোস্তেরে জানায় ।

পূর্বাপর সগল কথা কইল সমুদায় ॥

তুই দোস্তে গলাগলি জুড়িল ক্রন্দন ॥

অন্তর জ্বলিল যেন জ্বলন্ত আগুন ॥

পুত্র কণ্ঠার শোকে তুইই পাগল হইল ।

তুলালে ডাকিয়া আলাল কহিতে লাগিল ॥

“স্বথেতে বসিয়া ভাই কর দেওয়ানগিরি ।

আবার যাইয়া আমি লইব ফকিরী ॥

আর না আসিব আমি বাইশ্চাচন্স সহরে ।

পুত্রশোকের আগুন দহিল আমারে ॥”

উজির নাজিরের কাছে বিদায় হইয়া ।

মকায় চলিল দেওয়ান ফকির সাজিয়া ॥

পাত্র মিত্র কান্দে যত জমিনে পড়িয়া ।

মুন্সুকের লোক কান্দে দেওয়ানরে ঘিরিয়া ॥

বনে কান্দে পশু পক্ষী জলে কান্দে মাছ ।

পাগল হইয়া কান্দে যত আরুদাছ<sup>১</sup> ॥

বান্দী গোলাম কান্দে মাথা খাপাইয়া<sup>২</sup> ।

হাতী ঘোড়া না খায় ঘাস তার পানে চাইয়া ॥

বাইশ্চাচন্স মুন্সুক জুইড়া কান্দে সর্বলোক ॥

শিরে হাত দিয়া কান্দে সবে হেঁট মুখ ॥

১। আরুদাছ=ভৃত্যবর্গ । ২। খাপাইয়া=করাঘাত করিয়া ।



বামুন আছিল ছববাজ কি কাম করিল ।  
মুহলমান হইয়া ছবরাজ মকায় চলিল ॥  
উজির নাজির দেখ কাইন্দ্যা জার জার ।  
মকায় চলিল দেওয়ান হইয়া ফকির ॥  
মুল্লুকের দেওয়ান দেখ ফকির হয়্যা যায় ।  
কান্দিয়া সকল লোক করে হায় হায় ॥  
ফৈজু ফকিরে কহে কান্দিলে হবে কি ।  
যার তার নছিবের লেখা লেখছুইন্<sup>৩</sup> আল্লাজী ॥  
আল্লা আল্লা বল ভাই পালা হইল সায় ।  
সার কেবল আল্লার নামটি অসার ছনিয়ায় ॥

—সমাপ্ত—

## কবরের কান্না পালার

### ভূমিকা

এই পালাগানটি মাননীয় ডক্টর দীনেশচন্দ্র সেন মহাশয় তাঁহার সম্পাদিত ‘পূর্ববঙ্গ গীতিকা চতুর্থখণ্ডে ‘মুরল্লেশ কবরের কথা’ নাম দিয়া প্রকাশ করিয়াছিলেন। চট্টগ্রাম অঞ্চলে ‘মূর-উল্লিছা’ শব্দটি জনসাধারণের মুখে ‘মুরল্লেশ’ রূপেই উচ্চারিত হয়।

সেন মহাশয় কর্তৃক প্রকাশিত পালার ছত্র সংখ্যা ৬২৪; এই সংগ্রহ ও সম্পাদনার ছত্রসংখ্যা ৬৬৮। সেন মহাশয় প্রকাশিত সবগুলি ছত্রই এই সম্পাদনায় পাওয়া যাইবে, তন্মধ্যে ১৪টি ছত্রের সঙ্গে এই সংগ্রহের ছত্রের তাৎপর্যে পার্থক্য থাকায় সেন মহাশয়ের পাঠ ৩৩তং স্থলেই পাদটীকায় দেওয়া হইল। যে ছত্রগুলি সেন মহাশয়ের প্রকাশনায় নাই সেগুলি বুঝাইতে ছত্রের শেষে ‘+’ চিহ্ন দেওয়া হইল। ছত্র ও শব্দের অগ্রপশ্চাৎ ঘটিত পাঠান্তর উল্লেখ করা হইল না, শব্দের উচ্চারণ ও বানান ঘটিত পাঠান্তরও উল্লেখ করা হয় হয় নাই।

এই পালাগান ও কাহিনী বাংলাদেশের পূর্ব-দক্ষিণে জনসাধারণের সুপরিচিত। বিশেষ করিয়া হিন্দু-মুসলমান মাঝিমাল্লা ও ধীবরদের অত্যন্ত প্রিয়। কিন্তু ইহার রচয়িতা কবির নাম কেহই জানেন না। ঘটনা ও তাহা অবলম্বনে পালা রচনাও খুব বেশী প্রাচীন বলিয়া মনে হয় না। অনুসন্ধান করিয়া যতটুকু জানিতে পারিয়াছি তাহাতে চট্টগ্রাম কালেক্টরীর কাগজপত্রে ১৭৯২ খ্রীষ্টাব্দে ‘নয়াচর রংদিয়া’য় প্রথম প্রজাবসতির কথা উল্লেখ আছে। পালায় বর্ণিত ‘আজগর’ সম্ভবত ঐ সময়েই ‘দেওগাঁ’ হইতে রংদিয়া আসিয়া

বসতি স্থাপন করেন, এবং নূর-উল্লিহা-মালেক ঘটিত ঘটনা খ্রীষ্টীয় ঊনবিংশ শতাব্দীর দ্বিতীয় দশকের মধ্যে ঘটয়া তাহার অব্যবহিত কালের মধ্যেই পালাটি রচিত হইয়াছিল। এরূপ ক্ষেত্রে এমন একটা জনপ্রিয় পালার রচয়িতা কবির নাম-পরিচয় মাত্র এক শতাব্দীর মধ্যে বিস্মৃতির গর্ভে বিলীন হওয়া একটু অস্বাভাবিক বলিয়াই মনে হয়। এই পালার নায়ক ও নায়িকার জন্মসম্বন্ধ-নৈকট্য, এতদ্বিষয়ে ইসলামিক অনুশাসন এবং প্রচলিত সামাজিক প্রথা, যাহা এই পালার বর্ণনায় আছে, তাহাতে বোধহয় পালাটি রচনা করিয়া জনসমাজে প্রচার কালেই কবি তাঁহার নাম-ধাম গোপন রাখিয়া-ছিলেন। আমার এই ধারণার সমর্থনে লক্ষ্য করিয়াছি, ঐ অঞ্চলের মোল্লা-মৌলবি সম্প্রদায় পালাটির প্রতি অত্যন্ত বিরূপ মনোভাবাপন্ন। শিক্ষিত হিন্দুসমাজ, যতদিন পর্যন্ত মাননীয় দীনেশচন্দ্র সেন মহাশয় এদিকে দৃষ্টিপাত না করিয়াছেন, ততদিন এই অপূর্ব পল্লী-গাথা-সাহিত্য-সম্পদের প্রতি সম্পূর্ণ উদাসীন ছিলেন; যাহার জন্ত এই কাব্যসম্পদের অনেক কিছুই লোপ পাইয়াছে।

পশ্চিমবঙ্গের প্রাচীন কবি ‘দ্বিজ’ চণ্ডীদাসই বোধহয় গানের শেষে ভণিতায় কবির নাম-পরিচয় প্রকাশ করার প্রথা প্রথম প্রবর্তন করেন। খ্রীষ্টীয় ষোড়শ শতাব্দী হইতে আরম্ভ করিয়া ঊনবিংশ শতাব্দীর প্রথমার্ধ পর্যন্ত পশ্চিম ও মধ্যবঙ্গের কবিসমাজে এই প্রথা বহুল প্রচলিত থাকিলেও পূর্ববঙ্গের পল্লীকবিগণ অনেকেই এই প্রথা গ্রহণ করেন নাই বা গ্রহণ করিতে সাহস পান নাই। ইহার কারণ, পশ্চিমবঙ্গের ও মধ্যবঙ্গের কবিগণের গান ও কাব্যের বিষয়বস্তু ছিল পৌরাণিক ও কাল্পনিক, আব পূর্ববঙ্গের কবিগণের বিষয়বস্তু ঐতিহাসিক ও সমসাময়িক ঘটনা। এরূপক্ষেত্রে প্রাগ-ব্রটিশ যুগে পশ্চিমবঙ্গের কবিগণের সমসাময়িক ঘটনা অবলম্বনে গান বা গাথা

রচনার মত দুঃসাহস ছিল না, অপরপক্ষে জল-জঙ্গল নদীনালায় ভরা দুর্গম পূর্ববঙ্গের কবিগণ সে সাহস করিলেও নাম-ধাম প্রকাশের সাহস পান নাই। ‘মহুয়া’, ‘চন্দ্রাবতী’, ‘লীলা-কঙ্ক’ প্রভৃতি কয়েকটি পালায় যে, কবির নাম ভণিতায় পাওয়া যায়, তাহার হেতু, ঐ প্রকার ঘটনা অবলম্বনে পালা রচনা করিয়া তৎকালে রাজরোষে পড়ার সম্ভাবনা ছিল না; হিন্দু সমাজ তো চিরকালই সর্বপ্রকার বিরুদ্ধ সমালোচনা নিরুত্তাপে শুনিতে অভ্যস্ত।

১৯২৯ খ্রীষ্টাব্দের অক্টোবর মাসে চাঁদপুর ‘রেলঘাট’-এ আমি প্রথম শুনি ‘কবরের কান্না’ পালা। সেই রাত্রের ঘটনা এখনও আমার স্মৃতির পাতায় একটি সমুজ্জল আনন্দঘন চিত্র। ভারতে অনেকগুলি প্রদেশের পল্লীসঙ্গীত আমি শুনিয়াছি। আমার সে শোনাও বনফুলের চারা ধনীগৃহে টবে উৎপন্ন করিয়া ফুল দেখার মত নহে; কারণ, আমি দরিদ্র। পল্লীপরিবেশেই শুনিয়াছি। কিন্তু পূর্ববঙ্গে আম-কাঁঠাল-বাঁশবাগানঘেরা সাধারণ গৃহস্থ গৃহের উন্মুক্ত প্রাঙ্গনে, ছোটো বড়ো নদ-নদীর বুকে রাত্রের আলো-অন্ধকারে, হাট-বাজারের জনকোলাহল গভীর রাত্রে নিস্তব্ধ হইলে, ভাগ্যক্রমে যে পল্লীসঙ্গীতের সুরঝঙ্কার শুনিয়াছি, তাহার কাছে সব ঝঙ্কারই যেন ম্লান হইয়া যায়। তবে আমি বাঙ্গালী, আমার কানে বাংলাদেশের নিজস্ব পল্লীগীতির সুর সর্বাপেক্ষা মধুর বোধ হওয়া অত্যন্ত স্বাভাবিক।

চাঁদপুর রেলঘাটায় নৌকার মধ্যে শুইয়াছিলাম। রাত্রি এগারটা বাজিয়া গেল। নানা ছুশিঙায় চোখে ঘুম ছিল না। হঠাৎ কানে আসিল চমৎকার দোতারার সুর। একটু পরেই গানের প্রথম কলি,—

‘পাকুলা মন রে,—

বাঁধিলে বাঁধন না যায় মন এমুন বৈরী।

রাইত নিশিতে বিহানাতে

আমি ভাবি ভাবি মরি রে

ও পাকুলা মন রে ॥'

ভুলিয়া গেলাম আমার সে সময়ের কার্যকলাপের কথা, যাহা পুলিশে কোনো সূত্রে জানিয়া আমাকে ধরিতে পারিলে ইংরাজের পিচারে কঁাসির দড়ি যদি গলায় নাও নামিয়া আসে কালাপানির এপারে আর বাস করা সম্ভব হইত না। নৌকার বাহিরে আসিয়া দেখিলাম, অল্প দূরেই খোলা যায়গায় গানের আসর বসিয়াছে।

এগিয়ে গেলাম। শ্রোতা সকলেই নৌকার মাঝিমাল্লা, স্টীমারের খালাসি আর দিনমজুর। বসিবার আসনের বালাই নাই, সকলেই ধূলাবালি পাথুরেকয়লার গুঁড়া অগ্রাহ্য করিয়া বসিয়া পড়িয়াছে। হট্টগোল থামাইবার জন্ত কাহারও চিৎকার করার প্রয়োজন নাই, শোধহয় দোতারার প্রারম্ভিক স্বঙ্গারই সকলকে নীরব করিয়া দিয়াছে। সম্মুখে গিয়া বসিবার জন্ত বিলম্বে আগতদের অভদ্র উল্লঙ্ঘন প্রয়াস নাই, যে যখন আসিতেছে অপর শ্রোতার কোনো প্রকার অসুবিধা না করিয়া নীরবে বসিয়া পড়িতেছে। আমিও বসিয়া গেলাম।

গায়ক মুসলমান, বয়স ষাঠের কাছাকাছি, মাথায় কাবুলী ছাঁটের বাব্বরি চুল, তার উপরে কালো রঙের ছোটো টুপি, মুখে লম্বা দাড়ি, পরণে রঙিন 'চারখানা' লুঙ্গি, গায়ে সাদা ফতুয়ার উপরে কালোকোর্তা; দেখিলেই বুঝা যায়, লোকটি কোনো বড়ো ব্যবসায়ীর বড়ো নৌকার প্রধান মাঝি। গায়কের বাজযন্ত্র তাঁহার গলায় ঝুলানো একটিমাত্র দোতারা। গায়কের একপাশে বসিয়া চারজন গানের ধূয়া ও লহর টানিতেছিলেন। গায়ক তাঁহার চারিপাশে শ্রোতাদের দিকে ঘুরিয়া ঘুরিয়া গাহিতে লাগিলেন। গান শেষ হইল রাত্রি প্রায় তিনটায়।

গান শেষ হইলে গেলাম গায়কের সম্মুখে। তিনি জানিতে

চাহিলেন, গান কেমন শুনিলাম। ইহার উত্তরে বোধহয় একটিমাত্র শব্দ আমার মুখ হইতে বাহির হইয়াছিল ‘চমৎকার’। আমার উত্তর শুনিয়া গায়ক জানাইলেন, ‘আমিনা বিবি—নছর মালুম’ নামে আর একটা পালা তাঁহার জানা আছে। আমি যদি সে পালা শুনিতে ইচ্ছা করি, তবে পরের রাতে তিনি আমাকে শুনাইতে পারেন। তাঁহার কথার ভাবে বুঝিলাম, দেশের জনসাধারণ যাঁহাদের ‘ভদ্রলোক’ আখ্যা প্রদান করেন তাঁহার। এই সব মাঝি-মাল্লা-কৃষক-মজুর-শ্রমিক গায়কের মুখে পালাগান বড়ো একটা শোনে ন। অথচ এই সব গায়ক যদি আমার মত তথাকথিত ভদ্রলোক-শ্রোতা পান, তবে খুবই খুশী হন। মনে পড়িল ‘মৈমনসিংহ গীতিকার’ গ্রন্থের ভূমিকায় মাননীয় ডক্টর দীনেশচন্দ্র সেন মহাশয়ের ক্ষোভোক্তির কথা। আমাদের ভদ্র-সমাজের এই ঔদাসীন্য লক্ষ্য করিয়া সেন মহাশয়ের ক্ষুব্ধ লেখনী অনেক কিছু লিপিবদ্ধ করিলেও কেন যে তাঁহার সম্পাদিত ‘পূর্ববঙ্গগীতিকা’ তিন খণ্ড বাঙ্গালী পাঠক-পাঠিকা সমাজে সুপরিচিত হইতে পারে নাই, তাহার হেতু মাননীয় ‘জাতীয় অধ্যাপক’ ডক্টর সুনীতিকুমার চট্টোপাধ্যায় ডিঃ লিট্ মহাশয় আমার সম্পাদিত ‘প্রাচীন পূর্ববঙ্গ গীতিকা’ প্রথম খণ্ডের ‘পরিচয়’ ভূমিকায় উল্লেখ করিয়াছেন ; আমিও ঐ গ্রন্থের গ্রন্থ-ভূমিকায় বলিতে চেষ্টা করিয়াছি।

সেদিন সেই চাঁদপুর রেলঘাটে গায়ক ওমের আলি আমাকে আর এক রাত্রি থাকিয়া ‘আমিনা বিবি—নছরমালুম’ পালা শুনিতে অনুরোধ করিলেন। কিন্তু সেবার অন্তরে আকুল আগ্রহ লইয়াই গায়ক ওমের মাঝির নিকটে বিদায় লইতে হইল।

‘চট্টগ্রাম অস্ত্রাগার লুণ্ঠন’ ঘটনার পর সেকালের সেই বিপ্লব প্রচেষ্টা স্তব্ধ হইয়া গেলে আমি শ্রীমদ্ভাগবত পাঠক গোস্বামী হইয়া ১৯৩৫ খ্রীষ্টাব্দের মার্চ মাসে গেলাম চাঁদপুর। মহাদেব সাহার গদীতে গিয়া

শুনলাম, ওমের আলী মাঝির কাজে অবসর গ্রহণ করিয়া মক্কাসরিকে গিয়া হাজী হইয়া আসিয়াছেন। তাঁহার পুত্র কেরামত আলী সে-সময় গদীর প্রধান মাঝি। হাজীসাহের রংদিয়াচরে নিজ গৃহে বাস করিতেছেন।

সংবাদটা শুনিয়া একটু চিন্তিত হইলাম, তথাপি চাঁদপুর শ্রীশ্রীগৌরানন্দ মহাপ্রভুর শ্রীঅঙ্গনে পনরো দিন পাঠান্তে কেরামত আলীর সঙ্গে গেলাম রংদিয়া চরে। হাজীসাহেব আমার পরিচয় পাইয়া প্রথম অত্যন্ত খুশী হইলেন, কিন্তু পরক্ষণেই বিষম মুখে বলিলেন,—‘বাবু, গদীর বুড়াকোর্তা পান্শ’ ট্যাংগা খরচ করি মোরে হাজী বানাই ছাছেন। অহন গাহন কল্লি গুণা হবি, জাইত যাবি। বাবু, ঐ ছাহেন আমার দোতারা হান। আমার উদ্ভূতি বসে ওড়া বাজাতি হিকি। ওড়া আমার কইল্জার লউ। অহন আমি আর ওড়া ছুতি পারি না’—বলিতে বলিতে হাজীসাহেবের চোখে জল আসিয়া গেল।

চাঁদপুরের গদীর ধনী বুড়ো কর্তা তাঁহার প্রিয় মাঝি ওমের আলীকে হাজী করিয়া নিজের জন্ত কতখানি পুণ্য সঞ্চয় করিয়াছেন এবং ওমের আলীর জন্ত বেহিস্তে সুখের ব্যবস্থা কতখানি হইয়াছে, তাহা আমি জানি না, জানিবার আগ্রহও আমার নাই; কিন্তু সেদিন এটা বেশ ভালো করিয়াই বুঝিয়াছিলাম, স্বভাব সুর-শিল্পী ওমের আলী হাজী হইলেও তাঁহার অন্তরাখা কাঁদিয়া মারিতেছে ঐ আবাল্যসঙ্গী দোতারাটির জন্ত।

হাজী সাহেব গ্রামের হিন্দুধীর পল্লীতে আমার থাকা ও খাওয়ার ব্যবস্থা করিয়া দিলেন। চার দিন থাকিয়া ধীর পল্লীতে ভাগবত পাঠ করিলাম ও ওমের আলীর খাতা হইতে পালা দুইটি লিখিয়া লইলাম। গানের সুর সম্পর্কে ওমের আলী আমাকে জানাইলেন, প্রথম গানটির সুর বিশুদ্ধ ‘মুড়াই’। অপর গানগুলি ‘সাইগরী’ ও মিশ্র ‘মুড়াই’ সুরে।

গাহিবার রীতি আছে। এই মিশ্র মুড়াই সুরের আর একটি নাম ‘পাহাইড়া’ দিলখুশ্’। মেঘনা নদীর উজানে হবিগঞ্জ ব্রাহ্মণবাড়িয়ার ঐ দিকে এই পাহাইড়া দিলখুশ্ সুর শোনা যায়। ১৯৫৪ খ্রীষ্টাব্দে আমি হবিগঞ্জ গিয়া লক্ষ্য করিয়াছিলাম, এইসব সুরের নাম লোপ পাইতে চলিয়াছে। দুই একজন বৃদ্ধ গায়ক ছাড়া নবীন গায়কদের মধ্যে প্রায় কেহই কোনো পল্লিগীতের সুরের নাম জানেন না। সব সুরের নামই তাঁহারা বলেন ‘বিচ্ছাদ’ বা ‘ভাট্যালী’। ১০ম অধ্যায়ে ধীরদ মাঝিদের গানটির সুর ‘হাল্‌দা ফাটা’।

সেদিন ওমের আলী যে গানটির সুর ‘হাল্‌দাফাটা’ বলিলেন, সে গান আমি হাতিয়া, ভোলা ও বরিশাল জেলার দক্ষিণ অঞ্চলের ধীরদের গাহিতে শুনিয়াছি। গানে উল্লিখিত স্থান করণখালি, ধান্‌চিবাতা, আগার চর, লালদিয়া প্রভৃতি সবগুলিই নোয়াখালী ও চট্টগ্রাম জেলার সমুদ্রোপকূলবর্তী ছোট ছোট দ্বীপ। ভোলা, হাতিয়া ও বরিশাল জেলার দক্ষিণ অঞ্চলের ধীররা ঐ সব জায়গায় মাছ ধরিতে আসে। একক বা ‘ছুটাগান’ হিসাবে গানটি তাহাদেয় গাহিতে শোনা যায়। নোয়াখালী ও চট্টগ্রামের সমুদ্রোপকূলবর্তী বাসিন্দা ধীরদের মধ্যে খোঁজ করিয়া দেখিয়াছি তাহারা গানটি ‘কবরের কান্না’ পালায় ও ‘উত্তুইরা জাইলাগর মুয়ে’ নিজেরা গায় না। ইহাতে আমার মনে হয় এই গান এই পালার নহে, ইহা একটি ছুটা গান। গানটির ভাষা লক্ষ্য করিলেও বুঝা যায়, এই পালার ভাষা অপেক্ষা প্রাচীন।

রংদিয়া অবস্থানকালে একদিন অপরাহ্নে হাজী ওমের আলীর সঙ্গে দেখিতে গেলাম নুরুন্নিহার কবর-স্থান। চারিদিকে জনবসতি থাকিলেও স্থানটি জঙ্গল। সমুদ্র পেরোন হইতে দূরে সরিয়া গিয়াছে। জঙ্গলের মধ্যে কোথায় কবর তাহা ওমের আলী নির্দেশ করিতে পারিলেন না, কোনো চিহ্নও নাই। ইহার কারণ বোধহয় নুরুন্নিহার মৃত্যুর পর



মোল্লা-মৌলবীদের বিরোধীতায় জনসাধারণ বেশ কিছুকাল ঘটনাটার প্রতি বিরূপ মনোভাবাপন্ন ছিল। ওমের আলীও আমার ধারণা সমর্থন করিলেন। আমার এই ধারণা যদি সত্য হয়, তবে এই পালার কবিকে দুঃসাহসী বলিতে হইবে। এবং সেই সঙ্গে ইহাও বুঝা যাইবে, মরমী কবি এ জগতে মানুষের সৃষ্ট সমস্ত বিধি নিষেধ বাধার উদ্দেশ্য স্থান দিয়াছেন নায়ক-নায়িকার অমর প্রেমকে। আমরা যখন সেখানে উপস্থিত হই তখন, নিকটবর্তী বসতির কয়েক ব্যক্তি উপস্থিত হইলেন। তাঁহাদের মুখে শুনিলাম, এখনও নাকি মাঝে মাঝে গভীর রাত্রে বনের মধ্যে হুসুফিয়ার কান্না শোনা যায়।

রংদিয়া হইতে বিদায়ের সময় হাজী ওমের আলীর সেই অশ্রুপূর্ণ সরল মুখখানি এখনও মাঝে মাঝে আমাকে ভাবিয়ে তোলে, মানুষের পক্ষে ধর্মীয় বিধি-নিষেধ কি অপরিবর্তনীয়? যদি অপরিবর্তনীয় হয়, তবে নবাব-বাদশাহদের দরবারে মুসলমান ও হিন্দু সুরশিল্পীদের এত সমাদর হইত কেন? তবে কি শক্তিমান ধনীর জন্ত একপ্রকার আর দরিদ্র মাঝি ওমের আলীর মত ব্যক্তিদের জন্ত ধর্মশাস্ত্র আর একপ্রকার ব্যবস্থা দিয়াছেন?

ত্রিফিটীশচন্দ্র মৌলিক

# কবরের কান্না বা নুরুন্নিছা ও মালেকের পালা

বন্দনা ।

পৰ্থমে মানম্<sup>১</sup> আমি আশী রছল । +  
 বিছ্ মিল্লা কইও রে ভাই না কইর ভুল ॥ +  
 চাইর দিক মাইগা আমি মন কইরল্লাম থির ।  
 মাথার উপরে মানম্ আশী হাজার পীর ॥  
 আশী হাজার পীর মানম্ নয় লাখ পেকাশ্বর<sup>২</sup> ।  
 শিরের উপরে মানম্ চাডিগাঁর বদর<sup>৩</sup> ॥  
 নাছিরাবাদেতে মানি সাহারে সোলতান ।  
 যেহানে<sup>৪</sup> আইসে রে ভাই মোমিন<sup>৫</sup> মোছলমান ॥  
 তারপরেত মানি আমি ফকির সেখ ফরিদ ।  
 নেজাম আউলিয়ারে মানম্ তান্ সাহারিদ<sup>৬</sup> ॥  
 কাঁইচার মুহেতে<sup>৭</sup> মানি গেরাম আর বন্দর ।  
 বটতলী মৌজায় মানি মোহছেনের কবর ॥  
 ছড়া ছড়ি<sup>৮</sup> মাইগা কই ডলু সোতানলী<sup>৯</sup> ।

- ১ । মানম্=মান্যকরি, বন্দনা করি ।      ২ । পেকাশ্বর=পয়গম্বর ।  
 ৩ । বদর=পীর বদর । চট্টগ্রামের পীর বদরের দরগা প্রসিদ্ধ, নৌকা  
 ছাড়িবার সময় মাঝি মাঝারা এই পীর বদরের দোহাই দিয়া নৌকা ছাড়ে ।  
 ৪ । যেহানে=যেখানে ।      ৫ । মোমিন=বিশ্বাসী ।  
 ৬ । তান্ সাহারিদ=তাঁহার সাক্ষর ।  
 ৭ । কাঁইচার মুহে=কর্ণফুল নদীর মোহনায় ।  
 ৮ । ছড়া=পার্বত্য ছোটো নদী, ছড়ি=নালা ।  
 ৯ । ডলু, সোতানলী=দুইটি নদীর নাম ।

হাইত্যার থম্‌থমী<sup>১০</sup> মানম্ চুনতী পাকলী<sup>১১</sup> ॥  
 চাষখোলা গেরামে মানম্ মা-বুড়া-ছিরিমাই<sup>১২</sup> ।  
 রাগন্তার ইছামতী<sup>১৩</sup> শিলক ঠাকুর<sup>১৪</sup> ভাই ॥  
 হেঁচু আর নোহলমান একই পিণ্ডর দড়ি ।<sup>১৫</sup>  
 কেও বলে আল্লারচুল কেউ বলে হরি ॥  
 দোনো জনের জিকির রে ভাই একই জন শুনে । +  
 ইমান ঠিগ্‌ রাইখ্‌লে ভাই বুঝ্‌বা আপন মনে ॥ +  
 বিছ'মিল্লা আর ছিরিবিষ্টু একই গিয়ান <sup>১৬</sup> ।  
 দোফাক্<sup>১৭</sup> করি দিলা পরভু<sup>১৮</sup> রাম রহিমান ॥

## পালা আরম্ভ

নায়কের গান :—

( ১ )

ও রে পাকলা<sup>১</sup> মন রে—। ( ধূয়া )

বাঁধিলে বাঁধন না যায়

মন এমুন বৈরী ।

রাইত নিশিতে বিছানাতে ভাবি ভাবি মরিরে—

আমি ভাবি ভাবি মরি ॥

- ১০ । হাইত্যার থম্‌থমি = হাইতা নামক গ্রামের স্থির জলের হ্রদ ।  
 ১১ । চুনতি ও পাকলী দুটি নদীর নাম ।  
 ১২ । মা-বুড়া-ছিরিমাই = ছিরিমাই নদীর দেবতা ।  
 ১৩ । রাগন্তার ইছামতী = রাগন্টা গ্রামের নদী ।  
 ১৪ । শিলক ঠাকুর = শিলক নদীর দেবতা ।  
 ১৫ । পিণ্ডর দড়ি = হুংপিণ্ডের রক্তবাহী শিরা । ১৬ । গিয়ান = জ্ঞান ।  
 ১৭ । দোফাক = দুইভাগ । ১৮ । পরভু = প্রভু, পরমেশ্বর  
 ১ । পাকলা = পাগ্লা ।

বুগত্<sup>২</sup> নাইরে পানির তেষ্ঠা  
 পেডত্<sup>৩</sup> নাই রে খিদা ।  
 দিনে রাইতে তোমার কথা  
 ভাবি আমি হুদা<sup>৪</sup> রে—  
 ভাবি আমি হুদা ॥  
 খানা পিনায় সুখ ন<sup>৫</sup> পাই  
 চৌক্ষে নাইরে ঘুম ।  
 রজাই-কেঁথা<sup>৬</sup> গায়ত্ দিয়া  
 ন পাই আমি উম্<sup>৭</sup> রে—  
 ন পাই আমি উম্ ॥  
 নসিব আমার ভালা রে আইজ  
 নসিব আমার ভালা ।  
 এমনি কালে পছে তোমার  
 পাইলাম একেলা রে—  
 আজি নসিব আমার ভালা ॥  
 লড়ে ভালা আইচল খানি<sup>৮</sup>  
 তোমার দহিগালী<sup>৯</sup> বায় ।  
 তোমার মিক্যা<sup>১০</sup> চাইতে আমার  
 কইল্জ্যা<sup>১১</sup> ফাডি<sup>১২</sup> যায় রে—  
 আমার কইল্জ্যা ফাডি যায় ॥

২। বুগত্=বুকে। ৩। পেডত্=পেটে। ৪। হুদা=শুধু, অনবরত।

৫। ন=না। ৬। রজাই কেঁথা=শালের মত কাঁথা, বালাপোষ।

৭। উম্=গরম। ৮। আইচল খানি=অঞ্চল খানি।

৯। দহিগালী বায়=দক্ষিণ বাতাসে। ১০। মিক্যা=দিকে, প্রতি।

১১। কইল্জা=হৃদয়, হৃৎপিণ্ড। ১২। ফাডি=ফাটিয়া।

ছিবাতলায়<sup>১৩</sup> টিবা টিবি<sup>১৪</sup> ছোড়ু কালের<sup>১৫</sup> খেলা :

অহন<sup>১৬</sup> তুমি পথর<sup>১৭</sup> হয়্যা

ভুলি কেন রে গেলা রে—

হায় ভুলি ক্যামনে গেলা ॥

আরে—চৈতের চৈতালী মিষ্টা<sup>১৮</sup>

আর মিষ্টা কোইলার রাও<sup>১৯</sup> ।

এমনি কালে ক্যান্ রে তুমি

এইনা পন্ডে যাও রে

ক্যানে এইনা পন্ডে যাও ।

কার আশায়বান্ একলা যাও রে

তুমি নাকে দোলাই<sup>২০</sup> নথ ।

আমার কথা কিছু তোমার

উডে নি মনত্<sup>২১</sup> রে

তোমার পড়ে নি মনত্ ॥

হায়, পাক্লা মন রে—’ ॥

১৩ । ছিবাতলা = বাঁশ বাগান ।

১৪ । টিবাটিবি = এক প্রকার খেলার নাম ।

১৫ । ছোড়ু কালের = ছোটো কালের ।

১৬ । অহন = এখন ।

১৭ । পথর = পাথর ।

১৮ । চৈতের চৈতালী মিষ্টা = চৈত্র মাসের দশক দক্ষিণা হাওয়া মিষ্ট

১৯ । কোইলার রাও = কোকিলের ডাক ।

২০ । দোলাই = ভুলাইয়া ।

২১ । উডে নি মনত্ = উঠে নাকি মনে ।

নায়িকার উক্তি—

‘তোমার কথা মনত্ আমার  
 উড়ে পৈত্য<sup>২২</sup> দিন ।  
 তোমার মনর মাঝত্ পাইবা  
 আমার মনর চিন্<sup>২৩</sup> ॥  
 ছাড়ি দেও রে পন্থ অহন<sup>২৪</sup>  
 তুমি পন্থ দেও রে ছাড়ি ।  
 কেলগাছর হেরত্ দাহ<sup>২৫</sup>  
 ঐনা আমার বাপর<sup>২৬</sup> বাড়ী ॥  
 যাইও আমার বাপর বাড়ীত্  
 তুমি হইও মোসাফির<sup>২৭</sup> !  
 মোরগর ছালোন<sup>২৮</sup> খাইবা তুমি  
 আর খাইবা দুধর<sup>২৯</sup> ক্ষীর<sup>৩০</sup> ॥  
 খাইবা তুমি ভালা মতন  
 দিব আমি রঁাধি রে ।  
 বাপ মাও রাজি হইলে  
 হইব তহন সাঙ্গীরে ॥  
 অহন পন্থ দেও ছাড়ি বে ॥’

- ২২। পৈত্য = প্রতি ।                      ২৩। মনব চিন = মনের চিন্তা বা কথা ।  
 ২৪। অহন = এখন ।  
 ২৫। কেলগাছর হেরত্ দাহ = কেলগাছের দাঁকে বা কাছে দেখ ।  
 ২৬। বাপর = বাপের ।                      ২৭। মোসাফির = অতিথি ।  
 ২৮। মোরগর ছালোন = মোরগ মাংসের ব্যঞ্জন ।  
 ২৯। দুধর = দুধের ।                      ৩০। ক্ষীর = ই অঞ্চলে পায়েসকে ক্ষীর বলে ।

( ২ )

কন্ গিরন্তর কইয়া এই রে

কন্ বা ছাশে ঘর ।

পন্থর মাঝত ছাহা<sup>১</sup> হইল

এ কন্ বা নাগর ।

অর<sup>২</sup> ক কন্ বা ছাশে ঘর ॥

\* \* \*

ওরে দেওয়ান্ধর মুড়ার বিছে<sup>৩</sup>

বাহার দরিয়া<sup>৪</sup> ।

নয়া চর পইড়ল এক না

তার নাম রংদিয়া ॥

আরে—নয়া চরে নয়া বস্তি

চারা চারা গাছ ।

পেরাবনত<sup>৫</sup> জাগ্ দি<sup>৬</sup> থাকে

কত নৈট্যা রিশা মাছ ॥

১। ছাহা=দেখা । ২। অর=উহার ।

২। দেওয়ান্ধর মুড়ার বিছে=দেওয়াং শাহাডের কাছে বা সম্মুখে ।

৩। বাহার দরিয়া=বাহির সাগরে ।

৪। পেরাবনত=সমুদ্রতীরবর্তী জলজঙ্গলভরা স্থানকে স্থানীয় ভাষায় 'পেড়াবন' বলে ।

৫। জাগ দি=গাঙ্গা দিয়া ।

\*\* সেন মহাশয়ের সম্পাদনায় এই স্থানে নিম্নের দুইটি ছত্র আছে :—

‘পরিচয় কথা কই শুন দিয়া মন ।

শোব গোল ন কবিও যত সভাজন ॥’

এই দুই ছত্র আমি পাই নাই । সম্ভবত ইহা গায়নের রচনা, মূল কবির রচনা নহে । —ইতি সম্পাদক ।

নয়া চরত্ বলা<sup>৬</sup> জমিন্  
 জমিনত্, ছনা হয় রে ধান ।  
 নূনা মারার<sup>৭</sup> ডরে মাইন্ষে  
 দিয়ে মাড়ির বান্<sup>৮</sup> ॥  
 বলী<sup>৯</sup> বলী গরু মইষর  
 গায়ত ভাসে ত্যাল<sup>১০</sup> ।  
 গড়্কি<sup>১১</sup> আর মড়্কি<sup>১২</sup> আইলে  
 সব একইবারে গ্যাল<sup>১৩</sup> ॥  
 রংদিয়ার চরত্ ভাই রে  
 মাছে মানুষ খায় ।  
 হাজর কুমইর<sup>১৪</sup> দৌড়ে ফিরে  
 কত বাহার দরিয়ায় ॥  
 লৈট্যা, রিশ্চা, তাইল্যা, ফাইশ্চা,  
 কোড়াল আর বোয়াল ।  
 চাঁদা, ছুরি, ইঁচা, বাইলা,  
 কত মাছর টালাটাল<sup>১৫</sup> ॥

- ৬ । বলা = শক্তিশালী, উর্বর ।  
 ৭ । নূনা মারার = লোনা জল ঢুকিয়া জমি লবানাক্ত করাব ।  
 ৮ । মাড়ির বান্ = মাটির বাধ ।      ৯ । বলী = বড়, বলবান ।  
 ১০ । গায়ত্ ভাসে ত্যাল = গায়ে যেন তেল ভাসে, তেল চকচকে ।  
 ১১ । গড়্কি = সমুদ্রের জলোচ্ছ্বাস ।    ১২ । মড়্কি = মড়ক ।  
 ১৩ । একইবারে গ্যাল = একেবারেই নিঃশেষ হইয়া গেল ।  
 ১৪ । কুমইর = কুমির ।  
 ১৫ । মাছর টালাটাল = মাছের গালা, মাছের প্রাচুর্য ।



ওরে কত জাইল্যা ঘর বাঁধিল  
 নয়া রংদিয়ার চরে ।  
 রোসাঙ্গ্যা ক্ষেত্যাল<sup>১৬</sup> আসি  
 তারা বলা<sup>১৭</sup> জমিন ধরে ॥  
 রংদিয়ার চরত্ ভাই রে  
 এম্নি মাড়ির বল ।  
 এক কানি<sup>১৮</sup> জমিনে হয় ভাই  
 শতর উপর<sup>১৯</sup> ফসল ॥  
 পূগ কুলরথুন<sup>২০</sup> আসি আরে  
 ক্ষেত্যাল আজগর ।  
 রংদিয়ার চরত রে ভাই বাঁধে নয়া ঘর ॥  
 নয়া ঘর বাঁধি আজগর দিল উলু ছনের ছানি<sup>২১</sup> ।  
 ছোডো<sup>২২</sup> করি কাডে পহির<sup>২৩</sup> ডাবর<sup>২৪</sup> মতন পানি ॥  
 ক্ষেতি করে ক্ষেত্যাল আজগর জমিন আউলায়<sup>২৫</sup> !  
 হে-রা-তি-থি<sup>২৬</sup> ডাক ছাড়ি মইষর হাল বায় ॥

১৬। রোসাঙ্গ্যা ক্ষেত্যাল=আরাকানের দক্ষিণ রোসাং অঞ্চলের মুসলমান  
 মধ্যস্থক ।

১৭। বলা=উবর । ১৮। এক কানি=সওয়া দুই বিঘায় এক কানি ।

১৯। শতর উপর=একশত মনের বেশী । (ঐ অঞ্চলে সেকালে ৬০  
 তোলা সেরের ওজন ছিল ।)

২০। পূগ কুলরথুন=পূর্বাদিকেব উপকূল হইতে ।

২১। ছানি=ছাউনি । ২২। ছোডো=ছোটো ।

২৩। কাডে পহিব=কাটে পুকুর । ২৪। ডাবর=ডাব নারিকেলের ।

২৫। আউলায়=মাটি ভাঙ্গিয়া আন্গা করে ।

২৬। হে-রা-তি-থি=ঐ অঞ্চলে লাক্সল বহিতে গরু তাড়াইবার বোল ।

এক কইচা আছি আজগরর নুরুন্নেছা নাম ।  
 দেখিতে সোন্দর কইচা চান্নির সোমান<sup>২৭</sup> ॥  
 হাতর মাঝত্ রূপার খাড়ু কুলুপ দেওয়া তার ।  
 পাড়াইল্যা মা-ভইনে<sup>২৮</sup> তাবে বাহারি চাহার<sup>২৯</sup> ॥  
 কইচার ছুরত<sup>৩০</sup> দেখি লোকে করে কানাকানি ।  
 পরাণ কাড়ি লয় কইচার নথের ঢুলানি ॥  
 বুড়া ক্ষেত্যালের কইচা, কইচার উডন্ত যইবন<sup>৩১</sup> ।  
 ক্ষেতর কাম করে কইচা হামিখুশী হামিক্ষণ<sup>৩২</sup>  
 পচিমে<sup>৩৩</sup> সাইগরের ডাকে চৈতালীর বায় ।  
 আপন যইবন কইচা ফিরি ফিরি চায় রে--  
 কইচা ফিরি ফিরি চায় ॥

( ৩ )

এম্নি কালে কি হইল শুন বিবরণ ।  
 পুরাণা বন্ধের<sup>১</sup> সঙ্গে হইল দরশন ।

ও পাক্কা পিরীত রে—

তোর কোন বা দেশে ঘর । +

২৭। চান্নির সোমান=চাঁদের মত ।

২৮। পাড়াইল্যা মা ভইনে=পাড়ার মা ও ভগ্নী স্থানীয় মহিলাগণ ।

২৯। বাহারি চাহার=বাহবা দিয়া চাহিয়া দেখে । ৩০। ছুরত=কপ ।

৩১। উডন্ত যইবন=বর্মান যৌবন, প্রথম যৌবন ।

৩২। হামিক্ষণ=হামেশা, সর্বদা ।

৩৩। পচিমে=পশ্চিমে ।

১। পুরাণা বন্ধের=পূর্বের প্রাণমী বন্ধুর ।

আপন করি টাইয়া আনিস রে  
 অচিনা ও পর ॥ - ধূয়া । +  
 আরে ছোড কাইল্যা পিরীত রে ভাই  
 যেমুন কাঁটুলের<sup>২</sup> আঠা ।  
 ডাড়াইলে ছাড়ন না যায়  
 এম্নি বিষম ল্যাঠা রে —  
 পিরীত কাঁটুলের আঠা ॥  
 ছোড কাইল্যা পিরাত রে  
 যেমুন কোইলার রাও<sup>৩</sup> ।  
 উতলি উতলি\* উডি  
 কইল্‌গাতে মারে ঘাও<sup>৪</sup> ॥  
 ছোডো কাইল্যা পিরীত রে  
 যেমুন নাইরকালের তেল ।  
 জমি আছিল শীতর রাইতে  
 রোইদে উনাই গেল্<sup>৫</sup> ॥  
 ছোডো কাইল্যা পিরীত রে  
 যেমুন গাঁজা-ভান্সর নিশা ।  
 যদি একবার লাগ্‌ত্‌<sup>৬</sup> পাইল  
 ন থাকে আর দিশা<sup>৭</sup> ॥

২। কাঁটুল = কাঁটাল ।      ৩। কোইলার রাও = কোকিলের কুহু রব

৪। ঘাও মারে = আঘাত করে ।      ৫। উনাই গেল = গলিয়া গেল ।

৬। লাগ্‌ত্‌ পাইল = ধরিতে পারিল, দেখা পাইল ।

৭। দিশা = দিগ্‌বিদিক জ্ঞান ।

পাঠান্তর :— \*উতরি উতরি—

ছোডোকালের পিরীতের কহি বিবরণ ।  
 কেমনে ভিজি গেল দোনোজন্যর মন ॥  
 বঁধুর নাম মালেক দেওগাঁও বাড়ী ।  
 কচরগ্যা<sup>৮</sup> জোয়ান-মর্দ মুখে চাপদাড়ি ॥  
 বাঁইর হাতে রূপার তাবিজ বাঁধা রেশম দিয়া ।  
 বয়স উত্তরি গেই<sup>৯</sup> ন হইছে রে বিয়া ॥  
 মালেকের বাপ আছিল পাড়ার মাদ্বর<sup>১০</sup> ।  
 দেওগাঁয় জাগাজমিন আছিল বিস্তর ॥  
 নাম তান্<sup>১১</sup> নজুমিয়া মানুষ আছিল সোজা<sup>১২</sup> ।  
 সরামতে<sup>১৩</sup> নামাজ পইড়্ত পাইলুত তিরিশ রোজা ॥  
 হেপজ্<sup>১৪</sup> আছিল দিলে<sup>১৫</sup> কোরাণ হাদিজ্ ।  
 ভালামতে কইরত তানি এনছাপ-তরবিজ্<sup>১৬</sup> ॥  
 গোলা ভরা ধান আর পহির<sup>১৭</sup> ভরা মাছ ।  
 বাড়ীর পিছে বাগবাগিচা নানান পদর<sup>১৮</sup> গাছ ॥  
 বালাম-মুকা<sup>১৯</sup> ভরিয়া রে শতে শতে ধান ।  
 বেপার<sup>২০</sup> করিত নজু কাঁইচার<sup>২০ক</sup> উজান ॥

- ৮ । কচরগ্যা = উচ্ছল যৌবন ।      ৯ । উত্তরি গেই = উত্তীর্ণ হইতেছে ।  
 ১০ । মাদ্বর = মাতব্বর, প্রধান ।      ১১ । তান্ = তাঁহার ।  
 ১২ । সোজা = সরল ।      ১৩ । সরামতে = মুসলমানী শাস্ত্র মতে ।  
 ১৪ । হেপজ্ = কর্তৃস্থ ।      ১৫ । দিলে = অস্তরে ।  
 ১৬ । এনছাপ-তরবিজ = বিচার-আচার ।      ১৭ । পহির = পুকুর ।  
 ১৮ । পদর = পদের ।      ১৯ । বালাম মুকা = বালাম নামক বড়ো নৌকা ।  
 ২০ । বেপার = ব্যবসা ।  
 ক । কাঁইচা = কর্ণফুলি নদীর আঞ্চলিক নাম 'কাঁইচা' ।

নসিব হইল মন্দ রে ভাই, নসিব হইল মন্দ ।  
 সোনাযুখর হাসি খোদা করি দিল বন্ধ ॥  
 ফাউনে<sup>২১</sup> দরিয়া আগুন উতলা বয়ার<sup>২২</sup> ।  
 পানর লুকা লই নজু কাঁইচা হয় রে পার ॥  
 টেকর বাঁকে যায় রে লুকা বড়ো বিষম পারি ।  
 টুন্টা বয়ারে পানির ঢেউ করে বাইড়াবাইড়ি ॥  
 বাইছা দিল<sup>২৩</sup> নজুর বালাম ধানেতে বোঝাই ।  
 ঘুরণপাকে পইড়ল লুকা মাঝ দরিয়ায় যাই ॥  
 পাছিলে<sup>২৪</sup> বসি আছিল নজু নাই সে মানে হাইল ।  
 বয়ারের জোরে বালাম লুকার ফাডি গেলুরে পাল ॥  
 ঢড়ি কাছি ছিড়ি গেলগৈ লুকা করে টলমাটাল ।  
 গলই উডিল উপর মিক<sup>২৫</sup> পাছিল হইল তল ॥  
 কন্থে<sup>২৬</sup> গেলগৈ বালাম লুকা হাজার আড়ি ধান ।  
 কাঁইচাতে ডুপি নজুমিয়া হারাইল জান ॥

( ৪ )

মাও নাই রে বাপও নাই রে ন আছে সোদর ভাই ।  
 দাদী বিনে-মালেকের ঘরে আর কেউ নাই ॥  
 আশী বছরর বুড়ী দাদী ছুই আক্ত<sup>১</sup> রাঁধে ।  
 সাইগরে জোয়ার আইলে বুগ্ কুডি<sup>২</sup> কাঁদে ॥

২১। ফাউন = ফাল্গুন মাস ।

২২। বয়ার = ঝাপ্টা হাওয়া ।

২৩। বাইছা দিল = চালাইল ।

২৪। পাছিলে = নৌকার পিছনে ।

২৫। মিক্যা = দিকে ।

২৬। কন্থে = কোথায় ।

১। ছুই আক্ত = ছুই বেলা ।

২। বুগ কুডি = বৃক কুটিয়া ।

কাঁদে বুড়ী ডাকছাড়ি শুনিতে অদ্ভুত ।  
হাড়ি কুমরীর<sup>৩</sup> মত আওয়াজ করে ‘হত্ হত্’ ॥

“জোয়ারে ন আইলি পুত রে  
তুই ভাডায় ন আইলি ।  
কন্ হাঙ্গরে কন্ কুমইর রে  
আমার পুত্রে খাইলি রে—  
পুত ঘরে ন আইলি ॥

ঘরে পড়ি কাঁদি রে আমি  
ঘাটে বসি কাঁদি ।+  
ছেম্ড়া নাতীরে মোর তুই  
ন করাইলি সাদী রে—  
আমি ঘরে পইড়া কাঁদি ॥

ঘর রে আঁধার বাইর রে আঁধার  
আমার ফুরাই আইল দিন ।+  
কন্ সায়রের বৃগে রইলি  
ন পাইলাম চিন্<sup>৪</sup> রে—  
আমার ফুরাই আইল দিন ॥+  
ঘরে ফিরি আয় রে পুত  
তরে আর ন দিব ছাড়ি ।+  
বিষম বেবান<sup>৫</sup> দরিয়ায়  
তুই কেন বা দিলি পাড়ি রে—  
পুত, আয় রে ঘরে ফিরি ॥”+  
৩। হাড়ি কুমরী=মাথুষখেগ কেঁদো কুমির ।  
৪। চিন্=চিরু, গোজ । ৫। বেবান=এলোমেলো ।

আধা পাগেলা\* বুড়ী রে সেই পাড়া আউল<sup>৬</sup> করে ।  
 পুতব শোকে কাঁদি কাঁদি গেলরে হায় মইরে ॥  
 তারপরে কি হইল শুন সে খবর ।  
 দেওগাঁয় বসতি তখন কইরত আজগর ॥  
 নজুর সাথে আজগরের ছিল আড়া-আড়ি<sup>৭</sup> ।  
 মদি একখান ধানের কোড়া<sup>৮</sup> ছাম্‌না ছাম্‌নি বাড়ী ॥  
 নজুর সাথে আজগরের ন বনিত হায় ।  
 সবুর করন সভাজন কইব সমুদায় ॥  
 কেরমে কেরমে কইব আমি কিস্তা<sup>৯</sup> মজাদার ।  
 পিরীত আসল চিজ্‌ এই ছুনিয়ার মাঝার ॥

একলা ঘরে থাকে মালেক আর কেউ তার নাই ।  
 ভাত রাঁধি দিত হুর<sup>১০</sup> মাঝে মাঝে যাই ॥  
 ছেমুড়া মালেকের ছুখে ফাডি যায় রে বুগ ।  
 খেত্যাল<sup>১১</sup> আজগর দিলে পাইল বড়ো ছুখ্ ॥  
 ভুলিল আগের কথা ভুলিল সগল ।  
 মালেক করিল তার সাদা দিল দখল ॥

মালেকের ছুখে হুরের পুড়িত পরাণ ।  
 লেপি মুছি দিত সদাই ঘর বাড়ীখান ॥  
 মাডির কলসী ভরি আনি দিত পানি ।  
 মালিকের দেখি হুর ঘোমটা দিত টানি ॥

- |                             |                      |
|-----------------------------|----------------------|
| ৬। আউল=তোলপাড়।             | ৭। আড়া-আড়ি=মতবিবোধ |
| ৮। ধানের কোড়া=ধানের ক্ষেত। | ৯। কিস্তা=কাহিনী।    |
| ১০। হুর=হুরউম্মিছা।         | ১১। খেত্যাল=চাষী।    |

পাঠান্তর :— \* আড়াপহল-

আইজ কইছা ফুটা ফুল কাইল আছিল কলি ।\*  
 ওরে ভনভনায়া উড়ে ভমরা আইসে ফিরি ফিরি ॥§  
 কিসের ঘর কিসের বাড়ী কিসের রাঁধা বাড়ী ।  
 রশির টানে কষি কষি পড়ি গেলগৈ গিরা ॥  
 আড় নয়ানে চায় রে কইছা আড় নয়ানে চায় ।  
 বিজলী চমকি যেম্ন মেঘের পানে ধায় ॥  
 পড়িল ঠাড়ার<sup>১</sup> মাথায় আরে পড়িল ঠাড়ার ।  
 সোন্দরীর মিক্যা মালেক চায় রে বারে বার ॥

( ৫ )

ওরে পাক্‌লা<sup>২</sup> মন রে—

তুমি কন্ বা দেশে রও । +

যে দেশে পিরীত রইছে

সেইনা দেশে যাও

পক্‌লা মন রে—॥ ধুয়া +

ওরে পিরীত এমন ধন গলি যায় রে মন

এহন<sup>২</sup> হইল বিষম জ্বালা ।

দিনে দিনে মালেকের শরীল হইল কালা রে—

পিরীত বড়ো জ্বালা ॥

১২ । ঠাড়ার=বজ্র ।

১ । পাক্‌লা=পাগ্‌লা ।

২ । এহন=এখন ।

পাঠান্তর :— \* আইজ যে দেখি ফুটা ফুল কাইল দেইখ্যাছি কলি ।

§ ওরে ভন ভনাইয়া উড়ে ভোমরা মধু খাইত বলি ॥



চলে কইছা সিনা<sup>৩</sup> খুলি      বুগে চুলি<sup>৪</sup>  
ও তার নয়ানে কাজল ।  
মাসুকে<sup>৫</sup> করিল হায় রে আসকে<sup>৬</sup> পাকল রে—  
দেখি তার নয়ানের কাজল ॥  
পিরীতিরঃএমুন টান      ও তার পরাণখান  
ভাবি করে রে ধড়্‌ফড়্‌ ।  
লাজসরম ন থাকে ন থাকে রে ডর  
পরাণ করে রে ধড়্‌ফড়্‌ ॥  
পিরীতির সমান ধন তির্ভুবনে নাই ।  
মাইয়ামানুষের দিলে পিরীত খোদার পয়দাই<sup>৭</sup> ॥  
ওরে, বাড়ীর শোভা বাগ্‌বাগিচা  
ঘরর শোভা নারী ।  
কচৰ্গ্যা জোয়ানের শোভা  
মুখর চাপদাড়ি ॥  
গাছের শোভা পাতারে ভাই,  
পাতার শোভা ফুল ।  
মাথার শোভা সিঁহার সিঁদূর  
কানর শোভা ছল ॥  
নাকর শোভা সোনার নথ  
বহন ছলে ঘন ঘন ।  
সগল শোভার আসল জাইছ  
পিরীত করি মিলন ॥

৩। সিনা=বন্ধ ।      ৪। বুগে চুলি=বুকে কাঁচুলি ।

৫। মাসুকে=নাগরকে ।      ৬। আসকে=আসক্তিতে, লোভে ।

৭। পয়দাই=সৃষ্টি ।

প্রথম পিরীত রে ভাই  
 যেম্ন তিয়াসীর<sup>৮</sup> পানি ।  
 শয়নে স্বপ্ননর মাঝে পাড়ি  
 করে টানাটানি ॥  
 চোক্ষে পড়ে ঝিলিমিলি  
 পরাণ করে আনচান্ ।  
 হৌতর টানে<sup>৯</sup> কতইক্ষণে  
 আর থাকে বালুর বান্ ॥  
 নুরুন্নিছার মাও মালেকর নিত ঘরে ডাকি ।  
 আদর করি খাওয়াই দিত তরমুজ ফিরা বাকি<sup>১০</sup> ॥  
 মৈষর দই দিত আর কুশালের মিডা<sup>১১</sup> ।  
 দুধর সঙ্গে মিশাই দিত পাকনের পিডা<sup>১২</sup> ॥  
 খিল দুইপরে<sup>১৩</sup> ক্ষেত্যাল আজ্গর ক্ষেতে দিত মই ।  
 মালেক যাইত ক্ষেতের ধারে<sup>১৪</sup> হৌকা বদনা লই ॥\*  
 চিংড়ি মাছর ছালোন আর গিরিম চাউলর ভাত ।  
 মোচা<sup>১৫</sup> বাঁধি নিত মালেক† দিয়া কলার পাত ॥  
 আইলর পাড়ত্ বসি আরে তারা দোনো জন ।  
 খুশী দিলে খাইত রে ভাত বাপপুতর মতন ॥

- ৮। তিয়াসীর=তৃষার্তের ।      ৯। হৌতর টানে=স্রোতের টানে ।  
 ১০। বাকি=বাক্সি, ফুটি ।      ১১। কুশালের মিডা=আখের গুড় ।  
 ১২। পাকনের পিডা=পাক করা পিঠা । ১৩। খিল দুইপরে=ঠিক দুপরে ।  
 ১৪। ধারে=নিঃটে ।      ১৫। মোচা=পুঁটুলি ।

পাঠান্তর :— \*মালেক যাইত পিছে হোকা বেনা লই ।

†—নিত খেত্যাল—’ ॥

যইবন উড়ে বসন ফাডি কলসী কাঁকে লই ।  
 চোগে<sup>১৬</sup> চোগে চাহি নুর চলি যাইতগৈ ॥  
 ঘাঁড়ার আগত<sup>১৭</sup> তেঁতই<sup>১৮</sup> গাছড়া তেঁতই বেঁকা বেঁকা  
 হাঁজর কালে<sup>১৯</sup> যাইত মালেক পন্থে হইত দেখা ॥  
 উড়ানেতে মৈয়া গাড়ি<sup>২০</sup> গরু বৈলায়<sup>২১</sup> নুর ।  
 পহির পাড়ত<sup>২২</sup> বসি মালেক বাঁশিত্ দিত নুর ॥  
 দিনে ত ঘুমায় মালেক একলা থাকি ঘরে ।  
 হিতানে<sup>২৩</sup> বসি রে নুর পাছা হাবা করে ॥  
 লঙ্গ্ এলাচি দিয়া মিডা গোলাবী পানর খিলি ।  
 রইন্তা ভইনে<sup>২৪</sup> খাবাই দিত ঘুমর থুন<sup>২৫</sup> তুলি ॥  
 পর্থম যইবনের রূপ হাবায়<sup>২৬</sup> খেলায় ।  
 ভাসি ভাসি চলিল মালেক পিরীত দরিয়ায় ॥

( ৬ )\*

তোফান হইল সেইনা বছর খোদার গজব ।  
 গড়্‌কিতে<sup>১</sup> ভাসাই নিল ঘর বাড়ী সব ॥

- ১৬। চোগে=চোগে । ১৭। ঘাঁড়ার আগত=পথের সম্মুখে ।  
 ১৮। তেঁতই=তেঁতুল । ১৯। হাঁজর কালে=সন্ধ্যা কালে ।  
 ২০। মৈয়া গাড়ি=ধান মাড়াই করিবার জন্ত পোতা খুঁটি ।  
 ২১। বৈলায়=দড়ি দিয়া বাঁধে । ২২। পহির পাড়ত=পুকুর পাড়ে ।  
 ২৩। হিতানে=শিয়রে । ২৪। বইন্তা ভইনে=রসিকা ভগ্নী :  
 ২৫। থুন=হইতে । ২৬। হাবা=হাওয়া ।  
 ১। গড়্‌কি=সামুদ্রিক জলোচ্ছ্বাস ।

\* ভূমিকা দ্রষ্টব্য ।

হাট্টলা চাষার মারে জালা<sup>২</sup>      পানির ঠেলা  
 ধানের ঝরে ফুল ।  
 ঢলর পানিত<sup>৩</sup> মরে মানুষ  
 হাঁতুরী<sup>৪</sup> ন পায় কুল ॥  
 ভাসি গেলগৈ যত ক্ষেতি      <sup>৫</sup>ফেইন্যা, বেতী,  
 বীজমালী, বালাম ।  
 চিল্লাল, গিরিম্,      বিল্লী, পিড়িম্<sup>৬</sup>  
 কত কইব আর নাম ॥  
 দেশর মাঝে হইল কহর<sup>৭</sup>      পানির বহর<sup>৮</sup>  
 পরাণ বাঁচন দায় ।  
 দেশর সোনার মাড়ি      টুডল ফাডি  
 গড়্ কি নামি যায় ॥ +  
 আশ্‌মানে দেবায় ডাকে<sup>৯</sup>      জড়ুম ধুরুম  
 বিজলী দেয় ছডক্<sup>১০</sup> ।  
 দেশে হইল কাণ্ড      লণ্ড ভণ্ড  
 মাইনসের আচানক্<sup>১১</sup> ॥  
 যত সব হাট ঘাট      দোকান পাট  
 গড়্ কি ভাসাই নিল ।  
 হায় রে হায় দারুণ তোফান      কইরল বেবান<sup>১২</sup>  
 সব শেষ করি দিল ॥

২ । জালা = পানির চারা । ৩ । ঢলর পানিত্ = অতি দৃষ্টির ফলে বগ্নার জলে ।

৪ । হাঁতুরী = মস্তাব দিয়া । ৫ - ৮ । এগুলি নানা জাতি ধানের নাম ।

৬ । কহর = দুর্ভিক্ষে মড়ক । ৭ । বহর = বিস্তার ।

৮ । দেবায় ডাকে = মেঘ গর্জন করে । ৯ । ছডক্ = চমক ।

১০ । আচানক্ = হঠাৎ চমকিয়া । ১১ । বেবান = ফাঁকা ।

আলীমের<sup>১২</sup> কুরাণ গেল      রিহাল<sup>১৩</sup> ভাইসল  
 বারোইর গেল পান ।  
 দোকানীর বেসাত্ গেল      ঝালুই<sup>১৪</sup> গেল  
 গিরস্থ ঘরর ধান ॥  
 তোয়াক্করের<sup>১৫</sup> ধন গেল      জন গেল  
 আর গেল মাল মাস্তা ।  
 জাইলার জাল গেল      জোলার তাঁত গেল  
 ধোবার গেল তক্তা<sup>১৬</sup> ।  
 নাপিতের হুঁজ<sup>১৭</sup> গেল কামারের ভাতি ।  
 উড়াই নিল গাছ-গাছালি তাল খাজুরর মাথি ॥  
 শতে শতে মইরল মানুষ কারে কনে চায়<sup>১৮</sup> ।  
 ঘরর চালত্ ভাসি কেউ পইড়্‌ল দরিয়ায় ॥  
 গরু মইরল মইষ মইরল তোফান হইল ভারী ।  
 ধানর দর চড়ি হইল ট্যাকায় পাঁচ আড়ি ॥  
 কেউ বেচে স্তিরী পুত্র কেউ বেচে মাইয়া<sup>১৯</sup> ।  
 পেড ফুলি মরে কেউ পাতা সিদ্ধ খাইয়া ॥  
 আজগরের দুঃখের কথা কি বলিব হায় ।  
 ঘরত্ নাই রে ক্ষুদরকণা উবাসে দিন যায় ॥

১২ । আলীম = মুসলমান পণ্ডিত ।

১৩ । রিহাল = কোরাণ রাখিবার কাঠের আধার ।

১৪ । ঝালুই = ব্যবসায়ীর ঝুড়ি ।      ১৫ । তোয়াক্কর = ধনী ।

১৬ । তক্তা = কাপড় কাচিবার পাট ।

১৭ । হজ = ফোঁরীর ক্ষুর কাঁচি রাখার থলি ।

১৮ । কারে কনে চায় = কাহাকে কে দেখিবে ।      ১৯ । মাইয়া = কণ্ঠা !

ভিড়াত নাই রে ঘরর ঠুনি<sup>২০</sup> আর নাই চাল ।  
 গড়কিতে ভাসি গেলুগৈ যত মালামাল ॥  
 জাগাজমিন পড়ি রইল ন হইল চাষ ।  
 গাঙ্গে ভাসে বিলে ভাসে শতে শতে লাস ॥  
 হালের গরু মইরা গেছে, মইরা গেছে গাই ।  
 নাজল জুয়াল বীজর ধান কিছু তার নাই ॥  
 ভাবি চিন্তি আজগর কি কাম করিল ।  
 রং দিয়া চরেতে যাইয়া উপনীত হইল ॥  
 নয়া চরে পানির দরে জাগাজমির দাম ।  
 এক দোণ<sup>২১</sup> পেরা জমিন<sup>২২</sup> পাইল ইনাম ॥  
 নজর<sup>২৩</sup> ছাড়া জমিন পাইল আর পাইল গরু ।  
 বীজর লাগি পাইল ধান দশ আড়ি লমরু<sup>২৪</sup> ॥  
 রংদিয়ার চর রে ভাই, এমুন মাড়ির বল ।  
 ছিডাই<sup>২৫</sup> দিলে ফলে মাড়িত্ সোনার ফসল ॥  
 স্তিরী কইয়া লয়া আজগর থাকে রংদিয়ায় ।  
 সুখে দুখে একমতন দিন কাডি যায় ॥

( ৭ )

গড়কিতে ভাসি মালেক দেওগাঁ ছাড়িল ।+  
 কন মতে চালায় বসি পরাণে বাঁচিল ॥+  
 কন বা দেশে ভাসি আইলন ছিল তার জানা ।+  
 দেশে দেশে ঘুরে মালেক হইয়া দেওয়ানা<sup>২</sup> ॥+

- ২০। ঠুনি=গজারী কাঠের খুঁটি।      ২১। এক দোণ=২০ বিঘা।  
 ২২। পেড়া জামিন=জংলা জমি।      ২৩। নজর=জমিদারের প্রাপ্য অর্থ।  
 ২৪। লমরু=এক জাতি ধানের নাম।      ২৫। ছিডাই=ছিটাইয়া।  
 ১। দেওয়ানা=ভিখারী ককির।

বহুত জাগা ঘুরি মালেক আইল তারপর ।  
 দেওগাঁ আসি দেখে ভিডাত্‌<sup>২</sup> নাইরে ঘর ॥ +  
 ছাড়া ভিঁডাত্‌ নাইরে ঘর নাই সে জ্বলে বাতি ।  
 আগের কথা ভাবি মালেকের ফাড়ে বুগর<sup>৩</sup> ছাতি  
 নুরন্নেহার লাগি রে মন করে ধড়ফড় ।  
 বাঁচি আছে ন মরি গেছে কনে বান্‌ল<sup>৪</sup> ঘর ॥ +  
 ঘুরিতে ঘুরিতে মালেক কোন কাম করে ।  
 মোছাফের<sup>৫</sup> হইয়া আইল রংদিয়ার চরে ॥

শুন শুন সভাজন কহিয়া জানাই ।  
 আগের কথা কইলাম কিছু ঘুরাই ফিরাই ॥  
 এখন শুন আসল কথা নাল করি<sup>৬</sup> কই ।  
 পিরীত সাইগরে মালেক হাঁতুরি যারগৈ<sup>৭</sup> ॥  
 ওরে তার লাগি নুরন্নেহার মনে আছে দাগ ।  
 এক বছর পরে আইজ বন্ধের পাইল লাগ<sup>৮</sup> ॥  
 পচিমে সাইগরের মাঝে চেউয়ে খেলায় পানি ।  
 ঘরে আর বাইরে নুর করে আনাগুনি ॥  
 হাঁজার বাতি জ্বলাই দিল থির নয় রে মন ।  
 মায়ে দিছে রাঁধিবারে নানান ছালোন ॥

২ । ভিডাত্‌ = ভিঁটায় ।                      ৩ । বুগর = বুকের ।

৪ । কনে বান্‌ল = কোথায় বাধিল ।

৫ । মোছাফের = ঠিকানা হীন অতিথি ।

৬ । নাল করি = ক্রম অনুযায়ী ।

৭ । হাঁতুরি যারগৈ = দাঁতের দিয়া যাইতেছে ।

৮ । বন্ধের পাইল লাগ = বন্ধুর দেখা পাইল ।

মালেকের সঙ্গে কথা বাপ মায় কয় ।  
বেড়ার কাঁকদি মুর ফুকামারি চায়<sup>৯</sup> ॥

বহুত দিন পরে দেখা আজগরের কাছে বসি । +  
মালেক কইছে কথা সগলর মন খুশী ॥ +  
ন উডিল বিয়ার কথা ন উডিল কিছু ।  
মালেক ভাবিত হইল মাথা করি নীচু ॥  
জিব্বার আগাত<sup>১০</sup> কথা আনি ন কহিল আর ।  
ভিতরর আগুনে হায় রে কইল্জা পুড়ি জার<sup>১১</sup> ॥  
কইল্জা পুড়ি জার রে তার কইল্জা যায় পুড়ি ।  
ভাবিতে ভাবিতে মালেক পড়ে ঝুরি ঝুরি<sup>১২</sup> ॥

আজগর কয় “ওরে মালেক বাপ্‌জান ।  
খাইয়া দাইয়া এখন চল লইগা বিছান<sup>১৩</sup> ॥  
হারাদিন ত খাও নাই পেডত্‌ লাগ্‌ছে ভোক<sup>১৪</sup> ।  
ঠাণ্ডা পানি দিয়া আগে ধুইয়া ফেলাও চোখ ॥”

খাইতে বইল দোনোজনে ছাম্‌না-ছাম্‌নি হই ।  
মুরম্‌নেছা আইল তহন ভাতের বাসন লই ॥  
বেতী চাইলের চিকন ভাত ধূমা উড়ি যায় ।  
মুরম্‌নেছার মিক্যা<sup>১৫</sup> মালেক ঠাহরি ঠাহরি চায়<sup>১৬</sup> ॥

- ৯ । ফুকামারি চায় ঐকি দিয়া দেখে ।  
১০ । জিব্বার আগাত্‌ = জিব্বার অগ্রভাগে । ১১ । জার = জ্বর ।  
১২ । পড়ে ঝুরি ঝুরি = ভাঙ্গিয়া পড়িল । ১৩ । লইগা বিছান = শয্যা গ্রহণ করি ।  
১৪ । ভোক্‌ = ক্ষুধা । ১৫ । মিক্যা = দিকে, প্রতি ।  
১৬ । ঠাহরি ঠাহরি চায় = অর্থপূর্ণ দৃষ্টিতে পুনঃ পুন তাকায় ।



পেডত্ ডিম্ব তাজা রিষ্টা গায়ে গায়ে তেল ।  
 গণ্ডা পাঁচেক মালেকের পাতত্ দিয়া গেল ॥  
 হাঁসের আণ্ডা রাঁধি ভালা তুন মরিচ কড়া ।  
 লৈট্যা মাছর ঝোল আর মাছর ডিম্বর বড়া ॥  
 নানান ছালোন আর মোরগের গোছ<sup>১৭</sup> ।  
 খাইয়া দাইয়া মালেকের মনত্<sup>১৮</sup> হইল খোশ্<sup>১৯</sup> ॥  
 নানান্ পদর্<sup>২০</sup> খানা রাঁধি খানা হইল ভারী ।  
 ছেমাই পিড়া খাই মালেক বাসন দিল ছাড়ি ॥  
 হোঁক্কা আনি দিল রে তুর মালেক দিল টান ।  
 বজ্ত দিনের পরে পাইল সেইনা হাতর পান ॥  
 শুইতে দিল ডেহেরিতে<sup>২১</sup> নীতল পাড়ি পাতি ।  
 কি ভাবে পোষাই<sup>২২</sup> যাইব এইনা দীঘল রাতি ॥  
 আশা রাইতে আওলাতে<sup>২৩</sup> শুইয়া পড়ল তুর ।  
 চৌখে ঘুম নাই রে তার বুগে ছুঁছুঁর ॥  
 মনর মাঝে নানান্ কথা নানান্ ভাবে উড়ে ।  
 হরা-চাপা<sup>২৪</sup> দিলে রে ভাত যেমন করি ফুড়ে ॥  
 “দহিনালী বয়ার<sup>২৫</sup> ভালা রে

আর ভালা কোইলার রাও ।<sup>২৬</sup>

নাইরকল তেল দি বাইনলাম ঝোঁড়া<sup>২৭</sup>

আইসা দেইখ্যা যাও ॥

- ১৭ । গোছ্ = গোস্ত, মাংস । ১৮ । মনত্ = মনে । ১৯ । খোশ্ = আনন্দ ।  
 ২০ । নানান্ পদর্ = নানা রকমারী । ২১ । ডেহেরিতে = বাহিরের ঘরে ।  
 ২২ । পোষাই = পোহাইয়া, অতিবাহিত হইয়া ।  
 ২৩ । আওলাতে = অন্তর মহলে । ২৪ । হরা চাপা = সূরা চাপা ।  
 ২৫ । দহিনালী বয়ার = দক্ষিণা হাওয়া ।  
 ২৬ । কোইলার রাও = কোকিলের কুহ ডাক । ২৭ । ঝোঁড়া = গোঁড়া ।

ঘাঁড়ার আগত্<sup>২৮</sup> ডালিম গাছডা

লটকি<sup>২৯</sup> পড়ে রে আগা ।

ছোডো কালে পিরীত করি

বন্ধু, ন দিও রে দাগা ॥

লাউপাতা<sup>৩০</sup> খস্ খস্ জাইন্ত

কছুর<sup>৩১</sup> পাতা নরম ।\*

বুগর আউন<sup>৩২</sup> চাপা দিব

আমার কন্ মত সরম<sup>৩৩</sup> ।”

ভাবি ভাবি কইয়া আরে

হইয়া গেল ফানা<sup>৩৪</sup> ।

অবুঝ মন কনো মতে

ন মানিল মানা রে—

ন মানিল মানা ॥

মাও ঘুমায় বাপত্ ঘুমায়

ডাকে তারার<sup>৩৫</sup> নাক ।

ঘরর বাইর হইল কইয়া

কেওয়ার<sup>৩৬</sup> করি ফাঁক ॥

২৮। ঘাঁড়ার আগত্ = পথের ধারে । ২৯। লটকি = হেলিয়া ।

৩০। লাউপাতা = পূর্ববঙ্গে লাউ বলিতে মিষ্টি কুমড়া বুঝায় ।

৩১। কছুর = পশ্চিমবঙ্গের লাউ । ৩২। বুগর আউন = বৃকের আগুন ।

৩৩। কন্ মত সরম = কত শক্তি ধরে সেই লজ্জা ।

৩৪। ফানা = অধোমাদ, আত্মহারা । ৩৫। তারার = তাহাদের ।

৩৬। কেওয়ার = বাঁশের চাটাই দিয়া প্রস্তুত দুয়ারের কবাট ।

পাঠান্তর :— \* লাউ পাতা খস্ খস্ জাইন্ত পুঁইপাতা নরম ।—( পূর্ববঙ্গের দক্ষিণ-পূর্বাঞ্চলে সাধারণ গৃহস্থ পঁচিশ বৎসর পূর্বে ‘পুঁই’ কাছাকে বলে জানিত না ।—সম্পাদক । )

এক পাও আগে চলে কইন্না  
 ফিরি তাকায় পিছে ।†  
 উতলা হইছে কইন্না  
 আজি দারুণ মাথার বিষে ॥  
 রাইতর নিশি ঘুর<sup>৩৭</sup> হইয়ে  
 তখন ঘর বাড়ী নিঝুম ।  
 চম্‌কি উড়িল মালেকের বৃগ  
 চৌখে ন আছিল ঘুম ॥  
 ঘরর বাইর হই মালেক  
 দেখে ছুরুনিছা খাড়া ।  
 দহিনালী বাও দিল  
 আশ্‌মানে জ্বলে তারা ॥

( ৮ )

রংদিয়ার পচ্চিমে রইছে বেবান সাইগর<sup>১</sup> ।  
 লামছি<sup>২</sup> দিয়া বাড়ে সদাই নয়া নয়া চর\* ॥  
 ডেউ করে বাইড়া বাইড়ি আইলে জোয়ার ।  
 কত গধু, বালাম<sup>৩</sup> চলে নাই রে স্মার<sup>৪</sup> ॥

৩৭ । ঘুর=ঘোর, গভীর ।

১ । বেবান সাইগর=কূল কিনারা হীন সাগর ।

২ । লামছি=( রংদিয়া চরের ) নীচ অর্থাৎ দক্ষিণ দিয়া ।

৩ । গধু বালাম=তুই শ্রেণীর সমুদ্র গামী নৌকার নাম ।

৪ । স্মার=গণনায় সংখ্যা ।

পারিস্থত্ব :—

†—আর এক পাও পিছে

\*—সদাই নয়াবাদি চর ।

সেইনা সাইগরের মাঝে হার্মাত্তার<sup>৫</sup> দল ।  
 বাঁকে বাঁকে ঘুরে সদাই বড়ো বেয়াকল<sup>৬</sup> ॥  
 লুড্তরাজ করে তারা করে দাগাবাজি ।  
 সাইগরে হার্মাত্তার ডরে কাঁপে নায়ের মাঝি ॥  
 পাঁচগৈড়া<sup>৭</sup> ছাড়ি গেলে  
 ওরে ভাই পাঁচগৈড়া ছাড়ি ।  
 বেবান<sup>৮</sup> সাইগরের মাঝে কালা পাইত্তার পাড়ি<sup>৯</sup> ॥  
 মুড়ার<sup>১০</sup> সমান ঢেউ বাতাসে খেলায় ।  
 উপরে তুমি রে মুকা<sup>১০</sup> নীচুতে ফেলায় ॥  
 দমকা হাওয়া ছুটে যহন  
 আরে দমকা হাওয়া ছুটে ।  
 পাঁচগৈড়ার বিষম ঢেউ  
 আশ্‌মান ধরি ছুটে রে ভাই,  
 আশ্‌মান ধরি ছুটে ॥

৫। হার্মাদ=মঘ ও পতু'গীজ জলদস্যুর মিলিত নাম ।

৬। বেয়াকল=কাণ্ডজানহীন ।

৭। পাঁচ গৈড়া=কক্সবাজার ও মহিষাখালি দ্বীপের মধ্যবর্তী প্রণালী যেখানে বাহির সাগরে পড়িয়াছে, সেখানে পাঁচটা বড়ো ঢেউ সব সময় থাকে । সেজ্ঞ ঐ স্থানটির নাম পাঁচগৈড়া । বড়ো ঢেউকে 'গৈড়া' বা 'গড়ান' বলে ।

৮। কালা পাইত্তার পারি=বহিঃ সমুদ্রের জল নীল দেখায় বলিয়া দেশী ভাষায় 'কালাপানি' বলে । কালাপানি পায় হইতে বিপদ ঘটে—ইহাই বুঝাইতেছে ।

৯। মুড়া=ছোটো পর্বত ।

১০। মুকা=নৌকা ।

৮। বেবান—' ॥

বেবান সাইগর সেইনা কালা কালা পানি ।  
 পালর<sup>১১</sup> বালাম চলি যাইতে পরাণ টানাটানি ॥  
 কালা পাইত্তা পাড়ি দিতে বড়ো বিষম ঢেউ ।  
 পীরের নামে হাজার ট্যাকা সিল্লি মানে কেউ ॥  
 হিঁহু ডাকে জয় কালী মঘে ডাকে ‘ফরা’<sup>১২</sup> ।  
 এইবার পরভু নিরঞ্জন সঙ্কটেতে তরা ॥  
 এই না পাড়ি পার হইলে ঠাণ্ডা যে সাইগর ।  
 পুগর<sup>১৩</sup> কূলে দেখা যায় রে নয়া নয়া চর ॥  
 নয়া চরে ধু ধু বালু গাছ বিরিস্ক নাই ।  
 হার্মাতার কথা এহন<sup>১৪</sup> শুন কিছু কই ॥  
 ফিরিজী বোম্বাট্যা আর মঘ ডাকু মিলি ।  
 হার্মাতা সাইগরে চলে সুলুপে<sup>১৫</sup> পাল তুলি ॥  
 পরাণের লালছ<sup>১৬</sup> নাইরে বড়ই জাহিল<sup>১৭</sup> ।  
 সাইগরে লড়িতে তারা না হয় কাহিল ॥  
 বৈদেশে কামাইয়া<sup>১৮</sup> আইসে যত সদাইগর ।  
 বাওটা<sup>১৯</sup> তুলি ধরে হার্মাতা ডিঙ্গার উপর ॥  
 লুড তরাজ করিয়া রে ডিঙ্গা ডুপাইত ।  
 মাঝিমাল্লা বাঁধি তারার সঙ্গে করি নিত ॥

১১। পালর = পালউড়া ।

১২। ফরা = মঘ জাতির উপাঙ্গ দেবতা বা ঈশ্বর ।

১৩। পুগর = পূবের ।

১৪। এহন = এখন ।

১৫। সুলুপ = এক শ্রেণীর দেশী জাহাজের নাম । ১৬। লালছ = লালসা ।

১৭। জাহিল = দুর্দান্ত বদমাশ । ১৮। কামাইয়া = উপার্জন করিয়া ।

১৯। বাওটা = জাহাজ থামাইবার সঙ্কেত নিশান ।

‡ শরয় —’ ॥

উজান চরের বাঁকে রে পেই উজান চরের টেকে ।  
 দলে দলে যত ডাকু খাপ্‌ দি<sup>২০</sup> বসি থাকে ॥  
 হ্রস্ব হার্মাচ্চা ডাকু কিনা কাম করে ।  
 তেলের মত\* নাও রে তারার পঙ্খীর মত উড়ে ॥

এই না সময় হয় রে কথা শুন সভাজন ।  
 মালেক নুরের কিছু কহি বিবরণ ॥  
 পিরীতির রসে তারা ভাসে দিন রাইত ।  
 রংদিয়া আইল একদিন হার্মাচ্চা ডাকাইত ॥  
 ঘরেতে পরবেশিল ডাকু খুলিল সিন্দুক ।  
 কাঁদি কাঁদি আজগর ভাঙ্গি ফেলায় বুগ ॥  
 ট্যাকা কড়ি যত ছিল সব লইল লুড়ি ।  
 নুরুন্নেছা কাইন্তে লাগিল মাথা কুড়ি কুড়ি ॥  
 জাহিল হার্মাচ্চা ডাকু কিনা কাম করে ।  
 কইছারে বাঁধি লইল কাঁধের উপরে ॥  
 মালেকরে লইল তারা হাতে পায়ে বাঁধি ।  
 ছলা<sup>২১</sup> কইছা লইল সঙ্গে করাইব কি সাদী ?  
 কাঁদিতে লাগিল হয় রে বুড়া ক্ষেতিয়াল<sup>২২</sup> ।  
 সুখের সংসার তার হইল বেনাল<sup>২৩</sup> ॥  
 আওরাত<sup>২৪</sup> কাঁদে তার বুগত্‌ কিল দিয়া ।  
 “কন্তে<sup>২৫</sup> আমার কইছা নুর কনে<sup>২৬</sup> দিব দিয়া ॥”

২০। খাপ্‌দি=ওৎপাতিয়া ।

২১। ছলা = বিবাহের বর ।

২২। ক্ষেতিয়াল=কৃষক ।

২৩। বেনাল=বেসামাল ।

২৪। আওরাত=স্ত্রী ।

২৫। কন্তে=কোথায় ।

২৬। কনে=কেবা ।

পাঠান্তর :— \* তেলছমাতি—’ ।

( ৯ )

হার্মাণ্ডার মুকা<sup>১</sup> সেই চেউয়ের তালে তালে ।  
 চিলা-উড়ানি উড়ে রে মুকা বাতাস লাগি পালে ॥  
 বেহৌস হইল রে কইণ্ডা কাঁদিয়া কাঁদিয়া ।  
 মুকার ডেহেরায়<sup>২</sup> তারে রাইখাছে বাঁধিয়া ॥  
 বেপরদা রইছে কইণ্ডা অঙ্গে নাই রে বাস ।  
 মাথার কেশ আউল কইরুল দারুন বাতাস ॥  
 মালেকরে দিয়া তারা পিছমোড়া বাঁন্<sup>৩</sup> ।  
 হাতের দরদে তার নিকলি যায় জান ॥  
 কইণ্ডার ছুরত্, দেখি ডাকুর ছরদার ।  
 মালেকের কাছে গিয়া পুছে সমাচার ॥  
 “ছুরতের বাহার কইণ্ডা তোর হয় রে কি ?  
 কন দেশে শ্বশুরের ঘর কন বা বাপর ঝি ?”  
 চাহিয়া রহিল মালেক মুখে নাই রে রাও ।  
 ডাকুর ছরদার তহন হাতে লইল দাও ॥  
 আতাইক্যা<sup>৪</sup> মা বলি মুর উডিল ঝঙ্কারি<sup>৫</sup> ।  
 ঝাপটাইণ্ডা বয়ারে<sup>৬</sup> গেল পালের দড়ি ছিঁড়ি ॥  
 বেবান সাইগরে মুকা দিল ঘুরণ পাক ।  
 ঘুরিতে ধুরিতে পাইল বালুচরের লাগ্<sup>৭</sup> ।  
 গাছ গাছালী নাই রে সেই ধু ধু বালুর চরে ।  
 কয়েকজন জাইল্যা তথায় সাইগরে মাছ ধরে ॥

- ১ । মুকা = নৌকা ।                      ২ । ডেহেরায় = ধোলের মধ্যে ।  
 ৩ । বাঁন্ = বাঁধ, বন্ধন ।              ৪ । আতাইক্যা = ভয়ে হঠাৎ ।  
 ৫ । ঝঙ্কারি = ঝঙ্কার দিয়া, চিৎকার করিয়া ।  
 ৬ । ঝাপটাইণ্ডা বয়ারে = দম্কা হাওয়ায় ।              ৭ । লাগ্ = নাগাল ।

কেহ জ্বালে ভাতের আগুন কেহ কুড়ে মাছ ।  
এমন সময় তারার মাথায় পইড়ুল ভাজি বাজ ॥

রাজা সুরুজ ডুপে<sup>৮</sup> তহন কালাপানির তলে ।  
জাইল্যার লুকায় ডাকুরা সব উডিল দলে দলে ॥  
বিপদ বুঝি জাইল্যার দল হাতত লইল পই<sup>৯</sup> ।  
কেহ কেহ উজাইল ধামাদাও লই<sup>১০</sup> ।  
ডাঙ্গার<sup>১১</sup> হইল রে সেই ধু ধু বালুর চরে ।  
কারও মাথা ফাডি গেলগৈ কেহ গেল মরে ॥  
জাইল্যার মধ্যে একজন বয়সে সে বুড়া ।  
তড়াতড়ি আইন্ল গিয়া মরিচর গুঁড়া ॥  
মুট করি হার্মাছার চোগে উড়াই দিল ।  
মরিচর গুঁড়া লাইগ্যা কি কাম হইল ॥  
ভোম খাইয়া<sup>১২</sup> পড়ে হার্মাছা সব বালুর উপর ।  
জাইল্যার দল কি কাম করিল তারপর ॥  
একে একে বাঁইন্ল ডাকু পালর রশি দিয়া ।  
কেহ মারে কিল চোয়াড় কেহ মারে ডেয়া<sup>১৩</sup> ॥

হার্মাছা ডাকাইত বাঁধি যত জাইল্যাগণ ।  
তরবিজ্ঞ<sup>১৪</sup> করিতে তারা ভাবে মনে মন ॥

- ৮। ডুপে=উবিয়া যায় ।  
৯। হাতত লইল পই=হাতে লইল হাত বৈঠা ।  
১০। উজাইল ধামা দাও লই=অগ্রসর হইয়া বড়ো ও লম্বা দাও লইয়া  
আক্রমণ করিল ।  
১১। ডাঙ্গার=বড়ো রকমের দাঙ্গা ।  
১২। ভোম খাইয়া=চোখের যন্ত্রণায় অন্ধকার দেখিয়া ।  
১৩। ডেয়া=লাথি বা ঘুঁসি ।      ১৪। তরবিজ্ঞ=শেষ ব্যবস্থা ।



জাইল্যাঙ্গলে মিলি করে তারা শল্লা<sup>১৫</sup> ।  
 দাও দিয়া কাটি লইতে যত ডাকুর কাল্লা<sup>১৬</sup> ॥  
 কেহ বলে ডাকুর গলাত্ পাখর বাঁধিয়া ।  
 বেবান সাইগরের পানিত্ দেও ডুপাইয়া ॥  
 এই ভাবে নানান্ জনে নানান্ কথা কয় ।  
 ডাকুর মুকাত্ থাকি মালেক শুনে সমুদায় ॥  
 রাও ধরি<sup>১৭</sup> কঁাদে রে মালেক কঁাদে রাও ধরি ।  
 জাইল্যা কয়জন উজাল<sup>১৮</sup> লয়্যা গেল তড়াতিড়ি ॥  
 মালেকের অবস্থা দেখি খুলি দিল বাঁন ।  
 আদিগুড়ি<sup>১৯</sup> যত কথার হইল সন্ধান ॥

লড়ন্-চড়ন্ নাইরে কইন্নার ঢলি পড়ে মাথা ।  
 খুলি দেখিল বুড়া ছই নয়ানের পাতা ॥  
 উলটি রইছে চৌথের তারা না পড়ে পলক ।  
 বুগর মাঝে পরাণ কেবল করে ধগ্ধগ্ ॥\*  
 ছই পাও ঠাণ্ডা কইন্নার ঠাণ্ডা ছই হাত ।  
 পড়িয়া রইছে কহা ভিঁড়ি দাঁতে দাঁত ॥  
 সগল জাইল্যা মিলি তারা কি কাম করিল ।  
 জাইল্যা মুকায় নিয়া কন্যারে তুলিল ॥  
 কেহ দেয় মাথায় পানি কেহ বিজে গাও<sup>২০</sup> ।  
 বুড়া জাইল্যা ডাকি কয় “উড আমার মাও” ॥

১৫। শল্লা = পরামর্শ ।

১৬। কাল্লা = মাথা ।

১৭। রাও ধরি = চিৎকার করিয়া ।

১৮। উজাল = মশাল ।

১৯। আদিগুড়ি = আগাগোড়া ।

২০। বিজে গাও = গায়ে পাখার বাতাস করে ।

পাঠান্তর :— \* বুগেতে পরাণ নাই করের ধক্ ধক্ ॥

বৈট্টা<sup>২১</sup> খুলি বাহির কইরল বায়ু রোগর বড়ি ।  
সেইনা বড়ি লইয়া বুড়া করি তড়াতিড়ি ॥  
চৈলর<sup>২২</sup>ক পানির সঙ্গে মিশাই কইন্যারে খাবায় ।  
ঠাণ্ডা পানির ছিটকা দিল চৌথের পাতায় ॥

মালেক কাঁদছে—“ভইন রে, আমার মিক্যা চাও ।  
কন্ কথা কইব রে আমি জিগাইলে বাপ্ মাও ॥  
গা তোলা গা তোলা ভইন রে উড একবার ।  
রংদিয়ার বাড়ীত্ চল যাই এইবার ॥  
উডরে উডরে আমার পুন্নু মাসীর চান্ ।  
কন জনা দিব রে আমার মিডা<sup>২৩</sup>খ খিলি পান ॥  
হোকাতে সাজাই তামুক কনে<sup>২৪</sup> দিব আনি ।  
গরমির কালে<sup>২৫</sup> কনে দিব ঠাণ্ডা সরবত্ পানি ॥  
গা তোলা গা তোলা আমার আঁধার ঘরর বাতি ।  
কনে মোরে দিব আর শীতলপাটি পাতি ॥  
রংদিয়াতে যাই রে ভইন তোরে সঙ্গে লই ।  
কনে বোসাইব আর খামা খামা দই<sup>২৬</sup> ॥  
কুকুরার ঘরত্ আগার উপর বাতায় দেয় রে উম<sup>২৭</sup> ।  
রংদিয়া বাড়ীত চলরে মুর ভাঙ্গি ফেল ঘুম ॥ ”

এইনা মতে কাঁদে মালেক চোগে পানি ঝরে ।  
কইন্যা লই জাইল্যার দল পড়িগেলগৈ ফেরে ॥

- ২১ । বৈট্টা = বাঁশের চোঙ্গা ।      ২২ ক । চৈলর = চাউলের ।  
২২ খ । মিডা = মিঠা ।      ২৩ । কনে = কেবা ।  
২৪ । গরমির কালে = গ্রীষ্মকালে ।      ২৫ । খামা খামা দই = খুব জমাট দধি ।  
২৬ । বাতায় দেয় উম = মা মুরগী বাচ্চা তুলিতে তাপদিত্তেছে ।

এই দিকে ডাকুর দল করে ছড়াছড়ি ।  
 বাঁধন ছিঁড়িঙ্গ তারা দাঁতেতে কামড়ি ॥  
 একজন বাঁধন ছিঁড়ি করে কিনা কাম ।  
 ধীরে ধীরে খুলি দিল সগল ডাকুর বান্ ॥  
 ভূতা গোয়ার<sup>২৭</sup> হিঁচু জাইল্যান জানে হের ফের ।  
 বাঁধন ছিঁড়ি ডাকু পলাই গেল ন পাইল টের ॥

আধা রাইতে চান্নি উডিল মাথার উপর ।  
 মূরের লাগি মালেকের পরাণ করে ধড়ফড় ॥  
 কোলেতে লই রে মাথা করিছে বেজন<sup>২৮</sup> ।  
 নাকেতে সোয়াস আসি পড়ে ঘন ঘন ।  
 জোন পহরগ্যা<sup>২৯</sup> পইড়ল ছুড়ে দহিনালী বায় ।  
 গা মোচ্ড়া দিয়া কইয়া চোগ মেলি চায় ॥  
 উডিয়া বসিল মূর মুখে ফুডিল বাত<sup>৩০</sup>\* ।  
 পানি দিয়া কচলাই<sup>৩১</sup> তারে খাইতে দিল ভাত ॥  
 মাও বাপের খবর কইয়া করিল রে পুছ ।  
 একে একে কহি মালেক দিল তারে বুঝ ॥

বেবান দরিয়ার মাঝে ধু ধু বালুর চর ।  
 পাতার ছানি পাতার বেড়া সেইনা জাইল্যার ঘর ॥  
 রইল তারা দোনো জনে চোগে নাই রে ঘুম ।  
 সাইগরে খেলায় ঢেউ রাইত হইলে নিঝুম ॥

২৭। ভূতা গোয়ার = নিবোৱ সাহসী । ২৮। বেজন = পাখার বাতাস ।

২৯। জোনপহরগ্যা = চাঁদ ওঠার একপ্রহর পরে ।

৩০। বাত = কথা ।

৩১। কচলাই = চট্কাইয়া

মাছে যেমুন পানি পায় পানিয়ে পাইল গাঙ্ ।  
 লাউ ঝিঙার লতা পাইল বাঁশের মাচাং ॥  
 ভিখারী পাইল যেমুন সোনা ভরি ভরি ।  
 ইছপরে<sup>৩২</sup> পাইল যেমুন জোলেথা<sup>৩৩</sup> সোন্দরী ॥

( ১০ )

পরের দিন জাইল্যাগণ যুক্তি করি সার ।  
 সাজাইল গধু নুকা<sup>১</sup> সাইগর হইব পার ॥  
 বড়ো বড়ো গধু নুকার বড়ো বড়ো পাল ।  
 শুকনা মাছর বোঝাই লইল আর যত মালামাল ॥  
 হুর আর মালেক নুকায় উডিল । +  
 দহিনালী বাতাস পাই নুকা ছাড়ি দিল ॥ +  
 কেউ বাজায় বাঁশের বাঁশি কেউ ফুকে শিঙ্গা ।  
 নাচিতে নাচিতে চলে বোঝাই গধু ডিঙ্গা ॥  
 কেহ বলে 'বদর বদর' কেহ বলে হরি । +  
 গধুর গায়ত্ লাইগা ঢেউ করে বাইড়া বাইড়ি ॥ +  
 বেবান সাইগর সেই বড়ো বিষম পাড়ি ।  
 কেহ ধরে গানের ধোসা<sup>২</sup> কেহ গায় সারি ॥

৩২ । ইছপ=পারশ্ব সাহিত্যে বিখ্যাত নায়ক 'ইউছুফ' ।

৩৩ । জোলেথা=পারশ্ব সাহিত্যে বিখ্যাত নায়িকা 'জুলেথা' ।

১ । গধুনুকা=সমুদ্রে চালাইবার উপযুক্ত একশ্রেণী বড়ো নৌকার নাম 'গধু' ।

২ । ধোসা=ধুয়া ।

( জেলেদের সারি গান )—\*

ওরে, পুষ মাইস্থা শীতর কাল,—ধুয়া  
 হাঁতুরি<sup>৩</sup> বাইলাম টেইয়া জাল  
 করণখালির দহিণ দি<sup>৪</sup>  
 বসাই আইলাম বিয়ান দি<sup>৫</sup>  
 জালত্ বাইজ্<sup>৬</sup> ইচা, বাইলা, কোড়াল বোয়াল ।  
 পুষ মাইস্থা শীতর কাল ॥

ওরে, পুষ মাইস্থা শীতর কাল,  
 রাইতে বসাইলাম জাল  
 দেরী হইল খাইতে দাইতে  
 জালন ন দেখি আঁধার রাইতে  
 কত রইল, কত ধাইল, কত মাছ দিল ফাল<sup>৭</sup> ।  
 পুষ মাইস্থা শীতর কাল ॥

ওরে, পুষ মাইস্থা শীতর কাল  
 বাইর দরিয়াত্ বাইলাম জাল  
 ধান্চিবাগা আঁগার চর  
 সেই জাগাত্<sup>৮</sup> মাছের ঘর  
 পাল উড়াইয়া লুকা বাইয়া ফেলাই জাল ।  
 পুষ মাইস্থা শীতর কাল ॥

- ৩। হাঁতুরি=সাতার দিয়া।      ৪। দহিণ দি'=দক্ষিণ দিক দিয়া।  
 ৫। বিয়ান দি'=প্রভাতের দিকে।    ৬। বাইজ্=বাধিল, ধরা পড়িল।  
 ৭। ফাল=লাক্, লক্ষ।      ৮। জাগাত্=জায়গায়।

\* করণ খালি, ধান্চিবাগা, আঁগার চর, লালদিয়া, সোনাদিয়া,—  
 এইগুলি নোয়াখালি ও চট্টগ্রাম জেলার সমুদ্রোপকূলবর্তী ছোটো ছোটো  
 দ্বীপের নাম। এই স্থানগুলি মাছ ধরাব জন্ত প্রসিদ্ধ।

ওরে, পুষ মাইস্থা শীতর কাল  
 দরিয়াত্ দেখ মাছর ফাল  
 লালদিয়ার নয় চর  
 ঢেউ উডিলে বড়ো ডর  
 সেই চরে জাইগ্গ ভাই রে মাছর টালাটাল<sup>১</sup> ।  
 পুষ মাইস্থা শীতর কাল ॥

ওরে, পুষ মাইস্থা শীতর কাল  
 নয় নুকাৎ নয় জাল  
 উজান ভাডি নুকা বাইয়া  
 আইলাম রে বৈদেশী নাইয়া  
 কনে<sup>১০</sup> বাঁধি নুকা রে কনে বসাই জাল ।  
 পুষ মাইস্থা শীতর কাল ॥

ওরে, পুষ মাইস্থা শীতর কাল  
 বিয়ান বেলা<sup>১১</sup> আশ্‌মান লাল  
 সোনাদিয়ার উতর<sup>১২</sup> বাঁকে  
 তাইল্যা ফাইস্থা জাগ দি' থাকে<sup>১৩</sup>  
 মাছে করি টানাটানি ফাডি<sup>১৪</sup> ফেলায় জাল ।  
 পুষ মাইস্থা শীতর কাল ॥

- ১। টালাটাল = চলাচল ।      ১০। কনে = কোথায় ।  
 ১১। বিয়ান বেলা = প্রভাতে ।      ১২। উতর = উত্তর ।  
 ১৩। জাগদি' থাকে = গালা দিয়া থাকে ।      ১৪। ফাডি = কাটাইয়া ।

দীনেশচন্দ্র সেন মহাশয় সম্পাদিত 'পূর্ববঙ্গ গীতিকা' চতুর্থ খণ্ডে  
 এই গান যেক্রমে আছে তাহা নিয়ে প্রদত্ত হইল ।

ওরে—পুষ মাস্তা শীতর কাল

আঁচুরি বাইলাম টেঁইয়া জাল

করণখালির দক্ষিণ দি'

বোসাই আইলাম বিহন-দি

জালত বাজিল ইচা বাইলা কোড়াল বোয়াল ॥

( ধূয়া )—পুষ মাস্তা শীতর কাল ॥

ওরে বেইন জাল বোসাইলাম রাইতে

দেরী হইল খাইতে দাইতে

ধানচিবন্তা আগার চর

হেই জাগাত মাছর ঘর

কত রইল কত ধাইল কত দিল ফাল ॥

( ধূয়া )—পুষ মাস্তা শীতর কাল ॥

ওরে—উজান ভাডি নুকা বাইয়া

আইলুম রে বিদেশী নাইয়া

লালদিয়ার নয়া চর

ঢেউ উডিলে বড় ডর ।

হেই চরেতে জাইন্য ভাই রে মাছর টালাটাল ॥

( ধূয়া )—পুষ মাস্তা শীতর কাল ।

ওরে—সোনাদিয়ার উত্তর বাঁকে

তাইল্যা ফাইস্তা জাগদি' থাকে ।

আর থাকে বড় বড় ছুরি

ওরে ভাই মাছের ছড়াছড়ি

মাছে করে টানাটানি ফাডি ফেলায় জাল ।

( ধূয়া )—পুষ মাস্তা শীতর কাল ॥

এইরূপে তিন দিন গোজারিয়া<sup>১৫</sup> যায় ।  
 জাইল্যার যত গধুতুকা আইল রংদিয়ায় ॥  
 কণ্ঠারে লইয়া সঙ্গে মালেক মুজান ।  
 আজগরের সাম্নে যাই দিল দরশন ॥  
 কাঁদি বুড়া মালেকরে ধরিল বেড়াই<sup>১৬</sup> ।  
 দোনো চোগর পানি পড়ে গড়াই গড়াই ॥  
 হুররে লইয়া বুগে মা-জননৌ তার ।  
 সোনা মুখে মুখ দিয়া চুশ্বে বারে বার ॥  
 গাঙ্গনা হাঁতুরি তারা পাইল কুলর মাডি ।  
 আঁধায়<sup>১৭</sup> পাইল যেমুন হাতাইয়া লাডি<sup>১৮</sup> ॥

( ১১ )

আগুনে উনায়<sup>১</sup> ঘিউ যদি কাছে থাকে ।  
 ছাড়াই দিতে ন পারে রে যদি পিরীত পাকে ॥  
 হুনা পানি ছাকি লইলে ন যায় রে হুন ।  
 দিনে দিনে বাড়ে পিরীত এমনি তার গুণ ॥  
 পাষাণের দাগ পিরীত মনে পইড়্লে আঁকা ।  
 যত না গোপন হউক রে ন থাকিব ঢাকা ॥  
 আজগর বুঝিল কিছু মালেকের গতি ।  
 মাও বাপে বুঝিল সে লুকম্লেছার মতি ॥

১৫ । গোজারিয়া = অতিবাহিত হইয়া ।

১৬ । বেড়াই = বেটন করিয়া, জড়াইয়া ।

১৭ । আঁধায় = অন্ধে ।

১৮ । হাতড়াইয়া লাডি - হাত দিয়া খুঁজিয়া হারাণো লাঠি ।

১ । উনায় = গলে ।



একদিন হাঁজর বেলা<sup>২</sup> সুরুজ পাটে যায় ।  
মালে করে লই আজগর আইল সাইগরের পাড় ॥

আদর করি কইল বুড়া “শুন বাপজান ।  
তোমারে জাইনাছি আমি পুত্র সমান ॥  
এক কথা কই তোমারে শুন মন দিয়া ।  
সুরুলেছা কথারে মোর ন করিবা বিয়া ॥  
তুমি ন জানো আগের কথা রইছে গোপন ।  
তোমার বাপ নজু মোরে ভাইবত্ তুশ্‌মন ॥  
তোমার বাপর সাদী হইল কত না ধুমধাম ।  
বজ্জাতি করি ক’নে<sup>৩</sup> রটাইল বদনাম ॥  
লাহানতি<sup>৪</sup> হইল তুমি আইলে মায়ের ঘরে<sup>৫</sup> ।  
তোমার মাওরে তোমার বাপ তালুক দিল পরে ॥  
বজ্জত কাঁদিল আওরাত<sup>৬</sup> কপাল তার ভাঙ্গা ।  
আমার ঘরে আইল যখন আমি করলাম হাঙ্গা<sup>৭</sup> ॥  
দেওগাঁ মুল্লুকে তখন ন পাইলাম আসান<sup>৮</sup> ।  
সেই কথা মনত, পইড়্‌লে ফাডি যায় পরাণ ॥  
মাহালতের<sup>৯</sup> যত মানুষ হইল আমার বৈরী ।  
গোলাত্‌ নাই ধান আমার ঘরত্‌ নাই রে কড়ি ॥  
যত দুখঃ পাইলাম আমি কি কইব তার ।  
আগুনের মধ্যে পানি রে তোমার মা আমার ॥

২ । হাঁজর বেলা = সন্ধ্যাকালে ।

৩ । ক’নে = কোনজনে ।

৪ । লাহানতি = লাঞ্ছনা ।

৫ । মায়ের ঘরে = মায়ের গর্ভে

৬ । আওরাত = তরুণী নারী ।

৭ । হাঙ্গা = সাক্ষা, নিকা ।

৮ । আসান = সাস্থনা, রেহাই ।

৯ । মাহালতের = সমাজের ।

এই ছুনিয়া ঠগের জাগা কেবল মিছা কঁাকি ।  
 তোমার বাপজান চলি গেল আমি রইলাম দাঁকি ॥  
 মাড়ির তলাত্ বিছান লাগি ভাবি রে দিন রাইত ।  
 কহন খাট্টাম<sup>১০</sup> দোনো চোগ কহন হইব কাইত্<sup>১১</sup> ॥  
 এইনা সুরম্নেছা আমার পরাণের পোতলা ।  
 তোমার ভইন হয় রে আমার বুগর নলা ॥  
 তুমি রে পুত ন ভাবিও আমারে বেগানা<sup>১২</sup> ॥  
 মায়ের পেডর<sup>১৩</sup> ভইনরে বিয়া সরা মতে<sup>১৪</sup> মানা ॥”

( ১২ )

বসিয়া পড়িল মালেক এই কথা শুনিয়া ।  
 আশ্‌মান ভাঙ্গি পইড়ল যেন কাঁপিল ছুনিয়া ॥  
 বুড়া বলে, “চল মালেক, এহন ঘরে যাই” ।  
 মালেক কয়, “আমি এহন খেনেকে বাদে আই<sup>১৫</sup>” ॥  
 ঘরে গেল বুড়া ক্ষেত্যালা ন বুঝিল ফের ।  
 ফিরি যাইতে কইল আবার “ন করিও দের<sup>১৬</sup>” ॥

সেইনা হাঁজর বেলা মালেক কি কাম করল ।  
 খাটের কিনারে যাই বসিয়া পড়িল ॥  
 ছুই চোগ হইল থির কালা হইছে মুখ ।  
 পাখরর চাবত<sup>১৭</sup> যেন ভাঙ্গি যায় রে বুগ ॥

১০। খাট্টাম=বুঁজিব ।

১১। কাইত=শুইয়া পড়া, এখানে ‘মৃত্যু’ অর্থে ।

১২। বেগানা=অনাখ্যায় । ১৩। পেডর=পেটের ।

১৪। সরা মতে = মুসলমানী ব্যবস্থাশাস্ত্র মতে ।

১৫। আই=আসিতছি । ১৬। দের=দেরি । ১৭। চাবত=চাপে ।

আঁধার ঘনাই আইল সাইগরে ডাক ছাড়ে ।  
 পাল তুলি আইসে গধু দহিণালী বয়ারে ॥  
 ধীরে ধীরে আইল তহন গধু নুকা এক ।  
 ভাবি চিন্তি অনেক কথা নুকাই উডিল মালেক ।  
 মান্নাগিরি কাম লইল সদাইগরের কইয়া ।  
 ঘরেত কাঁদিল নুর ভাতের বাসন লইয়া ॥  
 সাইগরে আইল জোয়ার পানি উডিল ফুলি ।  
 উত্তর মিক্যা ছুডিল গধু জুইতর<sup>৪</sup> পাল তুলি ॥

রাঁধিয়া বাড়িয়া নুর হইল অবসর ।  
 আতাইক্যা<sup>৫</sup> তাহার পরাণ করে রে ধড়ফড় ॥  
 বাপ খাইল মাও খাইল মালেক ন আইল ।  
 সাইগর কিনারে তারে কন্ ভূতে পাইল ॥  
 ঠাণ্ডা হইল হাইলার ভাত ফাণ্ডা মাছর ঝোল  
 ভাবিতে ভাবিতে নুরের মাথায় হইল গোল ॥  
 একবার উড়ে কইন্যা আর বার বসে ।  
 বুরি<sup>৬</sup> বুরি পড়ে কইন্যা ঘুমের আলসে ॥  
 আধা-রাইতে চেতন পাই বুড়া আজগর ।  
 কইন্যারে ফুইদ<sup>৭</sup> করি জানিল খবর ॥  
 ঘরে ন আইল মালেক রাইতে গেল কোথা ।  
 পলাইল পরের পোলা আড়াকাডা<sup>৮</sup> তোতা ॥

৪। জুইতর = পছন্দমত, উপযুক্ত ।      ৫। আতাইক্যা = আচমকা ।

৬। বুরি = ঢুলিয়া ।

৭। ফুইদ = জিজ্ঞাসা, খোজ, প্রকাশ

৮। আড়াকাডা = দাঁড় বা পাঁচা কাটা ।

উজ্জাল<sup>৯</sup> লই বুড়া আজগর পন্থের বাঁকে বাঁকে ।  
 মালেকের নাম ধরি চিক্কির পারি<sup>১০</sup> ডাকে ॥  
 হারা রাইত ঘুরি আজগর পাড়ায় পাড়ায় ।  
 রংদিয়ার পর্ত্তি ঘরে তোয়াই তোয়াই চায়<sup>১১</sup> ॥

( ১৩ )

কইন্যারে সিরজিল পরভু ন দিল তার জোড়া ।  
 শুক্না হইল ফুল ন মিলিল ভমরা ॥  
 ছনিয়া সিরজিল পরভু আঞ্জির পলকে ।  
 এমন কইন্নার ঢুলা<sup>১২</sup> ন দিল এই লোকে ॥ +  
 দিন কাডি যায় কইন্নার কাঁদিয়া কাঁদিয়া । +  
 রাইত কাডি যায় কইন্নার অঘুমে বসিয়া ॥ +  
 মুখে ন উড়ে রে দানা ন দেয় মাথাৎ পানি । +  
 দিনে দিনে শুকাই হইল বাঁশর কাকনি<sup>১৩</sup> ॥ +  
 রংদিয়ার চরে আইল দারুন গুঁড়ি রোগ<sup>১৪</sup> । +  
 কনে কেড়া<sup>১৫</sup> মরে ন আছে শোক ভোগ ॥ +  
 নুরের বাপ মাও মইর্ল দুই দিন আগে পাছে ।  
 মাইনসের কি ক্ষেমতা যদি খোদা লাগে পিছে ॥  
 নুরনেছা কইন্যা সেই পইড়াছে বিমারে<sup>১৬</sup> ।  
 ক'নে<sup>১৭</sup> বুলায় মাথাৎ হাত ক'নে ডাকে তারে ॥

৯। উজ্জাল=জলন্ত মশাল । ১০। চিক্কির পাড়ি=চিৎকার করিয়া ।

১১। তোয়াই তোয়াই চায়=খুটিয়া খুটিয়া গোজ করে ।

১২। ঢুলা=বিবাহের পাত্র, বর ।

১৩। বাঁশর কাকনি=শুক্না বাঁশের চটা ।

১৪। গুঁড়ি রোগ=বসন্ত রোগ ।

১৫। কনে কেড়া=কোথায় কে ।

১৬। বিমার=রোগ ।

১৭। ক'নে=কে বা ।

কইন্যারও হইল গুঁড়ি মউত্<sup>৭</sup> ত হাজির ।  
 মালেকের কথা ভাবি হইল রে অথির ॥  
 দেখা ন হইল আর ন পুরিল আশা ।  
 মন মনুরা<sup>৮</sup> দিল উড়া ছাড়ি আপন বাসা ॥

( ১৪ )

পাঁচ না বচ্ছর পরে মালেক সদাইগর ।  
 রংদিয়া চরে ত আইল মস্ত তোয়াজর<sup>১</sup> ।  
 বাহার করি<sup>২</sup> আইসে মিঞা লই নানান্ মাল  
 ঘোল দাঁড়ের পনসী লুকা নয়া রঙীন পাল ॥  
 রংদিয়াতে আসি মালেক কি কাম করিল ।  
 আজগরের বাড়ীত্ যাইয়া উপনীত হইল ॥  
 নাইরে সেই বাড়ী ঘর ন আছে বুড়া বুড়ী ।  
 নাইরে লুকলেছা তার ভিডা রইছে পড়ি ॥  
 পাড়াল্যারে<sup>৩</sup> পুছ্ করি জানি লইল সব ।  
 গুঁড়ি উড়ি মইরল সবাই খোদার গজব ॥<sup>৪</sup>  
 আগে মইরল মা-জননী পিছে মইরল বাপ ।  
 তাবপরে মইরল কথা বাড়ীলুদা ছাপ ॥

৭। মউত=মৃত্যু, যম ।

৮। মন মনুরা=মন ও প্রাণ ।

১। তোয়াজর=গণ্যমান্য ধনী ব্যক্তি ।

২। বাহার করি=ধুমধাম করিয়া ।

৩। পাড়াল্যারে=পাড়াপড়শীর কাছে ।

৪। খোদার গজব=ঈশ্বর প্রেরিত চূর্দৈব ।

মালেকের চোগের পানি ন মানিল বারণ ।  
 বুগের মধ্যে আনছান্ পুড়িল পরাণ ॥  
 তদাস্ত করি মালেক পাইল বহুত খবর ।  
 সাইগরের পাড়ে রইছে তিনডা কয়ব্বর ॥  
 সাইগরের পাড়ে মালেক কিনা কাম করে ।  
 শুইয়া পড়িল এক কয়ব্বরের উপরে ॥

দিন গেল রাইত আইল হৌস নাই রে তার ।  
 রাইতর শেষে এক কাণ্ড হইল চমৎকার ॥  
 কাঁপিল কয়ব্বরের মাড়ি করি থর থর ।  
 নুরুন্নেছা কয় কথা কয়ব্বরের ভিতর ॥  
 “শুনরে পরাণের ভাই, ন করিও তুখ্ ।  
 হিতানেতে<sup>৫</sup> একবার আনো তোমার মুখ ॥  
 গায়ে নাই রে গোস্ত আমার নাইরে লউ<sup>৬</sup> আর শিরা  
 ভুলি নাই রে তোমার কথা খুলি নাইরে গিরা<sup>৭</sup> ॥  
 খুলি ত নাই গিবা রে ভাই, রইছে মনর বান্<sup>৮</sup> ।  
 মউতেও<sup>৯</sup> হামিঞ্চ<sup>১০</sup> কাঁদে রে পরাণ ॥”

শুনিয়া কয়ব্বরের কথা মালেক হইল দেওয়ানা<sup>১১</sup>  
 এস্তেকালের<sup>১২</sup> পিরীতেও মন ন মানে মানা ॥

- ৫ । হিতানেতে = শিথানেতে ।      ৬ । লউ = রক্ত ।  
 ৭ । গিরা = বন্ধন, গ্রস্থি ।      ৮ । বান = বান্ধন ।  
 ৯ । মউতেও = মরণেও ।  
 ১০ । হামিঞ্চ = হামেশা, সব সময় ।  
 ১১ । দেওয়ানা = উদাসীন ।  
 ১২ । এস্তেকালের = মৃতের ।

এক দুই তিন করি চাইর দিন যায় ।  
 চোগের পানিতে মালেক কয়বর ভিজায় ॥  
 দাঁড়ি মাঝি আসি সবে কইরল টানাটানি ।  
 ন খাইল দানা আর ন খাইল পানি ॥  
 খিদা তেষ্ঠা কিছুরে তার ন রইল মালুম<sup>১৩</sup> ।  
 অলড়<sup>১৪</sup> হই পড়ি রইল কণ্ডে গেলগৈ<sup>১৫</sup> ঘুম ॥  
 ফিরিয়া ন চাইল রে মালেক ন চাইল রে ফিরি ।  
 কণ্ডে রইল ধন দৌলত কণ্ডে মিঞাগিরি<sup>১৬</sup> ॥

পশ্চিম সাইগরের মাঝে উজ্জান ভাডি বাইয়া ।  
 মাঝিমাল্লা যায় রে সদাই বাইছার<sup>১৭</sup> গান গাইয়া ॥  
 চাইয়া দেখে পাগ্লা মালেক চাইয়া থাকে দূরে ।  
 আর কথখনো কয়বরের চাইর দিগেতে ঘুরে ॥  
 কি এক ভাবনা ভাবে মুখে নাইরে বাত<sup>১৮</sup> ॥  
 ছিড়া কাপড় ছিড়া কুর্তা টুপি নাই মাথাত<sup>১৯</sup> ॥

১৩ । মালুম = বোধ ।

১৪ । অলড় = অনড় ।

১৫ । কণ্ডে গেলগৈ ঘুম = ঘুম কোথায় গেল ।

১৬ । মিঞা গিরি = বাবু গিরি ।

১৭ । বাইছা = নৌকার মাঝি মাল্লা

১৮ । বাত = কথা ।

১৯ । মাথাত = মাথায় ।

### সমাপ্ত

## বারোতীর্থের গান

### ভূমিকা

বারোতীর্থের গান প্রাগ্‌যাধীন যুগে মৈমনসিংহ জেলা ও ঢাকাজেলার উত্তরে সুপ্রচলিত ছিল। গানের মূল রচয়িতা কবি যে কে, তাহা জানা যায় না। গানের শেষে বাসুরগাঁও গ্রামের সজুবয়াতীর কথা উল্লেখ আছে। সজুবয়াতী নিজেকে এই পালার রচয়িতা বলেন নাই, তিনি পূর্বপ্রচলিত কবিতাটিকে সারীলহরের উপযোগী করিয়া ধুয়া বাঁধিয়াছেন, কিন্তু ‘এই কবিতার জন্ম হইল বারো’শো আশী সোনে’—এই বারো’শো আশী বঙ্গাব্দে কে এই গান রচনা করিয়াছিলেন, তাহা কেহই বলিতে পারেন না। বাসুইরগাঁয়ের সজুবয়াতী টাঙ্গাইল মহকুমার অন্তর্গত কোবডহরা গ্রামে জমিদারকাছারিতে পিয়াদা ছিলেন। আমার যতদূর জানা আছে তাহাতে ১৩৩৪ সন পর্যন্ত তিনি ঐ কাছারিতে চাকরি করিয়াছিলেন। কোবডহরার মোহনলাল পালের খাতা হইতে ১৯৪৩ খ্রীষ্টাব্দের জানুয়ারী মাসে আমি এই পালাটি লইয়াছিলাম।

মৈমনসিংহ জেলায় মধুপুরের গড় ‘গুপ্তবৃন্দাবন’ নামে জনসাধারণের মধ্যে পরিচিত। স্থানটি টাঙ্গাইলের উত্তর-পূর্ব কোণে ও মৈমনসিংহ সহরের প্রায় ষোল মাইল পশ্চিমে। ঢাকা হইতে ‘ট্যান্ডোর’ নামে যে গজারি কাঠের বনভূমি উত্তরাভিমুখে বিস্তৃত আছে, মধুপুরের গড় তাহারই মধ্যে অবস্থিত। প্রাচীনকালে এখানে যে একটি সমৃদ্ধ জনপদ ছিল, তাহা বড়ো বড়ো দীঘি, পুষ্করিণী ও ইতস্তত বিক্ষিপ্ত প্রাচীন ধরনের ইটের স্তুপ দেখিয়া বুঝা যায়। এই স্থানের প্রাচীন



প্রাচীন পূর্বক গীতিকা : ৫ম খণ্ড

ইতিহাস সম্পর্কে মাননীয় দীনেশচন্দ্র সেন ডি: লিট্ মহাশয় তাঁহার সম্পাদিত পালার ভূমিকায় লিখিয়াছেন,—

‘\* \* মধুপুরের জঙ্গল এক সময়ে কামরূপের রাজগণের বিবিধ কীর্তিরাজী বহন করিত। এখনও এই বিস্তৃত অরণ্যভূমিতে সেই সকল কীর্তির ভগ্নাবশেষ দৃষ্ট হয়। কামরূপ খৃষ্টীয় অষ্টম শতাব্দীতে সৌভাগ্যের চরম সীমায় উপস্থিত হইয়াছিল। এই কীর্তিসমূহ উক্তসময়ে কিংবা তাহারও পূর্বে প্রতিষ্ঠিত হইয়াছিল। এই গীতিকায় যে ভগদত্তের নাম উল্লিখিত আছে তৎসম্বন্ধে মধুপুর জঙ্গলের ইতিহাস কীর্তন উপলক্ষে মৈমনসিংহ গেজেটিয়ারে কিছু বিবরণ আছে। আমরা তাহা হইতে নিয়ে প্রদত্ত অংশ উদ্ধৃত করিলাম।—

“মধুপুর জঙ্গলের কঠিন রক্তবর্ণ ভূমি ঢাকা হইতে আরম্ভ করিয়া জামালপুর পর্যন্ত বিস্তৃত। এই জঙ্গল মৈমনসিংহ জেলার স্বাভাবিক একটি সীমানা। ডাক্তার টেলার লিখিয়াছেন, পূর্বকালে মধুপুর জঙ্গল এবং টাঙ্গাইল কামরূপের রাজগণের অবিকৃত ছিল। কামরূপের সর্বাপেক্ষা প্রাচীন বিবরণী আমরা সপ্তম শতাব্দীতে তিব্বত ও চীনদেশের পরিব্রাজকদিগের ভ্রমণবৃত্তান্ত হইতে পাইয়াছি। ঐ সময়ে মৈমনসিংহ সমধিক পরিমাণে বৌদ্ধ প্রভাবাধিত ছিল। হিন্দুরা সে স্থানে কতকটা হীনবল ছিলেন। যে সব প্রাচীন কীর্তি মধুপুরের এই জঙ্গলে দৃষ্ট হয় তন্মধ্যে বড় বড় দীর্ঘিকাগুলি বিশেষ ভাবে উল্লেখযোগ্য। ইহাদের অনেকগুলি ভগদত্ত নামক রাজার নামের সহিত সংশ্লিষ্ট। এই ভগদত্তকে অনেকে কামরূপের বিখ্যাত ভগদত্তের সঙ্গে গোল করিয়া ভ্রমে পতিত হইয়াছেন। কামরূপ খৃষ্টীয় অষ্টম শতাব্দীতে সৌভাগ্যের চরম সীমায় উপস্থিত হইয়াছিল ॥”

‘....। এই গীতের নায়ক ভগদত্তের সঙ্গে মহাভারতের প্রসিদ্ধ

ভগদত্তের কোন কোনো সম্বন্ধ নাই। .... ইনি সম্ভবত নবম খৃষ্টাব্দে রাজত্ব করিয়াছিলেন। ....।’

মাননীয় সেন মহাশয়ের অনুমানে রাজা ভগদত্তের রাজত্ব কাল যদি খ্রীষ্টীয় নবম শতাব্দী হয়, তবে মৈমনসিংহ গেজেটিয়ারের মন্তব্য সপ্তম শতাব্দীতে ‘মৈমনসিংহ সমধিক পরিমাণে বৌদ্ধ প্রভাবাধিত ছিল’ এই তথ্যের সামঞ্জস্য করিতে হইলে স্বীকার করিতে হইবে খ্রীষ্টীয় নবম শতাব্দীতে ঐ অঞ্চলে হিন্দু ধর্মের পুনরুত্থান ঘটয়াছিল। কারণ এই পালার বর্ণনায় আছে, রাজা ভগদত্ত মাতৃসাম্রাজ্য ভারতের বারোটি প্রসিদ্ধ তীর্থের জল আনিয়া তাঁহার খনিত পুষ্করিণীটিকে তীর্থে পরিণত করিয়াছিলেন, এবং সেই হইতে একাল পর্যন্ত হিন্দুজনসাধারণের নিকটে উহা পবিত্র তীর্থের মর্যাদাই পাইয়া আসিতেছে। এরূপ অবস্থায় সেনমহাশয় লিখিত ‘মৈমনসিংহ গীতিকা’ গ্রন্থের ( ৩য় সং ) ভূমিকা ১০ পৃষ্ঠায় লিখিত মন্তব্য ও ৬৩০ পৃষ্ঠায় ‘নব ব্রাহ্মণ্য ধর্ম সেখানে জয়ডঙ্কা বাজাইতে পারে নাই’ প্রভৃতি উক্তিগুলি ব্যর্থ হইয়া যায়।

রাজা ভগদত্তের রাজত্বকাল সম্পর্কে পারিপার্শ্বিক ঐতিহাসিক তথ্যের উপরে নির্ভর করিয়া আমার মনে হয় সেনমহাশয়ের উক্তিই যথার্থ। মৈমনসিংহ গেজেটিয়ারের মতে ‘\*\* সপ্তম শতাব্দীতে \*\* মৈমনসিংহ সমধিক পরিমাণে বৌদ্ধ প্রভাবাধিত ছিল। হিন্দুরা সেখানে কতকটা হীনবল ছিলেন।’ নবম শতাব্দীর প্রথম ভাগে ক্রীমৎ শঙ্করাচার্যের আবির্ভাবে হিন্দুধর্ম বেদান্ত ও শ্রায়দর্শনের তীক্ষ্ণযুক্তিবলে বলীয়ান হইয়া বৌদ্ধ মতবাদ ও কামরূপে তৎকালে প্রচলিত ‘মোক্ষলীয়া তান্ত্রিক রহস্যবাদ’কে পর্যুদস্ত করিয়া তৎকালের শিক্ষিত চিন্তাশীল সমাজে তথাকথিত নব ব্রাহ্মণ্য ধর্ম সেখানে জয়ডঙ্কা’ বাজাইয়াছিল, তাহারই একটি প্রামাণ্য তথ্য এই রাজা ভগদত্ত ও তাঁহার মাতৃদেবীর কীর্তিকলাপের কাহিনী।

পূর্ববঙ্গের পল্লীকবিগণের সুপ্রাচীন ঐতিহ্যানুযায়ী আমরা ধরিয়া লইতে পারি, রাজা ভগদত্তের সমসাময়িক কালেই পল্লীকবি রাজার কীর্তিগাথা রচনা করিয়াছিলেন। সে গাথার কোনো সন্ধান নাই। আমি ঐ অঞ্চলের বৃদ্ধদের মুখে শুনিয়াছি, রাজা ভগদত্ত ও তাঁহার মাতৃদেবীর কীর্তি অবলম্বনে একটি সুবৃহৎ পালাগান ছিল। তাঁহারা বাল্যকালে মধুপুরের অশোকাষ্টমীর মেলায় গিয়া গায়নদের আসরে সে পালাগান শুনিয়েছেন। ১৯০৭ খ্রীষ্টাব্দে ইংরেজ সরকার ও টাকার নবাব 'বন্দে মাতরম' ওয়ালা স্বদেশীদের শায়েস্তা করার জন্ত ২১ শে ও ২২ শে এপ্রেল বেগুনবাড়ী, লাক্সলবাঁধ ও মধুপুরে অশোকাষ্টমীর মেলায় যে বিভৎস দাঙ্গা ঘটাইয়াছিলেন, তাহাতে মধুপুরের মেলায় অনেকগুলি গায়ন ও তাঁহাদের পাছদোহার নিহত হন। সেই হইতে 'রাজা ভগদত্তের পালা' আর কোথাও শোনা যায় না। 'বারো'শো আশী সোনে' যে পালা রচিত হইয়াছিল, তাহারও অনেকগুলি ছত্র 'সজুবয়াতীর' গানে বাদ গিয়াছে। সজুবয়াতীর পুরা নাম সাহাজুদ্দিন মিঞা।

বৃদ্ধদের এই কথায় ব্যাপারটা অনেক পরিষ্কার হইয়াছে বলিয়া মনে করি। সেন মহাশয় প্রকাশিত পালার সঙ্গে মোহনলাল পালের খাতায় লেখা পালার এত বেশী পাঠান্তর ও কয়েকটি অতিরিক্ত ছত্রের রহস্য ইহাতেই বুঝা যায়। সেন মহাশয় ভূমিকার শেষে লিখিয়াছেন, 'পালাটি ১২৮০ বাং সনে সজুবয়াতী নামক এক কৃষক কবি রচনা করিয়াছিলেন, \* \*।' এই সিদ্ধান্ত বোধ হয় ঠিক নহে। এই গানের রচয়িতা কবির নাম বিস্মৃতির গর্ভে বিলীন হইয়া বিদেশে বয়াতী সাহাজুদ্দিনের কবিখ্যাতি লাভের সুযোগ করিয়া দিয়াছে।

যে কয় ছত্র সেন মহাশয়ের সম্পদনায় নাই তাহা বুঝাইতে ছত্রের শেষে '+' চিহ্ন দেওয়া হইল।

নবদ্বীপ

ত্রীক্ষিতিশচন্দ্র মৌলিক

# বারো তীর্থের গান

( ১ )

বোঙ্গদেশের জোঙ্গল রে ভাই,

নইছরোবাজের জেলা ।

জয়ান্‌সাইয়ের গড়ে বইসাছে

ভাইরে, বারো তীর্থের মেলা ॥

হে-হে-হে ॥

বৈশাগ মাইস্তা আমাবইস্তা ভাই,

রোইদে চান্দি ফাটে ।

ছাতি মুরাই<sup>১</sup> দিয়া গেলাম

সেই বারোতীর্থের ঘাটে ॥

হে-হে-হে ॥

চাইর দিগে তার শাল গজারি

মধ্যে আছে পুঙ্কুণী ।

ওরে সেই পুঙ্কুণীর মধ্যে আছে

হিঁছু<sup>২</sup>র বারো তীর্থের পানি\* ॥

হে-হে-হে ॥

এই পানিতে ছেয়ান<sup>৩</sup> কইরা

হিঁছু<sup>২</sup>রা ভেস্তে যায় ।\*\*

প্যাকের<sup>৪</sup> পানি খায়্যা তারা

দেশে ওলাউঠা<sup>৫</sup> নাগায় ॥

হে-হে-হে ॥

১। মুরাই=মুড়ি। ২। ছেয়ান=স্নান। ৩। প্যাকের=কাদার, কর্দমাক্ত।

৪। ওলাউঠা=কলেরা।

পাঠান্তর : \* '—আছে বারতীর্থের পানি ॥

\*\* এইখানেতে চান করিলে হিন্দু লোকেরা ভেস্তে যায়।

কাছেবিত্তে<sup>৫</sup> নাইক্কা<sup>৬</sup> পানি  
নাই নদীর নাম গোন্দ<sup>৭</sup> ।  
পানির তিয়াস লাইগ্যা রে ভাই,\*  
লোকের হয় যে দোম বোন্দ<sup>৮</sup> ॥  
হে-হে-হে ॥  
বোষ্টমী আর বেওয়া-বিদ্বা<sup>৯</sup>  
মাইয়ালোগে ছেয়ান করে।\*\*  
ছষ্টলোগের হাতে পইড়া  
তারা জাইত বদল করে<sup>১০</sup> ॥  
হে-হে-হে ॥

বারোতীখের পুঙ্কুনী রে ভাই  
যে কারণে নাম হইল ।  
সেই কথাডা কইব আমি  
আগে মুরুব্বিরা<sup>১১</sup> যা কইল ॥†  
হে-হে-হে ॥

- ৫। কাছে বিত্তে = নিকটে কোথাও । ৬। নাইক্কা = নাইকো ।  
৭। গোন্দ = গন্ধ । ৮। বোন্দ = বন্ধ ।  
৯। বেওয়া-বিদ্বা = অনাথা বিধবা ।  
১০। জাইত বদল করে = ধর্মাস্তর গ্রহণ করিয়া পূর্বজাতি ত্যাগ করে ।  
১১। মুরুব্বিরা যা কইল = পূজনীয় বৃদ্ধগণ যাহা কহিয়াছেন ।

পাঠান্তর : — \* ‘পানির তিয়াস নাইগো লোকের—’

\*\* বেষ্টমী এব্যা সেবা (?) মাইয়া লোকেরা ছেয়ান করে ।

† সেই কথাটি বৈলব আমি মুরুব্বিরা যা কৈল ॥

পুষ্করীৰ কাছে রে ভাই,  
 পাইবা ইট-পাইটক্যালের চিন্<sup>১২</sup> কিছু ।  
 ‘নুতানটার দীঘি’রে ভাই,  
 রইছে তার না পিছু ॥  
 হে-হে-হে ॥  
 ‘বড়ো কুদাইল্যা’<sup>১৩</sup> ‘ছোড কুদাইল্যা’  
 ভাই রে, ছই পুষ্করী তার কাছে ।  
 আম-কাটালের বাগবাগিচার  
 চিন্ কিছু কিছু আছে ॥  
 হে-হে-হে ॥  
 কামারগোরের আঙ্গরা<sup>১৪</sup> মিলে  
 ‘কামারের বাগ’ কয় তারে ।  
 হুগ্গা-ঠাইরাণ<sup>১৫</sup> বুরাইত<sup>১৬</sup>  
 ভাই রে, হুগ্গাদয়ের পাড়ে ॥  
 হে-হে-হে ॥

•

•

•

বারো-তীর্থ বানাইছিল ভাই রে  
 সেইনা ভগদন্ত নাম রাজা ।

- ১২ । চিন্=চিহ্ন । ১৩ । কুদাইল=মাটিকাটির কোদাল ।  
 ১৪ । আঙ্গরা=লোহা পুড়াইয়া পিটাইলে যাহা বরিয়া পড়ে তাহাকে  
 আঙ্গরা বলে ।  
 ১৫ । হুগ্গা ঠাইরাণ=দুর্গা ঠাকুরাণী ।  
 ১৬ । বুরাইত=ডুবাইত ।

তার ছোড ভাই রামচন্দ্র সে  
 মানুষডা আছিল সোজা<sup>১</sup> ॥  
 হে-হে-হে ॥\*

ভগদত্ত রাজত্ব করে ভাই রে,  
 পেরজা<sup>২</sup> লয়া স্মথে ।  
 ভাইয়ের রাইজ্য রামচন্দ্র ছাহে<sup>৩</sup>  
 হাইত্যা<sup>৪</sup> বাইন্না বৃকে ॥†  
 হে-হে-হে ॥

ঘরে আছিল বির্দ<sup>৫</sup> মাতা  
 ও তার গাও-চালনা খুন্খুনা<sup>৬</sup> ।  
 রাজাক<sup>৭</sup> কইল, ‘তবাও<sup>৮</sup> বাবা,  
 আমার জন্মের যত গুনা’<sup>৯</sup> ॥  
 হে-হে-হে ॥

হস্ত জুইড়া<sup>১০</sup> কইল রাজা,  
 ‘মস্ত গুরু তুমি মাও ।  
 তোমার গুনা কেমনে ছাড়াই’<sup>১১</sup>  
 কি-বান্ তুমি চাও’ ॥  
 হে-হে-হে ॥

- ১। সোজা=সবল। ২। পেরজা=প্রজা।  
 ৩। ছাহে=দেখে, পরিদর্শন করে। ৪। হাইত্যা=অশ্রুশয্য।  
 ৫। বির্দ=বৃদ্ধ। ৬। গাও চালনা খুন্ খুনা=দেহ অচল থুড়ুথুড়ি  
 ৭। রাজাক=রাজাকে। ৮। তবাও=উকীর কর।  
 ৯। গুনা=অপরাধ। ১০। হস্ত জুইড়া=জোড় হাতে।  
 ১১। ছাড়াই=মুক্ত করি, দূর করি।

পাঠান্তর :—\* তার ছোট ভাই রামচোন্দ্র যে ও তার মোন বড় সোজা ।

† রামচোন্দ্র তার রাজ্য ছাহে হাইতার বাইন্না বৃকে ॥

মাও কইল, ‘শুন রে বাবা,  
 মুই বারো ভীথে (ক) কইরা ছান’<sup>১২</sup> ।†  
 ঘাটে বইয়া<sup>১৩</sup> পিণ্ডি দিমু  
 আর সোনা কোরমু দান’ ॥  
 হে-হে-হে ॥

মায়ের বচন শুইয়া রাজা  
 আরে ভাই, রাজা চৈম্‌ক্যা উইঠ্যা কয় ।  
 ‘কল্লে’<sup>১৪</sup> শুইয়া তোমার কথা  
 মাও গো, মনত্’<sup>১৫</sup> পাইছি ভয় ॥‡  
 হে-হে-হে ॥

তোমার শরীল ভাইজা গেছে  
 রক্ত হইচে য়ানো পানি ।  
 থরথরায়া মাথা কাঁপে  
 আর কাঁপে পাও যে দুইখানি ॥\*  
 হে-হে-হে ॥

:২। ছান = স্নান । ১৩। বইয়া = বসিয়া । ১৪। কল্লে = কর্ণে ।  
 ১৫। মনত্ = মনে ।

পাঠান্তর :— † মাও কৈল শোন বাবা বারতীথে কৈরব চান ।

‡ ( মাগো ) কত্তে শুইয়া তোমার কথা মোনে পাই ত্রেখা ॥

\* থরথরাইয়া মাথা কাঁপে ( আর ) পা-ও যে দুইখানি ॥

( ক ) গঙ্গাসাগর, গয়া, কাশী, প্রয়াগ, হরিদ্বার, মথুরা, পুষ্কর, প্রভাস, পুরী, রামেশ্বর—এই দশটি, এবং কামরূপ, বৈষ্ণনাথ, অযোধ্যা, ভুবনেশ্বর, বৃন্দাবন, দ্বারকা—এই ছয়টির মধ্যে শাক্ত, শৈব ও বৈষ্ণব ভেদে দুইটি গ্রন্থ কবিতা দ্বাদশটি ‘দ্বাদশ মহাতীর্থ’ বলা হয় ।—সম্পাদক ।



চোকে নাই সে ছাছ<sup>১৬</sup> মাও গো,  
 আর কথা না শুন ছই কানে ।  
 তোমাক লয়া তীথে যাওন<sup>১৭</sup>  
 মাও গো, হইব ক্যামনে ॥  
 হে-হে-হে ॥

তোমার চরণ ধরি মাও জননৌ,  
 আমার কথায় দেও মা, কান<sup>১৮</sup> ।  
 এই বারো তীথের পানি আইছা  
 আমি করামু তোমাক<sup>১৯</sup> ছান ॥  
 হে-হে-হে ॥

বেবাক<sup>২০</sup> তীথ ঘুইরা আনমু  
 বারোতীথের পাক<sup>২১</sup> পানি ।  
 সেই পানি মা, চাইলা দিমু  
 তোমার লাইগ্যা বান্যয়া পুঙ্কণী ॥  
 হে-হে-হে ॥

বারোতীথের সেই পানিত্ মা,  
 তুমি নিতি কইর ছান ।  
 অস্ত্রিম<sup>২২</sup> কালে ভেস্তে<sup>২৩</sup> যাইবা  
 তোমার ঠাণ্ডা হইব জান<sup>২৪</sup> ॥  
 হে-হে-হে ॥

১৬। ছাছ=দেখ। ১৭। যাওন=যাওয়া।

১৮। কথায় দেও কান=কথায় সম্মত হও। ১৯। তোমাক=তোমাকে

২০। বেবাক=সমস্ত। ২১। পাক=পবিত্র। ২২। অস্ত্রিম=অস্তিম

২৩। ভেস্তে=বেহেস্তে, স্বর্গে। ২৪। জান=প্রাণ।

পাঠান্তর :—ঃ তোমাকে নিয়া তীথে যাওয়া হয় বা ক্যামনে

এই সে তীথে ছান কইরা  
তইরা<sup>২৫</sup> যাইব দেশের লোক ।  
পুণি কইরা ধইয়া হইব  
তারা ভুইলব মনের শোক <sup>২৬</sup> ॥  
হে-হে-হে ॥'

পুতের কথা শুইয়া মাও  
কইল, 'আইচ্ছা ভালোই বাপ ।  
তোমার কথাই বজায় থাউক<sup>২৭</sup>  
বাপ, ঘুচাও মনের তাপ ॥'  
হে-হে-হে ॥

এই কথানা শুইনা রাজা  
ভাই রামচন্দররে ডাক দিল ।  
ভাইয়ের হস্ত ধইরা রাজা  
কথা বুজায়া কইল ॥  
হে-হে-হে ॥

'পাঞ্জি<sup>২৮</sup> খুইল্যা দিন পাইছি  
এইনা ছামনের বুধবারে ।†

২৫ । তইরা=তরিয়া, উদ্ধার হইয়া ।

২৬ । ভুইলব মনের শোক=অক্ষম হার জগৎ মনোদুঃখ ভুলিয়া যাইবে ।

২৭ । থাউক=থাকুক ।

২৮ । পাঞ্জি=পঞ্জিকা

পাঠান্তর :-

† পাঞ্জি খুইল্যা দিন পাইয়াছি সামানের যে বুধবারে ।

বারোতীথের পানি আইনতে যাই

ছান করামু মা'রে ॥‡

হে-হে-হে ॥

যাইতে আইতে<sup>২৯</sup> দেৱির কায্য<sup>৩০</sup>

তুমি থাইকবা রাইজ্যপাটে<sup>৩১</sup> ।

পেরজাগরে স্মখে রাইখ'বা

যেমনে কোলঙ্ক নাই সে ঘটে ॥

হে-হে-হে ॥

ভাইয়ের কথা শুইনা তহন

রামচন্দ্র কয় কথা ।\*\*

‘তোমাক্ ছাইড়া ক্যামনে চলমু

আমি ভাইব্যা বাচি না তা ॥†

হে-হে-হে ॥

ছাশ-বিছাশে ঘুইরবা তুমি

কষ্টে যাইব তোমার দিন ।

২৯ । আইতে=আসিতে ।

৩০ । দেৱির কায্য=বিলম্বের কাৰ্য ।

৩১ । রাইজ্যপাটে=রাজ সিংহাসনে ।

পাঠান্তর :—

‡ তীথ্যে যাইয়া জল আইনবো চান করামু মা'রে ॥

\* যাইতে যাইতে দেৱীর কায্য থাইকবা তুমি রাজপাটে ॥

\*\* ভাইয়ের কথা শুইনা তহন রামচোন্দ্র কয় কৈরব তা ।

† তোমাক ছাড়া ক্যামনে থাকমু ভাইবা বাচিনা ॥

ঘরে বইয়া<sup>৩২</sup> মুখে থাকমু  
সেই ভাবনায় আমার পরাণ ক্ষীণ ॥\*  
হে-হে-হে ॥

তহন ভগদত্ত কইল, 'ভাই রে,  
তুমি দিলে দুষ্কু<sup>৩৩</sup> কইর না ।\*  
এইনা দেহ পয়দা<sup>৩৪</sup> কইরাছে  
আমাগর সোনার মা ॥  
হে-হে-হে ॥

সেইত মায়ের মোন-বাসনা  
যুদি মিটাইবার নাইসে পারি ।  
ধন-দৌলত বেবাক<sup>৩৫</sup> মিথ্যা  
মিথ্যা দালান-কোটা-বাড়ী ॥  
হে-হে-হে ॥

তাইত কই রামচন্দর ভাই  
মিডা<sup>৩৬</sup> মুখে দেও বিদায় ।  
রাইজ্য দেইখ্য পেরজা দেইখ্য  
আর দেইখ্য রে বির্ক মায় ॥  
হে-হে-হে ॥

৩২ । বইয়া = বসিয়া । ৩৩ । দিলে দুষ্কু = অন্তরে দুঃখ ।

৩৪ । পয়দা = মূছন । ৩৫ । বেবাক = দমস্ত ।

৩৬ । মিডা = মিঠা, মিষ্ট ।

পার্বাস্তর :—\*: ঘরে বইয়া মুখে থাকমু সেই দুঃখ আমার

\* তহন ভগদত্ত বলছে ভাইরে দুঃখ কইর না ।

আর একডা কায্য কইর রে ভাই,  
তুমি মানুষ-জোন দিয়া ।  
এইনা বাড়ীর ছাম্‌নে তৈয়ার রাইখা  
একডা পুঙ্কুণী কাড়িয়া<sup>৩৭</sup> ॥  
হে-হে-হে ॥

এইনা কথা কইয়া রাজা  
তীখ কইরবার যায় ।  
বাড়ীত্‌ থাইক্যা রামচন্দর ভাই  
এইনা পুঙ্কুণী কাডায় ॥  
হে-হে-হে ॥

ছুষ্ট পেরজারে ক্ষেমা করে  
যত আইসে রাজার কাছে ।  
পেরজাগরে স্নখে রাইখ্য  
ভাইয়ে যে বইলা গেছে ॥  
হে-হে-হে ॥

সেইনা কথা মাইয়া চলে  
রাজা রামচন্দর গুণের ভাই ।  
তুষ<sup>৩৮</sup> নিয়া লয় খাজনা সাইরা<sup>৩৯</sup>  
গোটা ধানের ঠাই<sup>৪০</sup> (ক) ॥  
হে-হে-হে ॥

৩৭। কাড়িয়া = কাটিয়া, খনন করিয়া ।

৩৮। তুষ = ( এখানে অর্থ হইবে — ) ধানের চিটা ।

৩৯। সাইরা = পরিশোধ করিয়া । ৪০। গোটা ধানের ঠাই = ভাল ধানের স্থলে ।

ব্যাখ্যা :—(ক) খাজনা বাবদ যে ধান রাজার প্রাপ্য, তাহা না দিয়া কোনো ছুষ্ট  
প্রজা যদি ধানের চিটা দেয়, তাহাতেই তাহার খাজনা পরিশোধ করিয়া লইতেন ।

পেরজাগরে তলব<sup>৪১</sup> দিতে

প্যায়দাগরে ডাইক্যা কয় ।

‘হাইট্যা আইতে কষ্ট হইব

পথে আছে কত ভয় ॥ (খ)

হে-হে-হে ॥

হান্তির পিঠে<sup>৪২</sup> আইন্বা পেরজা

কষ্ট হয় না জানি তার ।

মিডা কথায় আইগা ডাইক্যা

ভালা-মন্দ পেরজা যে আমার ॥’ (গ)

হে-হে-হে ॥

হান্তি লয়া প্যায়দা চলে

পেরজার ঘরে ডাক দিয়া ।

যত্ন কইরা তুইল্যা আনে

হান্তির পিঠে বসাইয়া ।

হে-হে-হে ॥

মিডা কথা কইয়া বুঝায়

ছষ্ট পেরজার মন গলে ।

৪১। তলব = রাজকাৰ্যালয়ে উপস্থিত হইবার আদেশ ।

৪২। হান্তির পিঠে = হান্তির পৃষ্ঠে ।

(খ) কোনো প্রয়োজনে যদি কোনো প্রজার রাজসভায় আনিতে হইত, তবে বাজা রামচন্দ্র পেয়াদাদের নির্দেশ দিতেন, ‘উহাদের হাঁটিয়া আসিতে কষ্ট হইবে, তাহার পর পথেও নানা প্রকার ভয়ের কারণ আছে ; অতএব তোমরা—

(গ)—হান্তির পিঠে তুলিয়া প্রজাদের আনিবে, যাহাতে তাহাদের কোনো কষ্ট না হয় । তাহাদের মিষ্ট কথায় ডাকিয়া আনিবে । ছষ্টই হউক আর শিষ্টই হউক ( তোমরা মনে রাখিও ) তাহারা আমার প্রজা ।

এই রকমে রাচন্দর রাজা  
তার ভাইয়ের কথায় চলে ॥  
হে-হে-হে ॥

\* \* \*

তীখ কইর্যা আইল রাজা ভগদত্ত  
মাওরে কইল সব কুশল ।  
পুঙ্খুণী ভইর্যা টাইলা দিল  
পাক্<sup>১</sup> বারো তীখের জল ॥  
হে-হে-হে ॥

সেইনা জলে রাজার মাও সে  
মনের সুখে কইর্যা ছান ।  
ঘাটে বইয়া<sup>২</sup> সোনা রূপা  
কত গরু কৈবল দান ॥  
হে-হে-হে ॥

বাওনরা<sup>৩</sup> কত খাইল লইল  
কত বস্ত্র কড়ি দান পাইল ।  
মনের সুখে রাজার বাড়ীত্  
পেরজা লোক মজার ফলার<sup>৪</sup> খাইল ॥  
হে-হে-হে ॥

১। পাক = পবিত্র ।

২। বইয়া = বসিয়া ।

৩। বাওনরা = ব্রহ্মগণ ।

৪। ফলার = যে ভোজে লুচি বা চিড়া দৈ প্রধান খাদ্য তাহাকে 'ফলার' বলা হয় ।

মায়ের যে আশা পূর্ণ<sup>৫</sup> হইল\*  
তীখ হইল বাড়ীর ঘাটে ।  
রাজা আবার রাইজ্য করে  
সেইনা বইসা রাইজ্য পাটে ॥  
হে-হে-হে ॥

পেরজাগরে ডাইক্যা জিগায়<sup>৬</sup>  
'তোমাগর মনে ত দুক্ষু নাই ।†  
কেমন সুখে রাইখ্যাছিল  
আমার রামচন্দর ভাই ॥'  
হে-হে-হে ॥

পেরজারা কইল, 'রাজামশায়,  
আর কইমু কি সেই কথা ।  
দুষ্কের কথা মনে হইলে  
দিলে পাই যে বেথা ॥‡  
হে-হে-হে ॥

রাজা হয়্যা রামচন্দর যে  
নিছে ধানের তুষ ভরি<sup>৭</sup> ।

৫ । পূর্ণ=পূর্ণ ।

৬ । জিগায়=জিজ্ঞাসা করে ।

৭ । তরি=পর্যন্ত ।

পাঠান্তর :-- '—\*আশা পূর্ণ হইল—' ।

† প্রেজাগোরে ডাইকা বোলে মোনেত কোন দুঃখ নাই ।

‡ দুঃখের কথা মোনে হৈলে মোনে পাই বেথা ॥



মাইয়া লোক<sup>৮</sup> সব কষ্টে পইড়্যা

কুড়াইচে জোঙ্গলায় খড়ি<sup>৯</sup> ॥\* (ঘ)

হে-হে-হে ॥

সেপাই দিয়া বাইস্ক্যা পিঠে

পেরজাগো ধইরা নিছে ।

আছড়াইতে আছড়াইতে আমাগো

হাড়ি<sup>১০</sup> ভাইস্ক্যা দিছে ॥ (ঙ)

হে-হে-হে ॥

৮ । মাইয়ালোক = স্ত্রীলোক ।

৯ । খড়ি = জালানি কাঠ ।

১০ । হাড়ি = হাড়গোড় ।

পাঠান্তর :—\* মাইয়াছাওয়াল কষ্টে পইরা কুড়াইছে খড়ি ॥

ব্যাখ্যা :—(ঘ) ‘রামচন্দ্র রাজ্য হাতে পাইয়া (খাজনা বাবদ দান তো নিয়াছেনই এমন কি) ধানের চিটাব অংশও নিয়াছেন, (কাহাকেও কিছু রেহাই দেন নাই। এই প্রকারে রাজস্ব আদায়ের ফলে দেশের) স্ত্রীলোকেরা অভাবে পড়িয়া বনে জঙ্গলে জালানি কাঠ কুড়াইয়াছে, (এবং সেই কাঠ বেচিয়া তাহাদের ভরণ পোষণ চালাইতে হইয়াছে।’ নিম্নক প্রজাব এই কথায় বৃথা যাইতেছে, রাজ্যের খাস বনভূমিতে বিনা খাজনায় কাঠ সংগ্রহ করা যাইত না। রামচন্দ্রের আমলে এই খাজনাব কড়াকড়ি না থাকায় স্ত্রীলোকেও ইচ্ছামত জালানি কাঠ কুড়াইত।

(ঙ) হাতি চলিবার সময় তাহার পিঠের আরোহী অত্যন্ত দোল খায়। এই দোলনে অনভ্যস্ত আরোহী পড়িয়া যায়। সেজন্য হাতিব পিঠের গদী বাহাওদার মধ্যে একপ্রকার কোমরবন্ধনী দিয়া আরোহীকে বাঁধিয়া রাখিবার ব্যবস্থা আছে। হাতির পিঠের এই দোলনে বেশীক্ষণ থাকিলে অনভ্যস্ত আরোহীর গায়ে ব্যথা হয়। ইহাই অবলম্বন করিয়া নিম্নক প্রজা বলিতেছেন,—‘সেপাই দিয়া প্রজাদের ধরিয়া পিঠমোড়া করিয়া বাঁধিয়া আছড়াইতে আছড়াইতে আমাদের হাড়গোড় ভাঙ্গিয়া দিয়াছে’।

কথা শুইয়া রামচন্দ্র যে  
 বড়ো বেথা পাইল মনে ।  
 নিরাবিলা<sup>১১</sup> দাদার কাছে  
 বইসা কইল কানে কানে ॥  
 হে-হে-হে ॥

‘ট্যাহা-কড়ি মাফ কইরাছি  
 মাফ দিছি খাজনার ধান ।  
 হস্তীর পিঠে আনছি পেরজাগোরে  
 কত বাড়াইছি সোর্মান<sup>১২</sup> ॥’  
 হে-হে-হে ॥

পেরজাগরে শাপ দিল যে  
 বড়ো ভুঞ্জে পইড়া রামচন্দ্র ।  
 ‘তোমাগোর কপাল পুইড়বো  
 ভাইগা হইব মন্দ ॥  
 হে-হে-হে ॥

ভাত-বেগরে<sup>১৩</sup> মরবি তরা  
 ঘরে থাইক্বে না বেড়া ছোন<sup>১৪</sup> ।\*  
 খাওনের ওয়াস্তে<sup>১৫</sup> ঘুইরা মরবি  
 কত ভাইঙ্গ্যা কাঁটা-বন ॥’  
 হে-হে-হে ॥

১১ । নিরাবিলা = নির্জনে, অতের অসাক্ষাতে ।

১২ । সোর্মান = সম্মান । ১৩ । ভাত-বেগরে = ভাতের অভাবে ।

১৪ । ছোন = ঘর ছাইবার খড় । ১৫ । খাওনের ওয়াস্তে = খাত্তের জন্ত

পাঠান্তর : - ক ট্যাহা কড়ি মাফ কইরাছি ক্ষ্যামা দিছি ক্ষ্যাভের ধান ।

‡ হস্তীর পিঠে আনচি প্রেজা বাড়াইচ যে মান ॥

\* ভাত বেগারে মরবি তরা ঘরে থাইক পোনা বেড়া ছোন ॥

‡ খাওয়ার দোস্তে ঘুইরা মরবি ভাইঙ্গ্যা কাটাবোন ॥

ওরে—সেই দিন-থাইক্যা প্রেজার ঘরে

ছুকু নাইগ্ল<sup>১৬</sup> ভাই ।

রাজার শাপে পেরজাগো মুখে

পইড়া গেল রে ছাই ॥

হে-হে-হে ॥

ক্ষেতে হইল না শস্তি ফসল

গাছে হইল না ফল । +

কেরমে কেরমে<sup>১৭</sup> বাইড়া গেল

দেশে আঘাতে জোঙ্গল<sup>১৮</sup> ॥ +

হে-হে-হে ॥

তার পরে ভাই, মনে হইল

কাইনী<sup>১৯</sup> শুন সবজন ।\*

সুতানাড়ার দীঘির কথাডা

অ্যাহন<sup>২০</sup> কইমু বিবোরণ ॥†

হে-হে-হে ॥

ভগদন্ত রাজার মাও যে

ছুই পুত্রে ডাইক্যা কয় ।

১৬। নাইগ্ল=লাগিল, আরম্ভ হইল । ১৭। কেরমে কেরমে=ক্রমে ক্রমে

১৮। আঘাতে জোঙ্গল=যে আগাছার জঙ্গল কাটিয়া শেষ করা যায় না ।

১৯। কাইনী=কাহিনী । ২০। অ্যাহন=এখন ।

পাঠান্তর :— \* তার পোরে ভাই মোনে হইল শুন শুন সবজন ।

† সুতানাড়ার দীঘির কথা বৈলব বিবোরণ ॥

+ - + এই দুই ছত্র সেনমহাশয়ের সম্পাদনায় নাই । = সম্পাদক

‘এই মরণকালে আমার মনে  
আর একডা বাঁজা হয় ॥  
হে-হে-হে ॥

পূৰ্ণ<sup>৩</sup> যদি কর রে বাবা  
পেরকাশ<sup>৪</sup> কইরা কমু<sup>৫</sup> ।\*  
আর ট্যাহার<sup>৬</sup> যদি মোমতা কর  
তা-অইলে আশা ছাইড়া দিগু ॥<sup>৭</sup>  
হে-হে-হে ॥

রাজা কইল, ‘কেন গো মাতা,  
ট্যাহা-কড়ির নাইঙ্কা<sup>৮</sup> ভয় ।  
তোমার নিগা<sup>৯</sup> কইরতে পারি  
আমার রাজ-রাজ্জি ক্ষয় ॥<sup>১০</sup>  
হে-হে-হে ॥

মাও কইল, ‘বুইজা দেইখা  
শাসে<sup>১১</sup> দিও না মোরে ভোগা<sup>১২</sup> ।  
কথা কইয়া না কইরলে বাপ,  
তোমাগো<sup>১৩</sup> দোজকে<sup>১৪</sup> হইব জাগা<sup>১৫</sup> ॥’  
হে-হে-হে ॥

- ৩। পূৰ্ণ=পূর্ণ। ৪। পেরকাশ=প্রকাশ। ৫। কমু=কঠিন।  
৬। ট্যাহা=টাকা। ৭। নাইঙ্কা=নাইক, নাই।  
৮। নিগা=লাগিয়া, জ্ঞা। ৯। ভোগা - দাশা, দাঁকি।  
১০। শাসে=শেষে। ১১। তোমাগো=তোমাদেব।  
১২। দোজকে=নরকে। ১৩। জাগা=স্থান, জায়গা।  
পাঠান্তর :- \* পূর্ণি যদি কর বাবা প্রেয়াশ কইরা বলমু ত’  
† ট্যাহার যদি মোমতা কর তা অইলে কমু না ॥  
‡ ‘--পারি রাজ্জি খয়।

রাজা ভগদত্ত কইল, 'মাও গো,  
 পিরতিজ্ঞা<sup>১৪</sup> কইরা কই।  
 তোমার কথা না রাইখা যে  
 আমার অন্ত কায্য নাই ॥'  
 হে-হে-হে ॥

তহন মাও কইল, 'শুন রে বাবা,  
 সূতা কাইট্যাছি এক নাড়া<sup>১৫</sup>।  
 চরকার-থনে<sup>১৬</sup> তুইলা আইয়া  
 কাডিত<sup>১৭</sup> থুইছি ভইরা ॥৭  
 হে-হে-হে ॥

সেই যে সূতার সোমান সোমান  
 দীঘি কাইডা<sup>১৮</sup> দিবা রে বাপ ॥৮  
 তেই<sup>১৯</sup> সে বুঝি রাজার বেটা  
 ঘুচাইলি মনের তাপ ॥'  
 হে-হে-হে ॥

এইনা কথা শুইয়া রাজা  
 সূতা লইল নিজের হাতে ॥\*  
 মুন্সিগরে<sup>২০</sup> শুকুম দিল,  
 'নেও চল আমার সাথে ॥'  
 হে-হে-হে ॥

- ১৪। পিরতিজ্ঞা=প্রতিজ্ঞা। ১৫। নাড়া=নড়া, নাছি, লাছি, গোছা।  
 ১৬। থনে=হইতে। ১৭। কাডিত=কাটিতে। ১৮। কাইডা=কাটিয়া।  
 ১৯। তেই=তবে। ২০। মুন্সি - বিদ্বান কর্মচারী।

পাঠান্তর :- ৭ চরকা গোণে তুইলা আইনা কাটিতে থুইচি ভইরা ॥ (এই  
 চরকা, গোণে' শব্দের অর্থে সেন মহাশয় করেন নাই।—সম্পাদক)।  
 ৮ সেই যে সূতার সোমান সোমান দীঘি কাইটা দিবারে বাপ।  
 \* এই কথা শুনিয়া রাজা শুনিয়া লইল নিজের হাতে।

কুণায়<sup>১১</sup> গাইড়ল<sup>১২</sup> একডা খোটা

দীঘির জাগা ঠিক কইরা ।

তারই মধ্যে বাইক্ল রাজা

সুতার মাথা ধইরা ॥

হে-হে-হে ॥

ধীরে ধীরে ছাইড়া সুতা

রাজা ভগদত্ত যায় চইলা ।

সুতা ছাইড়তেই নাইগ্ল<sup>১৩</sup> রাজার

ভাই রে,—দোণ্ড চাইরেক বেলা ॥

হে-হে-হে ॥

মুনসিরা কয়, 'রাজা মশয়,

কথা কইতে নাগে ভয় ।\*

এইনা দীঘি খুইদতে<sup>১৪</sup> হইলে

রাইজ্য হইব ক্ষয় ॥†

হে-হে-হে ॥

রাজা কইল, 'মায়ের লুকুম,

আমি পিরতিজ্ঞা কইরাছি যা ।

রাজত্ব আর পরাণ গেলেও

করমু আমি তা ॥'

হে-হে-হে ॥

১১। কুণায় = কোণে । ১২। গাইড়ল = পুতিল ।

১৩। নাইগ্ল = লাগিল । ১৪। খুইদতে = খনন করিতে ।

পাঠান্তর :—\* মুনসিরা কয় রাজামশয় কথা বইলাতে হয় যে ভয় ।

† এই দীঘি কাটিতে তৈলে রাজা হবো ক্ষয় ॥

জাঙ্গালে জাঙ্গালে<sup>২৫</sup> আইল লোক  
 লয়া কুদাল টুপ্‌রি<sup>২৬</sup> যত ।<sup>‡</sup>  
 মাডি<sup>২৭</sup> চইল মাথায় চইড়া  
 টুপ্‌রি শত শত ॥

হে-হে-হে ॥

জুয়ানে মারে মস্ত কুদাল  
 কুঁইয়া<sup>২৮</sup> কাডে মাডি ।  
 নিষ্পি<sup>২৯</sup> মারে ছোট কুদাল  
 তাগোর মুখেই মালশাটি<sup>৩০</sup> ॥

হে-হে-হে ॥

দীঘির কাছে আর এক জাগাত্<sup>৩১</sup>  
 আছিল বাইজা<sup>৩২</sup> ফুটিক্<sup>৩৩</sup>পানি\* ।  
 সেই পানিত্ কুদাল ধোয় যে  
 জোনের<sup>৩৪</sup> নাইগ্লে জিরানি<sup>৩৫</sup> ॥

হে-হে-হে ॥

পির্‌তি<sup>৩৬</sup> জোনে এক কোপ মাডি  
 তুইলা ফালায় পির্‌তি দিন ।

- ২৫ । জাঙ্গালে=সারিবদ্ধ দলে । ২৬ । টুপরি=ঝুড়ি ।  
 ২৭ । মাডি=মাটি । ২৮ । কুঁইয়া=বিক্রয় প্রকাশ করিয়া ।  
 ২৯ । নিষ্পি=দুর্বল, হীন । ৩০ । মালশাটি--বাহাদুরী  
 ৩১ । জাগাত্=ছায়গায় । ৩২ । বাইজা=বাদিয়া ।  
 ৩৩ । ফুটিক=কিছু, অল্প কিছু । ৩৪ । জোনের=শ্রমিকদের ।  
 ৩৫ । নাইগ্লে জিরানি=বিশ্রামের সময় হইলে, ছুটি হইলে ।  
 ৩৬ । পিরতি=প্রত্যেক ।

পাঠান্তর :—‡ জাঙ্গালে জাঙ্গালে আইল কোদাল লইয়া লোক যত

\* দীঘির কাছে আর এক জাগায় বাইজা **আছাল** পুটি পানি ।

কুদাল ধুইতে হয়্যাগেল ভাই,  
এই রহম<sup>৩৭</sup> আর দুই চিন্<sup>৩৮</sup> ॥\*

হে-হে-হে ॥

বড়ো কুদাইলা ছোডো কুদাইলা  
নাম হইল সেই কারণ ।

পয়সা ছাড়া দুই পুঙ্খণী  
রাজার হইল যে তহন<sup>৩৯</sup> ॥

হে-হে-হে ॥

সুতানাড়ার দীঘি রে ভাই,  
দেখ্তে নাগে<sup>৪০</sup> চোমৎকার ।

এপাড়থনে<sup>৪১</sup> নজর চলে না  
কি আছে ওপাড় ॥†

হে-হে-হে ॥

ফটিকের<sup>৪২</sup> মত পানি ফুটি<sup>৪৩</sup>  
তার মধ্যে গন্তীরা<sup>৪৪</sup> ।

৩৭ । রহম = বকম । ৩৮ । চিন্ = চিহ্ন ।

৩৯ । তহন = তগন ।

৪০ । নাগে = লাগে ।

৪১ । এপাড়থনে = এই পাড়ি তইতে ।

৪২ । ফটিকের = স্ফটিকের ।

৪৩ । পানি ফুটি = জলটি ।

৪৪ । গন্তীরা = গহীন নির্মল ।

পাঠান্তর :— \* কোদাল ধুইতে হয়্যা গেল এই রহমের চিন ॥

† এ্যাপার গৌনে নজর চলে না কচ্ছে যে ওপার



মামুষ গরু পোখ্-পাখালি‡

পানি খাইয়া যায় ফিরিয়া ॥

হে-হে-হে ॥

কীর্তি থুয়া মইর্যা গেছে

রাজা ভগদত্তের মাও ।

পরে দিনে দিনে জোঙ্গলা হইল

এখন পায় না বাতাস বাও ॥

হে-হে-হে ॥

রাজা গেছে পেরজা গেছে

গেছে রে ভাই, ঠাট্-ঠমক্ ।

উজাড় ভিড়া<sup>৪৫</sup> পইড়া রইছে

এ্যাহন<sup>৪৬</sup> শিয়ালের বৈঠক ॥

হে-হে হে ॥

গাড়া<sup>৪৭</sup> রইছে দালান-কোটা

মাল-বেসতি<sup>৪৮</sup> কত যে ভাই ।

লোকে কয় বজ্জ মাল সে

মাল বেসতির লেহা-জোহা<sup>৪৯</sup> নাই ॥

হে-হে-হে ॥

৪৫ । উজাড় ভিড়া = জনশূন্য বাস্তুভিটা ।

৪৬ । এ্যাহন = এখন । ৪৭ । গাড়া = মাটিতে পৌতা ।

৪৮ । মাল বেসতি = ধনসম্পদ ।

৪৯ । লেহা জোহা = লেখা জোখা ।

পাঠান্তর :—

‡ ‘—পোক পাকালী—’ ॥ ( ইহার অর্থ সেন মহাশয় দেন নাই । পোক-পাকালি শব্দের পশ্চিমবঙ্গীয় প্রতিশব্দ—‘পোকা-মাকড়’ ।—সম্পাদক ) ।

কতজোনে দেইখ্যাছে রে ভাই,  
কতজোনে মাল নিছে ।  
কতজোনে আবার মাডি খুইয়া<sup>৫০</sup>  
কেবল জিহ্বা চট্কাইছে<sup>৫১</sup> ॥  
হে-হে-হে ॥

বারো তীর্থের কবিতা রে ভাই  
সাজ হইল এইখানে ।  
এই কবিতার জন্ম হইল  
বারো'শো আশী সোনে ॥  
হে-হে-হে ॥

বাসুইর্গার<sup>৫২</sup> সজ্জবয়াতী ধূয়া বাইক্ষ্যা গান করে ।  
রহম কর ছুনিয়ার মালিক আল্লা আল্লা বল রে ॥  
আল্লা আল্লা আল্লা ॥

৫০ । খুইয়া = খনন করিয়া ।

৫১ । জিহ্বা চট্কাইছে = হতাশায় জিহ্বা দ্বারা চক্ চক শব্দ করিয়াছে ।

৫২ । বাসুইর্গা = গ্রামের নাম ।

### পালা সমাপ্ত

প্রাচীন পূর্ববঙ্গ গীতিকা পঞ্চম খণ্ড সমাপ্ত ।